

იოსებ ომაძე

გაქცეული თითების
საოცარი თავგადასავალი

რომანი-ექსტრაგანცა

თბილისი, 2009 წ.

Copyright: იოსებ ომაძე, 2009 წ.
ISBN 978-9941-0-2158-9

სარჩევი

| | |
|--|----|
| კარი I. შესავალი. საოცარი მწერალი – სიგიზმუნდ კრეიჟანოესკი. რამ დამაწერინა ეს წიგნი? (Introduzione , შესავალი) | 2 |
| კარი II. გამომცემლობა "ყვარყვარუკა თუთაბერიძე და კომპანიის" სარედაქციო საბჭოს დასკვნა (Vocalizzo a tre voci. Patimente , ვოკალიზი სამი ხმისთვის. ტანჯვის გამოხატვით) | 3 |
| კარი III. თითები კამერული მუსიკის კონცერტიდან გარბიან (Allegro con brio, alla zoppa , სწრაფად და ცოცხლად, ბორძიკ-ბორძიკით) | 4 |
| კარი IV. მშვენიერი სასახლე და ბედნიერი ბატონი პრეზიდენტი (Lieto , მხიარულად) | 8 |
| კარი V. ბატონი პრეზიდენტი საიდუმლო თათბირს ატარებს! (Con austeria barbaro , ველური უხეშობით) | 21 |
| კარი VI. ბნელი ღამე, თანაც წვიმიანი, ყველაზე მოსახერხებელი დროა ბნელი საქმისთვის (Aspramente , მკაცრად, პირქუშად) | 30 |
| კარი VII. ვაჰ, დრონი, დრონი! (Marcia funebre , სამგლოვიარო მარში) | 40 |
| კარი VIII. ქორწილია, ქორწილი! (Epitalamio , საქორწილო სიმღერა) | 47 |
| კარი IX. რას ერჩი საკუთარ თავს, შე უბედურო?! (Con amarezza , მწუხარებით); მოსმენები და დასმენები (Con collera , ბრაზიანად, სასტიკად); დაჭერები (Ansioso , მღელვარებით, შფოთით) | 53 |
| კარი X. ციხეში მხიარულად ვატარებთ დროს! (Confusamente , შეშფოთებით) | 57 |
| კარი XI. გზაგასაყარი: "რა გზას დავადგეთ?" (Esitando , გაუბედავად, მერყევად); ახალგაზრდული ბანაკი "კათხა ლუდი" (Alla pulcinella , კარიკატურულად, გაშარჟებით) | 64 |
| კარი XII. სოფლური იდილია (Pastorale); ყანა და ბაღი რაღამ მოაწვინა?.. (Con lenezza , წყნარად, რბილად, ნაზად) | 75 |
| კარი XIII. თითებმა ფათერაკებით გადაიარეს ქედი... (Con fiacchezza , უილაჯოდ, დაღლილად); რა კარგია მდინარეში ჭყუმპალაობა! (Mezzo-legato , მსუბუქად, გადაბმულად) | 83 |
| კარი XIV. ქარბორბალა. თითების საჰაერო მოგზაურობა (Allegro furioso , სწრაფად და გაშმაგებით); თითებმა ტყეში ტყაპანი მოაღინეს... (Frettando, in giu , აჩქარებით, დაღმავალი მოძრაობა) | 87 |
| კარი XV. მრავალჭირნახადი თითები ახლებურად უკრავენ... (Alla testa , დაბრუნება სათავესთან) | 95 |

კარი I.
შესავალი. საოცარი მწერალი – სიგიზმუნდ კრეიჭანოვსკი.
რამ დამაწერინა ეს წიგნი? (Introduzione, შესავალი)

კარგი მწერლები ამქვეყნად ძალიან ბევრია, მრავლადაა ძალიან კარგი მწერლებიც, აი, საოცარი მწერლები კი – შედარებით ცოტაა. სწორედ საოცარ მწერალთა რიცხვს მიეკუთვნება სიგიზმუნდ კრეიჭანოვსკი. იგი მხოლოდ საოცარი მწერალი კი არა, საოცარი პიროვნებაც იყო და მისი ცხოვრებისეული გზაც საოცარი გამოდგა, ასევე, არანაკლებ გასაოცარი – მისი წიგნების ბედიც...

სიგიზმუნდ კრეიჭანოვსკი, ტომით – პოლონელი, გახლდათ გამორჩეული ნიჭითა და უსაზღვრო ფანტაზიით დაჯილდოებული შესანიშნავი რუსი მწერალი (დაიბადა კიევში, 1887 წელს, გარდაიცვალა მოსკოვში, 1950 წელს), – სამწუხაროდ, სხვადასხვა გარემოებათა გამო, მრავალი ათწლეულის განმავლობაში ფართო საზოგადოებრიობისთვის სრულიად უცნობი და ამ ბოლო დროსაც კი – ნაკლებად ცნობილი. იგი იყო ფრიად ნაყოფიერად მომუშავე შემოქმედი (აგრეთვე, ახასიათებდა უნიკალური, უნივერსალურად ფართო განათლება – ფიზიკიდან და ფილოსოფიიდან დაწყებული, ხელოვნების ყველა დარგით დამთავრებული; იცოდა ათამდე უცხო ენა): დაწერილი აქვს ლექსები, ასზე მეტი დიდი და მცირე მოთხრობა, ექვსი პიესა, ოთხი კინოფილმის სცენარი (მათ შორის სახელგანთქმული ფილმებისა: “წმინდა იორგენის დღესასწაული” და “ახალი გულივერი”), ლიბრეტო ოპერისთვის “სუვოროვი” (მუსიკა გამორჩეულად უყვარდა), ძალიან საინტერესო და ღრმა შინაარსის მხატვრული ნარკვევები, ლიტერატურათმცოდნეობითი, თეატრმცოდნეობითი, მუსიკათმცოდნეობითი და სხვა წერილები... სიგიზმუნდ კრეიჭანოვსკის პროზა ხასიათდება სრულიად გამორჩეული ბრწყინვალე სტილით, ირონიულობით, ფანტასმაგორიულობით, ფილოსოფიურობით... მწერალი სულ სიღუბეში ცხოვრობდა და XX საუკუნის ოცდაათიან წლებში მხოლოდ იმიტომ გადაურჩა საბჭოთა კავშირში მიმდინარე მიმდინარე რეპრესიებსა და, შესაძლოა, ფიზიკურ განადგურებასაც, რომ, როგორც მისი შემოქმედების პირველი მკვლევარი და წიგნების პირველი გამომცემელი ვადიმ პერელმუტერი ამბობს, მწერალი არ გამოირჩეოდა საზოგადოებრივი აქტივობით, მუდამ ჩრდილში ყოფნას ამჯობინებდა. სიგიზმუნდ კრეიჭანოვსკის შემოქმედება “სოციალისტური რეალიზმის” პროკრუსტეს სარეცელში ვერ ეტეოდა და ამის გამო, ევროპული დონის მწერალი, როგორც მას ბევრნი უწოდებდნენ, სიცოცხლეში მხოლოდ რამდენიმე მოთხრობის დაბეჭდვას ედირსა. მხოლოდ მწერლის გარდაცვალებიდან თითქმის ოთხი ათეული წლის შემდეგ(!), ვადიმ პერელმუტერის დიდი ძალისხმევით, 1989 წელს მოხერხდა მისი პროზის პირველი კრებულის დაბეჭდვა, შემდეგ კი – კიდევ რამდენიმესი, რომლებშიც შევიდა დიდი შემოქმედებითი ნაღვაწის მხოლოდ ნაწილი. არადა, სიგიზმუნდ კრეიჭანოვსკი ღირსია იმისა, რომ გამოიცეს მისი ნაწერების სრული კორპუსი.

როცა ვკითხულობ რაიმე ნაწარმოებს, ხშირად ასეთი ფიქრი წამომივლის ხოლმე (განსაკუთრებით, თუ მომწონს): “მე კი შევძლებდი ამის და ასე, ამ დონეზე გაკეთებას? იქნებ სხვანაირად ჯობდეს?”. ამან მიბიძგა და დავეწერე რამდენიმე მოთხრობა და ზღაპარი სხვათა ნაწარმოებების წაკითხვის გავლენით, რასაკვირველია, ჩემი გემოვნებისა და შესაძლებლობების კვალობაზე, როცა მომეჩვენა, რომ სხვანაირადაც შეიძლებოდა თქმა, სხვა “რაკურსით”, ან თუ, ჩემი შეხედულებით, თემის ყველა რესურსი არ იყო ამოწურული. როცა გავეცანი სიგიზმუნდ კრეიჭანოვსკის მოთხრობას “გაქცეული თითები”, მომხიბლა ავტორის უჩვეულო ფანტაზიამ, მაგრამ, მეორეს მხრივ, ერთგვარი დაუკმაყოფილობის გრძნობაც გამიჩნდა: მივიჩნიე, რომ თითების მოგზაურობის ბოლოს რაღაც ძირფესვიანად უნდა შეცვლილიყო მათ “მსოფლმხედველობაში”, გარემოსადმი და საკუთარი შემოქმედებისადმი დამოკიდებულებაში – უნდა “დაბრძენებულიყვნენ”... გამიჩნდა სურვილი, “შეეჯიბრებოდი” ავტორს, ჩემებურად მომეთხრო ეს ამბავი – სულ სხვანაირად (სიგიზმუნდ კრეიჭანოვსკისთვისაც, როგორც ვადიმ პერელმუტერი აღნიშნავს, დამახასიათებელი იყო სხვათა ნაწარმოებებიდან რემინისცენციები, სესხება, “გარიაციები თემაზე”, ფარული ციტატები...). ასეთი განწყობის შედეგად 1993 წელს დავეწერე ზღაპარი “გაქცეული თითები” – ფანტაზია სიგიზმუნდ კრეიჭანოვსკის თემის მიხედვით; ოღონდ გაქცეულ მარჯვენა ხელის მტევანს მარცხენა ხელის მტევანიც დავეუწყვილე, მასაც მივანიჭე თავისუფლება, რათა მოგზაურობა უფრო სახალისო ყოფილიყო (ეს ნაწარმოები შესულია ჩემს წიგნში: “ბედნიერი ფამფალეთი და სხვა ზღაპრები”, თბილისი, 1998 წ.). მაშინაც მიმაჩნდა, რომ ამ თემის “რესურსი” ისევ არ იყო ჩემს მიერ ამოწურული, უფრო ფართო ტილოს იმსახურებდა. და აი, თექვსმეტი წლის შემდეგ დავუბრუნდი ამ ჩანაფიქრს... ამასთანავე, ჩემებურად გავიაზრე სიგიზმუნდ კრეიჭანოვსკის მეორე მოთხრობის – “ბოლისფერი ბოკალის” – თემაც; რამდენად ბუნებრივად ჩავრთე იგი რომანის მოქმედების მდინარებაში – მკითხველმა განსაჯოს.

ჩემი წინა წიგნის – “მაგიდის რომანის” – შესავალში რასაც ვწერდი, ახლაც გავიმეორებ: რა გამოძიება ჩემი ჯახირის შემდეგ, თვითონაც არ ვიცი, მაგრამ მიმზიდველია თვით შეთხზვის პროცესი – ეს არის საოცარი მოგზაურობა ჯერაც შეუცნობელ სივრცესა და დროში, ახალ გარემოსთან და გარემოებებთან, ახალ ხალხთან, მოგონილ პერსონაჟებთან შეხვედრა; რომანის დაწერა – ეს არის მომხიბლავი ავანტიურა!

ამჯერად დავძენ: ცნობილია, მკითხველის განსაკუთრებული სიყვარულით სარგებლობს და, “ილიადასა” და ოდისეადან” მოყოლებული, დღემდე ყველაზე “გამძლე” და “გაუხუნარია”, კლასიკად არის ქცეული, თავგადასავლების ამსახველი წიგნები – მოგზაურობისა დროში, სივრცეში, წარმოსახვის სამყაროში და ასე შემდეგ. ვერ დაგპირდებით, რომ მკითხველის ყველა მაღალ მოთხოვნილებას დავაკმაყოფილებ, მაგრამ მაინც ვბედავ და აჰა! გთავაზობთ ჩემს მიერ მოთხრობილ თითების არცთუ ჩვეულებრივ თავგადასავალს! და კიდევ: რომანის ყოველი კარის სათაურს დავურთე იტალიური სამუსიკო ტერმინები, რომლებიც მიანიშნებენ მოქმედების ტემპს, ხასიათს თუ განწყობას (შეგიძლიათ, ეს ჩემს ახირებად ჩათვალოთ – მუსიკალურ-ლირიკულ-გროტესკული რომანი მინდოდა დამეწერა!) – მოხეტიალე თითები მუსიკოსები არიან და ყოველივე ნანახ-განცდილს მუსიკოსების თვალთ ალიქვამენ და აფასებენ...

რა არის ჩემთვის მუსიკა? ამის შესახებ მთელი ტრაქტატის დაწერა შემიძლია... სამწუხაროდ, ჩემი ცხოვრება ისე აეწყო, რომ ელემენტარული სამუსიკო განათლებაც არ მიმიღია, მუსიკის სიყვარული კი უდიდესი მაქვს – ერთი დღეც ვერ წარმომიდგენია მუსიკის მოსმენის გარეშე! ყოველგვარი მუსიკა მიზიდავს: ხალხური (რა თქმა უნდა, უპირველესად – ქართული, ასევე, განსაკუთრებით – რუმინული და უნგრული, ბევრი სხვაც), სიმფონიური (ჩემი ღმერთია – დიდი ლუდვიგი!), კამერული, ოპერა, ოპერეტა, საესტრადო მუსიკის ნაირგვარი სახეობები; განსაკუთრებული სიყვარული მაქვს ტრადიციული ჯაზის მიმართ... ჩემი ბიუჯეტის მნიშვნელოვანი ნაწილი, წიგნებთან ერთად, გრამოფონის ფირფიტების შეძენას ხმარდებოდა (ახლა – კომპაქტ-დისკებისა), რაიც ოჯახის წევრთა უკმაყოფილებას იწვევდა (ახლაც იწვევს)...

სულ ღიმილ-ღიმილით, ზოგჯერ – ტკივილიანი განცდებით აღსავსეც, ვწერდი ამ სალადობო რომანს და თუ მკითხველიც, ასევე, ღიმილ-ღიმილით წაიკითხავს და მცირეოდენ სიხალისეს შეგმატებ ამ ჩვენს არცთუ დალაგებულ და დაღვინებულ ცხოვრებაში და, იმედი მაქვს, ცოტას დავაფიქრებ კიდევ, – ჩემი ამოცანა შესრულებული იქნება.

კარი II.

გამომცემლობა” ყვარყვარუკა თუთაბერიძე და კომპანიის” სარედაქციო საბჭოს დასკვნა (Vocalizzo a tre voci. Patimente, ვოკალიზი სამი ხმისთვის. ტანჯვის გამოხატვით)

2009 წლის 19 სექტემბერს გამომცემლობის “ყვარყვარუკა თუთაბერიძე და კომპანიის” სარედაქციო საბჭოში შემოვიდა მოქალაქის, ვინმე პეპინო გუერადის (ქვემოთ მოიხსენიება, როგორც “ავტორი”) რომანის “გაქცეული თითების საოცარი თავგადასავალი” ხელნაწერის კომპიუტრის პრინტერზე ამობეჭდილი 3 ეგზემპლარი; რომანი შეიცავს A-4 ფორმატის ფურცლის 94 ნაბეჭდ გვერდს, დაბეჭდილია “აკადემიური ნუსხურის” შრიფტით, ფონტის ზომა 10. ავტორის დაჟინებული მოთხოვნის თანახმად, სარედაქციო საბჭო იძულებულია, გასცეს გამომცემლობის სარედაქციო საბჭოს უარყოფითი დასკვნის ოფიციალური წერილობითი დასაბუთება.

უპირველესად, აღსანიშნავია, რომ რომანი სრულიად მოკლებულია დამაჯერებლობას, მისი სიუჟეტი არარეალისტურია და არსებული სინამდვილის გაშარჟებული, ყოველგვარ ზომიერების გრძნობას მოკლებული წარმოსახვა სამართლიან აღშფოთებას იწვევს. დასაგმობია ავტორის მავნე სულისკვეთება: ყველაფერი წარმოაჩინოს მრუდე სარკეში – შემოიფარგლება ქილიკითა და მხოლოდ უარყოფითის ჩვენებით, ვერ ხედავს ჩვენს ცხოვრებაში ვერავითარ დადებით მხარეს, ვერ ამჩნევს პოზიტიურ ძვრებს ქვეყნის ცხოვრებაში: პოლიტიურ-ეკონომიკური სიტუაციის სტაბილიზაციას, განათლების და სასამართლოს სფეროების, პოლიციის, ჯარის, პროკურატურის ძირეულ რეორგანიზაციას, უამრავ ახალგაყვანილ გზას, აშენებულ შადრევნებსა და ატრაქციონებს, ელექტროენერჯის უწყვეტ მიწოდებას მოსახლეობისთვის, პენსიებისა და ხელფასების დაუბრკოლებლად, ვადაზე დაბრუნებას, ქვეყნის ეკონომიკური აღმავლობისთვის უცხოური ინვესტიციების განუხრეულ ზრდას, საგადასახადო კოდექსის ლიბერალიზაციას, გადასახადების შემცირების მზარდ ტენდენციას და ასე შემდეგ.

თვით თემა გაქცეული თითებისა, ავტორისავე აღიარებით, არ არის ორიგინალური – ნასესხებია სიგიზმუნდ კრუჟანისკის მოთხრობიდან “გაქცეული თითები” (რომლის მთელი შემოქმედებაც თა-

ვისთავად ლიტერატურის მაგისტრალურ გზას იყო აცდენილი და ეს მოთხრობა დაწერის დროსაც არ ესმინებოდა თანამედროვეობას, არ იყო აქტუალური). ავტორი ადრეც არის შემჩნეული მსგავს დანაშაულში – გამოცდილი პლაგიატორია; გამოჩენილ თუ ცნობილ მწერალთაგანაც კი არ ერიდება სიუჟეტის სესხებას და მათი რიცხვი არც ისე მცირეა: მარკ ტვენი, ო. ჰენრი, სტეპან პისახოვი, ანატოლ პოტიმკოვსკი, რევაზ მიშველაძე. ის ამ მხრივაც ბაძავს სიგიზმუნდ კრეიზანოვსკის, რომლისთვისაც დამახასიათებელია სხვათა თემების “სესხება”, ფარული ციტატები, რემინისცენციები და სხვა.

საუბარში ავტორმა განაცხადა, რომ წარმოდგენილი ნაწარმოები მისი მეცამეტე რომანია, რაშიც სრული საფუძველი გვაქვს, ეჭვი შევიტანოთ. გამომცემლობის სარედაქციო საბჭოს წევრთა ერთსულოვანი გადაწყვეტილებით, ავტორის სარეცენზიოდ წარმოდგენილ ზემოხსენებულ რომანს არ გააჩნია არავითარი ლიტერატურული და საზოგადოებრივ-პოლიტიკური ღირებულება და მას საგსებით სამართლიანად უარი ეთქვა ამ არა მხოლოდ უმწიფარი, არამედ, ასევე, მნიშვნელოვანწილად, მანე ნაწარმოების გამოქვეყნებაზე.

გამომცემლობა “ყვარყვარუკა თუთაბერიძე და კომპანიის” სარედაქციო საბჭოს თავმჯდომარე:

არისტოტელე თავწიწაკაძე (ხელმოწერა)

სარედაქციო საბჭოს წევრები:

სოკრატე თავნიორაძე (ხელმოწერა)

პლატონ თავხახვაძე (ხელმოწერა)

2009 წლის 21 დეკემბერი.

კარი III.

თითები კამერული მუსიკის კონცერტიდან გარბიან
(Allegro con brio, alla zoppa,
სწრაფად და ცოცხლად, ბორძიკ-ბორძიკით)

თავდაპირველად ჩვეულებრივი ცხოვრებისეული ამბების მდინარეა გაკვალულ კალაპოტში მიედინებოდა, როგორც წესი და რიგია, და კაციშვილი ვერ იფიქრებდა, რომ შემდგომ, სრულიად მოულოდნელად, ყველაფერი განსაცვიფრებელი, უცნაური გზებით განაგრძობდა შემდგომ სვლას – წარმოუდგენელი მოვლენები დატრიალდებოდა და მე კი ბედნიერი შესაძლებლობა მომეცემოდა, რომ ისინი თქვენთვის მომეთხრო.

გრძელ ამბავს ვიწყებ იმით, რომ, ერთ მშვენიერ საღამოს, სახელგანთქმულმა ვირტუოზმა, პიანისტმა დიტმარ დომინორაულმა, თავისი სოლო კონცერტის დაწყების წინ, ხელის მტევენები რამდენიმე წუთით ჩაყო საკონცერტო დარბაზის კულისებში საგანგებოდ მისთვის დადგმულ თბილწყლიან ტაშტში; სახსრები კარგად დაირბილა, ხელის მტევენები მომუჭა და გაშალა, მომუჭა და გაშალა, გაახურა-გააგარჯიშა, შემდეგ თითები საგულდაგულოდ გაიმშრალა ფუმფულა პირსახოცით, რამდენჯერმე ღრმად ჩაისუნთქა-ამოისუნთქა და პიანოფორტეს მიაშურა.

სცენაზე სახელგანთქმული ხელოვანის გამოჩენას დიდებულ, უზარმაზარი მდიდრული ჭადიოთ გაჩირადდნებულ საკონცერტო დარბაზში შეკრებილი არცთუ მრავალრიცხოვანი მაყურებელი ტაშით შესვდა.

დიტმარმა დარბაზს თავი დაუკრა და, მსმენელთა ყურადღებით განებივრებულის თავდაჯერებით, მოკალათდა სკამზე. ფრაკის კალთები ოდნავ შექანდა და გაჩერდა, წუთით გაირინდა პიანისტიც, შემდეგ მკვეთრად, ბიძგით შეახო კლავიშებს ორივე ხელის გრძელი თითები...

დარბაზს მოეფინა პოპულარული რომანტიკული საპიანოფორტე ციკლის პირველი პიესის მსმენელთა უმრავლესობისთვის კარგად ნაცნობი ჰანგები.

დიტმარ დომინორაული, როგორც პროფესიონალებისთვის, ისე მუსიკის მოყვარულთათვის, ცნობილი იყო როგორც უპირატესად ვირტუოზული საპიანოფორტე პიესების უბადლო შემსრულებელი, ამჯერად კი მან განიზრახა, სხვა ხასიათის ნაწარმოების შესრულებით დაემტკიცებინა თავისი მრავალმხრივობა.

მარჯვენა მტევნის თითები მკვირცხლად დარბოდნენ კლავიატურაზე, მარცხენასი კი ნელ, “მოქა-
ნავე” აკომპანემენტს აყოლებდნენ, ხან კი – აბობოქრდებოდნენ და გუგუნს დააყენებდნენ დარბაზში.
ლიტმარ დომინორაულის სახე გაქვავებულს ჰგავდა – უემოციო, უმეტყველო, გაყინული სახით გაჯ-
გიმული იჯდა, მხოლოდ რიტულად ოდნავ ირწვოდა წინ და უკან, წინ და უკან, თითები კი შეუჩე-
რებლად დაჰქროდნენ, ხანდახან კი შლეგიანებივით დახტოდნენ.

ჭეშმარიტ მელომანებს, რომელთაც სახელგანთქმული კომპოზიტორის ერთ-ერთი შესანიშნავი
ქმნილების მოსმენა სწყუროდათ, ლიტმარ დომინორაულის ოსტატობა საკმაოდ ცივი, ლირიკული
ემოციური მუხტისგან დაცლილი მოეჩვენათ – შიშველი, ფუჭი ვირტუოზულობა აშკარად სჯაბნიდა
ყველა სხვა კომპონენტს საშემსრულებლო ხელოვნებისა... “უფრო ხელოსანია, ვიდრე – ხელოვანი!”
– ასეთი შთაბეჭდილება შეექმნათ მსმენელებს. სად იყო კომპოზიტორის მიერ შექმნილ მუსიკაში ნა-
ტიფად ჩაქსოვილი მღელვარე, მშფოთვარე სული; სად დაიკარგა ცინცხალი და ჩამქრალი ფერების
მონაცვლეობა, შუქი და ჩრდილი? სად გაქრა მოულოდნელობა, მჭმუნვარება და ირონია? სად იყო
სიმღერა – ხან ტკივილიანი, ხან სინაზით აღსავსე, – სად აორთქლდა ჭეშმარიტი მუსიკა? თითქოს
თოჯინა განსაცვიფრებელი მექანიკური სიმარჯვით ცოცხლად უკაკუნებდა კლავიშებზე, არაფერი
შეეშლებოდა – არც ტემპი, არც რიტმი, მელოდიურ ნახატსაც მოწაფის სიბეჯითით ზუსტად მიჰყე-
ბოდა, მაგრამ ეს იყო ზედაპირული, ფუყე ოსტატობა პიანისტისა, რომელმაც გადმოფრქვეული ბგე-
რების ნიაღვრით ვერ აიყოლია და ვერ აატოკა ნამდვილ დამფასებელთა მგრძობიარე სულის სიმე-
ბი.

როგორც ითქვა, აქამდე ლიტმარ დომინორაულმა სახელი მოიხვეჭა ვირტუოზული საპიანოფორ-
ტე პიესების შესანიშნავი შესრულებით – მისთვის არ არსებობდა დაუძლეველი ტექნიკური სირთუ-
ლებები, კარგად გადმოსცემდა ცეცხლოვან გუნებას, მშვენივრად გამოუდიოდა დინამიკური წინ
ლტოლვა, თავბრუდამხვევი მოელვარე პასაჟები, ამჯერად კი, სრულიად განსხვავებული ყაიდის ნა-
წარმოების შესრულებისას, წარმატებას ვერ აღწევდა: რომანტიკული წვა, გრძობების სინატიფე და
მრავალფეროვნება, სამწუხაროდ, მის დაკვრაში ნაკლებად იგრძნობოდა. რა თქმა უნდა, ვირტუოზუ-
ლობა და რომანტიკულობა არ გამორიცხავენ ერთმანეთს, მაგრამ მათი ორგანულ მთლიანობაში
მოქცევა შემსრულებლისგან განსაკუთრებულ ნიჭს მოითხოვს...

და მოულოდნელად ლიტმარ დომინორაულის მარჯვენა ნატიფი, მოვლილი ხელი მოუსვენრობამ
შეიპყრო, დაუქმაცოფილებლობის დაუოკებელმა ჟინმა აიტანა – მისი მბორგავი, თითქოს უხილავი
არტახებით შებოჭილი, მშფოთვარე სული აჯანყდა, აიფოფრა, გადმოდუღდა და თვითკმაცოფილების
ნაპირი გადმოლახა: თითებმა სწრაფი არპეჯირებით გადაიბრინეს კლავიშებზე მეოთხე ოქტავა, უკი-
დურესი მარჯვენა კლავიშის – მეხუთე ოქტავის do-ს – ჩატყაპუნების შემდეგ, ხელის მტევანმა გა-
ნაგრძო სვლა, ნახტომით გადაეგლო პიანოფორტეს მარჯვენა კიდეს, უეცრად მოწყდა პატრონის
ხელს და ესტრადის ხის იატაკზე ისკუპა – კატასავით რბილად, თითებით დაეშვა...

დახტა და, სრული თავისუფლების მოპოვების გრძობით აღვსილმა და სიხარულით ფრთაშეს-
ხმულმა, უკან მოუხედავად მოჰქურცხლა!

ამ ჯანყის დროს მარჯვენა ხელი კი ექაჩებოდა თავისსავე მტევანს: "ეი, ვერან, რა ბზიკმა გიკ-
ბინა, საით გაუტიეო", მაგრამ გაურჩებულმა თითებმა მაინც თავისი გაიტანეს!

მარცხენა ხელის თითები ერთხანს ინერციით აგრძელებდნენ დაკვრას, შემდეგ გაჩერდნენ – მიხ-
ვდნენ, რომ მარტონი უკაკუნებდნენ... მარჯვენა ხელის თითებს ზოგჯერ მარტოს კი უწევდათ დაკ-
ვრა მარცხენა ხელის თითების გარეშე, ასევე, მარცხენა თითებსაც ეულად დაკვრა – ბევრად იშვია-
თად, მაგრამ ახლა, ნაწარმოების ამ ნაწილის შესრულებისას, ასეთი რამ არ იყო გათვალისწინებუ-
ლი – შეხმატკბილებულად, ერთად უნდა ემოქმედათ...

რა მოხდა?

თურმე, მისი უფროსი ძმა, მარჯვენა ხელის მტევანი, გაქცეულა! და გაჩერებასაც არ აპირებს:
რაც შეუძლია, სწრაფად გარბის და გარბის, უკან მოუხედავად გარბის და გარბის!..

მარცხენა ხელის მტევანსაც დიდხანს აღარ უფიქრია და მანაც მიბაძა უფროს ძმას: მარცხნივ
კლავიატურის კიდემდე სწრაფად გაუტია, გადაიარა სუბკონტროქტავის si, la; შემდეგ მარჯვედ გა-
დაახტა პიანოფორტეს კიდეს (ამჯერად – მარცხენას), ისიც მოწყდა პიანისტის ხელს, კოხტად ჩახ-
ტა იატაკის კრიალა პარკეტზე და მკვირცხლად გაეკიდა მარჯვენა ხელის მტევანს, თან დაუძახა:
“მოიცა, მეც მოვდივარ!”.

ძმები სცენიდან ჯერ დარბაზში ჩახტნენ და მოუსვენს ბაყაყური გასასვლელისკენ სკამებს შორის
გაფენილ ხავერდოვან, გრძელ ხალიჩაზე – წინ მარჯვენა ხელის მტევანი ობობასავით ბობღვით მი-
იწრაფოდა, მას უკან მიჰყვებოდა მარცხენა.

ცხადია, პიანოფორტე დადუმდა, მომხდართ გაოგნებული ლიტმარ დომინორაული ენაგადაყლა-
პული იჯდა, საღაცაა გრძობა წაერთმეოდა; სამაგიეროდ, მაყურებელთა დარბაზი მოიცვა ჟრია-
მულმა, აქა-იქ უკმაცოფილთა სტვენაც გაისმა. ვინც აქამდე, სასიამოვნო საღამოს გატარების მო-
ლოდინით გულაცრუებული, თვლემდა, ახლა თვალები დააჭყიტა – რა მოხდაო, კითხულობდნენ,

რატომ აღარ უკრავს პიანისტიო. წინა რიგებში მსხდომ მსმენელთა ნაწილმა პიანისტის ხელების მტევანთა ფრიად უცნაური გაქცევა შეამჩნია და, დიდად განცვიფრებულები, პირდაღებულნი, ერთმანეთს შეჰყურებდნენ. მიმჩნია, რომ მათი მხრიდან უპირინი იქნებოდა, გაქცეულებისთვის ტაში დაეკრათ – ტანჯვის მომგვრელი უგემური შესრულებისგან დროულად გაანთავისუფლეს!

დიტმარ ღომინორაულის გაქცეული ხელები კი გამალებით ცდილობდნენ, რაც შეიძლება სწრაფად გასცლოდნენ აფორიაქებულ დარბაზს; ძმები ხომ დიდად განსხვავებულნი იყვნენ აღნაგობითაც, სიძლიერითაც, ხასიათითაც, მათი ადგილები კლავიშებზე “სასიარულოდ” და მათი პარტიებიც ნაწარმოების შესრულებისას განსხვავებული იყო და ახლაც სულ სხვადასხვაგვარად გარბოდნენ: მარჯვენა ხელის მტევანი – ნეკით წინ, მარცხენა – ცერით წინ.

სულ მალე გაქცეულები ფაცხაფუცხით გაგარდნენ ქუჩაში, რომელიც გაჩახჩახებული დარბაზის შემდეგ ნახევრად ჩაბნელებული მოეჩვენათ; ფუმფულა ხალიჩის შემდეგ ფილაქანიც რა ცივი და უხეში იყო!

უკვე ლამის აპრილი მიიწუროს, მაგრამ გვიანი, ძალიან გრილი გაზაფხული გვეწვია და ჯერ-ჯერობით ვერაფრით დათბა... ახლაც მოსისინე ქარი წვიმის შოლტებით უმასპინძლდება ქალაქის სახლებს, ქუჩებს, გამგლელებს... უჰ, როგორ ცივა!..

მარჯვენა ხელის მტევანი თითქოს მხოლოდ ახლა გამოერკვა და ფხიზლად შეაფასა შექმნილი მდგომარეობა:

– დიდებული კლავირაბენდი გამოგვივიდა, ეს რა ვქენით?

– ჩვენ კი არ ვქენით, შენ, შენ, ვაჟბატონო, შენ რა ვქენი? – გაბრაზებული პასუხობს მარცხენა ხელის მტევანი. – ამ ყიამეთში და უბედურებაში რატომ ჩაგვაგდე?

ღიას, საკმაო სიბნელეა; გუბეში მკრთალად ირეკლება ფანრების ყვითელი ბურთების ათინათები, მარჯვენა ხელის მტევნის ნეკზე კი ბრილიანტის ბეჭედი ბრწყინავს – ნეტა რად უნდოდა პიანისტს კონცერტზე ასეთი ძვირფასი სამკაულის გაკეთება?

შევთანხმდეთ: ამიერიდან მარჯვენა ხელის მტევანსა და მარცხენა ხელის მტევანს სიმოკლისთვის ასე მოვიხსენიებ – “მარჯვენა” და “მარცხენა”.

მარცხენა ეჭიდავება:

– შენ ყოველთვის უფროსობდი, ბრეჟია იყავი, დიდგულა, დღენიადაგ მიბრიყვებდი! უკვე ორ ათეულ წელზე მეტი გავიდა, რაც ჩვენ ერთად ვმოდგაწვობთ და წამყვან მელოდიურ ნახატს თითქმის ყოველთვის შენ ასრულებდი, მე კი მხოლოდ მოკრძალებული თანხლება მევალებოდა, სად არის აქ სამართლიანობა? თანაც, ზოგჯერ ამითაც არ კმაყოფილდებოდით, ჩემს სფეროშიც შემოიჭრებოდით და კონტრ-რიტმსაც კი მიპირისპირებდით!

– დაგაგიწყდა, მორის რაგელის მეორე საფორტეპიანო კონცერტს რომ ასრულებდა მანსტრო დიტმარ ღომინორაული? მხოლოდ შენ მუშაკობდი, ჩემთვის ერთი ნოტიც არ იყო გათვალისწინებული!

– ეგ კონცერტი ფორტეპიანოსა და ორკესტრისთვის საგანგებოდ მხოლოდ მარცხენა ხელისთვის არის შექმნილი და ისიც გეხსომება, რომ მაშინ პიანისტს გვარიანად უსტვინეს და ის კონცერტი მხოლოდ ერთადერთხელ შეასრულა... და ამას მაყვდარი? აი, ეგ ბეჭედი კი სულ შენ გეკეთა, ახლაც შენ გაქვს, დრო აღარ არის, რომ მე დამითმო?

– ბრეჟია მე კი არა, დიტმარ ღომინორაული იყო – სცენაზე გამოსვლისას ბრილიანტის ბეჭედი დამამშვენებსო! ხელს მაინც არ უშლიდა დაკვრაში? აქამდე რომ ვათრიე, მადლობელი უნდა იყო; მე შენზე ბევრად ღონიერი ვარ და მეც კი გამიჭირდა – მძიმეა, წყეული! წავიდეთ და ძალიან ფრთხილად ვიყოთ: ამქვეყნად უამრავი მძარცველი და ხელმრუდე, ხარბი და უნამუსო ჯერ არ გადაშენებულა; თუ დაგვინახეს, რომ ბრილიანტის ბეჭედი გვაქვს, იცოდე, კარგი დღე არ დაგვადგება! ხომ არ ჯობს, ვინმე გაჭირვებულს საჩუქრად მივართვათ? ამით მადლსაც მოვისხამთ და თავიდან ავიცილებთ მავანთა მხრივ ცდუნებასაც ცოდვის ჩადენისა...

– გაგიჟდი? ჩვენზე გაჭირვებული ვინღა! მოიტა ეგ ბეჭედი აქ, ერთხელ მეც არ უნდა გავინხარო? შენგან ხომ სულ დაჩაგრული ვარ: წამყვანი ყოველთვის შენ ხარ, “პირველი ხმა”, მე კი მხოლოდ დამხმარე, აკომპანიატორის როლი მაკისრია... რამდენჯერ დამეხიზმრა, რომ შენ გაგიცვალე ადგილი და მე გაგხდი წამყვანი...

– თანამედროვე პლასტიკური ქირურგიის მიღწევებს წინ რა დაუდგება – თუ გინდა, სულ იოლად გახდები მარჯვენა ხელის მტევანი! რა კარგი სანახავი იქნება, როცა ორი მარჯვენა ერთად დაუკრავს! სენსაცია!

– კარგი რა, ვინ გაიგონა ასეთი რამ? მაშინ შენ მოგიწევს, მარცხენად გადაქცევა!

– გეხუმრები, ბიჭო! ბეჭედი ხომ მოგეცი, ახლა წინამძღოლობაც შენ იკისრე, ყაბულსა ვარ!

– რა ჯანდაბად მინდოდა ეს ბრილიანტიანი ბეჭედი, სათრევი გახდა, მძიმეა, წყეული! – ჯიჯღინს განაგრძობდა მარცხენა. – მაგას ჯობდა, ერთი რაღაც თბილი, ფუმფულა წამოგველო, რომ ზევიდან წაფარება შეგვეძლოს.

- გავყიდოთ და რასაც შენი სული და გული ისურვებს, ის ვიყიდოთ...
- სად გავყიდოთ, შენ გინდა, მაშინვე დაგვიჭირონ? ქურდობაშიც დაგვდებენ ბრალს! ახლა საით გავუტოოთ?
- ხომ გითხარი, ხელმძღვანელობას შენ გითმობ-მეთქი და მე რაღას მეკითხები? ა, ბატონო, ბურთი და მოედანი!
- ჰო, რა კარგია?! კარგ საქმეში შენ უნდა იყო პირველი, სადაც გასაჭირია, მე ამკიდებ ხოლმე პასუხისმგებლობას... ფუი, რა წვინტილიანი წვიმაა!
- მარცხენას ამგვარ წუწუნ-საყვედურზე ზევით რაღაცამ თუ ვიღაცამ, გაბრაზებულმა, დაიგრუხუნა და ელვამ წამით თვალისმომჭრელად გაანათა გარემო – ერთგვარად დამოძვრა გაქცეული თითები: “თქვე წაწყლებო, წვიმიან ამინდზე ლამაზი რა გინახავთ?”. და თითქოს მარჯვენამ შეისმინა ზეციდან ნათქვამი, მარცხენას უპასუხა:
- არა, რას ამბობ, წკრიალა წვიმაა!.. მოუსმინე!
- წკრიალა კი არა, მყვირალა არ გინდა? რა დროს ეგ არის, თუკი გავიქეცი, ნულარც დავაჭერინებთ თავს!
- ჰო, მოგვდევენ, მესმოდა მდევართა ფეხების ბრაგუნის და ღრიალი: “დაიჭირეთ ეგ არამზადები!”.
- რატომ ვართ არამზადები, რატომ მოგვდევენ, რას გვერჩიან?
- ურჩობა რომ გავიფიქრეთ! როგორ გავბედეთ, ჩვენი გაქცევით პროტესტი განგვეცხადებინა უშინაარსო, ცარიელი, უღიმღამო შესრულებისადმი, მხოლოდ ფორმალურად ვალდებულების მოხდინადმი...
- ეგ რა საბაბი იყო? რა იდეალი გაქვს, რისთვის იბრძვი? თავისუფლებისთვის? მე რომ მკითხო, გემრიელად ვიყავით: არ გვშიოდა და არ გვციოდა, არ გვაწვიმდა და არც არავინ მოგვდედა დასაჭერად... რა გვრჯიდა? ახლა კი... ეჰ!.. რაღა ჩვენ დაგვადგეს კბილი?
- მართალი ხარ: საერთოდ, ემოციურობისგან დაცლილი უშინაარსობა გაბატონდა მხოლოდ მუსიკაში კი არა, ყველგან: ხელოვნების მრავალ დარგში, მწერლობასა და თეატრში – შინაარსი საერთოდ განიღვინა, ყოველგვარი შინაარსი: კარგიც და ცუდიც, მშვენივრად შესრულებულიც და უგვანოდ გადმოცემულიც... ყველაზე “მატერიალურ” ხელოვნებაშიც კი – მხატვრობაში – ვერ გავარჩევ, ეს აბსტრაქტული ნაბოღვარი, ვითომ სურათი, კაცის ხელმა დახატა თუ ვირის კუდმა! მაგანთა “ულტრათანამედროვე” შეხედულების თანახმად, რაც უფრო ამაზრზენი, მახინჯი, ანტიესთეტიკურია “ხელოვნების ნაწარმოები”, მით უფრო “ეხმინება თანამედროვეობას”, მით “ფასეულია”... მუსიკაში ხომ მელოდია, ჰარმონია, კეთილხმოვნება გასაკიცხი გახდა... თანამედროვე “ავანგარდისტული მუსიკა” შემთხვევითობის განუკითხავ ჯირითში, სრულ ქაოსში გადაიზარდა... როგორ შეიძლება მუსიკად ჩათვალო ქაოსი? წესრიგი, ურთიერთკავშირები, ურთირთგანპირობებულობა და ჰარმონია თუ არ არის, ესთეტიკურ მოვლენაზე ლაპარაკი ზედმეტია. შეიძლება, ნაწარმოები, რომელიც მხატვრული ლიტერატურის ნიმუშის პრეტენზიას აცხადებს, ასეთად აღიარო, თუკი ნაწერი წარმოადგენს ასოების უწესრიგო, შემთხვევით ერთობლიობას, რომლებიც არ ჩამოისხმებიან სიტყვებად, სიტყვების ერთობლიობა – წინადადებად არ ჩამოყალიბდება, რომლებიდანაც რაღაც აზრი არ იბადება, გრძნობა და განცდა, ხატები არ წარმოიშვება... დიახ, შეიძლება ამგვარი “ოპუსი” მხატვრულ ნაწარმოებად ჩავთვალოთ? თუ უფრო – ოინბაზობად? “ავანგარდისტული გზა” – ჩიხია! სადი აზრი, სილამაზე, სიკეთე – ლამის საღანძღავი ცნებები გახდნენ! თუ “თანამედროვედ” არ აზროვნებ, გაგლანძღავენ, ლექსებს და მუსიკასაც უკვე კომპიუტერები წერენ!
- აბა, ჩვენ რაღას გვაწვალებენ? თუ კომპიუტერი ყველაფერს “კითხულობს”, ნოტები რა გახდა მისთვის! არც დაიღვება, არც რეპეტიციები სჭირდება, სულ ზედმეტია სწავლა, ვარჯიში, თავის მტვრევა და ღამეების თევა: როგორ მოძებნო საუკეთესო, თანაც შენეული, ინტერპრეტაცია... დასვი თუ დადვი სცენაზე კომპიუტერი და შენ დაუკარ! რასაც გინდა და როგორც გინდა, ხმების გაორებით, გაათმაგებით, უჩვეულო, “ელექტრონული” ტემბრების თამაშით, ხმების შერევით და ათასგვარი სხვა ხრიკით გახვალ იოლას – ტექნიკა წინ მიდის და კიდევ რას არ მოიგონებენ! ეს კონსერვატორები რაღად გვინდა, უკეთესი იქნება, ყველანი, სტუდენტებიცა და პროფესორ-მასწავლებლებიც, წავიდნენ და ნაღდი საქმე ნახონ – თუნდაც თოხი და ბარი დაიჭირონ ხელში! ფიზიკური შრომა ჯანმრთელობას აკაჟებს!
- რას ამბობ, XXI საუკუნეში – თოხი და ბარი? მეცნიერებისა და ტექნიკის ზღაპრული მოღწევების ხანაში?
- გაგიკვირდება, მაგრამ ახლაც მსოფლიოს ბევრ ქვეყანაში გლეხებს ისევ სწორედ ეგ “სასოფლო-სამეურნეო ტექნიკა” არჩენს... თუმცა, რაღა შორს მივდივართ, განა ჩვენთანაც, ერთი ხანია, იგივე მდგომარეობა არ არის?
- ამგვარი ფილოსოფიური წუწუნით გულის მოფხანა გვიშველის? ცივა!.. ეს გაზაფხულის ამინდიც რა ჩვენს ჯინაზე გაჭირვებულა... რა გემრიელად ვიყავით მაესტრო ლომინორაულის

ხელში! ახლა მდიდრულად მორთულ მისაღებ ოთახში ვითამაშებდით პიანოფორტეს კლავიატურაზე, სულ უფრო დაგხვეწდით რომელიმე ახალ ნაწარმოებს...

- კი, როგორ არა! - დაცინვით წამოიძახა მარჯვენამ. - რამდენი წელია, სულ ერთსა დ ივივეს უკრავს მანსტრო, ბოლოს, როგორც იქნა, რეპერტუარის განახლება გადაწყვიტა და რაც გამოვიდა მისი ამ წამოწყებიდან, კარგად ხედავ...

- კაცო, შენი მიკვირს: საკუთარი სიბრძნით გამოწვეულ კონცერტის წარუმატებლობას სხვას რატომ აბრალებ? შლეგიანივით რომ აიწყვიტე და გამოიქეცი, სიბრძნე არ იყო შენგან?

- სიბრძნე ის იქნებოდა, მარადი უკმაყოფილება სულ რომ მეტმინა და არაფერი მემოქმედა...

- შენ შენსას უკრავ და მე კი საკუთარი აზრი მაქვს: კარგი იყო მანსტრო დიტმარ დომინორაული, როგორ გვიფრთხილდებოდა! ზამთარში ყოველთვის თბილი ხელთათმანებით გემოსავდა, არასდროს უხეში სამუშაო არ შეგვისრულებია, სიმძიმე არ აგვიწევია... კონცერტზე დაკვირვებასაც კი ნოტების ფურცლების გადაფურცვლა არ გვიხდებოდა, გვერდით ვინმე დამხმარე იჯდა ხოლმე და ამ საქმეს ის ასრულებდა... ცივ ნიავს არ გვაკარებდა! ახლა კი... აჰა, არ მოითმინე და ვიყვეთ ასე ამ ყიამეთში... მცივა!

- ჰო, კარგი, სხვა დროს არასდროს გვიჩხუბია და ახლა ურთიერთობის გამწვავება ვერ გაგვათბობს... ჯობს, მოდი, ჩამეხუტე! გადაიკარა და კიდევ უფრო აცივდა...

მოიბუნენ, მუშტებად შეიკვრნენ და ერთმანეთს ჩაეკვრნენ, იქნებ ცოტათი მაინც გავთბეთო...

ზევით, ზეცაში მოსეირნე ღრუბლები ირეკლებიან ქვევით, ქვაფენილზე წამოწოლილ გუბებში.

გაჰყურებენ ღამის ქუჩას - ესმით მუსიკა... ქუჩის ბანალური მუსიკა კი არა, უფრო დიადი, ბოლომდე შეუცნობელი, მაგრამ მაინც მომწუსხველი, რომელიც კი არ გაგართობს, არამედ - ფიქრთა ოკეანეში შეგაცურებს: იდუმალი სიღრმით მხერის მიმჯაჭველი ღამის მუსიკა, ვარსკვლავებით მოკენჭილი ღურჯი ცის გუმბათის სიმფონია...

ღამის ცას უსასრულოდ შეიძლება უყურო, მაგრამ, ცოტა ხანში, იძულებულნი გახდნენ, გასახურებლად გაქცეულიყვნენ...

კარი IV. მშვენიერი სასახლე და ბედნიერი ბატონი პრეზიდენტი (Lieto, მხიარულად)

და თითებს ბედმა გაუღიმათ: აბანოში შეძვრნენ - აუჰ, აქ როგორ გემრიელად თბილა! არც არავინ დაგიჭერს - ვის მოუვა აზრად აქ გეძებოს, მშვენიერი თავშესაფარი! ყოველმხრივ კმაყოფილები არიან; იქნებ იბანაონ კიდევ, ატალახებულ ქუჩებში წოწილისას ჩურჩხელებივით ლაფში ამოიგანგლნენ...

ახლა, ჩემო მკითხველო, სხვა, ქუჩაზე ბევრად ღამაზ გარემოში გადავინაცვლე და, ამასთანავე, ფრიად ღირსშესანიშნავ მოვლენას უნდა გაზიარო - ხუმრობა საქმე ხომ არ გახლავთ, დიდად გამორჩეული პიროვნება უნდა გაგაცნო, რომელიც დიდი რდიითა და უსაზღვრო მოწიწებით შემომყავს ამ ჩემს თხრობაში!

ვაჰ, სად არის დიდი სიმფონიური ორკესტრი? კიდევ უკეთესი, თუ გაორმაგებული შემადგენლობა იქნება, თანაც - გაძლიერებული აფრიკული ტამტამებითა და ბუკ-საყვირებით, - განსაკუთრებული გარემოება ამგვარ ღონისძიებას დაბეჯითებით მოითხოვს! რატომ, რატომ არ ისმის ამ ეპოქალური მოვლენის აღსანიშნავად, დიდებული პიროვნების ღრმა პატივისცემისადმი მიძღვნილი ომახიანი შემხვედრი მარში "შატაბუტას ტრიუმფალური მმართველობა" ან საზეიმო უვერტიურა "ძლევა-მოსილი ტარულაანთ ბიჭი", ბოლოში დაგვირგვინებული ქვემეხთა საზეიმო ბათქით-საღუტით და თოფების ომახიანი გასროლა-გრიალით??? სამწუხაროა, ფრიად დასანანი: სულ სხვა ელფერი და გემო ექნებოდა, შესაბამისი მუსიკალური გაფორმებით რომ შემობრძანებულიყო ამ თეთრ ფურცლებზე ფრიად მნიშვნელოვანი პერსონა თუ პერსონაჟი, ვითარცა ცირკის ასპარეზზე შლეგიანივით გამოვარდნილი სახელგანთქმული კლოუნის პირველ გამოჩენას ხედება ცირკის ორკესტრი - საზეიმო ფანფარებითა და დოლების ბრაგუნით... დიახ, ძვირფასო მკითხველო, სწორედ შენთვის და შენს გასახარად ჩემი ნაჯახირევის თეთრ ფურცლებზე იწყებს ღამაზად ცეკვას და მაღაყების კონტად გადასვლას ჩვენი დროების ერთ-ერთი უდიდესი ავანტიურისტი და ტაკიმასხარა - ქვეყნის პრეზიდენტი, მისი უმაღლესობა ფრიდრიხ ვილჰელმ შატაბუტა-ტარულაშიელი!

Salve!..

მოგესალმებით - კეთილი იყოს თქვენი უბრწყინვალესობის შემობრძანება ჩვენი ტრაგიკომედიური რომან-ექსტრავაგანცას ფურცლებზე - ვითარცა ჯომარდობაში გავარჯიშებული, ჯიქურ შეჯლი-გინდება მთის გიუმაჟი მდინარის დაქანებულ კალაპოტში ალაგ მდულარე ქვაბივით მოთუხთუხე ჩქერებში - დამახასიათებელი მოულოდნელი მიხვევ-მოხვევებით, მოუსვენარი ტალღების ცეკვი ცეკვა-თამაშით!

უნდა მოგახსენოთ, რომ ჩვენი მონათხრობის მთავარი გმირები მოხეტიალე თითები გახლავან და არა მისი უმაღლესობა, ბატონი პრეზიდენტი, ამიტომ მთავარ ყურადღებას მათ თავგადასავალს და ვუთმობ. ბოდიშს ვიხდი, რომ მისი უმაღლესობის, ბატონ პრეზიდენტის, ამ მრავალმხრივ ბრწყინვალე პიროვნების, მოკლე ბიოგრაფიულ ცნობებს მაინც არ გაგაცნობთ, – ფრიდრიხ ვილჰელმ შატაბუტა-ტარულაშვილი ნამდვილად და უჭკველად მრავალტომიან ბიოგრაფიასაც იმსახურებს, რაც, სამწუხაროდ, ჩემს ფრიად მოკრძალებულ შესაძლებლობებს დიდად აღემატება! მკითხველს კი დავუბრუნებ, რომ ბატონ პრეზიდენტს სულ მოკლე ხანში რამდენიმე სერიოზული ბიოგრაფი აუცილებლად გამოუჩნდება. მე კი ყოველმხრივ შევეცდები, თუკი შესაძლებლობა მომეცემა, შემდგომ ნაწილობრივ მაინც გაგაცნოთ დიდად გამორჩეული ეს დიდებული პიროვნება და მისი სანაქებო საქმენი საგმირონია.

ღიას, ჩვენს გამოქვეყნულ თითებს რამდენი პოლიციელისთვის თუ პირადი დაცვის თანამშრომლისთვის შეუმჩნევლად გვერდის აქცევა და, ზოგჯერ, ფეხებშუა გაძრომაც კი მოუწიათ: სწორედ ამ აბანოში თურმე ქვეყნის პრეზიდენტი, მისი უმაღლესობა ფრიდრიხ ვილჰელმ შატაბუტა-ტარულაშვილი, საგანგებოდ მისი უმაღლესობისთვის მოწყობილ პერსონალურ “საპრეზიდენტო” სააბანოში ნებივრობს უცხოეთიდან საგანგებოდ მისი უმაღლესობის პირადი მოწვევით ჩამობრძანებულ ლამაზმანთან, კაროლან ნექტარელისთან ერთად – ტურფა ქალბატონი, ამასთანავე, უებრო მასაჟისტიცაა!

როცა ბატონი პრეზიდენტი რაიმე ღონისძიებაში დასასწრებად მიდის, – გინდაც ახალი შადრევნის გახსნა, საზღვარგარეთიდან პირადად ბატონ პრეზიდენტის მიერ მოწვეული პოპ-მუსიკოსის კონცერტი ან თუნდაც ჩვეულებრივი საოპერო სპექტაკლი იყოს, – თითქმის ყოველთვის იგვიანებს, ზოგჯერ 1-2 საათითაც კი (ეპატიება – ძალიან ბევრი საქმე აქვს!), და დანარჩენი შეკრებილი საზოგადოება მისი აღმატებულების მობრძანებას მოთმინებით უცდის... მხოლოდ აბანოში მისვლას არასდროს აგვიანებს და, ასევე, – არც რესტორნის მონახულებას – მშვენიერ ქალბატონებსა და საკუთარ კუჭს ფრიდრიხ ვილჰელმ შატაბუტა-ტარულაშვილი ყოველთვის და ყველგან გამორჩეულად დიდ პატივს სცემს...

ხომ გაინტერესებთ, რის შესახებ გაიგეს გაქცეულმა თითებმა პრეზიდენტის მომსახურე მრავარიცხოვანი პერსონალის ურთიერთ საუბრებისთვის მიყურადებით?

თურმე კაროლან ნექტარელის ჩამოყვანა რეგულარულად კვირაში ერთხელ ხდება ამერიკის შეერთებული შტატებიდან ფრიდრიხ ვილჰელმის საპრეზიდენტო თვითმფრინავის საგანგებო რეისით, აბა! უმშვენიერესი, ყველაზე სახელგანთქმული და “ძვირი”, მასაჟისტი ქალბატონია! ყოჩად, მძაფრ კონკურენციულ ბრძოლაში ფრიდრიხ ვილჰელმმა ბევრ მეტოქეს აჯობა და აჰა, ბატონ პრეზიდენტის უზენაესი პირადი განკარგულებით, გაგზავნეს მისი დაჯავშნული “მერსედესი”, ხოლო მოძრაობის სიჩქარის უზრუნველსაყოფად, გადააკეტეს ქუჩები მთელ გზაზე აეროპორტიდან პრეზიდენტის სასახლეამდე და შემდეგ – აბანომდე, რათა მშვენიერი ქალბატონი უსწრაფესად შეუდგეს საპატიო მოვალეობის შესრულებას! ფრიდრიხ ვილჰელმს უყვარს ლამაზი ქალის მიერ გაკეთებული მასაჟი და რა ჰქნას! რა ჰქნას, მარტოობასაც ვერ უძლებს: საკუთარი ცოლი და, ასევე, დიდად პატივსაცემი სიდერ-სიმამრი მსოფლიოს ირგვლივ სამოგზაუროდ გაგზავნა, ისინიც გემრიელ გართობას არ იკლებენ!

– გამიკვირდა, ხომ იცი, მანქანები თითქმის არ შეგვხვედრია, ღმერთმა დაგვიფარა, თორემ ძნელად გადავურჩებოდით მათ ბორბლებქვეშ მოხვედრას! თურმე ქუჩები საგანგებოდ გადაუკეციათ! – ამბობს მარცხენა.

– აღვირახსნილობა, ფუფუნების სიყვარული, უსაზღვრო ძალაუფლებისკენ დაუოკებელი ლტოლვა და საოცარი სისასტიკე – საიდან ამოტივტივდა უცებ ამგვარი მისწრაფებები ამ ჩვენს ვითომდა განათლებულ დროებაში? საკვირველია, ამ ყმაწვილს ხომ არ ჰგონია, რომ XVII-XVIII საუკუნეების იტალიელი დუკა ან გერმანელი კურფიურსტი? ან არაბი შეიხი თუ ინდოელი რაჯა? – კითხულობს მარჯვენა.

– რას ამბობ, მაშინ სად იყო ასეთი შესაძლებლობები!

– აბა, კაცო! ჩვენს ბედნიერ ვარსკვლავზე დაბადებულ ყმაწვილს უცებ თავში დაარტყამს რაღაცა – ჩაჯდება საპრეზიდენტო თვითმფრინავში და სულ რამდენიმე საათში პარიზის ყველაზე ფეშენებელურ რესტორანში ამოჰყოფს თავს!.. განსაკუთრებით უყვარს საფირმო კერძები და რა ჰქნას! დაძველებულ ღვინოებსა და კონიაკებსაც ნამდვილად დიდ პატივს სცემს! ბატონი პრეზიდენტი ძალიან გულადია: ასტრონომიულ ფასებს მისთვის მნიშვნელობა არ აქვს!

– არადა, მის საჯარო გამოსვლებს რომ უყურო, ნაღდად დაგაჯერებს, რომ, ხალხის კეთილდღეობაზე ზრუნვის გარდა, დღევდამ სხვაზე არაფერზე ფიქრობს! სახალხო დოვლათის ყოველ თეთრს უფრთხილდება!

– ეს ცხოვრება ნაღდი კარნავალია, ძმაო, ყველანი ნიღბებით დადიან! განსაკუთრებით – ის გაბღენძილი ვაჟბატონები, საკუთარ თავს პოლიტიკურ მოღვაწეებს რომ უწოდებენ! არიან ამ საქმის

ნამდვილი ვირტუოზებიც, კარგა ხნის განმავლობაში წარმატებით რომ აყრიან ხალხს თვალებში ნაცარს, რათა ცხვრის ტყავში გახვეული მგლის ნამდვილი სახე არ დაანახონ. აი, ეს ჩვენი ქვეყნის სანაქებო ბატონი პრეზიდენტიც დიდი წარმატებით ირგებს ლამაზ ნიღაბს ქვეყანასა და ხალხზე დაუცხრომლად მოამაგისა. ტელევიზორში წამდაუწუმ აჩვენებენ პრეზიდენტის მოგზაურობებს – როგორ უყვარს უბრალო, მშრომელ ხალხთან შეხვედრა: გულითადად ხელს ჩამოართმევს ვინმე მევენახეს ან მშენებლობაზე მუშას, ჩაეხუტება მიმჭკნარ, უკბილო დედაბერს მიყრუებულ სოფელში, რომელსაც უხარია, რომ მის ცხოვრებაში ასეთი დიდი მოვლენა მოხდა – “ხენწიფის”, “ხონტქრის”, “შაპის” ტოლა “დიდი კაცი” – ქვეყნის პრეზიდენტი – ესტუმრა! ხელი ჩამოართვა! ხელი მოხვია და ჩაეხუტა! გულთბილად მოიკითხა! გულწრფელად აინტერესებს, როგორ ცხოვრობს, რა უჭირს, რა აწუხებს! დახმარებას დაჰპირდა და ნათქვამს აუცილებლად შეასრულებს!

– ყველა არ გამოხატავს მხარდაჭერას, არიან უკმაყოფილონიც – პარლამენტში ოპოზიციური პარტიები...

– იმათ როგორ ენდობი? ოპოზიციონერების ნიღბით პარლამენტში სხედან იქ ათასგვარი მაქინაციებით შემძვრალი სულგაყიდული დეპუტატები – ვითომ ხალხის რჩეულნი, მისი ინტერესების დამცველნი! პრეზიდენტის მმართველ პარტიას “ლუდისა და ხინკლის ჭეშმარიტ ტრფიალთა კავშირს” დიდებულად უმშვენებენ გვერდს: “წითელი და ყვითელი ბუშტების მასობრივად გაშვების ლიბერალური პარტია”, “მწვანე და ლურჯი ბუშტების თითო-თითოდ გაშვების კონსერვატიული პარტია”, “ჯიხვით კახურის სულმოუთქმელად გამოცლის მოყვარულთა დემოკრატიული პარტია”, “ჭყინტი ყველის ლამაზად გაკრაჭუნების სოციალისტური პარტია”... ფული და პოლიტიკა – ერთი მედლის ორი მხარეა. ოღონდ პრივილეგიები და ფული იშოვნონ, ახლა რომ შატაბუტამ დაუძახოს, – აბა, რომელი კარგად წამისვამთ ზურგზე ქისასო, – ერთმანეთს თავ-პირს დაამტვრევენ, პირველს რომელს ხვდება ეს დიდი პატივი!

– ბატონი პრეზიდენტი ფულიან ხალხს ძალიან ემტერება: წელგამართული კაცი ამაყია, თავისუფალი, უშიშარიც – რომელი პარტიაც მოსწონს და მის ინტერესებს დაიცავს პარლამენტში, იმას დააფინანსებს, ეს კი ბატონ პრეზიდენტისთვის სრულიად დაუშვებელია! ძალიან დიდ საფრთხეს შეიცავს ძალაუფლების შენარჩუნების თვალსაზრისით და ამიტომ ბიზნესმენებს უბოდიშოდ წაართმევს ქონებას, დაახრჩობს უზომო გადასახადებით, ზოგს კი, განსაკუთრებით შეუპოვრებს, დაიჭერს და ციხის საკანში დასასვენებელ უფასო საგზურს გამოუწერს ჭკუაზე მოსასვლელად...

– რა საჭიროა ამდენი დავიდარება და იწილო-ბიწილო? საკითხის მარტივი გადაწყვეტა ყველაზე ჩქარია და ეფექტურიც – არც მოკვლას მოერიდება! ვინმე გაბედავს ჩივილს თუ რა, გაბედავს და – მით უარესი მისთვის! დაქცეული ქვეყანა ტირის, სამაგიეროდ, დიდად ბედნიერ ბატონ პრეზიდენტს აწყობილი აქვს საქმე ფაჩიკოს გარმონივით – მის გარშემო სულ ტაშ-ფანდური და საზეიმო მარშები ისმის!

როცა ბატონმა პრეზიდენტმა, ფრიდრიხ ვილჰელმ შატაბუტა-ტარულაშვილმა, სრულად იკემა აბანოში ყოფნის დროისთვის განკუთვნილი სიამოვნებანი, მარმარილოს საწოლის გვერდით პატარა მაგიდაზე მდგომ ქაფის მაღალი ქუდით დამშვენებულ ლუდით სავსე კათხას დასწვდა; სურნელოვანი ქარვისფერი ლუდი კიდევ ერთხელ დააგემოვნა (აბანოში ყოფნისას – მეოთხედ) და კათხა იმ წამსვე ისევ პირთამდე გაივსო შესანიშნავი ბავარიული ლუდით! თავისთავად, აბა! დიახ, სიამოვნებითა და სიამაყით მოგახსენებთ, რომ ეს კათხა უბრალო არ გახლავთ, ჯადოსნურია – რამდენჯერაც უნდა დაცალო იგი, მაშინვე ისევ პირთამდე ივსება!

ეს საოცარი კათხა ბატონმა პრეზიდენტმა გერმანიაში, მიუნხენის უნივერსიტეტში სწავლისას, შემთხვევით შეიძინა ერთ-ერთი ანტიკვარისგან, რომელმაც გაუმხილა მას კათხის საიდუმლო. ეჭვი მაქვს, რომ ეს ანტიკვარი სინამდვილეში შენიღბული ბელზებელი იყო და ძვირფასი კათხა მომავალ პრეზიდენტს მისი სულის სანაცვლოდ დაუთმო – შატაბუტა-ტარულაშვილმა სტუდენტობისას ეშმაკს სული მიჰყიდა! მას შემდეგ ფრიდრიხ ვილჰელმი ჯადოსნურ კათხას გვერდიდან არ იცილებს (ვინ იცის, როდის მოსწყურდება), დაძინების წინაც კი აუცილებლად ბალდახინში საწოლის გვერდით მოიდგამს. საოცარი კათხის მოპარვისა თუ მოტაცების საშინლად ეშინია და ის საგანგებოდ შერჩეულ, განსაკუთრებული ნდობით აღჭურვილ პირს აქვს მიბარებული – პრეზიდენტის პირად კათხათმტვირთველს (ბატონმა პრეზიდენტმა ასეთი საპატიო თანამდებობა საგანგებოდ დაამტკიცებინა პარლამენტს) დიტრის მამებლაურს, თითქმის ორი მეტრი სიმაღლისა და ას ოცი კილოგრამი წონის ყოფილ მოჭიდავეს. მამებლაური ბატონ პრეზიდენტს არსად გვერდიდან არ სცილდება (რა თქმა უნდა, აბანოსა და საძინებლის გარდა) და ყოველთვის თან დააქვს “სამეფო კათხა” (როგორც მას ბატონმა პრეზიდენტმა სავსებით სამართლიანად უწოდა) – საგანგებოდ გაკეთებული ყუთით. საქმეში ჩაუხვდავთ კი ჰგონიათ, რომ ბატონ პრეზიდენტს ამ ყუთით ყოველთვის თან დააქვს აუცილებელი, განსაკუთრებული სახელმწიფოებრივი მნიშვნელობის, საიდუმლო საბუთები. ერთხელ ბატონმა პრეზიდენტმა იმდენად უზომოდ ისარგებლა ჯადოსნური კათხის გულუხვობით და ძილის წინ იმდენი დალია, რომ... თუმცა, არა, ახლა არ არის ამის დრო და ადგილიც, ამ ამბავს თავის დროზე გი-

ამბობთ! ასევე, ფრიად თავშესაქცევი და მრავალმხრივ და მრავალთათვის ჭკუის სასწავლიც იქნებოდა იმის მოთხრობა, თუ როგორ, რა ხერხებით მოახერხა დიტრის მამამებლაურმა, ერთი შეხედვით, ფიზიკური კონდიციების გარდა, სხვა მხრივ არაფრით გამორჩეულმა, ესოდენ გავლენიანი თანამდებობის დაპატრონება...

დავბრუნდეთ აბანოში. ბატონმა პრეზიდენტმა ტანსაცმლის ჩაცმა იწება და მშვენიერ კაროლიან ნექტარელის გამოსამშვიდობებლად ტუნზე ხანგრძლივი კოცნით ჩაეფსკენა, – ამერიკული ფილმების ფინალისთვის ნაღდად ზედგამოჭრილი დასკვნითი კადრი იქნებოდა! სწორედ ამ დროს მას ტანსაცმელზე შეუმჩნევლად ააცოცდნენ ჯერ მარჯვენა და შემდეგ მარცხენა თითები; მაღლა-მაღლა ამგონენ, ამგონენ და, ბოლოს, მხრებზე დაასხდნენ, ყველაზე მოხერხებულ ადგილას დასკუპდნენ: მარჯვენა – პიჯაკის მარჯვენა მხარზე, მარცხენა – მარცხენაზე, ვითარცა ეპოლეტები! ვაჰ, რა მშვენიერი “მარშლის ეპოლეტებით” დამშვენდა მისი უმაღლესობა, მოუხდა, ხომ იცი – ქვეყნის პრეზიდენტი ხომ ქვეყნის უმაღლესი მთავარსარდალია!

ჩვენი მოგზაური თითების მიერ ამ “დიდი სიმაღლის” დაპყრობა ვერაფერს შეამჩნია და არც არის გასაკვირი: მრავალრიცხოვანი დაცვა პრეზიდენტისკენ კი არ იყურება, მისი ძვირფასი სიცოცხლისა და ჯანმრთელობის უსაფრთხოების უზრუნველყოფით არის დაკავებული – ირგველივ “პერიმეტრს აკონტროლებს”.

ბატონმა პრეზიდენტმა დიტრის მამამებლაურს უბრძანა, კათხისთვის მიეხედა, შემდგომ ბატონი პრეზიდენტი და მისი პირადი კათხათმგებირთველი ჩასხდნენ დაჯავშნულ ძვირფას ლიმუზინში და, მრავალრიცხოვანი დაცვის თანხლებით, პრეზიდენტის დიდებული რეზიდენციისკენ გაეშურნენ.

ჩვენი მოხეტიალე თითები მსმენელთა ტაშს კი იყვნენ დანგეულნი, მაგრამ ამგვარი გამორჩეული რამ მათთვის უცხო ხილი იყო – უჰ, როგორ სიამოვნებთ დაჯავშნული “მერსედისით” დიდებული მოგზაურობა! როგორ რბილად მიირწევა ავტომანქანა – სანაქებო ესკორტის მრავალრიცხოვანი მანქანების შუქ-სიგნალების წითელ-ლურჯად ბრდღვიალ-ბრდღვიალითა და სირენების გაბმული ჭყვიტინ-ჭყვიტინის მუსიკალური თანხლებით!

მეორე საოცრებაც მოხდა (გპირდებით: თუ შემდგომაც განაგრძობთ ჩვენს მოხეტიალე გმირებთან ერთად წიგნის გვერდებზე გასვირებას, წინ სხვა მრავალი საოცრებაც გველის!). მარცხენა სულ კი წუწუნებს, მაგრამ გადაჭრით და კატეგორიულად უნდა განვაცხადო, რომ თითები დღეს ბედნიერ ფეხზე ადგნენ! თვით განსაჯეთ: ჩვენმა მოგზაურმა ხელის მტკვნებმა, ბატონ პრეზიდენტის “ეპოლეტებად” ამხედრებულებმა, ამგვარად დაწინაურებულ-ამაღლებულმა, სრულიად შემთხვევით მოახერხეს ქვეყნის პრეზიდენტის, ფრიდრის ვილჰელმ შტაბუტა-ტარულაშვილის სასახლეში შეუმჩნევლად მოხვედრა! ეს მართლაც ზღაპარი იყო: საგანგებოდ დაცული ჭიშკრის წინ თითოეულ მომსვლელს, დაწყებული პრემიერ-მინისტრიდან, პრეზიდენტის პირადი დაცვის თანამშრომლები წინდაწინ უბოდიშოდ საგულდაგულოდ ჩხრეკდნენ...

– ჰო-ჰო, შეხედე, ბიჭო, რა სასახლეა! – მოწონებით წამოიძახა მარცხენამ. – ალბათ აქედან რამდენიმე კილომეტრით დაშორებულმაც შეიძლება, თავისუფლად წაიკითხო სასახლის ფრონტონზე ეს განათებული, უზარმაზარი ასოებით წარწერილი ბატონ პრეზიდენტის საყვარელი დევიზი: “ბოროტსა სძლია კეთილმან, არსება მისი გრძელა!”.

– ალბათ პირწავარდნილი ცინიკოსის თავგამოდებით დაგვცინის! უპრიანი იყო, სხვა, ბატონ პრეზიდენტის არა დეკლარირებული, არამედ ბევრად შესაფერისი, ფაქტობრივი მოქმედების, პირადი მიზნის გამომხატველი შესაბამისი დევიზი წაეწერა; მე ასეთად მიმაჩნია: “რასაცა შევჭამ ჩემია, რაც არა – დაკარგულია!”. აი, ასე!

– შტაბუტას სხვა მხრივაც სანაქებო “მადა” ჰქონია, – ამბობს მარცხენა. – ეს სასახლე ამერიკის შეერთებული შტატების პრეზიდენტის თეთრ სახლს ბევრად სჯობს! ყოველმხრივ! სპეციალისტებმა საგანგებოდ აზომეს და გაბარიტებით რამდენჯერმე უფრო დიდი ყოფილა, მიწის ქვეშ კი – კიდევ რამდენიმე ათეული მეტრია ამოთხრილი და ნამდვილი ბუნკერია მოწყობილი, რომელიც ალბათ ადოლფ ჰიტლერსაც კი შეშურდებოდა: ავტონომიური კვების წყაროებით და ყოველგვარი დაცვის სისტემებით უზრუნველყოფილი ათსართულიანი პატარა ქალაქი; რამდენიმე ასეულ კაცს იქაური სურსათისა და სხვა აუცილებლის მარაგი ერთ წელიწადს მაინც ეყოფა – კინოთეატრზე და საბანკეტე დარბაზზე რომ აღარაფერი ვთქვათ, საბილიარდოც კი არის, ბარაქაა!

– ბიბლიოთეკისთვის შეიწუხებს თუ არა თავს, ვერაფერს მოგახსენებ და დიდებული აბანო რომ ექნება მოწყობილი, ეჭვი არ მეპარება! – გაიცინა მარჯვენამ. – დიახ, შტაბუტა-ტარულაშვილს სიძუნწეს ნამდვილად ვერ დასწამებ: ტახტზე საკუთარი აბრძანების აღსანიშნავად, ინაუგურაციის ზარ-ზეიმით ჩატარებული ცერემონიისთვის საპრეზიდენტო ფონდიდან რამდენიმე მილიონი ლარის გამოყოფა არ დანანებია! სხვა მხრივაც არ არის ძუნწი: როცა პარიზს ესტუმრება, თითო ჯერზე ასი ათასობით ლარს ხარჯავს! თუმცა, რაღა სტუმრობაა, ლამის პარიზელად იქცეს: ისე უყვარს ფრანგული სამზარეულო, პარიზული რესტორნები და ბარები და არანაკლებ – პარიზული გართობაც, რომ იქ მეტ ხანს არის ხოლმე, ვიდრე აქ... იცის პირის გემო ბიჭმა და რა ჰქნას! განსაკუთრე-

ბით უყვარს ძვირფასი კოქტეილი “რითს საიდ ქარ”, – კონიაკი, ლიკერი და ლიმონის წვენი – ყველაზე ელეგანტური მსოფლიოში! მის დასაგემოვნებლად სასტუმრო “რიცს” ხშირ-ხშირად მიაკითხავს ხოლმე...

წვიმიანი ამინდის მიუხედავად, ბატონმა პრეზიდენტმა ვახშმის წინ სასახლის ბაღში გასეირნება ინება და მანქანიდან გადმოვიდა. დღეს ძალიან დაკავებული იყო: სანამ აბანოს მიაკითხავდა, დაესწრო მღვდელმთავრე მოვლენას – ზოოპარკიდან წველი ბენგალიური ვეფხვი მოიყვანეს პრეზიდენტის სასახლეში; საგანგებოდ ფრიდრიხ ვილჰელმის კიდევ ერთი ახირებული სურვილის ასასრულებლად პატარა სამხეცე და საფრინველე მოაწვეეს – უყვარს მხეცები და ფრინველები და რა ჰქნას! ფრიად მოუცლელი სახელმწიფო მოღვაწეა და მათ სანახავად ზოოპარკში ხომ ვერ ირბენს ყოველდღე! შემდეგ შეხვედრა ჰქონდა პარიზში ჩატარებულ სტრიპტიზში მსოფლიო ჩემპიონატის მონაწილეებთან, რომლებიც ჩვენი ქვეყნის ღირსებას იცავდნენ ესოდენ პრესტიჟულ შეჯიბრში, მიულოცა მათ დიდი წარმატება – პირად ჩათვლაში მეორე ადგილის დაკავება და გუნდური მესამე ადგილი; გამარჯვებულებს სამახსოვრო საჩუქრები და თითოეულს ხუთთახიანი ბინის ორდერი გადასცა, უსურვა შემდგომი წარმატებები და მტკიცე იმედი გამოთქვა, რომ მომდევნო ჩემპიონატზე ჩვენს ქვეყანას კიდევ უფრო ასახელებენ და უფრო მაღალ ადგილს დაიკავენ! აგრეთვე, დალო მტკიცე პირობა, რომ მომდევნო მსოფლიო ჩემპიონატისთვის ღირსეულ კანდიდატა შესარჩევ კომიტეტს პირადად ჩაუდგება სათავეში, პირადად მიიღებს მონაწილეობას კონკურსანტთა შერჩევაში, ასევე, პირადად დაესწრება და მხურვალე გულშემატკივრობით გაამხნევეს ჩვენი ქვეყნის წარგზავნილთ!.. “მე ყველგან და ყოველთვის თქვენთან ვარ!” – ასეთი გამამხნეველი სიტყვებით დაასრულა ბატონმა პრეზიდენტმა თავისი გულთბილი გამოსვლა, რომელიც პირდაპირ ეთერში გადაცემოდა ქვეყნის ყველა ტელეარხით. უყვარს, როცა საკუთარი ბედნიერი სახის თითქმის ყოველდღე ხილვით სიხარული მოაქვს თანამემამულეთათვის და რა ჰქნას! საზეიმო ცერემონიის შემდგომ რომ გამარჯვებულთა საჩვენებელი გამოსვლები მოეწყო, უფრო ხშირად ფრიად კმაყოფილი და, შეიძლება დაბეჯითებით ითქვას – ნეტარების მორევი მცურავი პრეზიდენტის მდიმარი სახე უფრო იპყრობდა რეჟისორთა და ტელეოპერატორთა ყურადღებას, ვიდრე ტურფა ქალიშვილებისა.

ასევე, ბატონ პრეზიდენტს ძალიან უყვარს ყვაილები. სასახლეს საგანგებოდ გაშენებული მოზრდილი ბაღი აკრავს, საიდანაც მთელი მსოფლიოდან საგანგებოდ ჩამოტანილი ხე-ბუჩქებია დარგული, იტალიიდან და ჰოლანდიიდან ჩამოტანილი ყვაილებით შესანიშნავი ყვაილნარია მოწყობილი. ინგლისიდან მოწვეული მეზაღე-დეკორატორის მიერ მისივე გეგმით გაშენებული პრეზიდენტის სასახლის საოცარი ეგზოტიკური ბაღის სახელი ჰქუსს და თითებს ბედმა გაუღიმათ – სხვა დროს იქ ვერაფრით მოხვდებოდნენ და ალბათ პიანისტი დიტმარ დომინორაულიც (რომლის თითებიც ახლა გაპარულნი არიან) ვერასდროს ეღირსებოდა სასახლეში მიპატივებას იქ კონცერტის გასამართავად – პრეზიდენტს ხელოვნება მაინცდამაინც გულზე არ ეხატება (სამართლიანობისთვის აღვნიშნავ, რომ ახალგაზრდა მომხიბლავი მომღერალი ქალბატონები ხშირად სტუმრობენ პრეზიდენტის სასახლეს)... ბატონი პრეზიდენტი საპირისპიროს კი თავგამოდებით ამტკიცებს ხოლმე – მწერლობის, მხატვრობის, მუსიკის, არქიტექტურის დიდ დამფასებლად და ქომბაღდ მოაქვს თავი! ხელოვნების მუხეუმიდან რამდენიმე უძვირფასესი სურათი გამოატანინა და კაბინეტში დაჰკიდა, მაგრამ მუხეუმიები რომ სულს დაფავენ მოუფლევლობით და ექსპონატები ნადგურდება, დიდად არ ანადგელებს! მუსიკოსები და მხატვრები საზღვარგარეთ გარბიან, რათა შიმშილით არ დაიხოცნონ, მწერლები კი ლამის მეუზოვეები და გამყიდველები გახდნენ – წიგნები, სურათები, სპექტაკლები აღარავის აინტერესებს, მოსახლეობის დიდ უმრავლესობას პურის ფულიც კი სანატრელი გაუხდა! ერთ რამეს კი ბატონ პრეზიდენტს ვერაფრით დაუჟარავა: კულინარული ხელოვნების სათანადოდ დამფასებელი ნამდვილად გახლავს!

– ბიჭო, რა მაგრები ვართ! აქ უსაფრთხოდ ვიმყოფებით: პრეზიდენტის სასახლეში ვინ დაგვიწყებს ძებნას!

სწორედ დღეს, უფრო სწორედ – გვიან ღამით, პრეზიდენტთან საიდუმლო თათბირია დანიშნული! ცუდადაა საქმე: ქვეყანაში კრიზისული მდგომარეობაა: ისედაც უზარმაზარი უმუშევრობა კიდევ უფრო იზრდება, თან – სულ უფრო სწრაფად, ხელისუფალთა მხრიდან ძალადობის, ქონების უკანონო ჩამორთმევის, პოლიტიკურ მოწინააღმდეგეთა სასტიკი დევნის, ცემა-ტყეპისა და არცთუ იშვიათად – მკვლელობის, საპასუხოდ, უკიდურესად ძლიერდება გამეფებული რეჟიმისადმი მხოლოდ უნდობლობა კი არა, ფრიად მომძლავრებული წინააღმდეგობის ტალღაც, რომელმაც ლამის წააღიარა არსებული წეს-წყობილება...

დღისით ბატონი პრეზიდენტის მშენებლებთან შეხვედრა ტელევიზიის ყველა არხით გადაიცა პირდაპირი ეთერით და ახლა, მსუყე ვახშმის შემდეგ, რომლის აღწერისგანაც თავს შევიკავებ – არ მინდა, ცუდ გუნებაზე დაგაყენოთ (ამ დროს ღორმუცელობას ექიმები არავის ურჩევენ, მაგრამ ფრიდრიხ ვილჰელმ შატაბუტა-ტარულაშვილი გამოირჩევა სანაქებო მადით, უყვარს ნუგბარი კერძების მაძღრისად მირთმევა დღე-ღამის ნებისმიერ დროს და რა უნდა ქნას!), იგი დიდი სიამოვნებით

უყურებს საღამოს ამბებში ამ შეხვედრის ამსახველ ჩანაწერს – როგორ ეფექტურად შლის ხელებს, ღიმილით აჩენს მსხვილ, თეთრ კბილებს, რიხიანი ხმა ამჟღავნებს თავდაჯერებასა და სიმტკიცეს... ისმის ჩვეული, უკვე ათასგზის ნათქვამი: “მთელ მსოფლიოში, განსაკუთრებით – მეზობელ ქვეყნებში, დესტაბილიზაციის პროცესი გრძელდება, ფინანსური და ეკონომიკური კრიზისი სულ უფრო ღრმავდება, ეკონომიკა ფაქტობრივად ჩამოიშალა, ჩვენ კი გამეფებული ქალისს ოკეანეში პატარა ოაზისი ვართ”.

ბატონი პრეზიდენტი ყველაფერში ჩქარია: გადაწყვეტილებებს ერთპიროვნულად, წამიერად იღებს, მათ შორის – დიდად მნიშვნელოვანებსაც! არ მიიჩნევს საჭიროდ წინასწარ განსჯას, ყველა გარემოების და მოსალოდნელი შედეგების აწონ-დაწონას და, რაღა თქმა უნდა, არც არავის რჩევა სჭირდება! ახლა კი რბილ სავარძელში მისვენებული, ტელევიზორს უყურებს. ჩვენც დრო ვიხელთოთ და ფრიდრიხ ვილჰელმ შტაბუტა-ტარულაშვილის გარეგნული პორტრეტი მოვხაზოთ. იგი მოსული ტანისა გახავთ, ლოყებდაჟღაჟა; ხშირი თმა ბუჩქად ადგას თავზე და ლამაზ კულულებად ეფინება მხრებზე, ვითარცა შუა საუკუნეების რაინდებს თუ მაღალი წრის მამაკაცებს; ფრად ახლო-ახლო მდგომი, შავი, ერთი შეხედვით – ზანტი, ზარმაცი თვალები კონტრასტს ჰქმნის მის მოძრავ ბუნებასთან – ძალიან ხმამაღლა და ძალიან სწრაფად ლაპარაკობს, თითქმის სირბილით დადის, მაგრამ მაინც ვერაფრით დაიკლო წონაში – დიდად პატივცემული ღიბიკო ამშვენებს! გახდომა როგორ არ სურს, მაგრამ ვერაფრით ახერხებს – როგორც მოგახსენეთ, ღორმუცელაა! თანაც დიეტის გაგონებაც არ სურს, ვარჯიშისთვისაც, აბა, სად სცალია! ამიტომ იძულებულია, ყოველ ექვს თვეში ერთხელ პარიზში პლასტიკური ქირურგიის სახელგანთქმულ კლინიკას ესტუმროს, სადაც ზედმეტ ქონს აცლიან... მე რომ მკითხო, უპრიანია, ბარემ ყურებიც ოდნავ დაიპატარავოს, რათა ხალხში ფრად გავრცელებულ მის ერთ-ერთ მეტსახელს, უფრო მის ზნესთან, ვიდრე ჰაბიტუსთან დაკავშირებულს, – “დიდყურა”! – ნაწილობრივ მაინც საფუძველი გამოეცალოს...

აფსუსს, დღეს რესტორანში ვეღარ მოასწრებს სტუმრობას, არადა, ძალიან უყვარს ყოველდღე განსხვავებული ეგზოტიკური კერძებისა და უცხოური საკოლექციო ღვინოების დაგემოვნება! ბატონ პრეზიდენტის გაფაქიზებული კულინარული გემოვნების დაკმაყოფილებას საგანგებო სამონადირეო რაზმი ემსახურება, რომელიც ახალი ნანადირევს არ აკლებს როგორც თვით შტაბუტას, ასევე მის სტუმრებსაც! იცის პირის გემო ბიჭმა და კარგი ღვინოს ყადრიც, თანაც ლხინის დროს თუ ესტრადის მოწვეული ვარსკვლავები, მომღერალ-მოცეკვავეები დაამშვენებენ, – სწორედ ესაა ბატონ პრეზიდენტისთვის შესაფერისი დროსტარება! მართალია, ბატონი პრეზიდენტი ღუდის დიდი ტრფიალია, რაიც მის მიერ დაარსებული პარტიის დასახელებაშიც შესაბამისად აისახა, მაგრამ არანაკლებ პატივს სცემს სხვა სასმელებსაც! შტაბუტას ბიბლიოთეკა არ აქვს სასახლეში, სამაგიეროდ, აქვს მდიდარი ფილმოთეკა პორნოგრაფიული ფილმების დიდი არჩევანით, და პირადი ენოთეკა – ბატონ პრეზიდენტის მთავარი მეღვინე დღენიადაგ ზრუნავს შტაბუტას ძვირფასი ღვინოების კოლექციის გამრავალფეროვნებისა და გამდიდრებისთვის; ამისთვის იგი რეგულარულად მიფრინავს საზღვარგარეთ ყველაზე პრესტიჟულ აუქციონებზე საკოლექციო ღვინოებისა და კონიაკების შესაძენად! მის დიდ ცოდნასა და გამოცდილებას შტაბუტა დიდად აფასებს და სავსებით ენდობა – პირადი კათხათმტვირთველისა და პრეზიდენტის პირადი დაცვის უფროსის შემდეგ ის მესამეა რანგით – პრეზიდენტის პირადი გარდერობის გამგის, პრეზიდენტის სამზარეულოსა და საკუჭნაოს უფროსის, პრეზიდენტის ცეკვისა და ეტიკეტის მასწავლებლის, პრეზიდენტის კარის მასკარად-დღესასწაულების მომწყობის, პრეზიდენტის პირადი ექიმისა და პრეზიდენტის კარის მასხარას წინ.

ბატონ პრეზიდენტს, ასევე, ძალიან უყვარს პარიზში გასეირნება: პირადი თვითმფრინავით კვირაში 1-2-ჯერ ჩაფრინდება, ყველაზე ძვირფას სასტუმროში გაჩერდება, ყველაზე ძვირადღირებულ რესტორანს სტუმრობს, ყველაზე პრესტიჟულ მაღაზიებში ყიდულობს ჩასაცმელ-დასახურავს... რა ქნას, უყვარს გემრიელი სმა-ჭამა და უზრუნველი გართობა, ის ხომ ფრიდრიხ ვილჰელმ შტაბუტა-ტარულაშვილია!

ჰო, კიდევ: როცა მასაჟისტ ქალბატონს სამშობლოში დააბრუნებენ, იმავე თვითმფრინავით სტრასბურიდან საქვეყნოდ ცნობილი ვარცხნილობის ოსტატი, თავისი საქმის ნამდვილი ხელოვანი, ჟაკ ტეშემასერაული, უნდა წამოიყვანოს – პრეზიდენტის თვითმფრინავი ერთ რეისს გადაურჩება, თანაც დროშიც მოგებაა: 30 000 ევროს ეკონომია გამოდის, ფრიდრიხ ვილჰელმ შტაბუტა-ტარულაშვილი, მოსახლეობის ფართო ფენებში რომ სიყვარულით “შენდაუკარ-ბუქნაშვილად” მოიხსენიებენ, სახელმწიფო სახსრებს ფრად უფრთხილდება!

ფრიდრიხ ვილჰელმ შტაბუტა-ტარულაშვილს ერთი აკვიატებული ფიქრი არ ასვენებს: აუცილებლად საგანგებოდ უნდა გაემგზავროს მიუნხენში – იქნებ იმ ანტიკვარისგან, რომლისგანაც იყიდა ჯადოსნური კათხა, შეიძინოს კიდევ ახალი, სხვა სასმისი? ახსოვს, კარგად ახსოვს: მაშინ თაროზე შეამჩნია მაღალფეხიანი, კვამლისფერი, დიდი ბოკალი – იქნებ ის სასმისიც ჯადოსნური იყო და სანაქებო რაინული ან ბუგუნდიული ღვინოთი იყო გალიცლიცებული? ან იქნებ შამპანურიოთაც კი? ეჰ,

რამდენჯერ უნანია: რა სისულელე მოუვიდა, გამოუსწორებელი შეცდომა დაუშვა! რატომ არ დაინტერესდა, ვერ მოისახრა მაშინ იმ ბოკალის დათრევა?

კიდევ რა ფიქრს შეუპყრია ამ დროს ბატონი პრეზიდენტი? ალბათ იმას ნადვლობს, რომ, სამწუხაროდ, ქვეყნის მოსახლეობას არ აქვს საშუალება, ტელევიზიის მეშვეობით გაეცნოს, როგორ დაესწრო ფრიდრიხ ვილჰელმ შატაბუტა-ტარულაშვილი კიდევ ერთ, ფრიალ პრესტიჟულ ღონისძიებას – სასტუმრო “მეტროპოლის” საბანკეტო დარბაზში გამართულ სოსისიანი ბუტერბროდების – ჰოთ დოგების, “ცხელი ძაღლების” – სწრაფად ჭამაში ქვეყნის ჩემპიონატის ფინალს. მაღალმა სტუმარმა ისურვა, მონაწილეობა მიეღო შეჯიბრში და პირველობაც არავის დაუთმო! საპატიო სტუმარი და, იმავედროულად, – ჩემპიონატში გამარჯვებული დამსწრეთ დააჯილდოვეს მქუხარე ტაშით, ხოლო მსაჯთა კოლეგიამ სახეიმო ვითარებაში გადასცა შესაბამისი დიპლომი, მომავალში ერთი წლის განმავლობაში შუადღეზე ხუთი ჰოთ დოგის უფასოდ მიტმევის და ხუთი ლიტრი ბაგარიული ლუდის, ასევე, უფასოდ დაღვეის უფლების დამადასტურებელი მოწმობა და დიდი პრიზი – ცხელ-ცხელი ხინკლებით სავსე უზარმაზარი ვერცხლის თასი, საოქრომჭედლო ხელოვნების ნამდვილი შედეგრი! შატაბუტა ყველაზე მეტად სწორედ ამ მთიულური ხინკლების მთამ გაახარა და საკუთარი კიდევ ერთი განუზომელი ნიჭი კიდევ ერთხელ დაადასტურა მრავალრიცხოვანი დამსწრე საზოგადოების წინაშე – მაშინვე შეუდგა თასში მოთავსებული ნუგბარის, ორმოცდაათი ხინკლის მიტმევის! თუმცა ამ გმირობის ოფიციალურად აღწერა არ შედიოდა მსაჯთა მოვალეობაში და არც წესდებით იყო გათვალისწინებული, მაგრამ ყველა ისედაც თვალნათლივ დარწმუნდა, რომ, თავისუფლად შეეძლოთ, ბატონი პრეზიდენტი იქვე გამოეცხადებინათ მსოფლიო ჩემპიონად ხინკლის სწრაფად ჭამაში!

ბატონი პრეზიდენტი ამ სასიამოვნო მოვლენის მოგონებამ იმდენად გემრიელ გუნებაზე დააყენა, რომ, ერთი პირობა, თვალებიც კი მიღულა... ოღონდ, მოკლე ხანში, მის ნეტარ სახეზე ჭმუნვის მცირე ღრუბელიც დაეფინა: განა არ არის საწყენი, დიდად საწყენი და შეუწყნარებელი დანაშაულიც, ესოდენ გმირული შემართება რომ მომავალ თაობებს მხოლოდ სიტყვიერად გადაეცემა? საინტერესოა, იქნებ რაიმე ვიდეოგადაღება მაინც მიდიოდა და, კარგი იქნებოდა, ის დაუფიწყარი წუთები მარადისობის კუთვნილება გამხდარიყო! როგორ დაამშვენებდა პრეზიდენტის უკვე მშენებარე მემორიალურ მუზეუმს! მომავალ თაობებს ცოცხლად შეუნახავდა “დიდი პრეზიდენტის” ცოცხალ სახეს... იმედია, შემდგომში მასობრივი კომუნიკაციის საშუალებები გამოასწორებენ დაუდევრობას, დიდ შეცდომას თუ შეუწყნარებელ დანაშაულს – ესეც გასარკვევია, რა კვალიფიკაცია მიენიჭება ამგვარ ქმედებასა თუ უმოქმედობას (არ დაავიწყდეს, გასცეს ამის შესახებ შესაბამისი განკარგულება), დამნაშავენი საკადრისად დაისჯებიან და სხვები ამგვარ მნიშვნელოვან მოვლენას მომავალში მაინც შესაფერისად გააშუქებენ... უჰ, რა გემრიელი ხინკალი იყო! აუცილებლად უნდა გასცეს კიდევ ერთი განკარგულება: სასწრაფოდ გაიგონ, ვინ იყო ამ გასაოცარი ხინკლის გაკეთების ხელმადლიანი ოსტატი და დაუყოვნებლივ მის პირად მზარეულთა შტატში ჩარიცხონ! თუ მშვენიერი ქალბატონი იქნება, მით უკეთესი!

მარცხენა გადაცოცდა მარჯვენასთან და უჩურჩულა:

– ნახე, რა დიმილის მომგვრელი სანახაობაა: ბატონ პრეზიდენტს კმაყოფილ სახეზე ნათელი გადაეფინა...

– ალბათ გაახსენდა ამასწინდელი შეხვედრა ოპოზიციური პარტიების ლიდერებთან; როგორც იქნა, დაითანხმა ისინი შეხვედრაზე: “საზოგადოება დაბეჯითებით მოითხოვს: დიალოგი ხელისუფლებასა და ოპოზიციას შორის აუცილებელია ჩვენი ქვეყნის ნორმალური დემოკრატიული განვითარების გზაზე გასაყვანადო” და პრეზიდენტის სასახლეში სხდომების დარბაზში მოწვეულ სტუმრებს სული კინაღამ ამოხდა მისი უდიდებულესობის გამოცხადების მოლოდინით, თითქოს ბატონმა პრეზიდენტმა თითქმის ერთი საათი იმიტომ აყურყურა ისინი, რომ უცხო ქვეყნიდან ჩამობრძანება დაუგვიანდა, არადა, სახსკლეში ბრძანდებოდა! მე ოპოზიციის ლიდერების ადგილზე ასეთ აშკარა უპატივცემლობას უპასუხოდ არ დაგტოვებდი და წამოვიდოდი...

– სტუმრებმა, საწყლებმა, მინერალური წყლის დაღვევაც კი ვერ გაბედეს, – ისინი წინასწარ გააფრთხილეს მეგობრებმა: შატაბუტასგან ყველაფერია მოსალოდნელი და სასახლეში პირი არაფერს დააკაროთ...

– და მერვე შატაბუტა მათ რა აგდებით ელაპარაკებოდა... მერედა, ვინ დათანხმდებოდა ოპოზიციონერთა ბელადების “მოსათვინიერებლად” გამიზნულ მის სატყუარა-დაპირებებს: “ჩვენ თანამშრომლობისთვის ხელს გიწვდით და მთელ რიგ პოსტებს გთავაზობთ სამინისტროებსა და სხვა სამთავრობო უწყებებში”... იცოდა, რომ მტკიცე უარს მიიღებდა და ტკბებოდა თვით მის მიერვე დადგმული სპექტაკლით – სალაპარაკო მასალა ხომ უხვად მისცა ხელისუფლების მიერვე სავსებით კონტროლს დამორჩილებულ ტელეკომპანიებს... ახლაც დიდად კმაყოფილი ჩანს, ალბათ ტკბილ სიზმარში სადღაც ოცნების ღრუბლებში დაცურავს, ახალ პოლიტიკურ ხლართებს გეგმავს, მას ხომ დღე სამუშაოდ არ სცალია... ხომ ხედავ, გემრიელი ხვრინვა ამოუშვა. მაშინ მასთან შეხვედრის დროს ოპოზიციური პარტიების ლიდერებმა თავშეკავება გამოიჩინეს და ბატონ პრეზიდენტის უბ-

რდელობას ეტიკეტის დაცვა დაუპირისპირეს... ჩვენ ამას ვერავინ მოგეთხოვს და ოპოზიციონერთა მაგივრად ხომ არ გადავუხადოთ სამაგიერო? ნაწილობრივ მაინც, როგორც შეგძლებო!

- რა სისულელეს ბუზტურობ, პიანოფორტზე დაკვირის გარდა, ჩვენ რა შეგვიძლია?

- კიდევ ალბათ ჩრდილების თეატრში ვივარგებდით! - გაეღიმა მარჯვენას. - ახლა ხელოვნებაში მოლაშია საშინელებებისა და სისასტიკის ესთეტიზაცია, პოდა, ჩვენც ხომ არ ავუწყოთ ფეხი ცხოვრებას? შატაბუტას ძალიან უყვარს შოუ-წარმოდგენების გამართვა და გაეხაროთ: ჩვენ ჩვენებური ჩრდილების სპექტაკლი გავითამაშოთ კედელზე - ალქაჯების სატანური ცეკვა! ჩვენებურად შევაშინოთ ბატონი პრეზიდენტი!..

- მამალ მგელს უფრო შეაშინებ, ვიდრე შატაბუტას! - ეჭვი გამოთქვა მარცხენამ.

- შენ ვერ გგონია? ახლავე განახეებ, რა სანაქებო გაუკაციაა!

- თანაც, მაშინვე დაგვიჭერენ!

- თუ ამგვარი გართობა საშიშად მიგაჩნია, მაშინ უფრო მარტივი ხერხი ვინმართ... გაგვრათ წკიპურტი ბატონ პრეზიდენტს ცხვირის წვეროკინაზე და გავიპართ!.. გაქცევაში წარმატებას ადრეც მივადწიეთ!..

- გაგიჟდი? - თვითონ კინაღამ გაგიჟდა მარცხენა. - ბატონ პრეზიდენტს ვერ უბედავენ, რაც მას ოდნავ მაინც არ მოეწონება, სულ ელოლიაგებთან, ხელისგულზე ატარებენ, და შენ გინდა, შენი დაუფიქრებელი ქმედებით კატასტროფა გამოიწვიო? ნაღდი ავანტურისტი ბრძანდები! ხედავ, გვერდით ახმახი უდგას კათხით ხელში, იმის მაინც არ გეშინია?

- დაე, უგუნურად შემრაცხო, მაგრამ მაინც ვერ ვძლევ ცდუნებას, გემრიელად გავიცინო! მოხდეს, რაც მოსახდენია!

და მარჯვენამ მართლაც აასრულა დანაქადნები!

მაგრამ მანამდე კიდევ ერთი საქმე მოითავა: ჩამოცოცდა იატაკზე, შემდეგ სწრაფად მიაღწია საწერ მაგიდამდე, იქ მალლა აცოცდა და იქ კარგა ხანს დაჰყო; როცა უკან დაბრუნდა, ხელში ქალაღლის ფურცელი ეჭირა.

- რამდენადაც ბუნდერება გვეწვია და პრეზიდენტის სასახლეში ვართ, სხვა დროს მასთან ასე ახლოს ვინ მიგვიშვებს? გამოვიყენე ეს უნიკალური შესაძლებლობა, დრო ვიხელთე და ჩვენს ძვირფას ფრიდრიხ ვილჰელმს გულთბილი წერილი მივწერე, დარწმუნებული ვარ, ძალიან გაუხარდება მისი წაკითხვა! - უჩურჩულა მარცხენას და თვალბმელულ ბატონ პრეზიდენტს (აბანოში სასიამოვნო დროსტარების შემდეგ ძილი მოგერევა, აბა რა!) ხელში ჩაუდო საგანგებოდ პრეზიდენტისთვის საზღვარგარეთ დამზადებული პრეზიდენტის დერბიანი, ოქროსგარაყიანი წარწერით დამშვენებული, ძვირფასი ფურცელი და სანამ ისევე "ეპოლეტად" გადაიქცეოდა, გზად მოვლემარეს ცხვირის წვეროკინაზე გემრიელი წკიპურტიც უთავაზა.

ბატონმა პრეზიდენტმა უცებ, შეშინებულმა, გაახილა თვალები:

- ფუი, ზოგჯერ რა საშინელება მოგეზმანება!

და ამ დროს შეამჩნია მის ხელში ჩადებული ბარათი.

- საიდან მოხვდა აქ ეს ფურცელი? - კიდევ უფრო დააჭიტა თვალები ბატონმა პრეზიდენტმა. - სასიყვარულო ბარათი იქნება იმ ცუდლუტისგან, თუმცა ვარდისფერ ქაღალდზე არ არის დაწერილი და არც ნაზი სუნამოს სურნელი უდის... ჩემს ოფიციალურ ბლანკზე წერია, ალბათ ჩემს მიერ ნაჩუქარზე... აბა ერთი, რას მწერ, შემდეგი ჩვენი შეხვედრა სად გესიამოვნება, სად უნდა შევხვდეთ, ჩემო ლამაზო და მშვენიერო?

მომავალი სასიამოვნო ამბის შეტყობის მოლოდინით აღსაესე გაბადრულმა ბატონმა პრეზიდენტმა გაშალა უსტარი და გაფაციცებით დაიწყო კითხვა. და თანდათან სულ უფრო ედრუბლებოდა სახე... ბარათში კი ეწერა:

“ძვირფასო შატაბუტავ, ტარულაანთ ბიჭო!

იმდენად დიდად აღფრთოვანებული დავრჩი თქვენი სეფესიგყვით, რომლითაც თქვენ, დიდი ხნის ლოდინის შემდეგ, ფრიად გაგვაბუნდერეთ და გამობრძანება ინებეთ ამა წლის 16 მარტს ჩვენი (უფრო - თქვენი!) სახელოვანი პარლამენტის წინაშე, რომ არ შემიძლია, არ მოგიძვნათ გულითადი და გულწრფელი მადლიერების გამოხატველი ეს წერილი.

უპირველესად, დიდად მადლობელი გახლავარ, რომ ბარე ოცდაათი წლის გვირთი ჩამომაცილეთ მხრებიდან და იმ ნეტარსახსენებელ დროში დამბარუნეთ, როცა განვითარებული სოციალიზმის მშენებელი ჩვენი დიდი და დიადი სამშობლოს - უკიდვანო და უმძლავრესი საბჭოთა სოციალისტური რესპუბლიკების კავშირისა- საამაყო თავკაცი მეორე ილიჩი საანგარიშო მოხსენებით წარსდგებოდა ხოლმე კომუნისტური პარტიის მორიგ ყრილობაზე და ქვეყნის არნახულ აღმავლობასა და მთელი დანარჩენი მსოფლიოსთვის მისაბამ შთამბეჭდავ წარმატებებზე აღფრთოვანებით ლაპარაკობდა. თქვენგან არც არის გასაკვირი: თქვენ ხომ, - არ მომწყინდება ასე მოწიწებით მიმართვა, - ძვირფასო შატაბუტავ, მეორე ილიჩის უახლოესი მეგობრისა და თანამებრძოლის, განუმეორებელი, მსოფლიო ღონის ვირგუოზი პოლიტიკოსის, ამჟამად კი -

სახელგანთქმული მემუარისგისა და პოლიტოლოგის, გიგუშა გავარდნაულის, პირადად გამოზრდილ-გამოწვრთნილი და დაკვალიანებული ბრძანდებით – დიდი რულუნებითა და სანაქებო სიფაქიზით... და უნდა მოგილოცოთ: ნამდვილად არ შერცხვით, სავსებით, მთლიანად და საგრძნობი გადაჭარბებითაც გაამართლეთ მზრუნველი “მამობილის” მიერ თქვენზე დამყარებული ყველაზე დიდი იმედები!

ღიას, იხარეთ, ხალხო, ჩვენი შატაბუკას დაუღალავი მცდელობით, მისი და მისი შესანიშნავი თანაგუნდელების დაუცხრომელი ზრუნვითა და გარჯით, ჰყვავის ჩვენი ტურფა ქვეყანა! არნახული მიღწევებია სახალხო მეურნეობის ყველა სფეროში, სამაგალითონი გავხდით მთელი მსოფლიოსთვის!!! უდიდესი ოპტიმიზმითა და შემართებით უყურებს მოსახლეობის ფართო ფენები ხვალისდელ დღეს, საზოგადოება, ასევე, უპრეცედენტო ერთიანობითა და სიმტკიცით ანცივიფრებს მთელ განათლებულ მსოფლიოს! ყველანი შურით შემოგვცქერაიან და ღელამიწის ზურგზე არსებული ყველაზე წინ მყოფი განვითარებული ქვეყნების კი აპირებენ ჩვენგან ჩვენი მოწინავე, უნიკალური გამოცდილების გადაღებას! იაპონიის პრემიერ-მინისტრმა გყუილად კი არ გკითხათ, როგორ მოახერხეთ ასეთი სწრაფი გემპების მიღწევა ქვეყნის ყოველმხრივ ეფექტურ განვითარებაში – მრეწველობისა და სოფლის მეურნეობის პროდუქციის მოცულობის ყოველწლიურად 15-20%-ით ზრდაში, ხალხის სამაგალითო კეთილდღეობის მიღწევაში; საზოგადოების ყველა ფენის კონსოლიდაციითა და ღემოკრატის აყვავებით ხომ თითოთი საჩვენებელი გავხდით მთელ მსოფლიოში!

ერთი რამ კი მაინც უნდა გისაყვედუროთ, ძვირფასო ფრიდრის ვილჰელმ: მშვენიერი, დაუვიწყარი წარმოდგენა დადგით, სავსებით დამსახურებულად მქუხარე გამიც დაიმსახურეთ, მაგრამ, იცით, რატომ დამწყდა გული, ყმაწვილო? თქვენი ბრწყინვალე ბრძნული გამოსვლის წინ რატომღაც არ გამოვიდა წითელყელსახვევიან პიონერთა გუნდი – დაფაფებით, საყვირითა და საზეიმო პატაკით, რაც ესოდენ დაამშვენებდა ერისა და ბერის ერთიანობისა და სიმტკიცის ამ დიდებულ ღემონსტრაციას! იცყვიოთ: "სამწუხაროდ, პიონერთა ორგანიზაცია ვიღაც ბრიყვებმა გააუქმესო", მაგრამ არსებობს ბრწყინვალე გამოსავალი: მრავალთქვენს თანამებრძოლს, თუნდაც საშიშროების, მოსმენა-ღასმენისა და ცემა-გყეპის მინისტრს, პარლამენტის თავმჯდომარეს, უმაღლესი სასამართლოს თავმჯდომარეს და სხვებსაც, დიდად დაამშვენებდათ წითელი ყელსახვევები, დაფაფებზე დაკვრაც, ასევე, ღემაგოგიური ღაქღაქი ჩასაფრებულ ჩვენი ქვეყნის არაკეთილმოსურნეებზე – იღეურ მოწინააღმდეგეთა სიგყვიოთ გაცამტყვერებაში თქვენ და მათ ვერავინ აჯობებს! ბოლოს კი, დამაგვირგვინებულ მაჟორულ აკორდად, წითელყელსახვევიან ნეობოლშევიკ ღეპუტატთა მრავალრიცხოვანი რაზმი მწყობრი ნაბიჯით რიხიანად ჩაივლიდა და გავარჯიშებული ხმებით დააგუგუნებდა მშობლიურ პარტიულ ჰიმნს!"...

ბატონმა პრეზიდენტმა კითხვა აღარ გააგრძელა, სიბრაზისგან აცახცახებულმა იღრიალა:

– დაცვა!

პირველი შემოვარდა პრეზიდენტის პირადი დაცვის უფროსი ჰაინც ძიბგილაური და სახეშემლილ უფროსს გამოეჭიმა:

– თქვენო უმაღლესობავ, ყველაფერი წესრიგშია! მთელ დასაცავ პერიმეტრზე ვიდეოთვალებს და სადღელამისო პატრულს საეჭვო არაფერი დაუფიქსირებიათ!

გააფთრებულმა ბატონმა პრეზიდენტმა მუჭში დაჭმუჭვნილ-ღამრგვალეული წერილი სახეში ესროლა:

– აბა, ეს რაღა ჯანდაბაა?! საიდან მოხვდა ჩემთან? ეს არამზადები არ დაკმაყოფილდნენ იმით, რომ ამზადებენ მასობრივ მიტინგს ჩემი პოსტიდან გადადგომის თავხედური მოთხოვნით – ვერ ეღირსებიან, ვერ მივართვი ბადრიჯანი!.. მოღალატეები! თაღლითები! ვერაგები! ახლავე გააძლიერეთ რეზიდენციის დაცვა და გაჩხრიკეთ ყველა კუთხე-კუნჭული, ჩემზე ტერორისტული აქტი მზადდება! სად არის პრეზიდენტის ადმინისტრაციის უფროსი? საჭიროა და აუცილებელიც დაუყონებლივ უშიშროების საბჭოს საგანგებო სხდომის მოწვევა! სასწრაფოდ აქ გაჩნდეს ყველა! ოპოზიციის, – ხალხის და პირადად ჩემი მტრების, – არნახული პროვოკაციაა! ოპოზიციონერთა ხრიკებია! უცხო ქვეყნის სამსახურში მყოფი აგენტები არიან! არ გამოფრიცხავ, რომ ამ საქმეს ღალატის სუნი უდის! – და მოუთმენლად გაიწვდინა მარჯვენა პირადი კათხათმტვირთველის ღიტმარ მამებლასურისკენ: – მომაწოდე! დედას ვუტირებ ყველა ჯურის ნაძირალებს! ვერ ეღირსებიან ჩემგან რენესანსებს!

– ბატონი პრეზიდენტი ერთმანეთში ურევს სხვადასხვა ცნებებს: ალბათ სურდა, ეთქვა, რომ მისი მტრები ვერ ეღირსებიან მისგან რევერანსებს... მართალი ბრძანდება – დათმობა წვრილმანშიც არ ჩვევია... – მარჯვენამ მარცხენას გადაუჩურჩულა.

– ბიჭო, რა ჩქარ-ჩქარა, არაკუნებს ენას! – გაუკვირდა მარცხენას. – ტყვიამფრქვევით არ მიყარა?

– შიშისგან, ჩემო კარგო, შიშისგან! თუმცა, ისედაც ყველაფერში მარდი: ხომ ნახე, მანქანიდან რომ გადმობრძანდა, თითქმის გაიქცა, დაცვის აყლაყუდა თანამშრომლები ძლივს ეწეოდნენ!

– მე კი მეგონა, მალე უნდოდა, უსაფრთხო აღვიღას აღმოჩენილიყო!

– ჰო, რა თქმა უნდა, ეგეც არის. ჩვენს შატაბუტას, მარად ჭამის მოთხოვნისა არ იყოს, მუდმივად შიშიც უღრღნის გულ-მუცელს; მიკვირს, მისი უმაღლესობა სადმე საწოლის ქვეშ საჩქაროდ არ შეძვრა... ახლა ნახე, აქ რა ამბები დატრიალდეს!

მართლაც, მაშინვე საჩქაროდ მობილიზაცია გაუკეთეს დამატებით ძალებს პრეზიდენტის სასახლის დასაცავად, ყოველგვარი ტრანსპორტის მოძრაობისთვის გადაიკეტა მიმდებარე ქუჩები, გაიხზრია ახლომდებარე ყველა ბინა, გააჩერეს გამგლეულ-გამომგლეულნი და, ყოველი შემთხვევისთვის, ყველანი უახლოეს საპოლიციო უბნებში გადაიყვანეს პიროვნების დასადგენად.

გაუთვალისწინებელი მოვლენის გამო, – მაინც საიდან გამოტყვერა ეს წერილი? – რამაც კიდევ უფრო შეაშფოთა შატაბუტა-ტარულაშვილი, ადრევე დანიშნული საიდუმლო თათბირი უკვე გადაიზარდა სასწრაფოდ მოწვეულ სხდომაში უშიშროების საბჭოსი; რომელსაც ასევე დაესწრებიან სხვა პირებიც – პრეზიდენტისთვის “საჭირო” ხალხი...

სანამ უშიშროების საბჭოს წევრები და დამატებით მოწვეულნი შეიკრიბებიან საგანგებო სხდომის გასამართავად, ბატონი პრეზიდენტი უყურებს ერთ-ერთ პოპულარულ არხზე პოლიტიკურ დებატებს ოპოზიციურ პოლიტიკური პარტიების ლიდერთა მონაწილეობით.

ფრიდრიხ ვილჰელმს გულზე ოდნავ მოეშვა, დიდად უხარია: დისუსიაში მონაწილენი ერთმანეთთან ვერაფერში შეთანხმებულან! იქნებ ტყუილად შეშფოთდა და ატეხა განგაში? ვაი, მათ პატრონს, უბედურს, ეს ნაცარქექიები რომელი ხელისუფლების გადამტრიალებელნი არიან! არც ძალა აქვთ, არც – ტვინი! როგორ ბედავენ ეს ტილები ხმის ამოდებას?

ბატონი პრეზიდენტი მშვენივრად ერთობა: წამყვანი – უზომოდ შედებილ-ჩაცმულ-მოკაზმული და მაინც საკმაოდ შეუხედავი, ახალგაზრდა, წიკვინახმიანი ქალბატონი, როგორც ყოველთვის, ახლაც აგრესიულად არის განწყობილი: პროვოკაციულ კითხვებს სვამს, ყოველმხრივ ცდილობს, პოლიტიკური მოწინააღმდეგენი ერთმანეთს წაჰკიდოს.

მარჯვენა ეჩურჩულება მარცხენას:

– არ გიკვირს? როგორ მოსწონს ამ ქალბატონს საკუთარი თავი, როგორ ტკება თავისი ძვირფასი პერსონის ეკრანზე წარმოჩენის შესაძლებლობით – ნამდვილი ნარგიზია!

– რატომ უნდა მიკვირდეს? მთელი ქვეყანა გააბედნიერა ეკრანზე გამოჩენით! ტელეწამყვანი ჰქვია და მართლაც მის ხელთაა საუბრის სადავეები და საითაც უნდა, იქით მიჰყავს; აშკარად ეტყობა: დიდად სიამოვნებს შუღლის გაღვივება, ცეცხლზე ნავთის დასხმა... ყველა მოსაუბრეს შუა გზაზე უბოდიშოდ ჩაერევა, ლაპარაკს უხეშად აწყვეტინებს, რათა საკუთარი ძვირფასი მოსაზრებები უტეხი უტიფრობით განავითაროს და, არცთუ იშვიათად, თუ დისკუსიის მიმართულება არ მოეწონება, საერთოდ სულ სხვა რელსებზე გადაჰყავს საუბარი!

– ეს ქალბატონი გამონაკლისი როდია, ბევრი მიმბაძველი ჰყავს: მოწვეული სტუმარი რაც მათზე დიდად ხნიერია, ბევრად მცოდნე და გამოცდილი, მით მეტ უპატივცემულობას აგლენენ მის მიმართ, საოცარი! ყველა ტელეწამყვანს ლამის პროფესიულ დაავადებად განუვითარდეს უზრდელობა!

მარცხენა პასუხობს:

– და კიდევ: უზრდელობაზე დამყნილი სანაქებო უვიცობა და თავხედობაზე დამყნილი უსახლვრო თავდაჯერებულობა და აპლომბი! ბარაკალა!

ამჯერად კი მონაწილენიც წამყვანს არაფრით ჩამოუვარდებიან: სხვას არ უსმენენ, ერთმანეთს არ აცლიან ლაპარაკს, ხოლო დავაში მათი მთავარი არგუმენტია – გაცხარება, თითქმის ყვირილი... ლამის მუშტი-კრივი გაიმართოს!

ბატონ პრეზიდენტს ერთი პირობა შეეშინდა და ტელევიზორიდან ცოტა უკან დაიხია კიდევ: ქალბატონი ტელეწამყვანი იმდენად აგრესიულია, შესაძლოა, გადმოვიდეს ეკრანიდან და თვით პრეზიდენტსაც კი მუშტი უთავაზოს! მერე და მერე, ცემა-ტყეპის მოლოდინში, ფრიდრიხ ვილჰელმი თანდათან აღივზნება და, ქალბატონისა და დისკუსიის მონაწილეთა ქცევით აღფრთოვანებული, უკვე თითქმის ყვირის:

– მიდით, მიდით, ჩემო კარგებო, ჩემო ძვირფასებო, დაჭამეთ ერთმანეთი, დიდებულება, მშვენიერი-ა!.. აბა ჰე, არ დაინდოთ ერთმანეთი!

მარჯვენა:

– თვითონ ბატონი პრეზიდენტიც ზრდილობით არ გამოირჩევა! უნიჭოებს იკრებს გარშემო, უვიცებს – მათაც დასცინის და ხალხსაც – ჩვენს ქვეყანას ეს ეკადრება? სანტექნიკოსი – განათლების მინისტრია, ბოტანიკოსი – მრეწველობისა და ეკონომიკის საქმეებს განაგებს... მერე გენერალურ პროკურორს კულტურის მინისტრად დანიშნავს, კულტურის მინისტრს – საბაჟო დეპარტამენტის უფროსად... ასე ქვეყანას ეშველება? საგარეო საქმეთა ცხვირმოუხოცელი მინისტრი, საშუალო სკოლა რომ გუშინ დაამთავრა და ცხოვრებაში ღირებულები ქვეყნისა და ხალხისთვის ჯერ არაფერი გაუკეთებია, არც გამოცდილება აქვს და ვერც დიდი ცოდნით დაიკვებინს, თანამშრომლებს დედის გინებით ელაპარაკება, საქმიანი შეხვედრის ან პარლამენტში გამოსვლის წინ ვისკით გამოიბრუება –

მთავრობის ასეთი წევრებით უნდა, ქვეყანა მართოს და წარმატებას მიაღწიოს? თვითონაც პარანოიკია! ვინ ურჩია, რომელ ქვეყანაში ეგულება ნეტავ ასეთი ყოველგვარ გონიერებას მოკლებული “ნოვაციები”? თურმე, უკლებლივ ყველაფერი ძველი – უვარგისია, მათ შორის – საღი აზრიც! როგორ შეიძლება ყველაფრის საყოველთაო შეცვლა? მათ შორის იმისაც, რის შეცვლაც არავითარ საჭიროებას არ წარმოადგენს და უფრო ხშირად – ზიანიც მოაქვს...

– რას ამბობ, შენ არ მოგწონს, რომ ქუჩაში სადამოს თავისუფლად გამოხვალ და გამარცხის არ გეშინია? არც მანქანას მოგპარავენ! წესრიგი დაამყარა, ძმაო, ქვეყანაში! რატომ არაფერი მოგწონს? – არ ეთანხმება მარცხენა.

– სასტიკია! “რალა იგი სინათლე, რასაცა ახლავს ბნელია”, ხომ გახსოვს ბრძენი შოთას ნათქვამი? საყოველთაო ძალადობა გაამეფა და თავისუფლება დათრგუნა, პოლიტიკურ მოწინააღმდეგეებს ციხეში ალბობს, ეს უნდა მომწონდეს? ინტელიგენციას დაერია, ცოდნა-განათლება დიდ ნაკლად ითვლება, ისევე, როგორც ეროვნული ფასეულობებისადმი ერთგულება, სიტყვა “ინტელიგენტი” ლამის სალანძღავ სიტყვად გახდეს... “სიკვდილის ესკადრონები” დაძრწიან, საპროტესტო მიტინგიდან წამოსულ ადამიანებს იტაცებენ, ართმევენ მანქანებს, მაგრად სცემენ და სადღაც ქალაქგარეთ შიშველს დააგდებენ... ქუჩაში უდანაშაულო ადამიანებს პოლიციელები ჰკლავენ და პასუხს არაგინ სთხოვენ... მაგისტვის კანონი არ არსებობს! მისი შექმნილი პოლიციური სახელმწიფო როგორ უნდა მომწონდეს?

– კარგი რა! ადამიანების უმრავლესობა განსჯა-ფიქრით თავს არ იწუხებს, მხოლოდ სიამოვნება სურს. ხალხი გაფუჭებულია, თუ მაგარი მუშტი არ აჩვენე, თავს გაგა! ქაოსი და ნგრევა, ყაჩაღობა და უწესრიგობა გვინდა კიდევ ჩვენ? რომ გაპყვირით “დემოკრატია, დემოკრატია!”, სხვანაირად წესრიგს ვერ დაამყარებ!

– ძალადობა და ტყუილი – აი, ორი ბოძი, რომელზედაც დგას შატაბუტა-ტარულაშვილის ეს ხელისუფლება. მაშ, შენ გინდა, ისევე მონობაში ვიცხოვროთ?

– თავისუფალი – მხოლოდ გიჟია! დენი გაქვს, წყალი გაქვს, პენსიას თუ ხელფასს დროზე არიგებენ, პურისთვის რიგში დგომა აღარ გიხდება, არც ბენზინის შეძენაზეა რიგი და არც არაფერზე – მეტი რაღა გინდა? ისევე არეულობა და განუკითხაობა? აუცილებლად ჩასატარებელი რეფორმები მტკივნეულია და უნდა გადავიტანოთ! ეს ოპოზიციური პარტიების მიერ მოწყობილი მიტინგები მხოლოდ სკამისთვის ბრძოლას ემსახურება...

– რას ამბობ?! ყოველ წუთს რომ შეიძლება, შარი მოგდონ და სახლი, საწარმო, ფირმა უბოდიშოდ წაგართვან – ყოველგვარი სასამართლოში განხილვისა და დადგენილების გამოტანის გარეშე?! ან სრულიად უმიზეზოდ ქუჩაში დაგაკავონ და ნარკოტიკი თუ პისტოლეტი ჩაგიდონ ჯიბეში და ციხეში ჩაგსვან, ან სულაც პირდაპირ ქუჩაში მოგკლან – მოგწონს? მხოლოდ ტყუილს რომ გასმენინებენ დღედაღამ და სიცრუის მეტს ვერაფერს წაიკითხავ – ესეც მოგწონს? ქვეყანას რომ ყოველმხრივ ანგრევე, უზარმაზარი უმუშევართა არმია რომ უფრო იზრდება და ასიათასობით უკიდურესად გაჭირვებული ოჯახი გყავს – ესაა წარმატებული რეფორმები?

– ვაცლოთ, შენ ყველაფრის უცებ გამოსწორება გინდა, ასეთი რამ შეუძლებელია, ბუნებაში არ ხდება!

– სულ ველოდი, ველოდი, რომ რაღაც შეიცვლებოდა უკეთესობისკენ, მაგრამ ამოდ...

– მთელი ჩვენი ცხოვრება ხომ რაღაც კარგი მოვლენის დაუსრულებელი მოლოდინია და, ბოლოს, იმ იმედით ჩავდივართ საფლაგში, რომ ველირსებით და საიქიოს მანაც აგვისრულდება ოცნებები...

– ჰო, მაგის იმედად იყავი! – დაცინვით უთხრა მარჯვენამ.

– აბა, რა ვქნათ, სად არის გამოსავალი?

– მაინც მხნედ უნდა ვიყოთ! “გვეშველება რამე?” – ამ კითხვაზე პასუხი უბრალოა: ასე დიდხანს არ შეიძლება, გაგრძელდეს, ტაშ-ფანდურითა და დემაგოგიური დაპირებებით რამდენ ხანს უნდა შეაკავო საყოველთაო უკმაყოფილება? უსამართლობის წინააღმდეგ აგორებულ საპროტესტო ტალღას ყოველთვის ვერ გადააგორებს, როგორც თვითონ შატაბუტას ტყუილად ჰგონია. რისი იმედი აქვს? ოპოზიციის ბანაკში შეუთანხმებლობისა და ზოგიერთ საკითხში ურთიერთ დაპირისპირებულობისა? თუმცა, ბატონი პრეზიდენტის გახარება და გულარხეინობა ერთგვარად გამართლებულია: ეს “პამპერსის ტიპის” ჯუჯა პარტიები, როგორც მათ მოსწრებულად დაარქვეს, რას დააკლუბენ! ისინი პარტიის ლიდერის “კერძო საკუთრებაა”, – თითოში მხოლოდ ათამდე თუ ცოტა მეტი წევრია: ნათესავები და ახლო მეგობრები; ეს “თითო კაცის” პარტიები არავითარ რეალურ ძალას არ წარმოადგენენ... ამათ “საკუთრებისგან” განსხვავებით, მოქალაქეთა კერძო საკუთრებას – საწარმოებს, შენობებს და ასე შემდეგ – ეს ხელისუფლება როცა მოისურვებს, მაშინ წაართმევს.

მარცხენა:

– აბა, პრეზიდენტის პირადი დავალებით დასმენისა და ცემა-ტყეპის მინისტრი ზიგფრიდ კომბალაური რატომ შეაგზავნის აგენტებს ამ ოპოზიციურ პარტიებში?

– სიფრთხილეს თავი არ სტკივა და იმიტომ! მოაწყობინებს “უცხო ქვეყნის აგენტებს” პროფოკაციების მთელ სერიას, შეეცდება, შექმნას “მტრის ხატი”... ამერიკა ნამდვილად არ აღმოუჩენია – კარგად ცნობილი მეთოდია!

– შეხედე: ბატონ პრეზიდენტის ერთ-ერთი მინისტრი სთავაზობს ოპოზიციას დიპლომატიკურ კვებაში არსებულ ნებისმიერ საჭირობორტო საკითხზე, ოპონენტები რატომ არ არიან მზად ამ წინადადებაზე დასათანხმებლად?

– ჩემო ძმაო, ამგვარი ფარისეველური შეთავაზება ბევრჯერ ყოფილა, მაგრამ ყოველთვის ჩაიფუშა... მიზეზი? არავითარ სერიოზულ მოლაპარაკების გამართვას ხელისუფლება მის პოლიტიკურ მოწინააღმდეგეებთან არ აპირებს და თუ მართლაც დააპირებს, მხოლოდ დიდად მოსაწონ კომფორტულ პირობებში, მშვენიერ ადგილას – წინასწარი გამოძიების საკანში! იქ ბატონ ზიგფრიდ კომბალაურის ნდობით აღჭურვილ პირებთან გულთბილი საუბარი გაიმართება არასასურველი მოწვევების გარეშე! სისასტიკით, აქტიურ პოლიტიკურ მოწინააღმდეგეთა გატაცებით, მათი სასტიკი წამებითა და დასახიჩრებით – ხალხს, საზოგადოებას ვერ დააშინებ, ვერ დააჩოქებ, პირიქით – ფიზიკის კანონი აქაც მოქმედებს: ქმედება იწვევს უკუქმედებას!.. ეს არის დემოკრატია, ხალხისა და ხელისუფლების ერთიანობაზე ზრუნვა? ეს არის ფაშიზმი! ტერორი, ძალადობა, სისასტიკე, დემაგოგია და სიცრუე ყოველ ფეხის ნაბიჯზე – უკან შემოუბრუნდებათ შატაბუტასა და მის დამქაშებს... ახალგაზრდა კაცი ხარ, გიყვარს გემრიელი სმა-ჭამა, ქალები და გართობა-დროსტარება – რატომ არ ფიქრობ საკუთარ მომავალზე? ადრე თუ გვიან აღარ იქნები ხელისუფლების მწვერვალზე, პასუხს ხომ მოგთხოვნიან უამრავი საკუთარი დანაშაულისთვის? თუ ფიქრობ, სამარცხვინოდ გაიქცევი საზღვარგარეთ საკუთარი ხალხის მძვინვარებისგან და ყველა ჩადენილი ცოდვა შეგჩნდება?

სამწუხაროდ, სატელევიზიო კამათის მონაწილეობა შორის არ აღმოჩნდა არცერთი სანდომიანი ქალბატონი. ბატონმა პრეზიდენტმა ვეღარ გაუძლო შედეგი-შედეგისი და საგანგებოდ დაგარცხნილი, მორთულ-მოკაზმული და მაინც ფრიალ შეუხედავი ტელეწამყვანი ქალბატონის ყურებას, მისი ყურების გამხვრეტი წიკვინა ხმის მოსმენას და ტელევიზორი სხვა არხზე გადაართო – მშვენიერი სქესის დიდი თავყვანისმცემელია და რა ქნას!

– აჰ, ოჰ, უჰ, შენ კი გენაცვალე! – რბილ სავარძელში ცმუკავდა და ოხრავდა ბატონი პრეზიდენტი, – ვერ წარმომიდგენია, ასეთ მშვენიერ, მარწყვისტუჩა ქალბატონს რის შესახებ უნდა ეკამათო?.. მომაწოდე! – უბრძანა პრეზიდენტის სავარძელთან მორიგი ბრძანების მოლოდინში გაჯგიმულად მდგომ მის განუყრელ და ერთგულ თანამგზავრს, ბატონ დიტმარ მამებულაურს – ბატონ პრეზიდენტის კათხათმტვირთველს; ამ დროისთვის უკვე ოცდაათზე მეტი კათხა ღუდი თუ არა, ოცზე მეტი მაინც დააგემოვნა.

ამ არხზე მართლაც სანდომიანი ქალიშვილი გახლდათ დისკუსიის წამყვანი, თან ხმაც შესანიშნავი ჰქონდა. აგერ, სულ ახლოს, ბევრად უკეთესი “ობიექტი” ყოფილა და რაღა ცხრა მთას იქიდან მოჰყავდა სხვა? აქამდე როგორ ვერ შეამჩნია? ალბათ ახალი მიღებულია სამსახურში... სასწრაფოდ დაავალებს ქალიშვილის ამბების გარკვევას და დიდი სიამოვნებით დაჰპატივებს ინტიმურ ვახშამზე... სად აჯობებს? ალბათ პარიზში, სასტუმრო “შარლ მეხუთის” რესტორანში! აბა, როგორ! ასეთი მზეთუნახავისა და საკადრისი ანტურაჟის გარემოცვაში ყოფნა ნამდვილი ნეტარება იქნება!

ფრიდრიხ ვილჰელმმა თვალები ტკბილად მილულა, სანახევროდ შესმული კათხა ხელში გაუშეშდა კიდევ, მაგრამ ამ დროს სწორედ მისი ოცნების ნაზი არსება, ეშხში შესული, გეგხვივით აბრიალებდა თვალებს და არცერთი წინადადების ბოლომდე თქმას არ აცლიდა ერთ-ერთ სასაუბროდ მოწვეულს, – ინტელიგენტური გარეგნობის და ქცევის კაცს, რომელიც ტელეწამყვანის პაპის ტოლა თუ არა, მამის ხნის მაინც იქნებოდა და რომლის დამფრთხალი თვალებიც უმწეოდ იყურებოდნენ სათვალის იქიდან... მომხიბლავი ქალბატონი დიდ წარმატებით არღვევდა ჟურნალისტური ქცევის უმარტივეს წესს და რესპონდენტის პოზიციის რელიეფურად, სრულად წარმოჩენას კი არ ესწრაფოდა, უბოდიშოდ აწყვეტინებდა სათქმელს და დაუსრულებლად ეკამათებოდა – თითქოს მისი პოლიტიკური ოპონენტი იყო და არა პირუთენელი, მიუკერძოებელი ჟურნალისტი.

ბოლოს, სათვალთანა კაცმა ვეღარ მოითმინა და მანაც შეაწყვეტინა მშვენიერ წამყვანს ლამის მონოლოგად გადაქცეული ლაპარაკი:

– ქალბატონო, დიდ პატივს დამდებთ, თუ ნებას დამრთავთ, მოგახსენოთ ჩემი შეხედულება... თქვენ წამლაუწუმ ნიშნის მოგებით შეკამათებით, გსურთ, რომ ჩიხში მომიმწყვდიოთ, თითქოს მე თქვენი პოლიტიკური ოპონენტი ვიყო... ჩემთან კამათი და ჩემი არგუმენტების უარყოფა, უფრო მეტიც – მათი მოსმენის სურვილის არქონა, არ არის თქვენი საქმე; თქვენ უნდა მომისმინოთ და მხოლოდ ისეთი კითხვები დამისვით, რომლებიც ჩემს მოსაზრებებს უფრო დააზუსტებს – და არა ჩემი შეხედულებისა თუ შეფასების “მცდარობაში” “გამოჭერას” ეცადოთ... მერწმუნეთ, ფუჭად ჩაგივლით მცდელობა.

ბატონი პრეზიდენტი ფრიალ გაბრაზდა რესპონდენტზე: “ასეთ ყოველმხრივ გადასარევ ქალბატონს ყველაფერში უნდა დაეთანხმო! როგორ უბედავს ჭკუის სწავლებას ეგ ხეპრე, გაუთლელი!..

ოყრაცი!.. შტერი, ყვეყნი!.. ლენჩი, ბოთე!.. ჩერჩეტი, ბრიყვი!.. ტეცია, მუტრუკი!.. ვინ არის, სად მუშაობს ნეტავ? ახლავე სამსახურიდან სულ პანჩურის გამასპინძლებით გამოაძევე, მაგის პროფესორობა სულ ფეხებზე მკიდია!.. რეგენი, აწი ისწავლის ჭკუას!”.

– ახლავე მეახლოს ადალბერტ შებერტყილაური! – ბრძანა ბატონმა პრეზიდენტმა და მაშინვე იქ გაჩენილ პრეზიდენტის ადმინისტრაციის უფროსს საკუთარი ნება მოახსენა, თან დასძინა:

– უნივერსიტეტის რექტორს ოტმარ მარდიაულს ჩემი სახელით დაურეკე, ეს მცირე სამსახური პირადად მარდად უნდა გამიწიო-თქო...

იმით კმაყოფილმა ბატონმა პრეზიდენტმა, რომ კიდევ ერთი კეთილი საქმე გააკეთა, ფიქრი განაგრძო: “ამ ოხრებს რა უნდათ ჩემგან? სულ საყვედური მესმის: მასობრივი კომუნიკაციის საშუალებებს თავისუფლად ამოსუნთქვის საშუალება არ აქვთ, მოსახლეობას ობიექტურ ინფორმაციას არ აწვდიანო, აბა, ეს რაღა არის? ყველა არხზე საეთერო დროის ღამის ღომის წილი დისკუსია-ლაილის ეთმობა!”.

მართლაც, მესამე არხზეც სტუდიაში მოწვეული მოპაექრენი არანაკლები გაცხარებით მსჯელობდნენ ქვეყანაში მონარქიის აღდგენის აუცილებლობის შესახებ: მავანთა მტკიცებით, ეს იყო ერთადერთი რეალური საშუალება, თუკი გვინდოდა, ქვეყანაში სიმშვიდე, კეთილდღეობა, სამართლიანობა და სხვა სიკეთე გამეფებულიყო.

– ისე აგიდგეთ გვერდები, როგორც მე თქვენ ამ იდეით გადამაყრავოთ! – ქირქილებდა ბატონი პრეზიდენტი. – თუ დამჯირდება, სხვებზე უკეთ შევძლებ, დავამტკიცო, რომ მე სამეფო დინასტიის პირდაპირი შთამომავალი გახლავარ და ყველაზე მეტი უფლება მაქვს, ტახტის დაკავებისა!

მარცხენას უკვირს:

– რა უხარია პრეზიდენტს, ნუთუ ეს სასაცილო საკითხია?

– რატომ არ უნდა იყოს კმაყოფილი? მოსახლეობის საწინააღმდეგო ბანაკებად გახლეჩის კიდევ ერთი საუკეთესო იდეა აგორდა და ეს მას გააძლიერებს ჭეშმარიტ ოპოზიციასთან ბრძოლაში! ეს ოპოზიციური პარტიები ურთიერთ შორისაც ვერ მორიგებულან და კიდევ ერთი განხეთქილების ვაშლის გაგორებაა საჭირო? თუ თავადაზნაურობას აღვადგენთ და ძველ პრივილეგიებს დავუბრუნებთ, მათ შორის – ურჩი ქვეშევრდომების გაწყობის უფლებასაც მივცემთ, ამას რაღა სჯობს! მამულეებიც დავუბრუნოთ, არც ყმების ყოლა აწყენთ...

– ყმები რაღად უნდათ?

– ძნელი მისახვედრია? ასეთი მაღალი წოდების წარმომადგენელთა ოჯახებს, გენაცვალებ, საკადრისი ცხოვრების პირობების უზრუნველყოფა ხომ სჭირდება: დღენიდაგ ჯიშინი ცხენებისა და მწვერების მოვლა, ნაირ-ნაირი ძვირფასი კერძების მომზადება, დღეში რამდენჯერმე ოჯახის წევრთათვის საკადრისი სუფრის გაშლა და მომსახურება... აღარას ვამბობ, რა ორომტრიალი ატყდება, როცა ძვირფასი სტუმრები მობრძანდებიან, – კვირაში ერთხელ წვეულება და ღვინო აუცილებელია! – და, რა თქმა უნდა, ისინიც თავადთა ბრწყინვალე წოდებულების მატარებელი იქნებიან, – ამ მაღალ გვამებს კი, მოგეხსენებათ, ფრიად უყვართ ქეიფი და დროსტარება: ამქვეყნად სხვა რა შეგჩრება! – და მათაც ხომ ღირსეულად უნდა დაუხვდეთ!.. აგრეთვე: საქონლის, ცხვრისა თუ ღორის მოშენება-გამრავლება, ყანა-ბოსტნისა და ბაღის მოვლა-პატრონობა, შეშისა და ურჩთა გასაროზი წიკვლების მოსაჭრელად ტყეში წასვლა და მრავალი სხვა, არანაკლებ საჭირო და აუცილებელი საქმიანობაც, მათ შორის – ღრმად პატივცემული, კეთილი და მწყალობელი მეპატონისთვის ძილის წინ ზღაპრების მოყოლა და ფეხისგულების ფხანა... ყმებისთვის საქმე არასდროს გამოიღვევ! ბატონყმობის აღდგენა მოსახლეობის დიდი ნაწილის უმუშევრობის პრობლემის გადაჭრის მშვენიერი ხერხიც იქნება!

– მე მგონი, ბატონ პრეზიდენტს ყველაზე უფრო გაახარებს პირველი ღამის უფლების დაკანონება! და არც საკუთარი გვარის, არამცთუ თავადურის, მეფური წარმომავლობის დამტკიცება გაუჭირდება! ისედაც ცხადად ავლენს, რომ მართლაც რჩეულია: არაგის არაფერს ეკითხება, ერთპიროვნულად იღებს ყველა გადაწყვეტილებას – არ აქვს მნიშვნელობა, ეს პრემიერ-მინისტრის კანდიდატის შერჩევა იქნება თუ მის ახალ რეზიდენციაში მისი უმაღლესობის საკადრისი ფეხსალაგის მოწყობა...

– ზოგადად, რამდენად დემოკრატიულია თვით მონარქიის ინსტიტუტი, თუნდაც საპარლამენტო მონარქიისა? მართალია, გვმოდვრავენ, ფაქტობრივი ძალაუფლება მეფეს არ ექნება, ის შეასრულებს მხოლოდ წარმომადგენლობით ფუნქციებსო, მაგრამ განა ვინმე ჭკუათმყოფელს შეუძლია, გარანტია მოგვცეს, რომ მონარქი ან ტახტის მემკვიდრე არ გამოდგება ფსიქიურად დაავადებული, ან ჭკუასუსტი, ან ამბიციური, ახირებული ზნისა? და ასეთმა პიროვნებამ, რომელსაც, ძალიანაც რომ გინდოდეს და ძალიანაც რომ ეცადო, ვერაფრით შეცვლი, უნდა წარმოადგინოს ქვეყნის სახე? წარმომადგენლობით ფუნქციებს მსოფლიოს უმრავლეს ქვეყანაში, სადაც პარლამენტური რესპუბლიკის მოდელია მიღებული, წარმატებით უძღვება დემოკრატიული გზით არჩეული პრეზიდენტიც... ჩუ!.. მოწვეულნი მობრძანებას იწყებენ...

კარი V.
ბატონი პრეზიდენტი საიდუმლო თათბირს ატარებს!
(Con austeria barbaro, ველური უხეშობით)

პრეზიდენტის სასახლის ვარდისფერ დარბაზში საგანგებოდ შეიკრიბნენ უშიშროების საბჭოს დიდად პატივცემული წევრები, ასევე – პრეზიდენტის განსაკუთრებული ნდობით აღჭურვილი ფრიად პატივსაცემი პირნიც, კერძოდ: ბატონი ზიგფრიდ თავაკომბალაური – საშიშროების, მოსმენა-დასმენისა და ცემა-ტყეპის დამსახურებული მინისტრი; ბატონი პრეზერვა ტივტივაური – ჩვენი საყვარელი პრეზიდენტის გართობა-დროსტარებისა და კომფორტული გარემოს შექმნის ღვაწლმოსილი მინისტრი; ბატონი ფრანც ხინკალაური – ჩვენი სათაყვანებელი პრეზიდენტის ჭამა-ყლაპვისა და საკადრისი მომსახურების ფრიად მოამაგე მინისტრი; ბატონი ჰაინრიხ ტომარფულიაური – ყოჩაღი სამხედრო მინისტრი, ბატონი გოტფრიდ მლიქნელაური – უერთგულესი პარლამენტის თავმჯდომარე; ბატონი ვილიბალდ ქვეშქვეშაური – არასამთავრობო ორგანიზაცია “მშვიდობის, დამოუკიდებლობისა და განვითარების საერთაშორისო ინსტიტუტის” აღმასრულებელი დირექტორი, ბატონი ადალბერტ შებერტყილაური – პრეზიდენტის ადმინისტრაციის უფროსი და ბატონი ოტო ბერნჰარდ რაინჰარდ გერჰარდტ ტუტუცაური – ოპოზიციურ პარტიათა ალიანსის “შეურიგებელი მტკიცე აზრი” თავმჯდომარე. პრეზიდენტის საგარძელთან მორიგი ბრძანების მოლოდინში გაჯგემიული იდგა მისი განუყრელი და ერთგული თანამგზავრი, ბატონი დიტმარ მასმელაური – ბატონ პრეზიდენტის კათხათ-მტვირთველი (როგორ დაუახლოვდა ის ბატონ პრეზიდენტს და მრავალთან მძაფრ კონკურენციულ მეტოქეობა-ბრძოლის შედეგად რანაირად მოხვდა ახლანდელ მაღალ პოსტზე – ფრიად საინტერესო, მაგრამ გრძელი ამბავია და, თუ მოვახერხებ, შემდგომ გიამბობთ!).

– სად გახლავს ბატონი კარლ ჰაინც მუნშულაური? – უპირველესად პრემიერ-მინისტრი მოიკითხა ბატონმა პრეზიდენტმა. – სულ ერთი თვის დანიშნულია და ახლა უნდა ისწავლოს, რა არის წესრიგი და დისციპლინა?!

– ბატონო პრეზიდენტო, – პასუხის გასაცემად წამოდგა ფეხზე პრეზიდენტის ადმინისტრაციის უფროსი ადალბერტ შებერტყილაური, სიმალლეში წასული, კაკლის საბერტყი ჭოკივით გაწეული-წაგრძელებული, ბატონ პრეზიდენტზეც კი შესამჩნევად მაღალი. – ბატონი მთავრობის თავმჯდომარე სხდომას საპატიო მიზეზით ვერ ესწრება: თქვენი პირადი დავალებით დღეს მორიგი ხანგრძლივი მივლინებით გაემგზავრა დასავლეთ ვეროპისა და ახლო აღმოსავლეთის ქვეყნებში, რათა მოახერხოს ახალი კრედიტების მოძიება და ახალი ინვესტიციების დაინტერესება ჩვენი ქვეყნით... მას თან ახლავან საგარეო საქმეთა და ეკონომიკური განვითარების მინისტრებიც, აგრეთვე – ექსპერტთა ჯგუფი ორმოცდაათი კაცის შემადგენლობით...

– ბარემ მეც თან წავეყვანე იმ დალოცვილს! ფრიც ცისარტყელაურიც, ჩემი ვარდისფერი ოცნებების ასრულების ფრიად წარმატებული მინისტრი, მის ამაღლაში ხომ არ შედის, ჩვენს შეკრებაზე ის რატომღა არ ჩანს? – კვლავ იკითხა ბატონმა პრეზიდენტმა. – როცა საგანგებო სიტუაციაა, ქვეყანაში საშიში მდგომარეობა იქმნება, ყველანი აქ, ჩემთან უნდა იყვნენ!

– ბატონო პრეზიდენტო, – მორიდებით ისევ წამოდგა ფეხზე ბატონი ადალბერტ შებერტყილაური, – მოგახსენებთ, რომ ბატონი ფრიც ცისარტყელაური აეროპორტში აცილებდა ჩვენი ქვეყნის საპატიო სტუმარს, ქალბატონ კაროლაინ ნექტარელის და, სამწუხაროდ, გიგანტურ საავტომობილო საცობში მოხვდნენ, გზის გაგრძელება ვეღარ შეძლეს და ამის გამო თვითმფრინავის სპეცრეისის შესრულებაც ყოვნდება...

– რაღა სტუმარია, თვეში ხუთ-ექვსჯერ მაინც ჩამოფრინდება, მეტ წილ დროს აქ ატარებს! – ჩაიხითხითა ფრიდრიხ ვილჰელმ შატაბუტა-ტარულაშვილმა, შემდეგ ბატონ ზიგფრიდ თავაკომბალაურისკენ მიაბრუნა თავისი ანტიკური ქანდაკების მსგავსი, ურყევი სიმტკიცითა და ბრძნული ფიქრების კორიანტელით აღსავსე სახე და მსხვილი წარბები შეჭმუნა: – მერე, რას შერება შენი უწყება? აკი მომახსენე, აეროპორტისკენ მიმავალი გზა სხვა ავტომანქანების მოძრაობისგან განთავისუფლებული იქნება?

საშიშროების, მოსმენა-დასმენისა და ცემა-ტყეპის დიდად დამსახურებული მინისტრი, – საკაულანდო გოჭივით ვარდისფერ და ფუმფულალყოყბიანი, – მაშინვე პატარა ბიჭივით ცქვიტად წამოხტა ფუმფულა სავარძლიდან და თვალები დახარა: ვერ გაუძლო ბატონ პრეზიდენტის ახლო-ახლო ჩამჯდარი შავი თვალების დასაქუხებლად გამზადებული ორღულინი თოფივით მისკენ ჯიქურ მიბჯენილ მზერას.

– ბატონო პრეზიდენტო, მოულოდნელი დაბრკოლება გამოიწვია სრულიად უპასუხისმგებლო მოქალაქეების მიერ მასობრივი მიტინგის ჩატარებამ: ბრბომ გზა გადაკეტა...

– მერე, შე თავგასიებულო, კომბლის ტრიალს წინ რა დაუდგებოდა? ეგ ერთი თუ არ გეხერხება, აბა, სხვა რაღა იცი?

– ბატონო პრეზიდენტო, იმდენად ბევრი ხალხი შეიკრიბა, რომ მათი ძალისმიერი ხერხით დაშლა მიზანშეუწონელი გახლდათ...

– რა უნდა ამ ხალხს, ვერ გავიგე? – გულწრფელად აღშფოთდა ბატონი პრეზიდენტი და გულისწყრომის აგორებულმა ტალღამ ისიც ფუშფუშლა საგარძლიდან ფეხზე წამოახტუნა. – რეგენები!.. ახლა წერილების შემოგდებაც დაიწყეს, პირადად მე მიდებენ ხელში, თავხედები! ამგვარ ქმედებას დემოკრატიათან არავითარი შეხების წერტილი არ აქვს!.. ავგიკლეს ყვირილით, ქვეყანაში კრიზისიაო – ეკონომიკური, პოლიტიკური და სახელმწიფოებრივ კრიზისშიც კი გადაზრდილიო... სად ხედავენ ეგ ხეპრეები კრიზისის უმნიშვნელო ნიშნებსაც კი, თუნდაც მისხალის ოდენას? ყველაფერი მშვენიერადაა, ქვეყანა წინ მიდის! რესტორნებს ძველებურად ვსტუმრობ, არც აბანოში თითქმის ყოველდღიური ვიზიტი გამომიტოვებია, საზღვარგარეთ ამ ბოლო სამ წელიწადში შეიდას ორმოცდაათჯერ გავემგზავრე სხვადასხვა მისიით – ხომ ბრწყინვალე შედეგია? სად ხედავენ ეს უმაღურები პრობლემებს? არადა, ქვეყანა არნახულად ვითარდება და იფურჩქნება! მხოლოდ ამ ბოლო თვეში სამი ახალი სახინკლე და ხუთი რესტორანი გაიხსნა და ყველგან მე მერგო დიდი პატივი: პირადად გაეჭერი წითელი ბაფთა! და, რაც აუცილებლად დიდი კმაყოფილებით უნდა აღენიშნო, უკლებლივ ყველაში უმაღლეს დონეზეა ჭამა-ყლაპვის საქმე დაყენებული: შემიძლია, პირადად დავადასტურო!.. როგორ ბედავენ ჩემი თანამდებობიდან უპირობო გადადგომის თავხედური, ბრიყუული მოთხოვნით გაუთავებელი მასობრივი შეკრებების გამართვას? ახალი პრეზიდენტის არჩევა მონატრათ? სანამ პირში სული მიდგას, ვერ მოესწრებიან მაგას! ვერ შეძლებენ არეულობას, ქაოსის ტალღის აგორებას! ამ ყვეფი გამოლაყებულთა ტუტუტური, ყოვლად უპასუხისმგებლო გამონათქვამები ჩემში საშინელი უმაღურებისა და უსამართლობის მტკივნეულ განცდას, შინაგან მძაფრ პროტესტს იწვევს! ეს არის ოპოზიციის მიერ დაგეგმილი მიზანმიმართული პროვოკაცია! არ მობეზრდით ეს უქმი ხვანცალი? ტინანდრძობი ბეცები!.. უთავო უმაღურები!.. ეს ველური ხალხია! მე რომ არ ვიყო, დაჭამდნენ ერთმანეთს – მთელი მსოფლიო ამას ამბობს! თავგომბალაურო, შემდგომ გაითვალისწინე: ეტყობა, საგრძნობლად დაგაკელით ძალისხმევა წინა აქციის გარეგნისას, საკადრისად არ დაგულებულთ თავპირი ამრევებს, ქვეყნისა და ხალხის მოღალატეებს! არა უშავს, ჩვენ მოვუვლით მაგათ, ისეთ ახალ ღონისძიებებს შევთავაზებთ, დიდი ხნით გაუქრეთ ცდუნება ქვეყანაში უწესრიგობისა და დესტაბილიზაციის პროცესების აგორებისა! ამიერიდან ჩემს პირად გვარდიას ნებას ვაძლევ, თავგასულ ავაზაკთა თარეშის ასალაგმავად, თავისუფლად და დაუნანებლად იხმარონ რეზინისა და პლასტიკური ტყვიები! ყველამ იცის, მე ფრიად კომუნალური პიროვნება ვარ, ჩემს მოწინააღმდეგეებთან ნებისმიერ დროს დიალოგისთვის მზად ვახლავარ, მაგრამ ამ ვაი-ოპოზიციონერების, უფრო სწორედ – ნამდვილი შარავზის ყაჩაღების, ამჟამინდელი ავაზაკური მოქმედება ჩემს ყოველგვარ მოთმინების საზღვარს სცილდება! ან როგორ გაბედეს ამ ტილებმა, ამ... ამ... ამ თავხედმა ვიგინდარებმა მის კაროლანისთვის გზის გადაკეტვა?! ამ უტიფრებს, ამ... ამ... ამ ნადირლებს თავბედს ვაწყველინებ, გაჩენის დღეს მწარედ ვანანებ! აბა, თავგომბალაურო, მოგვასხენე, რა სამუშაო ჩაატარე ამ მიმართულებით?

დამსწრეთ ვერ გაბედეს ბატონ პრეზიდენტისთვის ეთქვათ, რომ სიტყვა “პროტესტის” მაგივრად “პროტესტი” უნდა ეხმარა, ხოლო “კომუნალურის” მაგივრად – “კომუნიკაბელური”; შეამჩნიეს პრეზიდენტის უჩვეულო “ეპოლეტივიც”, აჩქარდნენ, მაგრამ არც ამის შესახებ გაუბედავს ვინმეს ხმის ამოდება... აქამდე ჩვენი “ჩანჩურა პრეზიდენტი”, როგორც ზურგს უკან უწოდებდნენ, გენერლობდა, თითქოს უამრავი ომი ძლევამოსილად მოეგოს, ახლა კი – ეპოლეტებს დამიხედეთ! – მარშალი ხომ არ გახდა? ახალი ფორმა ხომ არ შემოიღო? ყოჩად, მაგარია ჩვენი პრეზიდენტი: ყველგან და ყველაფერში სულ სიახლეს ესწრაფვის!

მარჯვენამ მარცხენას გადაურჩრჩულა:

– გაქნილსა და დიდად გამოცდილ ბატონ პრეზიდენტს როგორ არ ესმის: თავისუფლებისა და სამართლიანობის განცდის მუხტი, უგუნური ხელისუფლების უგუნური ქმედებით, შესაძლოა, სულ ადვილად გადაიზარდოს არა მხოლოდ მუშტების მოღერების, არამედ – მუშტების დაშენის მუხტიც!

საშიშროების, მოსმენა-დასმენისა და ცემა-ტყევის მინისტრმა გახსნა თან მოტანილი ნიანგის ტყავის სქელი საქაღალდე და დამსწრეთ დაწვრილებით მოუყვა, თუ რის გაკეთება იყო საჭირო ქვეყანაში წესრიგისა და სიმშვიდის დასამყარებლად... მდგომარეობის სტაბილიზაციისთვის, პოლიტიკურ მოწინააღმდეგეთა გასაუფნებელსაყოფად იგეგმება საიდუმლო ღონისძიებათა მთელი წყება: მოსასყიდად, დისკრედიტაციისთვის ან, საჭიროების შემთხვევაში, ფიზიკურად თავიდან მოსაშორებლადაც, ასევე – მმართველი პარტიისა და პრეზიდენტის გუნდის მდგომარეობის განსამტკიცებლად, ოპოზიციის დასასუსტებლად... კერძოდ: ხმების დაყრა, რომ ოპოზიციაში არსებობს რამდენიმე მზაკურული საიდუმლო გეგმა და მზადდება სახელმწიფო გადატრიალება; ქვეყანაში შემოვიდა უამრავი ფული ჩვენი ქვეყნის მტერი სახელმწიფოდან ოპოზიციური პარტიების დასაფინანსებლად; დაატოვებინებენ თანამდებობას და მმართველი პარტიიდან წავა ვითომ-ოპოზიციაში რამდენიმე წამყვანი პოლიტიკური ფიგურა (თუნდაც პრემიერ-მინისტრი – კარლ ჰანც ბუნძულაური! ან პარლამენტის თავ-

მჯდომარე – გოტფრიდ მლიქენელაურის); ეს “განაწყენებულები” შექმნიან ახალ, “ოპოზიციურ” პარტიებს, თან იწყებენ პრეზიდენტისა და მთავრობის კურსის მძაფრ კრიტიკას, თითქოს სულ ახლახან თვითონ არ იყვნენ მმართველ გუნდში! ამგვარ საქმეში ფრიად გამოცდილი საშიშროების, მოსმენა-დასმენისა და ცემა-ტყეპის სამინისტროს ღვაწლმოსილი მუშაკები იღებენ დავალებას, კვლავ გადმოიბირონ ოპოზიციური პარტიების თვალსაჩინო წევრები: დაჰპირდნენ მათ პარლამენტში ადგილებს, მთავრობაში მინისტრის მოადგილის თუ სხვა მაღალ პოსტებს, ბანკებიდან აღებული კრედიტების დაფარვის გადავადებას, სარფიან საქმიან წამოწყებებში ჩართვას და ასე შემდეგ... ნებისმიერი ხერხით უნდა გაუტეხონ სახელი ოპოზიციური პარტიების ლიდერებიდან ყველაზე აქტიურებს და საშიშებს, “ამხილონ” ისინი კრიმინალში, ნარკოტიკული ნივთიერებების მოხმარებაში, პროვოკაციების მოწყობაში, დააშინონ ისინი მათი ოჯახის წევრთა გატაცებით... უახლოეს დღეებში, საპროტესტო მიტინგების შემდეგ, მოეწყობა პოლიციის მანქანების რამდენიმე აფეთქება, ასევე, სამართალდამცველებზე თავდასხმა და ბრალი დაედება ოპოზიციური პარტიების აქტივისტებს ტერორისტული აქტების მოწყობაში, ძალადობრივი გზით ხელისუფლების შეცვლის მცდელობაში...

– დედას ვუტირებთ ოპოზიციონერთა მხარდამჭერებს! – წამოიყვირა ბატონმა პრეზიდენტმა. – მათგან არც ყურძენს ჩაიბარებთ, არც – ვაშლს, არც – კარტოფილს, არც – მანდრინს! ბაზრებშიც დავაწიოკებთ! ხომ შედგენილია მათი სიები? დაუფონებლივ დაიწყეთ სახელმწიფო ორგანიზაციების საეჭვო პირთაგან გაწმენდა, ბანკირებს, მსხვილ თუ საშუალო, თუ წვრილ მეწარმეებს, საქმოსნებს – ყველას სათითაოდ დაემუქრეთ, რომ თუ ისინიც არ ჩაერთვებიან ამ გამაჯანსაღებელ პროცესში და არ გაყრიან კინწისკერით შფოთისთავეს და მათ ნათესავეებსაც, თვითონ დაუდგებათ შავი დღე!

პრეზიდენტის ჭამა-ყლაპვისა და საკადრისი მომსახურების მინისტრი ფრანც ხინკალაური შეუმჩნეველად გაქრა, სულ მალე უკანვე მოცუნტულდა და ბატონ პრეზიდენტს მაგიდაზე წინ დაუდგა ცხელ-ცხელი ხინკლებით სავსე ლანგარი... დავალების მოლოდინში პრეზიდენტის გვერდით გაჭიმული მისი კათხათმტვირთველი დიტმარ მამებლაური არ დაელოდა ბატონ პრეზიდენტის ნება-სურვილის ოდნავ გამოვლინებასაც კი და, კარგად გაგარჯიშებული ფოკუსების დიდოსტატის მოხერხებით, მაშინვე ლანგარის გვერდით გააჩინა ჯადოქრული კათხა, რომელიც საგანგებოდ ასეთი შემთხვევებისთვის დამზადებულ ერთჯერად მრგვალ მუყაოს ნაჭერზე დადგა. კათხა პირთამდე სავსე იყო სურნელოვანი ლუდით, მის თავზე ქაფის ქული ამოზრდილიყო და მადის აღმძვრელად ცოტათი გადმოსულიც იყო კათხის პირიდან...

ბატონმა პრეზიდენტმა მეთოდურად, დიდი წარმატებით დაიწყო ხინკლების ლიკვიდაციის ფრიად სასიამოვნო პროცესი, განცხრომისგან კრუტუნებდა, თვალებს ტკბილად ლულავდა და შიგადაშიგ კათხასაც გემრიელად მოიყუდებდა ხოლმე; ჯადოსნური კათხა გულმოდგინედ ასრულებდა პატრონის მოლოდინს და ბატონი პრეზიდენტი ორი-სამი ხინკალის მირთმევასაც ვერ მოასწრებდა, რომ სულ რამდენიმე წამში ისევ სავსე იყო ქარვისფერი ლუდით.

როცა ამ სტრიქონებს ვწერ, მეც კი ნერწყვმა ლამის დამახრჩოს და წარმოიდგინეთ ახლა, რა დამართებოდათ ამ საამო სანახაობის დამსწრეთ!

მეუფის კმაყოფილება თითქოს უპირობოდ და ერთსულოვნად უნდა გაეზიარებინათ იქ მყოფთ, მაგრამ, როგორც ცნობილია, ოჯახში ყოველთვის აღმოჩნდება ხოლმე ერთი მახინჯი: ფრანც ხინკალაურის მუდმივი “კონკურენტი” – პრეზიდენტის გართობა-დროსტარებისა და კომფორტული გარემოს შექმნის მინისტრი, პატივცემული პრეზერვა ტივტივაური შურისგან ფრიად გამწვანდა! ბევრი იფიქრა თუ ცოტა, შემდგომ ისიც ცოტა ხნით გამოერთო ფრიად საჭირობოროტო სახელმწიფოებრივი საკითხების განხილვას, სადღაც გაძვრა, ცოტა ხნის შემდეგ ისევ გამოჩნდა და, გამარჯვებულის ფართო ღიმილით ყურებადმდე პირგახეულმა, ბატონ პრეზიდენტს მაგიდაზე მომინანქრებული ლანგარით მოწიწებით დაუდო ექვსი შამფური ქურციკის აშიშინებული მწვადებით! არც ცხელ-ცხელი ლავაში დავიწყებია! და კიდევ: იქვე შემოდგა ნახევარლიტრიანი ბოთლით შინნახადი ჭანჭურის არაყი და ბროლის პატარა ჭიქა!

არც პრეზერვა ტივტივაურმა დაუცადა ბატონ პრეზიდენტის ნიშანს და არაყი მაშინვე ჩამოასხა ჭიქაში; ფრიდრიხ ვილჰელმმაც დაუფასა ამაგი და არაყი მაშინვე შესანსლული ხინკალ-მწვადის გზას გაუყენა, მწვადი მიაყოლა, შემდეგ ინება და უკვე საკუთარი ხელით ისევ გაავსო არაყით ბროლის პატარა ჭიქა... ბატონმა პრეზიდენტმა კმაყოფილებით ამოისუნთქა და მის ნეტარებისგან დანისლულ თვალეებში ოდნავი კაეშანიც გამოკრთა: ალბათ სინანულით გაიფიქრა, რატომ ეს არაყის ჭიქაც ჯადოსნური არ არისო... რას იზამ, ძლიერნიც კი ამა ქვეყნისა ოცნების ფრთებით სად არ დაფრენენ!

ბატონი პრეზიდენტი ხინკალსა და მწვადს ერთნაირად, მთელი სულითა და გულით ეტრფოდა, მაგრამ ამჯერად მოწონების ღიმილით შეხედა პრეზერვა ტივტივაურს (ფრანც ხინკალაურს გულმა რჩენი უყო): ამ უკანასკნელის მიერ მორთმეულ ლანგარზე ფრიდრიხ ვილჰელმ შატაბუტა-ტარულაშვილის მშვენივრად შესრულებული ფერადი, წილ-ზევითი პორტრეტი იყო გამოსახული! თან უბრალოდ კი არა, მთელი გრძნობით, სრული გაგებით და აღარ ვიცი კიდევ, რა სიტყვები ვიხმარო, ამი-

ტომ მოკლედ აღვწერ და ყველაფერს მიხვდებით: ბედნიერების ფართე ღიმილით დამშვენებულ ბატონ პრეზიდენტს მარჯვენა ხელში ლუდით სავსე ჯადოსნური კათხა ეჭირა, მეორეში – მწვადებიანი შამფური! ქვემო ნაწილს კი ფრიად ამშვენებდა ლამაზი ასოებით ჩახუჭუჭებული უცილობელი ჭეშმარიტება: “ცხოვრება მშვენიერია!”. უდაოდ – დიდებული ლანგარი გახლდათ!

მართლაც, გულის ამარწყებელი სურათი იყო! დამეთანხმებით: როცა კარგ კაცს მშვენივრად მონატრული ლანგარით მშვენიერ მწვადს და თონის ცხელ პურსაც მიაერთმევენ, შემდეგ კი, დაგემოვნების შემდგომ, ჯერ ცეცხლივით არაყს დაუტყვამს და მერე მშვენიერ ლუდსაც მიაყოლებს, ამას რაღა სჯობს! ისე, მე რომ მკითხოთ, ამ შემთხვევაში ყველაზე მშვენიერ ლუდს მე კახურ საფერავს ბევრად ვამჯობინებდი!

ამჯერად პრეზიდენტის ჭამა-ყლაპვისა და საკადრისი მომსახურების მინისტრი, ღრმად პატივცემული ფრანც ხინკალაური შურისგან ფრიად გაღურჯდა! დახეთ, ეს რა კვანტი ლუდო ამ მაჯლაჯუნა ტივტივაურმა, ამ უნამუსომ, სინდისგარეცხილმა! მერე ცოტა გონს მოვიდა, ფიქრთა აფროპლანმა მალღა აიტაცა, გულაცრუების შავ ღრუბელთა ზევით ააფრინა და მზის კაშკაშა სხივი დაანახა! ბატონ ფრანც ხინკალაურის ტურთა კუთხეებში კმაყოფილი ღიმილის ნაოჭი გამოიკვეთა: ნახეთ, უახლოეს მომავალში თუ ჩვენს სათაყვანებელ ბატონ პრეზიდენტს კიდევ უკეთესი ლანგარი არ მიაერთვას! მასზე მთელი ბრწყინვალეობით იქნება გამოსახული ევას სამოსელში გამოწყობილი მომხიბლავი ქალბატონი კაროლაინ ნექტარელი!..

ამასობაში საშიშროების, მოსმენა-დასმენისა და ცემა-ტყევის მინისტრი ზიგფრიდ კომბალაური ცდას არ აკლებს, შეიძლება ითქვას, რომ მონდომებისგან ტყავიდანაც კი ძვრება, რათა ბატონ პრეზიდენტის პურობა სხვა მხრივაც სასიამოვნო იყოს: ცალი ხელით საპოლიციო კომბალს თუ ხელკეტს ცირკის ჯამბაზის ოსტატობით ატრიალებს-ათამაშებს, თან ოპერეტული ყანადივით მოღუშულია, თვალებს ავად აბრიალებს და ხავერდოვანი ბარიტონით საზეიმო-მრისხანედ ღიღინებს შუბერტის სიმღერას “ყოველისშემძლეობა“... მართლაც, მაგარი ბიჭია: ყველაფერი ეხერხება, ყველაფერი შეუძლია!

– ვაჰ, შენ კი გენაცვალე, რა მშვენიერი სიმღერა გცოდნია! – აღფრთოვანდა ბატონი პრეზიდენტი. – აქამდე სად იყავი, ახალ ამჟღაღაში ძალიან მომეწონე, ხომ იცი!

მარჯვენამ მარცხენას უჩურჩულა:

– ხედავ, არც ამჯერად გაბედა ვინმემ, ბატონ პრეზიდენტისთვის მორიდებით მოეხსენებინა, რომ “ამჟღაღა” და “ამჰლუა” სრულიად განსხვავებული ცნებებია... ფრიდრიხ ვილჰელმი საქვეყნოდ ტრახახობს, რომ არ კითხულობს გაზეთებს, საინტერესოა, რესტორნების მენიუს გარდა, სხვა წიგნი თუ აქვს წაკითხული?

– აბა, ერთი, მადლს მარილიც მოაყარე და ბარემ ბაღდაღურიც ლამაზად ჩამოუარე! – ტაშისკერით გააქეზა ბატონმა პრეზიდენტმა ზიგფრიდ კომბალაური.

კომბალაურზე ცქიტიანი სხვანი აღმოჩნდნენ, რამდენიმე კაცი ერთდროულად გადმოხტა და აცეკვდა მეუფის წინ, მაგრამ ზიგფრიდ კომბალაურმა – “ჰაიტ, სად მოძვრებით, თქვე მამაძაღლებო!” – სულ კომბლის ტრიალით იფრინა ყველანი საწყის პოზიციებზე – კონკურენტებს არსად და არასდროს გაახარებს!..

ტაში-ტაში! ტაში-ტუში!.. თათბირი და ქვეყნის საჭირობოროტო საკითხების განხილვა ვიდას ახსოვს – შენ დაუპარ!..

და უცებ...

ყველა დარბაზში მყოფი უცებ შემერთალი გაირინდა და სრული სიჩუმე ჩამოვარდა, თუ არ ჩაეთვლით ხმამაღალ ხვრინვას ბატონ პრეზიდენტისა!

ალბათ აბანოში განცხრომის, მსუფე ვახშმისა და ახლა კიდევ ხინკალ-მწვადის ძღომისად მირთმევის შემდეგ, რაიც უხვად იყო მოწვეული შესანიშნავი ბავარიული ლუდითა და არანაკლებ შესანიშნავი შინნახადი ჭანჭურის არაყით, არ იყო გასაკვირი, რომ ბატონ პრეზიდენტს ტკბილი თვლემა მოერია, რომელიც შემდგომ ტკბილსავე ძილში გადაიზარდა...

უნდა აღვნიშნო, რომ, სამწუხაროდ, ტკბილ სიზმარსაც ვერ ნახულობდა... სიზმარში კი აი, ასეთი სცენა გათამაშდა: უცნაური რამ დაემართა: საყვარელი ჯადოსნური კათხიდან ლუდს კი მიირთმევდა, მაგრამ ჩვეულ სიამოვნებას ვეღარ განიცდიდა და იღრიალა: “მომბეზდა სულ ერთი და იგივე – სულ ბავარიული ლუდი! რა უბედურება, ამ ქვეყნიერებაზე ჩემი დასალევი სხვა ლუდი დაილია? ახლა “ჰეინეკენის” ლუდი მინდა!”. და რამდენადაც ჯადოსნურმა კათხამ მისი სურვილის შესრულება ვერ შეძლო – ისევე და ისევე მხოლოდ ბავარიული ლუდით უმასპინძლებოდა, მისი უზენაესი სურვილის შეუსრულებლობით განაწყენებულ-განჩხლებულმა ფრიდრიხ ვილჰელმმა შატაბუტა-ტარულაშვილმა ჯოხი სრულიად უდანაშაულო აღამიანზე გადატეხა: კათხა დიტმარ მამებლაურს ჩახცხო თავში – ყველაზე ახლოს ის იდგა... იატაკზე დავარდნილი პრეზიდენტის პირადი კათხათმტვირთველის ბრგე ტანის ბრაგვანს შეუერთდა კათხის ნამსხვრევების ირგვლივ მიმოფანტვის წკრიალი...

და ბატონ პრეზიდენტს გამოეღვიძა!

– ოჰ, კათხა აქ არის? – შიშნაჭამმა შვებით ამოისუნთქა და დიტმარ მამებლურს მიმართა: – აბა, ერთიც დამისხი! თუმცა, დასხმა რაღად გეჭირდება, კათხა მომაწოდე! ბიჭებო, ერთ საკითხში გამარკვევით... გამიგია, რომ ახლა მოლაში შემოვიდა კლონირება – პრობლემას აღარ წარმოადგენს ორგანიზმის მცირე ნაწილიდან მეორე, მსგავსი ორგანიზმის შესაბამის გარემოში გამოზრდა. მაინტერესებს, ამ ჩემს კათხას რომ პატარაზე ჩამოვატეხოთ, იმიდან თუ იქნება შესაძლებელი მეორე კათხის მიღება? მესამის, მეოთხის?

– ბატონო პრეზიდენტო, თუ თქვენი სურვილი იქნება, ამას წინ რა დაუდგება! – ერთხმად გაისმა იქ მყოფთა პასუხი.

მარჯვენამ მარცხენას გადაუჩურჩულა:

– ესენი იმდენად პროფესიულად გავარჯიშებულ-შეხმატკბილებულ გუნდს წარმოადგენენ, ნაღდად აჯობებდნენ ჩვენი ოპერის გუნდს, შესანიშნავი tutti მოვისმინეთ!

გახარებულმა ფრიდრიხ ვილჰელმმა კი წამოიძახა:

– ის თუ არის შესაძლებელი, რომ, მაგალითად, ახალშექმნილი კათხა ჰოლანდიური “ჰეინგენის” ან ჩეხური პლზენის ლუდით ივსებოდეს? ბავარიული უკვე ყელში ამომივიდა!

– თქვენი ნება ყველასთვის კანონია! – გაისმა ისევ მედგრად და ერთხმად – პრეზიდენტის გულის გასახარად.

– მიმიხედეთ მაგ საქმეს და ვინც პირველი გამახარებს, ჩემი პირადი კათხათმგირთველის სახელს მივართმევ! ან ნებისმიერ სხვა თანამდებობას, რომელსაც კი მოისურვებს!.. ინგლისში რომ ვსწავლობდი, ყველანაირი ლუდი მომწონდა, ახლა ხშირად მენატრება და ოცნებასაც ავისრულებ: იფ-იფ, ერთში – ეილი, მეორეში – ლაგერ ბიერი, მესამე-მეოთხეში – შავი, მაგარი ლუდები: პორტერი, სტაუტი... აღარ გავაგრძელებ, მომაწოდე! – უბრძანა ბატონმა პრეზიდენტმა პირად კათხათმგირთველს. – ჯერჯერობით ისევ ბავარიული ლუდით უნდა გავიდე იოლას და მერე კი – ვნახოთ!

ფრიდრიხ ვილჰელმ შატაბუტა ტარულაშვილმა სულმოუთქმელად გამოსცა კათხა და მხოლოდ ახლა შეამჩნია, რომ მინიტრებისგან მორთმეულ ორივე ლანგარზე იდო თითო-თითო ორად მოკეცილი თეთრი ბარათი.

მეუფემ ჯერ პრეზიდენტის ჭამა-ყლაპვისა და საკადრისი მომსახურების მინისტრის ფრანც ხინკალაურის მიერ მოტანილი ლანგრიდან აიღო ბარათი; მასში ეწერა:

“თქვენო უმაღლესობავ, ბატონო პრეზიდენტო!

თქვენი ფეხთა მტვერი მოვალედ ვრაცხ თავს უმაღლესად მოგახსენოთ, რომ დიდად პატივსაცემი დიტმარ მამებლური არ არის თქვენი ერთგული! როცა კი დროს მოიხელთებს, თქვენდა უხუმრად თქვენს უდიდებულესობის კათხიდან ლუდს ჩუმად თვითონაც სვამს!”.

შატაბუტამ მძვინვარებით აღსავსე მხერა სტყორცნა გვერდით მდგომ კათხათმგირთველს, წამოსახტომად წამოიწია, პირიდან კინაღამ გამოუფრინდა: “როგორ გაბედე ჩემი ლუდის დაღვევა? თავხედობას განანებ!”, მაგრამ შემდეგ სასწაული მოხდა, – ასეთი უნიკალური შემთხვევის ლოგიკურად ახსნაში ალბათ მხოლოდ მე კი არა, მეცნიერებაც კი უძლურია, – თავი შეიკავა! და, ჩაფიქრებული (რაც მას არ ჩვეოდა), ისევ ჩაეშვა სავარძელში...

ახლა მეორე ლანგარიდან აიღო ბარათი და გაშალა. პრეზიდენტის გართობა-დროსტარებისა და კომფორტული გარემოს შექმნის მინისტრი პრეზერვა ტივტივაური ატყობინებდა:

“ჩვენო სასოებავ და თვალისჩინო, ბატონო პრეზიდენტო!

იმეღია, არასდროს შეგეპარებათ ეჭვი ჩემს თქვენი უდიდებულესობისადმი ჭეშმარიტად ერთგულებაში და ჩემს წმინდა მოვალეობად მიმაჩნია, გაუწყით სამწუხარო ამბავი: ჩადენილია უდიდესი სახელმწიფო დანაშაული! სარწმუნო წყაროებიდან ჩემთვის ცნობილი გახდა, რომ თქვენი პირადი კათხათმგირთველი დიტმარ მამებლური ბოროტად იყენებს თქვენს უსაზღვრო ნდობას და თქვენი კათხიდან უკვე რამდენჯერმე დააგემოვნა ლუდი – შხამად შეერგოს!”.

ბატონმა პრეზიდენტმა ამჯერად ჩაიქირქილა – მისთვის ცხადი გახდა, რომ, თუმცა ორივე ბარათი ხელმოუწერელი იყო, ფრანც ხინკალაურიცა და პრეზერვა ტივტივაურიც ცდილობდნენ პრეზიდენტის პირადი კათხათმგირთველის დიტმარ მამებლურის “ჩაძირვას” – მისი თანამდებობის ხელში ჩაგდება სურდა ორივე მინისტრს! და ძნელი არ იყო მიხვედრა, რატომაც: როცა ბატონ პრეზიდენტთან სულ გვერდით დგახარ, მასთან ყოველდღიური კი არა, ყოველსაათობრივი და, არცთუ იშვიათად, ყოველწუთობრივი ახლო ურთიერთობა გაკავშირებს (“კათხა მომაწოდე!”), სხვა ძალა გაქვს და უამრავი “საჭირო” საქმის მოკვარახჭინება ადვილად შეგიძლია!

ფრიდრის ვილჰელმმა ბრძნული გამომეტყველება მიიღო; ლუდი მოსვა ყელის ჩასაწმენდად და დაიწყო:

– ძვირფასო მეგობრებო! ხანგრძლივი განსჯა-ფიქრის შემდეგ, მივედი იმ დასკვნამდე, რომ ჩვენს ქვეყანაში გამეფებული გაჭიანურებული პოლიტიკურ-ეკონომიკური კრიზისის დასაძლევად აუცილებელია საკადრო ცვლილებების ფრიად ენერგიული და სასწრაფო განხორციელება!..

ფრანც ხინკალაური და პრეზერვა ტივტივაური გაბადრული, სასიამოვნო მოლოდინით აღსავსე სახეებით იჭერდნენ ბატონ პრეზიდენტის ბაგეთაგან გამოფრენილ ყოველ სიტყვას...

– და პირველი აუცილებელი ნაბიჯი ამ საპასუხისმგებლო გზაზე იქნება ჩემი ერთგული, დიდად დამსახურებული მრავალწლიანი თანამებრძოლის, ჩემი პირადი კათხათმტვირთველის, ბატონ დიტმარ მამებლაურის ახალ, ფრიად მნიშვნელოვან თანამდებობაზე გადაყვანა – პარლამენტის თავმჯდომარისა!

აწ უკვე პარლამენტის თავმჯდომარეობას თითქმის გამოთხოვებული გოტფრიდ მლიქენელაური (მისი თანამდებობიდან განთავისუფლების საკითხს ფორმალურად პარლამენტი ალბათ სულ რამდენიმე დღეში გადაწყვეტს) სიამოვნებისგან ლამის დადნა – ეტყობა, მის ოცნებას ფრთა ესხმება – პრეზიდენტის პირადი კათხათმტვირთველი გახდება!

ხანგრძლივი ტაში, მალევე გადაზრდილი მქუხარე ოვაციებში, ჭეშმარიტად დასტური იყო იმისა, რომ ბატონ პრეზიდენტის ბრძნული და ღროული, ფრიად აუცილებელი და ქვეყნითვის დიდად სასიკეთო გადაწყვეტილება იქ მყოფთა ერთსულოვან მოწონებას იმსახურებდა; მხოლოდ დიდად “დაწინაურებული”, აწ უკვე პრეზიდენტის ყოფილი პირადი კათხათმტვირთველი, დიტმარ მამებლაური, იყო ცხვირჩამოშვებული, ტაშს ფრიად უღიმღამოდ, აშკარად მოვალეობის მოხდის მიზნით, სხვათა დასანახავად უკრავდა.

– ბატონო პრეზიდენტი, ბატონი დიტმარ მამებლაური პარლამენტის წევრი არ არის... – გაბედა ხმის ამოღება პრეზიდენტის ადმინისტრაციის უფროსმა ადალბერტ შებერტყილაურმა. – ერთგვარი უხერხულობა ხომ არ შეიქმნება?

ბატონმა პრეზიდენტმა მორიგი კათხა ლუდი ბოლომდე გამოსცალა და დარწმუნებით განაცხადა:

– ძვირფასო მეგობრებო, მთავარია საქმე გაკეთდეს! თუ მაინცდამაინც გვინდა, ფორმალურ მხარეს გამოვედევნოთ, არც ეგაა პრობლემა: ბატონი დიტმარ მამებლაური სასწრაფოდ ავირჩიოთ დეპუტატად! ვინმემ დათმოს პარლამენტის მაჟორიტარი დეპუტატის მანდატი, დავაწინაუროთ – რომელიმე მინისტრის მოადგილედ დავნიშნოთ ან ჩემს კანცელარიაში გადმოვიყვან, სამას კაცს რომ კიდევ ერთი დაემატოს, ამით არაფერი შეიცვლება! შემდგომ ჩავატაროთ არჩევნები გამოკლებული დეპუტატის გამოთავისუფლებულ ადგილზე; მე მწამს, რომ ამ ვადამდე არჩევნებში ღირსეული დეპუტატობის კანდიდატი გაიმარჯვებს!

– ეს პროცესი დროში ძალიან გაიწელება... – არ ისვენებდა შებერტყილაური.

– რატომ გიყვართ ცარიელ ადგილზე პრობლემის გამოჩხრეკა? მაგაზე ადვილი გადასატრეკელი რა არის, რადიკალურ ღონისძიებას მივმართოთ: სასწრაფოდ მოწვეულმა პარლამენტის რიგგარეშე საგანგებო სესიის სხდომამ დაამტკიცოს კონსტიტუციური ცვლილება, რომლის ძალითაც შესაძლებელი გახდება, პარლამენტის თავმჯდომარედ არჩეულ იქნას ქვეყნის ნებისმიერი მოქალაქე, მათ შორის – ვინც არ არის პარლამენტის წევრი! ჩვენს ხელთ არ არის ყველაფერი? რა დაგვიდგება წინ!.. მოკლედ, ჩვენი ამოცანა არის – აქტიური და მიზანსწრაფული მუშაობა ქვეყნის საკეთილდღეოდ! ახლა სხვა საჭირობოროტო საკითხებსაც მივხდეთ. პრეზიდენტის ჭამა-ყლაპვისა და საკადრისი მომსახურების მინისტრს ფრანც ხინკალაურს უღრმეს მადლობას მოვახსენებ ღისეულად გაწეული, უადრეად საჭირო და მნიშვნელოვანი საქმიანობისთვის და ვნიშნავ ახალ, ფრიად მნიშვნელოვან პოსტზე (ხინკალაური, გახარებული, ფუმფულა საგარძლიდან ფეხზე წამოხტა, გოტფრიდ მლიქენელაურსა და პრეზერვა ტივტივაურს, და მრავალ სხვასაც, სახეები ტყემალნაჭამებივით დაუგრძელდათ) – პრეზიდენტის რეზიდენციის მთავარ მებადელ! ეჭვიც არ მეპარება, რომ პრეზიდენტის სასახლის ბაღის ფლორასა და ფაუნას კიდევ უფრო გაამდიდრებს და გაამრავალფეროვნებს! გულითადად ვულოცავ ბატონ ფრანცს და ვუსურვებ შემდგომ წარმატებულ მოღვაწეობას ჩვენი ქვეყნისა და ხალხის საკეთილდღეოდ!

ზედმეტია იმის აღნიშვნა, რომ ზოგიერთ იქ მყოფთა სახეებზე არსებული გამომეტყველება, თითქოს ჯადოქარმა სასწაულმოქმედი ჯოხი დაიქნიაო, წამიერად შეიცვალა სრულიად საწინაამდგომარეობა! ბატონი პრეზიდენტი კი განაგრძობდა:

– პრეზიდენტის გართობა-ღროსტარებისა და კომფორტული გარემოს შექმნის მინისტრი, ბატონი პრეზერვა ტივტივაური დიდად დასაფასებელ საქმიანობას სრული წარმატებით უძღვებოდა წლებების განმავლობაში და დამსახურების ღირსეულად აღსანიშნავად იგი ინიშნება (მოუთმენლობით აღსავსე ტივტივაური ფეხზე წამოხტა, დანარჩენებმა მათთვის სასურველი ამბის მოლოდინში კისრები წაიგრძელეს!) პრეზიდენტის რეზიდენციის მთავარი მებაღის პირველ მოადგილედ და,

იმავდროულად, ზოოპარკის მთავარ ზედამხედველად! მომილოცავს, იმედი მაქვს ამ მაღალ პოსტზე ისეთივე წარმატებით განაგრძობ მოღვაწეობს ჩვენი ქვეყნისა და ხალხის საკეთილდღეოდ!..

გაჭიანურებული თხრობით რომ თავი არ მოგაწყინოთ, მოკლედ მოგახსენებთ: აზარტში შესულმა ბატონმა პრეზიდენტმა გაუტია და სახელმწიფოებრივი საკადრო ცვლილებების მორიგი კარუსელი ძალუმა დაატრიალა! სულ ათიოდ წუთში გუნებისად აურია საკადრო ბანქოს ქაღალდი და მისი გემოვნებით გააწყო პასიანსი! ყველაზე მთავარი: პრეზიდენტის პირად კახათმტვირთველად დაინიშნა პრეზიდენტის პირადი დაცვის ყოფილი უფროსი ჰაინც ძიძგილაური! დატრიალებულ კარუსელში პრეზიდენტის პირადი დაცვის უფროსის პოსტს შეახტა პარლამენტის ყოფილი თავმჯდომარე გოტფრიდ მლიქვნელაური, პრეზიდენტის გართობა-დროსტარებისა და კომფორტული გარემოს შექმნის მინისტრის გამონთავისუფლებული პორტფელი წილად ერგო აწ უკვე ყოფილ სამხედრო მინისტრს ჰაინრიხ ტომარფულიაურს, პრეზიდენტის ჭამა-ყლაპვისა და საკადროსი მომსახურების მინისტრის პოსტი ჩაიბარა ოტო ბერნჰარდ რაინჰარდ გერჰარტ ტუტუცაური – ოპოზიციურ პარტიათა ალიანსის “შეურიგებელ მტკიცე აზრის” თავმჯდომარემ და ასე შემდეგ...

– ხედავ? – უჩურჩულა მარცხენამ მარჯვენას. – პრეზიდენტის ადმინისტრაციის უფროსი ადალბერტ შებერტყილაური ძლივს ასწრებს ყველაფრის ჩაწერას. ბატონ პრეზიდენტს ალბათ მერე აღარ ემასხოვრება, ვინ სად განამწყესა და რა თანამდებობა უბოძა; ხომ შეიძლება, ბატონმა შებერტყილაურმა საკუთარი ნებით თავისი ძმაცაცის “თბილ” სკამზე “დანიშნა” ჩაწეროს, რაიც ბატონ პრეზიდენტს არც დასიზმრებია?

– რა მნიშვნელობა აქვს, ვინ რა პოსტს დაიკავებს? – უპასუხა მარჯვენამ. – სანამ ახალი მინისტრი მისთვის სრულიად უცნობ საქმეში გაერკვევა და რაიმე სარგებლის მოტანას დაიწყებს, მანამდე ბატონი პრეზიდენტი ახალ კარუსელს დაატრიალებს და, საბრალოს, მოუხდება ახალ სკამში თუ საგარძელში გადაჯდომა და ისევ თავიდან რაღაც ახალ, უცხო საქმიანობაში გარკვევა...

– ამიტომაც მიდის ჩვენი ქვეყნის საქმეები ესოდენ “წარმატებულად”?.. სანამ ტარულა შატაბუტები მართავენ ქვეყნას, ჩვენი საშველი არ იქნება!

– შენ იფიქრებ, თავში მჯილიც ირტყი, მერე ამით რა შეიცვლება? შეხედ: რა კმაყოფილი სახე აქვს ბატონ პრეზიდენტს!

– ნეტავ, სარკეში დაანახა საკუთარი თავი, ნეტარების მორევში როგორ ცურავს!

– აბანოები, საუნები და მასაჟები არ შველის, ნორმალურ ადამიანს მაინც არ ჰგავს! რამდენიმე თვეში ერთხელ ამერიკის ცნობილ გასახდომ კლინიკებში აგდებინებენ წონას და მაინც საკუთარ კანში ვერ ეტევა, ზეთი ჩამოსდის სახეზე! საინტერესოა, სარკეში საერთოდ თუ იყურება?

– აღრე, ნაღდად ცნობილია, საათობით იდგა სარკესთან, გამოცდილი მწვრთნელ-დამრიგებლების ხელმძღვანელობით ორატორულ ხელოვნებას ეუფლებოდა: ამუშავებდა გულითადობის, მწუხარების, თანაგრძნობის და ასე შემდეგ გამომხატველ ფრაზებს, გულმოდგინედ ხეწდა ხმის მოდულაციებს, შეტებს, თვალებით ემოციურ თამაშს, “გულწრფელ” ღიმილს... ახლა ალბათ მიაჩნია, რომ რომ ეს ყაღბი თამაშში აღარ სჭირდება – ძალაუფლების ბედაურზე ამხედრებული და საითაც უნდა, იქით გააჭენებს, ვინ დაუშლის! ვიდაც ვიგინდარების, შურიანების, აშკარა თუ ჩასაფრებული მტრების შესხედულებებს და თუნდაც ქმედებას ყურადღების ღირსად არ თვლის – ისტუნაონ რამდენიც უნდათ, ფეხებსაც ვერ მოჭამენ!

მაგრამ ბატონ პრეზიდენტის სახეზე გაფურჩქნილი ნეტარი გამომეტყველება მოულოდნელად წამიერად შეიცვალა.

– სად არის ხინკალი? – იღრიალა ფრიდრიხ ვილჰელმ შატაბუტა-ტარულაშვილმა და ახალ კათხათმტვირთველს უბრძანა: – მომაწოდე!

პრეზიდენტის ახალმა პირადმა კათხათმტვირთველმა ჰაინც ძიძგილაურმა (ახლავე შეგვიძლია, მას გულითადად მიუფლოცოთ დაწინაურება – ამ თანამდებობაზე დანიშნა არ საჭიროებს დამტკიცებას პარლამენტის მხრივ – კონსტიტუციით ეს არ არის გათვალისწინებული!) მაშინვე მიართვა მეუფეს ლუდით გაპიპინებული კათხა, მაგრამ, სამწუხაროდ, ჯერ ახალ თანამდებობას შეჩვეული არ იყო, თანაც სიხარულის მოზღვავებული ტალღისგან ხელი ისე უკანკალებდა, რომ სანამ კათხას მაგიდაზე დადგამდა, თითქმის ნახევარი ლუდი დაიღვარა – კინაღამ თავზე გადაასხა ბატონ პრეზიდენტს... თუმცა, არც ის იქნებოდა ტრაგედია, მთლიანდაც დაღვრილიყო ლუდი, ჯადოსნურმა კათხამ თავისი საქმე მშვენივრად იცოდა (იქ მყოფთაგან განსხვავებით) – იმ წამსვე შეივსო.

ცხელ-ცხელი ხინკლებით საგსე ლანგარით ჭამა-ყლაპვის ახალი მინისტრი, ბატონი ოტო ბერნჰარდ რაინჰარდ გერჰარტ ტუტუცაური კი მხოლოდ ნახევარი საათის შემდეგ შემოგლიჯინდა დარბაზში (ამჯერად ეპატება ესოდენი დაგვიანება – ჯერ ამგვარ საქმეში ისიც გამოუსტყველია!); მასაც ხელები უკანკალებდა და ბატონ პრეზიდენტთან მიახლოებისას ლანგარი ოდნავ დაუქანდა – რამდენიმე სლიპინა ხინკალი თავშეუკავებლად მოწყდა ადგილს და თავხედურად ფრიდრიხ ვილჰელმის კალთაში ისკუპა... და ბატონმა პრეზიდენტმა ცხადად შეიგრძნო, რომ ხინკლები ის-ის იყო ქაფქაფა ქვაბიდან ახალამოყრილი იყო...

ბატონი პრეზიდენტი დამდურულივით (აღბათ არც უიმისობა იყო!) წამოხტა და... პირდაღებულმა, აღარ იცოდა, რა ეთქვა!..

ბატონ პრეზიდენტის ყურადღების სხვა საგანზე გადატანა სცადა არასამთავრობო ორგანიზაცია “მშვიდობის, დამოუკიდებლობისა და ყოველმხრივი განვითარების საერთაშორისო ინსტიტუტის” აღმასრულებელმა დირექტორმა ვილიბალდ ქვეშქვეშაურმა:

– ბატონო პრეზიდენტო, სამხედრო მინისტრად ვის ისურვებდით? – აღბათ, ეს თანამდებობა მოსდიოდა თვალში!

გაოგნებულმა ფრიდრიხ ვილჰელმმა იყვირა:

– რა პრობლემაა, თუნდაც ჩემი პირადი გარდერობის მცველ-განმკარგულებელს! არა, მაგ საქმეში სანამ სხვა საკმარისად გაერკვევა, ერთი თვე მაინც დასჭირდება, მე კი მომავალ კვირას ისევ უნდა გავფრინდე პარიზში! იქ რამდენიმე სახელგანთქმული სამოდელიო სახლის ახალი, გაზაფხულ-ზაფხულის კოლექციების ჩვენება იგეგმება და ჩემი გარდერობის გამგის ძვირფასი რჩევები ფრიად დამჭირდება! უკეთესი იქნება და მშვენივრადაც გაართმევს თავს სამხედრო სამინისტროს გაძღვლას ჩემი პირადი ფეხსაცმელების პირადი გამწმენდ-გამკრიალებელი! ღირსეული კანდიდატია – რაც მთავარია, კარგად ვიცნობ და სავსებით ვენდობი! ჰო, არ დამავიწყდეს: ჩემს ფეხსაცმელების პირად გამწმენდ-გამკრიალებლად ახლავე ენიშნავ კარლ ჰაინც ძუნძულაურს – საჩქაროდ ჩამოვიდეს!

– ბატონო პრეზიდენტო, პრემიერ-მინისტრის პოსტი ვაკანტური რჩება... – აბეზარი ბუზივით არ ასვენებდა პრეზიდენტს მისი ადმინისტრაციის უფროსი ადალბერტ შებერტცილაური, ეტყობა, პრემიერ-მინისტრის პოსტზე არ იტყოდა უარს.

– რა გამიჭირე საქმე შენი შესვენებით, არაფერი საჩქარო არ არის, პრემიერ-მინისტრს მერეც დაენიშნავ; ახლა კი კარლ ჰაინც ძუნძულაურს სასწრაფო შეტყობინება გაუგზავნეთ, დილისთვის აქ გაჩნდეს! ხვალ საზღვარგარეთის ელჩების მიერ რწმუნებათა სიგელების გადმოცემის ცერემონიაა დაგეგმილი და ჭუჭყიანი ფეხსაცმელებით ხომ არ წარვდგები მათ წინაშე – ყველას კარგად უნდა გესმოდეთ, ჩემს შესაბამის გარეგნობაზე ზრუნვა კერძო კი არა, საზოგადო საქმეა და ქვეყნის პრესტიჟს ეხება! ახლა კი, ძიძგილაურო, შენთვის ჩემი პირადი კათხათმტვირთველის სახელს მიბოძებია და ხომ გიხარია?! ჰოდა, ერთხელ კიდევ შენებურად გვიმღერე და თან დავლურიც ჩამოუარე!.. აბა, ყველამ ერთად – ტაში, ტაში!.. მოიცა, ჯერ ერთი ეგ კათხა მომაწოდე!..

ბატონი პრეზიდენტი თვითონაც ხალისით ჩაებმებოდა ფერხულში, მაგრამ ჭამა-სმისგან დამძიმებულს, სავარძელში მისვენებულს, ერჩინა მხოლოდ მხრების ტოკვით აჰყოლოდა საერთო მხიარულებას.

– რას აძაგაგებს მხრებს, არ გადმოგყვაროს ამ შეჩვენებულმა! – უჩურჩულა მარცხენას საკმაოდ შეშინებულმა მარჯვენამ.

მაგრამ საშიში აღარაფერი იყო: ბატონი პრეზიდენტი აღარ მოძრაობდა, სრულიად მომჩვარდა და ხმამაღალი ხერინგაც ისევ გაისმა...

ამჯერად დარბაზში მყოფნი მეუფისთვის სიმყუდროვის შექმნაზე არ ფიქრობდნენ, პირიქით, ისარგებლეს მისი ჩაძინებით და... ყველა ცდილობდა ჯადოსნური კათხის ხელში ჩაგდებას! მარჯვენა და მარცხენა ნამდვილი ბრძოლის მომსწრენი გახდნენ!..

ჯერჯერობით ყველას ჯაბნოდა პრეზიდენტის ადმინისტრაციის უფროსი ადალბერტ შებერტცილაური – ძალიან მაღალი იყო, აწეულ მარჯვენაში კათხა ეჭირა, დანარჩენები კი ამოდო ეძიძგილაგებოდნენ... ამ შეხლა-შემოხლაში კათხა ხშირად წაყირავდებოდა, იქიდან ბავარიული ლუდი გადმოსხმებოდა ხოლმე და თავადერებულ მოპაექრეთ გვარიანად წუწავდა. ცხადია, კათხა ისევ მაშინვე იგსებოდა და ისევ და ისევ უგრძობდა თავებს გახურებულ მოქიშპით...

– მომეცი, კათხა ჩემია, მე ვარ კათხათმტვირთველი! – ამოდო გაჰკიოდა ჰაინც ძიძგილაური. მას მხარს უმშვენებდა ზიგფრიდ თავკომბალაური – საშიშროების, მოსმენა-დასმენისა და ცემა-ტყეპის მინისტრი, რომელმაც შესაშური სიმკვირცხლე გამოიჩინა და გავარჯიშებული ხელით პროფესიული ოსტატობით კომბალი მარჯვედ ჩასცხო პირდაპირ შუბლში ადალბერტ შებერტცილაურს – ამ უკანასკნელის მარჯვენას ჯადოსნური კათხა მწიფე მსხალივით მოსწყდა...

იგი ჰაერშივე დაიჭირა გოტფრიდ მლიქენელაურმა – ყოფილმა პარლამენტის თამჯდომარემ და ამჟამად კი პრეზიდენტის პირადი დაცვის უფროსმა; სამწუხაროდ, მან საკუთარი თავის დაცვა ვერ შეძლო – მასაც მოხვდა ზიგფრიდ თავკომბალურის მარჯვე კომბალი და კათხა იატაკზე დაგორდა – იქიდან ჩხრიალით იღვრებოდა ლუდი... შემდეგ კი რა მოხდა, ძნელი გასარკვევი იყო კათხის დასაუფლებლად შექმნილ მებრძოლთა ზედახორაში...

ამასობაში ბატონი პრეზიდენტი გამოფხიზლდა და შეძახილებით ამხნევებდა თვალწარმტაცი სანახაობის მონაწილეთ:

– ამდენი ჭკვიანი ერთად საიდან და როგორ შეიყარნით აქა? მიდით, თქვენ გენაცვალებთ, დასცხეთ ერთმანეთს, კარგად ვერთობი! ოღონდ ჩემს კათხას არაფერი დაუშავოთ, თორემ ცოცხალი არ გადამიჩნებით!

– დროა, ამ არეულობით ვისარგებლოთ და სანამ ლამაზები ვართ, აქედან დროზე გავასწროთ!
– გადაუწერხულა მარჯვენამ მარცხენას.

წამოსვლისას მარჯვენამ არ მოიშალა ხუმრობა და უცებ პარიკი მოაძრო ბატონ პრეზიდენტს...

თითებმა იატაკზე ისკუპეს და უკან მოუხედავად კარისკენ მოკურცხლეს! მაგრამ ცნობისმოყვარეობა ხერხავდათ და ცოტა ხანს დარბაზში კიდევ დაყოფდნენ და გვარიანადაც იმხიარულეს: შემდგომი მოვლენებისთვის თვალის შევლება მართლაც ერთ რამედ ღირდა!

გაოგნებულმა ბატონმა პრეზიდენტმა მელოტი უმაღლესი დიპლომატი მარცხენა ხელით, მარჯვენა კი წინ გასტყორცნა, ვითარცა ერთ დროს (და ალბათ – ახლაც) დედამიწის ერთ მეექვსედზე გადაჭიმული უზარმაზარი წითელი იმპერიის ათასობით დიდსა თუ პატარა დაბა-ქალაქში მთავარ მოვლენებზე ბრინჯაოს ქანდაკებად ჩამოსხმულმა, ამჟამად წინ წახრილმა, კომუნისმის ნათელი მომავლისკენ ოცნებით მიმავალმა, მსოფლიო პროლეტარიატის დიდმა ბელადმა ვლადიმერ ილიჩ ულიანოვლენინმა; უტყვი ქანდაკებებისგან განსხვავებით, ფრიდრიხ ვილჰელმ შტაბუტ-ტარულაშვილმა, დღენიადაც მიკროფონების წინ დგომისგან გავარჯიშებული ხმით, იმავდროულად, ომანიანად იყვირა:

– მიშველეთ! ახლაც არ გჯერათ, რომ ჩემს სიცოცხლეს საფრთხე ემუქრება? დამიცავით ტერორისტებისგან!

ცეკვა-თამაში მაშინვე შეწყდა, თითქოს ჯადოქარმა მაგიური ჯოხი დაიქნიაო...

პრეზიდენტის პირადი დაცვის ახმახი ჯეელები, რომლებიც აქამდე მშვიდად ადვენებდნენ თვალს მომხდარს და გვარიანადაც ერთობოდნენ (თითო ას კილოგრამზე ნაკლებს არ იწონიდა!), ახლა უცებ მივარდნენ შტაბუტ-ტარულაშვილს, რომელიც ამ დროს წარუმატებლად ცდილობდა, მაგიდის ქვეშ შემძვრალიყო, სასწრაფოდ ზევიდან დაახტნენ და სამ ფენად გადაეფარნენ... ბატონ პრეზიდენტის სიცოცხლეს მართლაც საფრთხე რეალურად დაემუქრა – საბრალო, ამ ბრვე ყმაწვილების ქვეშოდან ნახევარი საათის შემდეგ გამოიყვანეს და სასწრაფოდ გამოძახებული ექიმების მიერ მის მოსულიერებას კიდევ ნახევარი საათი დასჭირდა – ნახევრად გაგულული გახლდათ და სანამ პირველ სიტყვას წარმოსთქვამდა, კიდევ ნახევარი საათი გავიდა...

– ვაი ჩემს თავს, თქვენისთანა ბედოვლათებს როგორ უნდა ვენდო? – წუწუნებდა ბატონი პრეზიდენტი, ისევ ისე თავზე ხელდაფარებული. – ჩემი თავიდან ერთი თმის ღერიც რომ ჩამოვარდნილიყო, ხომ იცოდით, რაც გელოდათ! საკვირველია, ხომ იცი – ახლა კი ნამდვილად დავიჯერე, რომ გამოუცნობი საიდუმლო მოვლენები ამქვეყნად მართლაც არსებობს! გამოსარკვევია, რა მოხდა?

დარბაზში ზუზუნი გაისმა: ბატონ პრეზიდენტის თანამებრძოლები ერთმანეთს არ აცლიდნენ, ძვირფასი შეფისთვის პირადად მოეხსენებინათ საკუთარი ძვირფასი შეხედულებები მომხდარ სამწუხარო მოვლენასთან დაკავშირებით, სახელდობრ: ვინ შეიძლებოდა ყოფილიყო ამ საზარელი, ჯერაც გაუგონარი, მუხანათური ქურდობის ჩამდენი, რატომ და რა მიზნით, რა ქვენა მიზნები ამოძრავებდათ დამნაშავეებს? იმაში კი ეჭვი არავის ეპარებოდა, რომ ეს არ იყო ერთი პირის მიერ ჩადენილი დანაშაული: ამგვარ მასშტაბურ და კარგად გათვლილ, მშვენიერად ორგანიზებულ და წარმატებით ჩატარებულ ოპერაციას ხალხმრავალი, კარგად გაწვრთნილი დამნაშავეთა ჯგუფის შეხმატკბილებული მოქმედება სჭირდებოდა. არც ის იყო გამორიცხული, რომ ავაზაკებმა თანამზრახველები თვით პრეზიდენტის გუნდში გაიჩინეს...

– ხომ ვამბობდი, დალატია-მეთქი! ვიდაცამ გაგვიდა! – ისევ აყვირდა ბატონი პრეზიდენტი. – ეს უშიშროების საბჭო ნეტა რას მიკეთებს, უტვინო, ყოვლად უპასუხისმგებლო დეგენერატებით რომ არის გავსებული! საჩქაროდ, უშუალოდ აქ, საპრეზიდენტო სასახლეში, მოიწვიეთ მეცნიერებათა აკადემიის პრეზიდენტის საგანგებო სხდომა, ეგ მუქთამჯამელები, ბებერი კუანები ახლა მაინც გამოგვადგენ რამეში!

პრეზიდენტის სათათბირო დარბაზში ბუზის გაფრენის ხმას გაიგონებდა კაცი...

– ბატონო პრეზიდენტო, მეცნიერებათა აკადემია თქვენი პირადი განკარგულებით ფაქტობრივად გაუქმდა, ვითარცა წარსულის გადმონაშთი... – ხმის ამოდება გაბედა არასამთავრობო ორგანიზაცია "მშვიდობის, დამოუკიდებლობისა და ყოველმხრივი განვითარების საერთაშორისო ინსტიტუტის" აღმასრულებელმა დირექტორმა ვილიბალდ ქვეშქვეშაურმა.

– აკადემია გავრეკე, აღარ არსებობს? – გაუკვირდა ფრიდრიხ ვილჰელმს. – როდის მოხდა ეს? რა პრობლემაა, ისევ შეკრიბეთ! ერთ საათს გაძლეეთ! არა – ნახევარ საათს! აქ მომგვარეთ სუყველა!

– ბატონო პრეზიდენტო, ნახევარზე მეტი უკვე გარდაიცვალა...

– რა პრობლემაა, ახლავე ახლები აირჩიეთ! დროზე ქენით, დროზე, სულ ასე ხომ არ ვიქნები, უკვე ხელი დამეღალა... ახლავე პარიზში გააგზავნეთ თვითმფრინავი – საჩქაროდ ჩამომიტანეთ ახალი პარიკი! ორი პარიკი! ან – სამი! არა, ოთხი – ყველას აჯობებს!.. არა, ვერავის ვენდობი, მე თვითონ წავაღ!.. უპ, ამდენმა ვნებათაღელვამ საშინლად მომაშივა – სასწრაფოდ მომართვით ოცდაათი ხინკალი, თავისი სოფლური არაყითა და ბრიტანული შავი ლუდით, ბავარიული უკვე მომბეზრდა!.. არა, ორმოცი აჯობებს! ხომ იცით, ჩემი სიტყვა და საქმე ერთია – ცხელ-ცხელი, ნამდვილი

მთიულური ხინკალი იყოს, თორემ დაგაჭრით ყველას თავებს!.. დღეს პარიკი მომტაცეს, ხვალ თავსაც წამაცლიან! ჩემი პარიკის მომტაცებლები – ქვეყნის მოღალატეები და დამაქცეველები, საჩქაროდ უნდა დავიჭიროთ და სამაგალითოდ დავსაჯოთ! თვით ფაქტია შემაშფოთებლი: თუ ქვეყნის საერთო-სახალხო კენჭისყრით არჩეულ პრეზიდენტს დღეს ამდენს უბედავენ, ხვალ რაღას უნდა ველოდეთ! ქვეყნის უსაფრთხოებას საშიშროება აშკარად უშუალოდ დაემუქრა! სანამ ხინკლებს მომიტანენ, გავაგრძელოთ უშიშროების საბჭოს საგანგებო სხდომის მუშაობა – აუცილებელია, შეიქმნას საგანგებო საგამომძიებლო კომისია განვითარებული მოვლენების სრულყოფილად შესწავლის და შესაბამისი ღონისძიებების დაგეგმვის მიზნით! მანამდე კი სასწრაფოდ მომიზადეთ ხელმოსაწერად და პარლამენტში დასამტკიცებლად დადგენილების პროექტი ქვეყანაში საგანგებო მდგომარეობის გამოცხადების შესახებ! საშიშროების, მოსმენა-დასმენისა და ცემა-ტყეპის მინისტრს ზიგფრიდ თავკომბალაურს ვავალებ: სასწრაფოდ შექმნას მისდამი დაქვემდებარებულ უწყებაში საგანგებო რაზმი დიდად საპასუხმებლო მისიის შესასრულებლად – პარიკის გამტაცებელთა შესაპყრობად და საკადრისად დასასჯელად! ამაზრხენი, ქვენა მიზნები ამოძრავებდათ ამ საზარელი დანაშაულის დამგეგმავებსა და შემსრულებლებს! ვერავის ვაპატიებთ პრეზიდენტის თავი გაცივდეს და ტვინის ანთება დაემართოს! ეს სასიკვდილო ლახვარი იქნება ქვეყნისთვის – ყოველმხრივ!

კარი VI.

ბნელი ღამე, თანაც წვიმიანი, ყველაზე მოსახერხებელი დროა ბნელი საქმისთვის... (Aspramente, მკაცრად, პირქუშად)

ამასობაში კი ჩვენმა მოხეტიალე გმირებმა აღარ დაუცადეს კომედიის დამამთავრებელ აქტს და დროულად დატოვეს კრაზანების აფორიაქებული ბუდე...

როცა უკვე გასცდნენ პრეზიდენტის ბრწყინვალე სასახლის ბოლო ბრწყინვალე კარს, ბრწყინვალე ბაღში შეჩერდნენ, ბრწყინვალედ და საფუძვლიანად ამოიქაქანეს და ბატონ პრეზიდენტის ბრწყინვალე პარკში ბრწყინვალე პარიკის კარგად დათვალიერების ბრწყინვალე საშუალებაც მიეცათ – ღრუბლებს შორის ამ დროს გამოჭყეტილი ბრწყინვალე სავსე მთვარის შუქზე. მთვარეც ჩვენს თითებზე არანაკლები ცნობისმოყვარეობით აკვირდებოდა ხელოვნების საუცხოო ნიმუშს.

– დიდებული პარიკია, დიდებული! – წამოძახა მარჯვენამ. – შეხედე, ადამიანის ნატურალური თმისგან რა ბრწყინვალე ოსტატობით არის დამზადებული. უჰ, რამხელა ბომბორა თავი ჰქონია ჩვენს ბრწყინვალე პრეზიდენტს, ჩემთვის ძალიან მძიმეა, წელი მომწყვიტა ამის თრევამ! ვჩქარობდი და, სამწუხაროდ, მეორეჯერ ბატონ პრეზიდენტის პატივცემული ბრწყინვალე ცხვირის კიდევ ერთხელ გემრიელად გაწკიპურტება ველარ მოვასწარი...

– სამაგიეროდ, ძვირფასი ნადავლი ჩაიგდე ხელთ... მართლაც უცნაური ვინმე ბრძანდები: რა აუცილებელი იყო, რამ მოგაფიქრა მაგის წამოღება? ეგ სხვისი ოფლით გაუღენთილი, მყრალი პარიკი რაღად გინდოდა, შენც შენი ბრწყინვალე მელოტის დაფარვა ხომ არ გსურს? – ეკითხება მარცხენა.

– ბიჭო, ხომ ხედავ, რა ცივი ამინდებია; ამ იშვიათი პარიკით მშვენიერ “ბუდეს” მოვაწყობთ, კარგად ჩავთბუნდებით!

– მაგისტრის გეცხელა? პრეზიდენტის რეზიდენციის დაცვა გაძლიერებულია, ალბათ საგანგებოდ დაგეშილი ძალებიც მოიყვანეს და იმათ კი ძნელად თუ გადავურჩებით... დროულად მოვცილებდეთ აქაურობას და რაც შეიძლება – სწრაფად!

– მიჭირს დაჯერება – ამას რას მოვესწარი, რას ვხედავ ჩემი ბედნიერი თვალებით! მე სულ ჩაგჩიჩინებ: “ნუ ზოზინობ! ჩქარა! სწრაფად! ნუ გძინავს, დროულად გაინძერი!”; და აჰა! მადლობა ღმერთს, შეგძელი შენი ოდნავ მაინც მორჯულება!

– ბიჭებო! – ზევიდან უცინოდა მათ სავსე მთვარე. – ძალიან მაგრები ხართ! როგორც ხედავთ, მეც სულ მთლად მელოტი ვარ და თუ თქვენ არ მოგეწონათ ეგ პარიკი ან თუ ერთმანეთში ვერ მორიდდით, მე დამითმეთ! ხომ ხედავთ, მეც გვარიაანად გაფითრდი სიცივისგან!

– მთელ ქვეყანას მასში არსებული მძიმე მდგომარეობის შესაღამაზებლად პროპაგანდისტული პარიკი ჩამოაცვას: “დემოკრატია აღორძინდა, ეკონომიკა აყვავდა, სხვა მხრივაც რა მშვენიერადაა ყველაფერი!”. აი, ამ პარიკს თუ ჩამოაცლი, ეს იქნება ბიჭობა, თორემ შატაბუტას გაბიბრუება რა ვაუკაცობა იყო.

– ნუ აკნინებ შენი ქმედების მნიშვნელობას! – არ დაეთანხმა მარცხენა. – პარიკის მოტაცებამ სიმბოლურად აჩვენა, თუნდაც მის გარემოცვას, რომ არც ისე ძლიერია და ყოვლისშემძლე პოლიტიური ოპონენტების, – მისი თქმით, “ქვეყნის მტრების”, – დათრგუნვაში, როგორც იბრიქება. ამის გარდა, ეს ბრწყინვალე პარიკი ხომ არ დაეუბრუნოთ დასავლეთს? გავიტანოთ ლონდონის “სოთბის” აუქციონზე: “სენსაცია! ძლევამოსილი პრეზიდენტის ფრიდრიხ ვილჰელმ შატაბუტა-ტარულაშვილის

მოტაცებული ლეგენდარული პარიკი!“. ფანტაზიური ფასი დაედება, ეგზოტიკური წარმომავლობის ნივთის შესაძენად ნამდვილი ჩხუბი ატყდება – ბრწყინვალე წარმოდგენის მომსწრე გავხდებით! მთელ მსოფლიოში სახელსაც გავითქვამთ!

– სახელი არც ახლა გვაკლია, სკანდალებზე მონადირეთ მეტი კი არაფერი უნდათ: ყველას ჩვენი სახელი აკერია პირზე, რადიო-ტელევიზიაში და ჟურნალ-გაზეთების ფურცლებზე სულ ჩვენს გაქცევაზეა ლაპარაკი... ასეთი გზით მოპოვებული სახელი რად გინდა?

– ახლა სად ვიყავით, პრეზიდენტის ბრწყინვალე რეზიდენციაში თუ ცირკში დაგეწართ ბრწყინვალე წარმოდგენას? – იკითხა მარცხენამ.

– მაგას რას კითხულობ, კარგად კი გავერთეთ და! ნაღდად ცირკზე უკეთესი იყო: რინგი არ იყო გამართული, თორემ სხვა მხრივ ვერაფერს დაიწუნებდი – ნამდვილი მუშტი-კრივი გაიმართა!

– ტყუილად არ არის ნათქვამი: პოლიტიკა სასტიკი სპორტია; მხოლოდ დაუნდობელი, ცივისის-ხლიანი, გრძნობების აყოლის გარეშე, ცივი გონებით მოქმედი პოლიტიკური მოღვაწე აღწევს წარმატებას!

– მართალია, მაგრამ, მე რომ მკითხო, იქ შეკრებილთ პოლიტიკოსობისა ბევრი არაფერი ეცხოთ, უფრო – ძალაუფლების პყრობის სენითა და, იმავდროულად, მომხვეჭელობის განუკურნებელი ავადმყოფობით შეპყრობილ ადამიანთა მომხიბლავი დაკა-დაკა ვიხილეთ, დაუკმაყოფილებელ ამბიციითა დოლი, უსაზღვრო ანგარების ასპარეზი! ჩვენ კი ჩვენი, სულ სხვა მისწრაფება გვამოძრავებს, მათგან სრულიად განსხვავებული მიზანი გვაქვს და, აბა, ახლა ჩვენს საკუთარ გზას ვეწიოთ!

ბადრმა მთვარემ მოხეტიალეთ მომხიბლავად გაუღიმა:

– გზა დამილოცნია, მამაცო ბიჭებო! თუკი შეგძლება, გზას გაგინათებთ, თუმცა, თქვენც ხედავთ, ვაგლას, მრუმე ღრუბლები მებრძვიან! აბა, მხნედ იყავით, წყუელ წყვდიადს ნუ შეუშინდებით!

შუალამის მიდინარე ქალაქის მიჩუმათებულ ქუჩებს მიაშურეს; მარცხენამ პარიკი გამოართვა მარჯვენას, ვერაფრით შეეღია.

ატალახებულ ქუჩებში სიარული გაუჭირდათ; მთვარე ისევ ჩაჟამებულმა ღრუბლებმა დაატყვევა, სიბნელემ თავისი ბნელი კალთა გადააფარა ქალაქს და, ერთგვარი შესვენების შემდეგ, ძალამიცემულმა, ძლიერმა წვიმამ ისევ დაუშინა წვეთების წვრილი საფანტი სახურავებს, გზა-ქუჩებს, ეზოებს...

ძმები შეჩერდნენ, რაღაც კედელს მიეტმასნენ. სიცივისგან აკანკალებული მარჯვენაც პარიკის ქვეშ შეძვრა და მობუზულ მარცხენას ჩაეხუტა; ქარ-წვიმის შეხმატკბილებულ სიმღერას უსმენენ...

ქარის სიმღერა: ჯერაც შეუფოთლავ ხეების რტოებში დაძრწის-დაწანწალებს და წივის-წუსს-სისინებს: წიუ-წიუ-სსს... სსს-წიუ-წიუ-სსს...

თუ რომელიმე დაუდევარ ღიასახლისს გაფენილი სარეცხი დავიწყებით დარჩენია ან მისი საღამოს ჩამოსხნა დაზარებია, ქარს ზეწრები თუ ბალიშისპირები, საცვლები თუ პირსახოცები, ფარდები თუ ნაირგვარი და ნაირფერი გადასაფარებლები ქარაშოტს საკუთარ დროშებად უქცევია და მათ ყველას, სიმშვიდეზე გამარჯვების აღსანიშნავად, გახარებული, დაულალავად ზევით-ქვევით აფრიალებს, ხანაც უცებ ატყლაშუნებს – უამინდობის ბოლოქარ სიმფონიაში მკვეთრ აქცენტებს ურთავს...

ქარს მრავალმხრივი ნიჭ-უნარი გააჩნია: სახლთა ნახვრეტებ-ღრიჭოებში სტვენაც ეხერხება, მორყეული ჭიშკრებ-კარებების ჭრიალიც და დროდადრო – მიხათქუნებაც, საწვიმარ მიღებში თუ საკვამურებში ღრიალით შეჭრაც და იქ ბუბუნ-ღმუილით დატრიალება... ავანგარდისტი მუსიკოსია!

ქარის სიმღერას აკომპანემენტს უწევს წვიმის გაბმული სიმღერა. წვიმას უფრო დასარტყამ ინსტრუმენტებზე დაკვრა უყვარს: ბამ-ბუმ-ბუმ-ბამ... – ურახუნებს თუნუქის სახურავებზე; წკაპა-წკუპა-წკაპა-წკუპა... – წვეთები მძიმედ ეცემიან გუბებში; როცა დროდადრო წვიმა ძლიერდება, სახურავებს, ფილაქანს წამოუშენს, შრიალითაც გადაირბენს-გადაუვლის – შრრრრ-ტრა-ტა-ტა-ტა... შრრრრ-ტრა-ტა-ტა-ტა...

თვით მისი უდიდებულესობა მრუმე ღამეც მღერის და მისი უსწრაფესობა ქარისა და მისი მომაბეზრებლობა წვიმის ხმები მისი დიდი ორკესტრის პოლიფონიური ჟღერადობის მხოლოდ ნაწილია: მასში იჭრება ძაღლების ყეფა, ქუჩებში მიმავალი დაგვიანებული მგზავრების ფეხების ფლასტუნის სველ ტროტუარზე, მიმქროლავი ავტომანქანების ძრავების ღუღუნის და საბურავების შიშინი... საწვიმარი მიღები კი ხომ ერთი დიდი ორღანოა: წყალი ათასგვარ ნაირფერ ხმად იღვრება-მღერის დიდპატარა თუნუქის მიღებიდან – ბებერივით ბურტყუნებს-ბუტბუტებს-ჩიფჩიფებს-ღუღღუნებს ამა სოფლის სიმუხთლეს, ჩვილივით ღუღუნებს, ენამზეობის ეშხში შესულ თამადასავით თუხთუხებს, მწუხარე ჭირისუფალივით მოთქვამს, სათამაშოწართმეულ ბავშვივით ჭიჭყინებს...

ღამის ღრმა, შავი ხავერდის საბანი მძიმედ დასწოლია გატრუნულ ქალაქს, უამინდობის მშფოთვარე ფორტე არ ნელდება, – მარჯვენა და მარცხენა ხელის მტევნები სევდიანი ღამის ბრწყინვალე ლირიკულ ნოქტიურნს უსმენენ, მაგრამ სადამდე უნდა იყვნენ მიუსაფარნი, ასე საბრალოდ მიყუჟულ-მოკუნტულნი სახლის კედელთან, თუნდაც ბატონ პრეზიდენტის ბრწყინვალე პარიკის ქვეშ თავმთვარებულნი?

მარჯვენა პარტიის ქვეშიდან გამოძვრა:

– უჰ, დავიხუთე, ჯობს, წავიდეთ!

– საით? რა უბედური ცივი მაისი დაგვიდგა... – კიდევ უფრო მოიბუზა მარცხენა. – ღამეა, ბნელა, წვიმს, არც არსად და არავინ გველის... სად წავიდეთ, საით გავწიოთ? ვისი იმედი გვაქვს? ნათქვამია: “მითხარი, ვინ არის შენი მეგობარი და გეტყვი, ვინ ხარ შენ!”, მაგრამ ჩვენ რომ მთელ ქვეყნიერებაზე მეგობრები არ გვყავს? არც – მაესტრო ლიტმარ დომინორაულს უტალახებენ კარს მაინცდამაინც... მაშ ვინ ვართ ჩვენ?

– რას ამბობ?! ჩვენი მეგობარი – მუსიკაა!

– რა დროს მუსიკაა! აქ გაჩერება სახიფათოა...

– ალბათ მართალი ხარ: გული მიგრძობს – მღვერები სადაცაა გამოჩნდებიან და მაშინ ვაი ჩვენი ბრალი!

– მერედა, რა მოგვარბენინებდა კონცერტიდან? – ეკითხება მარცხენა. – რა იყო, რამ აგაღელვა? გამაგებინე, რა ბუზანკალმა გიკბინა, ასე უცებ რამ მოგიარა, მოულოდნელად რომ აფეთქდი? თუ მაინცდამაინც გაქცევას აპირებდი, ვერ დაელოდე კონცერტის დამთავრებას? საგანგებოდ ჩვენს მოსასმენად მოსული იმდენი ხალხიც გაანაწყენე...

– არა მგონია, ბევრს დასწყდომოდა გული – ჩვენს გამოქცევამდეც გაწილებულნი იყვნენ ფრიად უდიდამო შესრულებით, თანაც კონცერტზე არც ისე ბევრი მსმენელი მოვიდა... შენი არ ვიცი და მე მომბეზრდა უთავბოლო სირბილი კლავიშებზე, წინ და უკან უაზრო ბეჯითი ჯირითი! მესიკვლეობდა ყურება, როგორ აიმღვრა წმინდა წყარო შთაგონებისა – ჩვენი თითების ცივი სირბილი, რომელიც არანირად არ გათბობს... მარჯვნივ-მარცხნივ გავერბივარ, გამოვრბივარ და მაინც არ ვარ თავისუფალი! – აი, ეს მტკენდა გულს... სულ რომ შლეგიანივით უაზროდ დაჯირითობ კლავიშებზე, ხანდახან ნელა გაიარე, შე კაცო, დადინჯდი ან სულაც გაჩერდი, ირგვლივ მიხედ-მოიხედე – წინ-ქვილის დოლაბი ხომ არ ხარ, რომ სულ თანაბრად ფქვა და ფქვა... ხან მთაზე აღიხარ, შორეთს გახედავ, ხან მდინარეს გადახვალ ფონით, გინდ გადაცურავ, ანდა აყვავებულ მღვლოზე რომ მიაბიჯებ, ხომ უნდა წუთით მაინც შეჩერდე – ყვავილთა სილამაზით დასატკობად, მერე კი დაიხარო – მათი სურნელით დასათრობად? რომ გარბიხარ და გამორბიხარ, აქეთ-იქით არ იხედები, რას დაინახავ, ან რას იგრძნობ? ძლიერ ვართ უაზრო სირბილს დაჩვეულნი! აღარ შემეძლო ამდენი სიყალბის ატანა, მომბეზრდა, ყელში ამომივიდა! კარგია ელვარე, ბრწყინვალე პასაჟების წამდაუწუმ წკრიალი, მაგრამ ხანდახან სევდის ჩრდილიც უნდა გაუთიო მეტი რელიეფურობისთვის – დაპირისპირების გარეშე შთამბეჭდავ გამომსახველობას ვერ მიაღწევ...

– კონტრასტი განა ყოველთვის კარგია: თბილი დარბაზიდან რომ გარეთ გამოვდი, უფრო სწორედ – გამოვვარდი, და ახლა მცირა? – კრუსუნებს მარცხენა. – წყეულმა სინესტემ სულ ძვალბრილში დამიარა, დიდად დაფასებულ ბატონ პრეზიდენტის პარტიკს გამოყოლილი სითბოც დაიხარჯა ძლიერ ქარში და წვიმაში...

– ახლა გამოჩნდებიან მეძებრებიანი მღვეარნი და კარგა გვარიანად შეგვასურებენ! – ესუბრება მარჯვენა. – გადაწიე ეგ თავზე გადმომხობილი მყრალი პარტიკი და გარეთ გამოიხედე; შეხედე: მომბეზრებელი წვიმა, როგორც იქნა, შეწყდა, ძლიერმა ქარმა გადადენა ღრუბელთა ნარჩენები! თითქოს კიდევ უფრო აცივდა, უჰ, მეც ჟრჟოლამ აიტანა! სამაგიეროდ, ნახე, რა ღამეა, რა საოცარი აღმასვბი გადმოუბნევიდა ცას თავისი სალაროდან, როგორ ციმციმებენ ვარსკვლავები! შეხედე, შეხედე, რა ჯადოსნურად აფერადებს გარემოს ჩვენი მეგობარი მთვარე – საგსე, ნათელი! ეგ ერთია, რომ გვითანაგრძნობს, თვალს გვაყოლებს, აბა, რას მოიმოქმედებენ მამაცი ბიჭებიო, თვალსაც გვიპაჭუნებს – ხომ კარგად ხართო... რა გითხრა, ჩემო მთვარე, შენი ნათება ლამაზია, უამრავი ლექსი, სიმღერა თუ მუსიკალური ნაწარმოებია შექმნილი შენი მომაჯადოებელი ნათების შთაგონებით, მაგრამ სითბო რომ გაკლია?

– მაგ უსაქმურის თანაგრძნობა ან სხივების სინაზე მე რას მარგია...

– აბა, რა გარგია? მაგ პრეზიდენტის ოფლით გაუღენთილი მყრალი პარტიკის ქვეშ ჯდომა? რადას იხუთები, დახრჩობა ხომ არ მოგენატრა, შენც გამოძვერი სუფთა ჰაერზე! შეხედე, ყველგან განფენილია ქვეყნიერების მარადიული ჰარმონიულობა, სიამით გათანგვის გრძნობა, გრძნობა, რომ არაფერია შემთხვევითი ამ ქვეყნიერებაზე!

– ჩვენი გაპარვაც? შენ რომ არ გამოქცეულიყავი... ისევ და ისევ გეკითხები, გამაგებინე: რა გინდა, სად და საით გარბიხარ?

მარჯვენამ შეაწყვეტინა:

– მიკვირს შენგან, ხომ იცი! ჩემი ძმა თუ ხარ, რატომ ვერაფერს ხვდები და ისევ მეკითხები იმას, რაც დღესავით ნათელი უნდა იყოს შენთვის... ან რამდენჯერ უნდა ავიხსნა, ჭკაუსუსტი ხომ არ ხარ? თუ ჩვეული ცხოვრების მდინარებას გინდოდა, გააყოლოდი, შენ რადას გამოვბოდი კონცერტიდან? ტაშითაც დაგაჯილდოებდნენ ბრიყვნი, მერე ნებიერად დაისვენებდი თბილი საბნის ქვეშ – სურნელოვანი ნელსაცხებლით დარბილებულ-გაკეთილშობილებული. მეორე დღიდანვე ისევ და-

იწვებდი ჩვეულ ვარჯიშს – ფორტეპიანოს სრულიად უდანაშაულო, საბრალო კლავიშებზე ტყაპუნ-რახარუსს ოთხი-ხუთი საათით... რამდენიმე დღეში კი ისევ ჩვეული კონცერტი მოგელოდა, უფრო – ვითომ-კონცერტი, რადგან მსმენელნი სულიერად განწმენდილნი და ამადლებულნი კი არ გამოვი-ლოდნენ მუსიკის წმინდა ტაძრიდან, არამედ მოტყუებულ-გაბითურებულნი, გამოფიტულნი... თუმცა, ბევრ ბრიყვს სწორედ ასეთი კონცერტი ურჩევნია. შენც ისევ და ისევ ჩვეული უსახური როლის შესრულება გირჩევნია? რა გიშლის, დაბრუნდი მაშინ უკან!

– არა, მე შენთან მინდა!

– აბა, სულელურ კითხვებით ნუღარ შემაწუხებ და მომყვები, ჩქარა! დააგდე ეგ ოხერი სველი პა-რიკი, მაგის თრევა რაღად გჭირდება! ფრთხილად იყავი, ამ უსწორმასწორო გზაზე ხეტიალი ძალზე გაგვიჭირდება, კრიალა კლავიატურაზე სეირნობა ნუკი გგონია. ერთი შედავათი ისაა, რომ ისე აღარ ბნელა. შეხედე მაღლა – ცა სრულიად მოიწმინდა, ერთიანად გაღურჯდა, მხოლოდ ერთი პა-ტარა, საგსე მთვარით განათებული ცხვარვით ღრუბელია შემორჩენილი... ჩვენც რომ შეგვეძლოს მა-სავით თავისუფლად ნავარდი! შეხედე, რა ლამაზია! კრავო კეთილო, შეგვისვი შენს ფუმფულა ზურ-გზე და გაგვასეირნე, წარგვიტაცე საოცნებო მხარეებში – შორს, შორს... მოგვატარე მთელი ქვეყნიე-რება, აყვავებულ ხეობებს ჩაგვახედე, ამწვანებული ყანების ზურმუხტით დაგვატკბე, დაკბილული მთაგრეხილები გადაგვატარე, გვანახე ახვითებული-ახვითებული ზღაპრული ზღვა... კარგია! ჰოდა, სწორედ აი, ყოველივე ამის სანახავად, ახალი შთაბეჭდილებებით გასამდიდრებლად, გრძნობების გასაფაქიზებლად გამოვიქეცი, ჩემო ძმაო და მეგობარო, და ჯერჯერობით არც ვნანობ! ერთფეროვა-ნი დღეების ნაცრისფერ ნაკადში უნდა გამოერიოს ნათელი, კისკისა, ფერადოვანი დღეებიც, ისე რა ფასი აქვს ცხოვრებას?

– მე მაინც მეშინია... თან, უკვე მერამდენედ გეუბნები, თითები მეტკინა უკვე ქვიან მიწაზე სია-რულით. არ მეგონა, თუ ჩვენს ქალაქში კიდევ იქნებოდა ასეთი მოუვლელი ქუჩა, ფუი, რა საძაგელი სავალია!.. დავისვარე კიდევ! ამ ქვეყანას პატრონი არ ჰყავს, ყოველ შემთხვევაში, ამ გაუბედურე-ბულ გარეუბანს მაინც!

– აბა, ცენტრალურ, ლამპიონებით გაჩირადლებულ გამზირებზე ზარ-ზეიმით გასურს გასეირნე-ბა? როგორც კი იქ გამოვჩნდებით, იმ წამსვე დაგვიჭერენ!

– ჩვენ, თითები, ძალიან მგრძობიარენი ვართ და დაჩქვნილი ლეპნებით როგორღა დავუკრავთ? ამ ჯოჯოხთში ყოფნა აღარ შემიძლია! ლამის ვიკივლო!

– “აღარ შემიძლია, აღარ შემიძლია!” – გამოაჯავრა მარჯვენამ მარცხენა. – როგორ მომაბეზრე თავი შენი გაუთავებელი წუწუნით! რამდენჯერ უნდა გაგიმეორო: რა გრჯიდა, რატომ გამოიქეცი, არა – გამოიპარე, მხდალო! რაღას მომდევდი, ვერ დარჩი? შეგიძლია, ახლავე უკან გაბრუნდე, ჩემ-თვისაც უკეთესი იქნებოდა.

– ნუ მიმატოვებ! – შევედრა მარცხენა. – ხომ გითხარი, შენთან ერთად მინდა, ვიყო!

– მაშინ შეეშვი გაუთავებელ მოთქმა-ვაებას, მედგრად გაგწიოთ სულ წინ და წინ, გავეშუროთ ჯერ უცნობისკენ, იქნებ მიუწვდომლისკენ, საოცნებოსკენ! რა კარგია თავისუფლება, არაფრის გეში-ნოდეს, შეუპოვრად, შეუვალად იარო! თუ მხნედ ვიქნებით, ეჭვი ნუ შეგეპარება, ყველა წინაღობას გადავლახავთ. მოდი, სიმღერა შევთხზათ:

მე არაფრისაც არ მეშინია,
დიდება ჩემს მარჯვენას!
მე გადავლახავ ყველა სიბნელეს,
გაუმარჯოს ჩემს ხუთ თითს!
ჩემთვის სიცივე არაფერია,
კაჟივით ვარ, რკინასავით!
არც – სიბნელე მთრგუნავს, –
ღამე ხომ ჩემი მეგობარია!

– შე საწყალო, ბავშვობაში გადავარდი? ეგ რა სიმღერაა: არც მელოდიაა, არც – რიტმი, არც – რითმა...

– მე სხვებისთვის კი არა, ჩემთვის ვმღერი, მსიამოვნებს და ვმღერი!

– შენთვის თუ მღერი, გაგიჟებულხარ და ეგ არის!

– მე იმიტომ ვმღერი, რომ მსიამოვნებს – არ აქვს მნიშვნელობა, კარგი ხმა მაქვს თუ არც ისე ტკბილად მოსასმენი; ვმღერი იმიტომ, რომ მახალისებს, მშვენიერ გუნება-განწყობილებას ვიქმნი და ნარ-ეკლიანი გზა ისე ძნელი აღარ მეჩვენება! დიდი ხანია, ყველამ იცის, შენს გარდა, შე საწყალო: სიმღერა – სულის საღებურია! მუსიკაც! ეს რომ არ ესმოდა ჩვენს დიტმარ ღომინორაულს, იმიტომ იყო მისი დაკერა ესოდენ მშრალი, ნაირგვარი გრძნობების, ემოციური მუხტის ტარების გარეშე, იმიტომ ვუკრავდით მე და შენ მისი გამოისობით ვითომ-მუსიკას, გაიგე?

– მაგარი ბრეკია ბრძანდები – იმან არაფერი იცოდა და შენ ყველაფერი იცი!
 – დიახაც! მე ის ვიცი, რომ ახლა ცივა და ჩვენ უნდა ერთმანეთს ჩავეხუტოთ, რათა არ შეგ-
 ვცივდეს... მერე მზე ამოვა და ჩვენ გზას გაგვრძელებთ – წინ ბევრი ფათერაკი გველის, მაგრამ
 ბევრ თვალგასახარსაც ვნახავთ, ამოდ მოსასმენსაც გავიგონებთ და ლამაზი მუსიკა ავიყოლიებს!
 და სულ სიმღერ-სიმღერით უნდა ვიაროთ! ახლა ახალ სიმღერას ვიმღერებ და შენ ამყევი:

მე მაგარი დაკვრა ვიცი,
 მე ძალიან ყოჩაღი ვარ,
 მე გავხდები სახელგანთქმული ხელოვანი,
 მე აუცილებლად გავიმარჯვებ!

– სულ “მე-მეს” პეტელები თხასავით...
 – რა უგემური ვიღაცა ხარ! შენ შეუარაცხოფას მაყენებ, საჩხუბრად მიწვევ? გირჩევნია, ჩემთან
 ერთად იმღერო:

ჩემი ძამიკო ძალიან მიყვარს,
 თუმცა ხშირად სისულელეებს მეუბნება.
 ჩვენ ახალ სიმღერას ვიმღერებთ:
 ჩვენ მაგრები ვართ, ყოჩაღები,
 ჩვენ თავისუფლება ყველაფერს გვირჩევნია
 და ჩვენ აუცილებლად გავიმარჯვებთ!

– ჰო, როგორ არა, გამარჯვების ჩიტი, დაჭერილი, უკვე ხელში გიჭირავს! – აწრიპინდა მარცხე-
 ნა. – ბედო, გემუდარები: მოწყალე თვალთ შეგვხედე, შეგვეხიდე, არ დაგეჩაგრო! განგაშია გა-
 მოცხადებული, ყველგან გვეძებენ... რა უნდათ ჩვენგან, არაფერი დაგვიშავებია!

– კარგი რა, არ მოგბეზრდა ამდენი წუწუნნი? მე მინდა, გამოგაფხიზლო, ძალა მოიკრიბო, მინდა,
 შენს თავს აჯობო, დიდგულოვანი გახდე, მინდა, მოთქმა-ჩივილი დაივიწყო, მინდა, მე მაჯობო ყვე-
 ლაფერში!

– ლაპარაკი ადვილია!
 – რისი გვეშინია! ჩემი წინაპრები მარტო ნეკით ორფუთიანს სწევდნენ მაღლა! – დაიტრახა
 მარჯვენამ.

– რას მებრძობები, – ეწყინა მარცხენას, – ის წინაპარი ჩემი წინაპარიც არ იყო?
 – უჰ, რა ძალა მაქვს! – მარჯვენა მუშტად დამრგვალდა. – ნახე: კუნთი – ბურთი!
 – თუ ესეთი ღონიერი ხარ, პარიკის ტარებაში მომეხმარე!

მარჯვენა:

– ბიჭო, რამდენჯერ უნდა გითხრა: ეგ პარიკი მოიხადე, სულელს ჰგეგხარ! მერე კიდევ, ისეთ
 სისულელეებს ლაპარაკობ, ნამეტანი ხომ არ გიჭერს? მოისროლე და შენც მოისვენებ და მეც. ძვირ-
 ფასი მაღლობა ბატონ პრეზიდენტს – რა კარგად ჩავითბუნეთ მისი ძვირფასი პარიკის ქვეშ! ის მარ-
 თლაც ყოველმხრივ მშვენიერია, მაგრამ ახლა მაგის თრევის თავი აღარ გვაქვს, თანაც ძალიან
 გვაბრკოლებს, სწრაფად ვეღარ გადავადგილდებით, ეს კი ჩვენთვის საშიშროების მომტანია...

– ჰო, იქნებ მართლაც მისი აქ დატოვება ჯობდეს... კარგად გაგვათბო, სანამ დასველდებოდა.
 ნაღდი პარიზულია, თანაც – საგანგებო შეკვეთით დამზადებული! საინტერესოა, ცოდვაში ხომ არ
 ჩავდგით ფეხი, ხომ არ დავაობლეთ ბატონი პრეზიდენტი, იქნებ დედისერთა პარიკი ჰქონდა და ისიც
 ყაჩაღურად მოვტაცეთ?

– არა უშავს, ცხელთავიანია და ცოტა გაგრილება მოუხდება. ანდა, პარიკი რა კაცის საქმეა? მე
 რომ მკითხო, გემრიელი მელოტი თავი კიდევ ამშვენებს მამაკაცს!

– რა გახდა ეს პარიკი, ერთი გაიუშველებელი რომ ატეხა მისი დაკარგვით, ან საერთოდ, რად
 უნდოდა, თანაც – პარიზიდან ჩამოტანილი!

– ჩვენს ძვირფას პრეზიდენტს ფრიად ახასიათებს ხუშტურები: ქვეყნის ახალი ჰიმნი, ახალი
 დერბი, ახალი დროშა, ახალი სასახლე, ახალი მინისტრთა კაბინეტი, ახალი საყვარელი, ახალი
 რესტორანი, ახალი პარიკი, თანაც – პარიზული! ყველაფერი ახალი! ჰოდა, შენ ნუ დარდობ: ახლა
 ახალ პარიკს ისევ შეუკვეთავს და მშვენივრადც მოირგებს, რაც მის მისწრაფებებს-ხუშტურებს სრუ-
 ლიად და სავსებით ძვირფასად მიესადაგება!

– შეგეკამათები: ხუშტურები, აბა, ვის არ აქვს! შენ რომ შლეგიანივით გამოვარდი შუა კონცერ-
 ტიდან, ხუშტური არ იყო?

– სავსებით გეთანხმები და მეტსაც გეტყვი: სწორედაც ყოველი ჩვენთაგანისთვის დამახასიათე-
 ბელი ეს განუმეორებელი ხუშტურები გვაქცევს ჩვენ საინტერესო პიროვნებებად და არა ცხვრის ფა-

რის რიგით წევრად... ბოდიშს ვიხდი: სიტყვამ მოიტანა, თორემ გამოცდილი მწვემსები შემომედაგებიან: ყოველ ცხვარსაც თავისი ხუშტურები აქვს! ჰოდა, ბევრი რომ აღარ გაავარძლო, მოკლედ მოგახსენებ, ჩემო ძმაო და მეგობარო: ყოველი ადამიანის ხუშტური დიხაც დიდად მოსაწონი და მისასალმებელია, ოღონდ ეს ხუშტური არ უნდა ლახავდეს სხვათა უფლებებს, არ უნდა ავიწროებდეს, ტკივილს აყენებდეს, თუნდაც – უხერხულობას უქმნიდეს! ხოლო, როცა ქვეყნის პრეზიდენტის თუ სხვა მაღალი თანამდებობის პირის ხუშტურები მხოლოდ ცალკეული მოქალაქის უფლებების კი არა, ქვეყნის სახელის შემბლადაცაა, ან რამენაირად აზარალებს ქვეყანას, უგულებელყოფს მის ინტერესებს, ამ შემთხვევაში მაგანი “მოხუშტურის” პასუხისმგებლობის საკითხი დგება! წესით – უნდა დადგეს! უამრავთაგან მხოლოდ ერთი, ძალიან დამახასიათებელი მაგალითი: როცა ბატონი პრეზიდენტი გადაწყვიტს, რომ თურმე საზოგადო ბიბლიოთეკები, წიგნის მაღაზიები სრულიად ზედმეტია და მათ ადგილას უმჯობესი იქნება, ბიუჯეტში ფულის შემომტანი დისკოთეკები და კაზინოები გაიხსნას, ეს უბრალო ახირების ჩარჩოებში ვეღარ ეტევა და ხალხის მიზანმიმართული გამოთავაზების ცხადი გამოვლინებაა, არ მეთანხმები? ოჯახაშენებულო, თუ შენ კითხვა არ გიყვარს, გაზრთებსაც კი არ კითხულობ, რასაც ქვეყნის გასაგონად ამაყად აცხადებ, სხვებს რაღას ერჩი? აი, ბატონ პრეზიდენტის კიდევ ერთი ხუშტური: მხოლოდ ჩვენს დედაქალაქში კი არა, თურმე პროვინციულ ქალაქებშიც კი, რა ფერებში უნდა შედებონ სახლები, პირადად ჩვენი დიდად განათლებული და უზადო ესთეტიკური გემოვნების მქონე ფრიდრიხ ვილჰელმ შატაბუტა-ტარულაშვილი წყვეტს! თანაც – ღებავენ მხოლოდ მაგისტრალური ქუჩების გაწვრივ განლაგებულ სახლებს, რომელ ქუჩაზეც ჩვენი პრეზიდენტი გაისრიალებს მანქანით და საზღვარგარეთელ მაღალ სტუმრებს ჩამოატარებს, ამ სახლების უკან კი დანგრეული და გაპარტახებულია ყველაფერი – ლამაზი (რა თქმა უნდა, ბატონ პრეზიდენტის ვაგებობ) ფასადი უნდა ფარავდეს არცთუ მოსაწონ ნამდვილ სურათს... განათლების სისტემის ვითომ დიდად წარმატებულ რეფორმაზე გაუთავებელი ლაილით ლამის თავი წაგვჭამონ და პედაგოგიურ პერსონალს რომ მათხოვრული ხელფასები აქვთ, ეს არავის აღეგებს და არც ის, რომ ამ სფეროსთვის ქვეყნის ბიუჯეტში გამოყოფილი თანხები მინიმალურად აუცილებელზეც კი რამდენჯერმე ნაკლებია... ან სასწავლო პროგრამები და სახელმძღვანელოები რას ჰვავს? თვითონ ფრიად უვიც ბატონ პრეზიდენტს გულწრფელად სჯერა, რომ განათლება მხოლოდ ინგლისური ენისა და კომპიუტერის ცოდნაა!

– ჰო, ბევრ რამეს მართლაც უწინ ხუშტურის სუნი ასდის: საგარეო საქმეთა მინისტრად რომ ყოფილ გენერალურ პროკურორს დანიშნავ ან განათლების მინისტრად – კანალიზაციის სპეციალისტს... ისე, ვატყობ, ამათ ხელში მალე ახალგაზრდების უმეტესობა მხოლოდ წერა-კითხვას შეძლებს, იმასაც – გაჭირვებით...

– სამაგიეროდ, როგორც ვთქვი, სასაუბრო ინგლისურს ასწავლიან ყველას! თუ კომპიუტერის გამოყენებაც შეგეძლება, ყველგან გზა ხსნილი გაქვს, თუნდაც ერთი წიგნი არ გქონდეს წაკითხული, კულტურასა და ხელოვნებაზე, მშობლიური ქვეყნისა, ხალხის, მსოფლიო ისტორიაზე, ბევრ სხვა რამეზეც – წარმოდგენა არ გქონდეს! ბატონი პრეზიდენტის ცისფერი ოცნებაა, ჩვენი ტურფა ქვეყანა ტურიზმის მექად აქციოს და მოსახლეობის უმეტესი ნაწილი კი – ჩამობრძანებული ძვირფასი სტუმრების უმადლეს დონეზე გაწვრთნილ მომსახურე პერსონალად: ოფიცინტებად, მზარეულებად, შვეიცარებად, დამლაგებლებად, პარიკმახერებად, მასაჟისტებად, გიდებად, შოფრებად, გამართობ მოცეკვავე-მომღერლებად და ასე შემდეგ... უცხოეთიდან ჩამობრძანებული ჯიბესქელი სტუმრებისთვის ააშენებს ხუთვარსკვლავიანი სასტუმროების ფართო ქსელს, უმადლესი დონის აეროპორტებსა და ავტოსტადებს... მათ უსაფრთხოებას და სიმშვიდეს დაიცავს კარგად გაწვრთნილი პოლიცია და პატრული... პატარა სამოთხე უცხოელთათვის! სერიოზული მეცნიერი, მწერალი, კომპოზიტორი, მხატვარი – საერთოდ ზედმეტი ბარგია ქვეყნისთვის და უცხოურითაც იოლად გავაღო... ხალხი რომ გადაჯიშდება – ეგ არაფერი, ის კი არა, რაც მალე დაინგრევა და გაქარწყლდება ყოველივე ეროვნული, გამორჩეული სულიერი და ზნეობრივი ფასულობა – მით უკეთეს!

ამ მასლაათში თან ჩქარი სიარულიც არ ავიწყდებოდათ. გზა ოღროწოდრო იყო, მალე დაებეგვათ თითთა ლებნები; სვლა უნებურად შეანელეს, დაღლაც დაეტყვოთ.

– რას ჩამოვიშვია ცხვირი? – თქვა მარჯვენამ. – უქონელნი ვართ, არაფერი გვაქვს, თავისუფლების გარდა, მაგრამ მუსიკა ხომ მარად ჩვენთანაა! ორმოცდაექვსი წელიწადია, რაც ერთად მიყვებით ცხოვრებისეულ გზას და ორმოც წელზე მეტია, ჩვენთან ერთად მოდის მუსიკაც! ის ახლაც ჩვენთან არის, ჩვენს გულებშია, დაგვეხმარება და გაგვამხნევებს ძნელ გზაზე! მოდი, ვიმღეროთ, ხალხის მოგვემატება! პატარა ზეიმი მოვაწყვოთ – ამ გაჭირვების ჟამს სიმღერა წამოვიწყვოთ!

– რა მემღერება, თითებს ძლივს მივათრევ, დავისვენოთ! – ჩვეულებრივ აწუწუნდა მარცხენა. – ნეკი გადამეტყვა და სისხლი მდის.

– ჰოდა, კვალს ვტოვებთ, მეძებარი ძაღლებისთვის იოლი ლუკმა გავხდებით, ამიტომ მოვუჩქაროთ, მოვუჩქაროთ! – არ მოეშვა მარჯვენა. – მოდი, ლაშქრული დავაგუგუნოთ, ნახე, თუ არ დავაგიწყოს ტკივილი და დაღლა! მხნედ უნდა ვიყოთ!

– მაშინ მხიარული მარში დავცხოთ – ცუმპა-ცუმპა-ცუმპა-ცუმპა! ნეტა მალე გათენდებოდეს – ბამ-ბამ! მზის ბრწყინვალე, თბილი თვალი ამოგორდებოდეს – ბამ-ბუმ!.. ბამ-ბუმ!.. კონცერტზე შუმა-ნის “კარნავალი” ბოლომდე ვერ გავიზრბინეთ, მარშამდე ვერ მივედით, ახლა კი, თუმცა არც შენ ხარ დავითი და არც – მე, “დავიდსბუნდლერების მარში” დავცხოთ, ბოლოში კი – ცქვიტად გავიქცეთ, **Tempo allegro!** გავხურდებით კიდევ!

მარჯვენა წინ გავარდა, თითების მონაცვლეობით მარდად გარბოდა, თითქოს პიანოფორტეს კლავიატურაზე ჩვეულებრივ ნავარდობდა.

როცა მარჯვენა კარგად გახურდა, შეჩერდა და მიიხედ-მოიხედა – მარცხენა ხელი არ ჩანს... დაიკარგა! ვაჰ, სად გაქრა ის მართლაც გასაქრობი ასე თვალსა და ხელს შუა? მაწანწალა ძაღლებითაა სავსე ქალაქი, რომელიმე მათგანმა ხომ არ დაიჭირა და გააცუნცუნულა? თუ საბრალღოს სიბნელეში გზა დაუბნა? მართლა ხათაბალაა ეს უმცროსი ძმა, სულ საწვავლებლად და სატანჯველად უხდის საქმეს, მარად ძალად სათრეგია... იქნებ ცოტა უკან დაბრუნება ღირდეს, ხმა მიაწვდინოს და ისიც გამოეხმაურება?

მარჯვენა აღმართს აუყვავა და ფეხი, ბოდიში, თითი წამოჰკრა რაღაცას – გაფოფრილი თითები იყო მარცხენასი; ცერა თითი ქვეშ ამოეკეცა და ასე გართხმულიყო მიწაზე.

– ე, ბიჭო, აღექი!

– დამანებე თავი! – შეუდრინა მარცხენამ. – ჩემზე ძლიერი თუ ხარ, უნდა ანგარიში გამიწიო, დამენმარო... არაქათამოცლილი, მარტომმარტო რომ მიმატოვე უკუნ ღამეში, ეს არის ძმობა? შიშით ღამის გული გამისკდა!

– უმადურო! რამდენჯერ დაგხმარებია, დაგავიწყდა? უჩემოდ არაფრად ვარგისხარ, მთავარი დატვირთვა საქმეში ყოველთვის ჩემზე მოდის, მაგრამ არასდროს დამინივლია და არც საყვედური მითქვამს შენთვის როდისმე.

– შენ თვითონ გეხალისება და იმიტომ აკეთებ, მე კი საინტერესო საქმეს არასდროს გამაქარებ! რამდენი გიძახე, დამასვენე-მეთქი, შენ კი ისე თავდავიწყებით იჭაჭებოდი ცუმპა-ცუმპათი, რომ ვერაფერი გაგაგონე.

– კარგი, ჰო, ხომ ისევ ერთად ვართ.

აღბათ, უკვე კარგა ხანია, მიხვლით, რომ თითები ძალიან განსხვავებული ბუნებისა გახლავან: მარჯვენა მტევანი – ფიცხია, შეუპოვარი, გამბედავი, სწრაფი, მარცხენა – დინჯი, თავდაჭერილი, წინდახედული, მშიშარა... მარჯვენა – მხიარულია, ანცი, ხუმარა – ვიდაცას შეუღიცივნებს, ხუმრობით რაღაცას ააცლის, რაღაც თინს მოუწყობს; მარცხენა – წუწუნაა, ყველა წარუმატებულობას ან მარცხს მარჯვენას აბრალებს...

მარცხენა ჩვეულებისამებრ ბუზღუნებს:

– რატომ გამოიქეცი, შეგეშინდა? წინასწარ რატომ არ გამაფრთხილე?

– რამდენჯერ უნდა მკითხო? მშიშარა შენ თვითონ ხარ! – უპასუხა მარჯვენამ.

– არაფერიც! თავიდანაც პირველი შენ გამოიქეცი თუ მე?

– კარგად გიცნობ, ჭირიმე, 46 წელი გავიდა, რაც ერთად მოვეგვლინეთ ამ ქვეყანას და ამ ხნის განმავლობაში ერთი წუთითაც კი არ დავშორებივართ ერთმანეთს. რატომ მივატოვე კონცერტი? ამას რა დიდი ახსნა-განმარტება სჭირდება, ძალიან ადვილი მისახვედრია, მოკლედ აგიხსნი: მომბეზრდა!.. გაიგე? მო-მბე-ზრდა!.. შენ არ მოგბეზრდა?

– რით ხარ უკმაყოფილო? პატივი და მოვლა-პატრონობა ჩვენ არ გვაკლდა, უკმაყოფილო უფრო მე უნდა ვიყო: შემოქმედებითად ჩემი როლი ბევრად ნაკლებ საინტერესოა ხოლმე, სულ შენს დაკრულს ანდა აყვავე, მელოდიურ ფიგურაციებს მე ვინ მაღირსებს, მხოლოდ ბანი უნდა მოგცე ან რიტმული ნახაზი გამოგყო... მე არ აფოფრილვარ, ყალყზე არ დავმდგარვარ და შენ რა წერამ აგიტანა, ვერ დაეტიე შენს ქერქში?

– შემოქმედებითად როგორ უნდა ვიყო კმაყოფილი? შეიძლება სულ მხოლოდ ცივი გონებით, უგულოდ დაკვრა – თოჯინასაგით, გრძნობის და მღელვარების გარეშე? მექანიკური პიანინო ხომ არ ვართ, ცოცხლები ვართ, თბილები, მგრძნობიარენი: დაკვრის დროს გვინდა, ვიგრძნოთ სიხარული, მწუხარება, სევდა, აღფრთოვანება, ხან – რაღაც საოცნებო, მიუწვდომელი, რასაც სიტყვებით ვერ გადმოსცემ... ამიტომ არ იქმნება მუსიკა? ამიტომ სრულდება იგი – ყველასთვის სასიამოვნოდ, მათ შორის, ჩვენთვისაც, შემსრულებლებისთვისაც... ჩვენც უნდა დავრჩეთ შესრულების დონით კმაყოფილი, ხომ ასეა? კიდევ რა არის ჩვენს დღევანდელ გამოქცევაში კარგი, იცი? სულ ერთ ქვაბში ვიხარშებით, როიალის მეტს ვერაფერს ვხედავთ, ახლა კი შესაძლებლობა გვეძლევა, თვალში გამოვიხედოთ, ქვეყანა ვნახოთ, ახალი შთაბეჭდილებებით გავმდიდრდეთ, ხალხში გავიდეთ, გავიარ-გამოვიაროთ, გავიგოთ ყველაფერი – რას ფიქრობენ, რა უჭირთ თუ ულხინთ...

– ბიჭო, ხელავ, იქ ხალხია შეკრებილი, რაღაც ჩოჩქოლია... სიფრთხილეს თავი არ სტკივა, თუ ძმა ხარ, მოგცილდეთ სასწრაფოდ აქაურობას, ხიფათს არ გადავეყაროთ! – შეშინებული მარცხენა მარჯვენას მიეხუტა.

– რას ამბობ, იმიტომ კი არ გამოვქცეულვარ, რომ ყოველ გაფანჯრებაზე გული გამისკდეს შიშით! მივიდეთ, ვნახოთ, რა ამბავია!.. არ გაინტერესებს? ხელავ, ფანჯრებიდან რაღაცეებს ჰყრიან, ვინმე ჭკუაზე ხომ არ შეიშალა?

– ალბათ ცოლ-ქმარმა იჩხუბა... რა ჩვენი საქმეა, ერთმანეთისთვის ცხვირ-პირიც დაუღეწავთ და კინჩხიც მიუყოლებით...

– არა, როგორც ვატყობ, უფრო სერიოზული რაღაც ხდება: შესაძლოა, რამდენიმე სართულზე ერთდროულად ჭკუიდან გადავიდნენ? ან ამდენი ცოლ-ქმარი ერთდროულად როგორ წაეჩხუბებოდა ერთმანეთს, თანაც შუადამისას! ახლოს მივიდეთ, ამ ყიამეთში აქედან კარგად არაფერი ჩანს, ხმაი-ლალი ლაპარაკი და ყვირილი ისმის.

– არა, რას ამბობ, მეშინია! ჯობს, აქაურობას გავეცალოთ! – თავისას გაიძახის მარცხენა. – კარგად დაუკვირდი: უამრავი ფორმიანი ადამიანია, ხომ ხელავ, პოლიციის გარდა, საგანგებო დანიშნულების რაზმიც გამოუძახებიათ...

– ჰოდა, მაგათ საჩვენოდ არ ეცლებათ, ჩუმად მივეპაროთ. გადაწყვიტე: მოდიხარ ჩემთან ერთად თუ იმალები?

– ისევ მარტოს მტოვებ?.. ჰო, კარგი, მეც წამოვალ... ოღონდ შენ წინ წადი და მე უკან გამოგყე-ბი...

უამრავი ადამიანი შეკრებილა ახალთახალი თოთხმეტსართულიანი სახლის შორიანხლო, რომელშიც ეს-ესაა შესახლდნენ ბედნიერი მაცხოვრებლები და რომელსაც მერიის განკარგულებით ახლა დასანგრევად შეესივნენ საგანგებო დანიშნულების გაძლიერებული რაზმის თანხლებით მობრძანებული დამანგრეველები...

თითები დაძვრებიან ხალხში, უსმენენ ლაპარაკს და რა გაიგეს?

მოხდა საზარელი მოვლენა, რომლის ხილვაც შემდგომ მრავალგზის შეეძლოთ ტელემაყურებლებს მთელ მსოფლიოში; ჩვენთან მხოლოდ ერთადერთმა თავისუფალმა სატელევიზიო არხმა, რომელსაც ჯერ კიდევ ვერ მოუგრიხა კისერი ხელისუფლებამ, გადასცა ეს კადრები:

ჯერ მოვიდა სპეციალური დანიშნულების ნიღბებიანი რაზმი და მაცხოვრებლებს უბრძანეს, საჩქაროდ დაეტოვებინათ სახლი, – ამას მეგაფონით ხშირ-ხშირად იმეორებდა დაბალი, ჩამრგვალებული კაცი, – რათა მუშებს საშუალება ჰქონდათ, დაუბრკოლებლად დაეწყოთ მათზე დაკისრებული დავალების დაუწყონებლივ შესრულება – სახლის ძირფესვიანად, საძირკვლამდე დანგრევა. ცხადია, მოულოდნელი წინადადებით გაოგნებული მობინადრეები არ აპირებდნენ აბსურდული, ყოველად უკანონო ბრძანების შესრულებას: ასე უცებ სად უნდა წასულიყვნენ? მით უმეტეს, მათ მოთხოვნაზე ვერავითარი ოფიციალური საბუთი მომხდურებმა ვერ წარმოადგინეს... შემდგომ გაისმა სპეციალური დანიშნულების რაზმის მეთაურის ბრძანება, რაზმელებმა ჯიქურ შეამტკრიეს შენობის სადარბაზოში შესასვლელის ჩაკეტილი კარი; ბინებში შეჭრილი სპეციალური დანიშნულების რაზმის მეომრები ძალით აიძულებენ მობინადრეებს, რათა მათ დაეტოვებინათ თავიანთი საცხოვრისი, განსაკუთრებით ურჩებს ხელკეტებით უმასპინძლებოდნენ, წიხლებით ავადებდნენ შენობიდან...

ახლა კი ჩანს, როგორ გავეშებულნი ამტკრევენ მუშები სართულებზე ფანჯრებს, – ეტყობა, ძალიან ჩქარობენ ყოველმხრივ შავი საქმის შესრულებას, – ქვევით ცვივა დამტკრეული რაფები და მოდის დამსხვრეული შუშის წვიმა; შემდგომ ზევიდან ყრიან საოჯახო ნივთებს, ისმის მიწაზე მათი დაცემის ბრგვან-ჭახანი...

მოგროვილ აღშფოთებულ ხალხს აკაგებს სასწრაფოდ გამოძახებული პოლიციის გაძლიერებული რაზმი.

თითები გაერივნენ ბრბოში და უსმენდნენ ცხოველ საუბრებს...

– რატომ ყრიან საოჯახო ნივთებს, ჭურჭელს პირდაპირ ფანჯრებში?

– ამათგან არ გაგიკვირდეს, თუ ადამიანების გადმოყრასაც დაიწყებენ...

– რას ერჩიან?

– ხალხი უნდა ძალით გამოასახლონ და ისინი არ ემორჩილებიან, ხომ გესმის, რა წივილ-კივილია ატეხილი! მოქალაქეთა უფლებების დამცავი საზოგადოებრივი ორგანიზაციების, სახალხო დამცველის აპარატის წარმომადგენლებიც აქ არიან, აპროტესტებენ ამ ვანდალიზმს, მაგრამ ძალა აღმართს ხნავს...

– რატომ უნდა გამოასახლონ, რა უნდათ, რას ერჩიან?

– სახლი უნდა დაანგრიონ, უყურე, ზემო სართულიდან უკვე დაუწყიათ კიდევც...

– გავიწიოთ, ცოტა მოშორებით დავდგეთ, თორემ არაა გამორიცხული, ვინმე უგუნურმა ზევიდან აგური ან ბეტონის ნატეხი პირდაპირ ჩვენკენ ისროლოს...

– ეს ტერიტორია ვიღაცას თვალში მოუვიდა – “პრესტიჟული” ადგილია, შემოიერთებს და საკუთარ სასტუმროს კიდევ ერთ კორპუსს მიუშენებს... მიუსია საწყალ მოსახლეებს პოლიციის სპეციალური დანიშნულების რაზმი და – მიდი!.. გაუფრთხილებლად, სრულიად მოულოდნელად, ყაჩაღებით დაესხნენ თავს.

- ვინ მისცა მათ ამის უფლება?
- რომელ კანონსა და საკუთრების უფლებაზე მელაპარაკები, თუ ძმა ხარ! ეს სახლი კოოპერატივმა ააშენა, საკუთრების დამადასტურებელი ყველა საბუთი ხელზე აქვთ... სულ ორი თვის წინ შესახლდნენ მაცხოვრებლები. ბევრმა ძვირფასი რემონტის გაკეთებაც მოასწრო, წყალში ჩაყარა ამდენი ფული!
- თორმეტსართულიანი სახლის დანგრევა რომელ რეგენს მოუვიდა თავში? სრულიად უკანონოდ, თანაც – ახალაშენებულის...
- “კარგი” ადგილის ძალადობით ხელში ჩასაგდებად შუალამე შეარჩიეს – ყველაზე მოხერხებული დროა ბნელი საქმისთვის...
- აბა, კაცო, ამისთვის არავითარი კანონიერი საფუძველი არ არსებობს: არც სასამართლოს დადგენილება, არც სხვა რაიმე საბუთი. ვიღაცას, ფული რომ ბლომად უჭყვივს ჯიბეში და გაგლენიანი ძმაკაცებიც ჰყავს მმართველ პარტიასა და მთავრობაში, სურს ეს მიწის ფართი ჩაიგდოს ხელში და არად დაგიდევს იმას, რომ ამდენ ადამიანს გააუბედურებს... სად უნდა წავიდნენ საწყლები, ან ვინ აუნაზღაურებს მათ მატერიალურსა და მორალურ ზარალს? ხედავ, ეს საწყალი მოხუცი კაცი საკაცით მიჰყავთ, ეტყობა, ავადმყოფი წამოაგდეს ლოგინიდან...
- ამ უკვე უსახლკარო ბავშვებიდან ზოგიერთს ხელში სასკოლო ჩანთა უჭირავს, მხოლოდ მისი წამოდება მოუხერხებიათ, ვერ შეეღივნენ, თუმცა, დილით სკოლაში წასვლის თავი ექნებათ?
- იჩივლე, სადაც გინდა და რამდენიც გინდა! შეხედე, ვინ არიან ეს ვანდალები, ავეჯს პირდაპირ ფანჯრებიდან ყრიან...
- ეს ოხერ-ტიალეები ოჯახებში არ გაზრდილან, სახლები არ აქვთ, შვილები, დედ-მამა არ ჰყავთ?
- ალბათ წიწილებივით ინკუბატორში არიან გამოჩეკილნი...
- ბრძანებას ასრულებენ...
- მერედა, რატომ? მათაც ხომ კარგად იციან: უკანონო, დანაშაულებრივი ბრძანების შესრულებაზე დანაშაულია!
- მე რომ მკითხო, ასეთი წოწოლა საცხოვრებელი სახლების აშენებაც დანაშაულია!
- თურმე ჩამოსულან ჩინელები და ორმოცსართულიან სახლებსაც აშენებენ! ქალაქში ოცსართულიანის აშენებაც კი დაუშვებელია...
- ჩიტი ხომ არ ხარ, როგორ უნდა იცხოვრო ამგვარ სახლში? ციხეა!
- ფრთხილად, ახლა წიგნების კარადა ჩამოაგდეს, უკვე ცარიელი – წიგნები მანამდე გადმოაფრინეს მტრედებივით...
- ეტყობა, მაგარი მწიგნობარი ხალხია შერჩეული შენობების დასანგრევად!
- ჰო, ინტელიგენტობა პირდაპირ ყურებიდან უჟონავთ: ფანჯრის რაფებს ძალაყინებით ამტვრევენ და ქვევით აგდებენ; მანდამაინც უნდა დაამტვრიო, ისე ვერ მოხსნი?
- ჩქარობენ! რამდენიმე დღით ადრე სხვაგანაც ჩაატარეს ამგვარი სანაქებო ოპერაცია, ოღონდ დღისით და იცი, დღისით რატომ? ხალხის დასაშინებლად, მათი წინააღმდეგობის გაწვევის უნარის დასათრგუნად: აი, ნახეთ, რა მაგრები ვართ, რასაც გვინდა, იმას გაგაკეთებთ და კარგი დედ-მამის შვილები ხართ და გაბედავთ, რომ ხელი შეგვიშალოთ...
- ახლა რომ შუალამე შეარჩიეს? რატომ?
- იმიტომ, რომ შუალამე ძველთაგანვე ნაირგვარი ჯურის ნაძირაღასა და ავაზაკს ყველაზე მოსახერხებელ დროდ მიაჩნდა შავი საქმეების საკეთებლად; მეორეც, ხალხის დაშინება ვერ შეძლეს და ადრე, დღისით ჩადენილმა “გმირობებმა” ისეთი აღფრთოება გამოიწვია მოსახლეობაში და საზღვარგარეთიც იმდენად მწვავედ გამოეხმაურა ამგვარ ქმედებას, რომ ახლა, როგორც ხედავ, შეცვალეს მოქმედების ტაქტიკა.
- არა, კაცო, შეხედე, რამდენი პროუექტორია მოტანილი, საგანგებოდ ტელეკორესპონდენტებიც მოიწვიეს და ისე ანგრევენ, რომ ყველამ დაინახოს: “შეხედეთ, როგორც ამ თორმეტსართულიან შენობას მოვაშთობთ, თანაც ისე, რომ საძირკველსაც კი მოვსპობთ, ამგვარადვე მოვივათ ყველას, ვინც ურჩობას გაბედავსო! ჭკვიანად იყავით, თორემ ყველას გაგჭყლეტთ, ვინც ხმას ამოიღებს, ოღნავ მაინც წინააღმდეგობის გაწევას იფიქრებს!”.
- ამიტომ, რომ შედარებით ცოტა ხალხი შეიკრიბა, უფრო სერიის საყურებლად ჩანან მოსულნი და იმას კი არ ითვალისწინებენ, რომ ხვალ მათ შეუვარდებიან სახლში, რაღაცას შარს მოსდებენ და დააპატიმრებენ, ან, თუ ის ადგილი მოუვიდათ თვალში, გამოუყრიან ქუჩაში ყველაფერს და მეორე დღეს იმ სახლის მაგივრად ნანგრევებიდა იქნება! ზუსტად ისევე მოხდება, როგორც ახლა ამ გაუბედურებულ ხალხს უქნეს! შეხედე: ყვირიან, ჩხავიან, იწყებენ, კანონიერებასა და სამართლიანობას ითხოვენ, მაგრამ ათიოდე არასამთავრობო ორგანიზაციების წარმომადგენელთა პროტესტი უშველის საქმეს?

- არა, არ გეთანხმები: სიბნელეში ცუდად ხედავ ან თვლა არ გცოდნია – უამრავი ადამიანი შეკრებილი... მაგრამ რად გინდა: საკუთარი ბინებიდან უხეში ძალით ამ წვიმასა და ქარში გამოყრილ, გაუბედურებულ ხალხს ვერაფერს ვშველით!
- კანონი ამ ქვეყანაში არ არსებობს!
- ბიუჯეტი ივსება წართმეული ქონებით!
- პირადი საკუთრება დაუცველია!
- მონოპოლიების პარპაში!
- ყველანი ისინი – ბატონ პრეზიდენტის ძმა და მეგობარია! დანარჩენებს, ვინც მის “გუნდში” არ მოიაზრებიან, – არ გაახარებს!
- “ხონთქარი” მაგანს “ინმარს” და ტუალეტის ქაღალდით “გადააგდებს”!
- მომსპარია ყველაფერი!
- უყურე, თავისუფალი ტელევიზიის კორესპონდენტს ნიღბიანებმა თავპირი დაუმტვრიეს!
- სახეზე სისხლი სდის და აპარატურას მაინც არ თმობს...
- მარჯვენა აიფოფრა:
- ჩემო ძმაო, ველარ ვუყურებ ასეთ უსამართლობას, ლამის გაგვიჟდე! მოდი, ცოტათი მაინც შეგუშალოთ ხელი ამ უკეთური საქმის შემსრულებლებს...
- მარცხენა მოიკუნტა:
- შენ ნაღდად თავში გიქრის და რაც გინდა, ის ქენი, რაღად გინდა, მეც შარში გამხვიო? თანაც, იმ სიმაღლეზე როგორ უნდა აბობლდე? ამდენი ხალხია აქ შეკრებილი და ვერაფერი იღონეს, შენ კი, რომც ააღწიო მეთაურობით სართულებამდე, რა უნდა შეძლო?
- მაშინ მეგაფონიან მსხვილკისურა კაცთან მივბობლდე! კისერში ნახად მივეფეროთ!
- გაგიჟდი? შენს გამოსწორებას არაფერი ეშველა, ისევ თამაშისა და ცუდლუტობის იშტახე ხარ მოსული? თუ მართლაც სერიოზული რამ გაქვს ჩაფიქრებული, ტყუილად მონდომე ამ ოღრო-ჩოღრო წუთისოფლის მარტოდმარტომ გასწორება. ბატონო დონ კინოტო, ხომ ხედავ, უძღურები ვართ, ამ უბედურთა დასახმარებლად, სამწუხაროდ, ვერაფერს ვიღონებთ... ჯობს, დროზე წავიდეთ აქედან, სანამ ვინმემ ფეხი არ დაგვადგა და საავადმყოფოში მოგვიწია მოხვედრა! ერთიც გაითვალისწინე: ხომ არ დაგავიწყდა, რომ ძებნილები ვართ?..
- საკუთარი უილაჯობის გრძნობა მაცოფებს! – წამოიძახა მარჯვენამ. – ახლა იქნებ მართალიც ხარ, ნათქვამია: საცა არა სჯობს, გაცლა სჯობს...
- აგაშენა ღმერთმა!
- ამ მოძალადეთა უფროსს გამოსამშვიდობებლად მაინც ნახად ვუჩქმეტ ერთ ადგილზე! არა, ჯობს, ერთი ჟანგიანი ლურსმანი მომაძებნინე!
- არაფერი გამოგვივა, ხედავ, რამდენი ადამიანი ირევა, ვინმე აუცილებლად ფეხს დაგვაბიჯებს!
- მარჯვენა ძმას აღარ უსმენდა, დაიკარგა. რამდენიმე წუთში მეგაფონიანმა მუტრუკმა გამწარებულმა წამოიძახა:
- ობობები! ტროპიკული ობობები!.. საჯდომზე მიკბინა!
- პოლიციელები მეფაფონიანთან მიცივდნენ...
- შემდეგ კიდევ რამდენიმეს მოხვდა ჟანგიანი ლურსმანი ერთ რბილ ადგილას და ატყდა ერთი გაიუშელებელი:
- საიდან მოხვდნენ აქ?
- შხამიანი იქნებიან!
- ავტომატის ჯერი და მისი ჯანი!
- არა, პატარა ობობებია, ვერ მოახვედრებ; ორლულიანი თოფი სჯობს, მოიტა მსხვილსაფანტიანი პატრონები!
- კიდევ უფრო აირია მონასტერი... დროა, თითებმა ამ გარემოებით ისარგებლონ და დროზე მოკურცხლონ...
- მარცხენა:
- გავიქცეთ!
- მარჯვენა:
- ეჰ, სად უნდა გავიქცეთ, ყველგან უსამართლობაა გამეფებული, ყველგან – სისასტიკე, დამცირება და აბუჩად აგდება, სიცივე და შიმშილი...
- საყოველთაო უიმედობა...
- სხვა გზა არ გვაქვს, მაინც უნდა დავიმადლოთ!
- აბა, რა დროს ლაქლაქია, დროულად მოგკურცხლოთ!
- ვაჰ, ამ ბოლო დროს როგორ გაყოჩაღდი, მეც კი მასწრებ! – გაკვირვებულია მარჯვენა. – სუფთა ჰაერზე წანწალმა გაგავარჯიშა ასე თუ შიმში შეგასხა მერცხლის ფრთები?

კარი VII.
ვაჰ, დრონი, დრონი!
(Marcia funebre, სამეგლოვიარო მარში)

თითები ჯერ თავქუდმოგლეჯილნი გარბოდნენ, შემდეგ ჩქარ სიარულზე გადავიდნენ. გზა-ქუჩა ფრიად ოღრწოღრწო იყო, მალე დაებეგვათ თითთა ლებნები; სვლა უნებურად შეანელებს, დაღლაც დაეტყვოთ.

– ცოტა გული მოვიფხანეთ, ამ მოძალადეებს კარგი ოინი მოვუწყვეთ და ხახვივით შეგვრჩა! – ძმას ეუბნება მარჯვენა. – ვიჩქაროთ, აქაურობას რაც შეიძლება, სწრაფად მოვშორდეთ!

– სანამ სამშვიდობოს გავაღწევთ, მე ჩემი დამემართება! – ჩივის მარცხენა.

– მოდი, ვიმდეროთ! – თქვა მარჯვენამ. – ხალისი მოგვემატება!

– კარგი რა, ისევ შენსას უკრავ? – კვლავ აწუწუნდა მარცხენა. – რა მემდერება, თითებს ძლივს მივათრევ, დავისვენოთ! ვერ ხედავ, ნეკი გადამეტყავა და სისხლიც მდის...

– ჰოდა, ცხად კვალს ვტოვებთ, ამიტომ მოვუჩქაროთ, მოვუჩქაროთ! – არ მოეშვა მარჯვენა. – მუსიკოსი ხომ ხარ? ჰოდა, მოდი, ერთი გემრიელი ლაშქრული დაგაგუგუნოთ, ნახე, თუ არ დაგავიწყოს ტკივილი! დამიჯერე, უბარი წამალია!

– მაშინ მარში დავცხოთ – ცუმპა-ცუმპა-ცუმპა-ცუმპა! ნეტა მალე გათენდებოდეს – ბამ-ბამ! მზის თვალი ამოგორდებოდეს – ბუმ-ბუმ!.. გათენდებოდეს და დათბებოდეს – რამპა-რუმპა-რამპა-რუმპა!.. ეს ჩემი მარშია, გასამხნეებლად სახელდახელოდ შეთხზული, ხომ არ ჯობს, რომელიმე ძველი მარში გავისხენოთ?

– კარგი, ახლა მე ექტორ ბერლიოხის “რაკოცი მარშს” დავცხებ და შენ ამყევი! რამ-პა-რამ-პა-რამ-პა-რა!..

– იქნებ უფროსი იოჰან შტრაუსის “რადეცის მარში” ჯობდეს?

– თუ მხოლოდ ცუმპა-ცუმპა კი არა, არამედ სიმღერაც გინდა, მაშინ კარლ მარია ფონ ვებერის “მონადირეთა გუნდი” დავცხოთ ოპერიდან “ჯადოსნური მსროლელი”! თანაც, მართლაც ჯადოსნური დამეა და მოუხდება!

– ჯერჯერობით ჩვენ მონადირეებს არაფერი გვიგავს...

– პირიქით, ჩვენზე ნადირობენ, მაგრამ სასიმღეროდ მართლაც კარგი გუნდია, აბა, ჰე!.. – დაუდასტურა მარჯვენამ, ოღონდ არც გერმანული იცოდა და არც – სიტყვები, თუმცა ამ გარემოებას მისთვის ხელი არ შეუშლია და ომანხიანად, მთელი ხმით გაუტია: – რამ-პა-რა, რამ-პა-რა, რამ-პა-რა, რამ-პა-რა-რა!..

ცოტა ხანში მარჯვენა შეჩერდა – რატომ არავინ აპყვა? მიიხედ-მოიხედა – მარცხენა ხელი არ ჩანს... სად გაქრა ასე თვალსა და ხელს შუა?.. მგელმა ან ტურამ ხომ არ მოიტაცა?.. თუ სიბნელეში გზა დაებნა? მართლა ხათაბაღაა ეს უმცროსი ძმა, სულ საწვალეებლად და სატანჯველად უხდის საქმეს, მარად ძალით სათრევია... იქნებ ცოტა უკან დაბრუნება ჯობდეს, ხმა მიაწვდინოს?.. ნეტა მალე ირიჟრაჟოს...

მარჯვენა ჩაღმართს დაუყვა და წაფორხილდა: ფეხი, – ბოდიში, თითი! – წამოჰკრა რაღაცას – გაფოფრილი თითები იყო მარცხენასი, ცერა თითი ქვეშ ამოეკეცა და ასე გაუნძრევლად გართხმულიყო მიწაზე.

– რა დაგემართა, ე, ბიჭო, ადექი!

– დამანებე თავი! – შეუღრინა მარცხენამ. – რომ მიმატოვე არაქათგამოცლილი, მარტოდმარტო უკუნ დამეში, ეს არის ძმობა?

– უმადურო! რამდენჯერ დაგხმარებივარ, დაგავიწყდა? უჩემოდ არაფრად ვარგინარ, ჩვენს სიცოცხლეში ძირითადი დატვირთვა ყოველთვის ჩემზე მოდის, მთავარი პარტია მიმყავს, მაგრამ არასდროს დამიჩივლია და არც საყვედური მითქვამს შენთვის როდისმე.

– გეხალისება და იმიტომ აკეთებ, გემრიელი ლუკმა ყოველთვის შენია, საინტერესო საქმეს არასდროს გამაკარებ!

– რატომ, ძმაო, ხშირად გუკრავთ ხოლმე ხელების გადაჯვარედინებით, გერმანულად – **Uberschlagen**. მაშინ შენ ჩემს კუთვნილ კლავიშებზე ხომ დაგლიჯინობ!

– ათასში ერთხელ... შენ ჩემი გულისტკივილი არასდროს გესმის. ახლაც, რამდენი გიძახე, დამასვენე-მეთქი, შენ კი ისე იჭაჭებოდი ცუმპა-ცუმპათი, რომ ვერაფერი გაგაგონე.

– კარგი, ჰო, ნუღარ მსაყვედურობ, ხომ ისევ ერთად ვართ. ნახე, რა მშვენიერი დამეა, რა ხანია, ღია ცის ქვეშ არ ვყოფილვართ ამ დროს. რა გარინდებაა, როგორ გაყუნდა ირგველი ყოველი სულიერი თუ უსულო!

გარშემო ვრტყათ მოღუშული და განგაშით შეფერილი შემპარავი სიჩუმე...

მარტონი იყენენ უკიდვებანო სივრცეში და არც იყენენ მარტონი – ძმას ძმა ჰყავდა გვერდით და მათი სულები გაითქეფა, განეფინა მარადისობის სიმყუდროვეში, შეენივთა სიბნელესა და ვარსკვლავთა ციალს... გაიჟღინთნენ დამის ჯადოსნური ხიბლით: მსჭვალავდათ კდემა, კაეშანი – სიამესთან, სილამაზესთან და რაღაც განუმეორებლის ხილვასთან და შეუცნობელ გრძნობასთან დაკავშირებული...

მარცხენა წამოდგა, მარჯვენა გვერდით ამოუდგა და ისევ დაიძრნენ დაღმართში; მალე პატარა აღმართი შეენაცვლათ და... მოულოდნელად სასაფლაოზე ამოყვეს თავი!

შუაღამის სასაფლაოს იდუმალება: საფლაოთა ჩაშაგებული ძეგლები, ცივი საფლავის ქვები, ბნელი კუნჭულები, ათასგვარი ბოროტი მოჩვენებებით დასახლებული მუქი ბუჩქები, რომლებიც, ქართ ატოკებულ-ამღელვარებულნი, რაღაცას შემპარავად, ავის მომასწავებლად, ჟრუანტელის მომგვრელად ჩურჩულებენ...

მეტი სიარული ვეღარ შეძლეს და, ფრიად გამოსავათებულებმა, მყუდრო სავანეს მიაშურეს – ერთ-ერთი საფლავის რკინის მესერში გაძვრნენ და, საფლავის ქვასთან მიყუჟულებმა, ერთმანეთს ჩახუტებულებმა, მაშინვე დაიძინეს.

როცა გამოიღვიძეს, სითბო და სიამე იგრძნეს – მაღალი კვიპაროზების კედელს გამოცდენილი ბორჯღალა მზის თვალი დაჰნათოდათ და მხიარულად უცინოდათ: "თბილად მოგესალმებით ძილის-გულებს, უკვე ქვეყნის საქმის გაკეთება მოვასწარი, წამოხტით, რაღა დროს ძილიაო".

როგორც მარტია ცვალებადი ხასიათის, შატაბუტა, აშარი, გაუწონასწორებელი, წინასწარ გაუთვლელი, ცუტი (კიდევ რამდენი შემიძლია ვთქვა, რამდენნაირად დავახასიათო, მაგრამ მკითხველს აღარ გადავლლი ჩამოთვლით!) – ასეთივეა ჩვენი გმირების დღევანდელი მდგომარეობაც: გაურკვეველი და მოულოდნელობებით აღსავსე... თუმცა, ბოდიშს ვიხდი, შევცდი: რაღა დროს მარტია, აპრილის მშენიერი დღეა...

ბილიკები ძალუმად ამომსკდარ ხასხასა მწვანე ბალახს დაუპყრია, იასამანი სადაცაა აყვავდება, მყუდრო კუნჭულებში ნაზი ია აუჟუუნებს თვალებს, ყველაზე მეტად კი ნარგიზის ყვითელი, თეთრგულა ყვავილები ახალისებენ გარემოს – ახალგამოჩეკილი წიწილებივით ჯგუფ-ჯგუფად, თბილად დუღდუღებენ თითქმის ყველა საფლაოზე...

აქაც, სასაფლაოზეც, ბუნების გაფურჩქვნის დღესასწაულია!

ჩვენი მოგზაური თუ მოხეტიალე თითები წამოიზღაზვნენ, გააკვებული სახსრები გაავარჯიშეს, თითქოს დაკვირვების ემზადებოდნენ და გზა განაგრძეს საფლაოების ქვებსა და მესრებს შორის. მომძლავრებულ ღორთქო ბალახში თითქმის არ ჩანან; საით გაუწევიათ, ამის შესახებ მე ვერაფერს მოგახსენებთ, მგონი, თვითონაც არ იციან...

აუჰ, რამდენი საფლაგია! ბევრზე ბევრი, და კიდევ ვინ იცის, რამდენი დამატება – უსასრულოდ! რამდენს უცხოვრია ამქვეყნად და წასულა, რამდენი ახლა ცხოვრობს, შემდეგაც იცხოვრებს და სუყველანი ბოლოს მაინც წავლენ...

ძალიან ბევრ საფლაგის ქვაზე გულის ამაჩუყებელი ეპიტაფიები ჰყვავის...

მარჯვენა და მარცხენა დიდხანს, ძალიან დიდხანს დაძვრებიან საფლაოთა შორის, კითხულობენ ქვაზე ამოკვეთილ სასაფლაოს პოეზიის გულუბრყვილო, მაგრამ გულის ამაჩუყებელ ნიმუშებს და მათი სულების ზეცაში კაეშნის მჭმუნვარე, მაგრამ მსუბუქი ღრუბლები დაბორიალობენ...

ვაჰ, დრონი, დრონი!..

სევდის გრძნობა თავისებურად ლამაზია და ალბათ ამიტომაც სევდიანი მუსიკაც ყოველთვის დახვეწილი, ნატიფი. საოცარია, მუსიკა თითქოს უფრო დაკავშირებულია სიამოვნებასთან, მხნეობასთან, სიხარულთან – კიდევ შეიძლებოდა ჩამოთვლა მაჟორული გრძნობებისა, მაგრამ მინორული, სევდიანი, ურვით გაჟღენთილი მუსიკაც რამდენია დაწერილი, მათ შორის – სამგლოვიაროც... სასაფლაოზე ყოფნისას ძალუნებურად ნაღვლიან მუსიკა მოგეძალება, მკვეთრად გამიჯნულად იგრძნობ თავს ამა ქვეყნის ყოველდღიურობის ფუსფუსისგან, დროებით გადასახლდები სადღაც წარმოსახვით, იმქვეყნიურ გარემოში, თუმცა კი საგნობრივად, ხელშესახებად – ძნელად წარმოსადგენში...

ღიახ, სასაფლაოზე, მყუდრო გარემოში, თითქოს გაორებული, წინააღმდეგობრივი გრძნობების ტყვე ხდები... ერთი მხრივ, საფლაგის ძეგლთა მუქი, კუშტი იერი, მეორეს მხრივ – ყვავილთა ნათელი სიცილი... თითქოს აქაც ხარ, რა თქმა უნდა, ნამდვილად მიწაზე იმყოფები – ცხადად აღიქვამ: მზე ნაირფერად აჩახახახებს გარემოს, ხედავ საფლაგების უსასრულო მესრებს, როგორ ირხევიან კვიპაროზის კენწეროები ქარში, როგორ გაიშლივინა მაწანწალა ძაღლმა, დაბოდილობენ მათხოვრები და საფლაგზე მისულთ დუღდუნით ჭუჭყიან ხელიგულებს უშეგერენ... ამავე დროს, თითქოს ახლა, ამ წუთს, წარმოსახვის ფრთებით "იქაც" გადაფრინდები, მოუსაველეთში, სადაც ბევრი წასულან და მომავალში წასვლა არც შენ აცდლება – სულ ეს ფიქრი გიტრიალებს თავში...

და უცებ ისევ იცვლება განწყობა: შეყვარებულთა წყვილს გადაეყარნენ! ეტყობა, ძალზე მონებატრათ ერთმანეთის ხილვა და მოუთმენლები არიან, პაემანის დრო ხომ სადამოა! მაგრამ რატომ ამო-არჩიეს შესახვედრად ასეთი ადგილი? ალბათ იმიტომ, რომ ამ დროს სასაფლაო უკაცრიელია... საფ-ლავის ქვაზე გვერდიგვერდ სხედან, ბიჭს გოგოსთვის მხრებზე პიჯაკი მოუხურავს, წელზე ხელი მოუხვევია და ღიმილით რაღაცას ეჩურჩულება, თითქოს ახლომახლო მყოფ ცოცხალთაგან ვინმე უსმენდეს! გოგო კი მოურიდებლად ხმამაღლა კისკისებს და ბიჭს კიდევ უფრო ეტმასნება – უკვე არც ისე ადრეა, მაგრამ მაინც ნაწვიმარზე საკმაოდ გრილა – თანაც მოფარებულში, ჩრდილში სხე-დან.

– სასაფლაოზეც შეიძლება შეხედე ბედნიერს, – ამბობს მარჯვენა, – უფრო სწორედ, ბედნიერებს! შეხედე: გარშემო ერთმანეთის თვალების მეტს ვერაფერს ამჩნევენ... ახლა რაღაც ეშმაკი შე-მიჯდა თუ შემინთა და ერთ ცოდვას მაინც ჩავიდენ, თუმცა, საკმაოდ უწყინრად გაგეხუმრები, ძა-ლიან არ ღაგაფრთხო... ცოტას გავეთამაშები!

– ბავშვი ხომ არ ხარ, რა დროს თამაშია! თანაც, ბიჭი რომ გაგიბრაზდეს და მოგცხოს ერთი გემრიელად?!

– შენი დაცვის იმედი მაქვს! – დაცინვით მიუგო მარჯვენამ.

– კიდევ გეუბნები, ბიჭო, დაანებე მაგათ თავი, შეგშურდა?

– არავისი ბედნიერება არ მშურს, მაგრამ თუკი ცოტა ლაღად გავერთობი და ამით არავის და-ვაზარალებ, ცოდვას ასეთი შემთხვევის ხელიდან გაშვება... სულ მჭეუნვარება და მწუსარე ფიქრის ტყვეობა დაგაბეჩავენ!

და მარჯვენა ბიჭს გაეთამაშა: შეუმჩნევლად აბობღდა ბუჩქის გადმოწოლილ ტოტზე და იქიდან წკიპურტი გაჰკრა კინკრისოში!

მარცხენამაც ამჯერად დასძლია მორცხვობა – გოგოს თმებზე მოქაჩა, ოღონდ საკმაოდ მოზომი-ლად, რომ არ სტკენოდა; მერე, თითქოს საპირწონედ, სალუქ ლოყაზე ალერსიანად ჩამოუსვა თი-თები...

გოგო და ბიჭი გულიანად აკისკისდნენ – ეგონათ, რომ ერთმანეთს გაეთამაშნენ!

მარჯვენა და მარცხენა კი ცელქობას არ იშლიან და ხან გაჰკრავენ წკიპურტს, ხან მიეაღერსე-ბიან – გოგო და ბიჭი დაბნეულად იხედებიან აქეთ-იქით, შემდეგ ხან – გაიბუტებიან, ხან – შერიგ-დებიან...

მეტისმეტი რომ არ მოსვლოდათ, თითებმა შეწყვიტეს ლაღობა...

მაღე შეყვარებულთა მყუდროება დაირღვა: ახლომახლო გამოჩნდა სასაფლაოზე შემოსული დაკრძალვის პროცესია; ბიჭი და გოგო წამოხტნენ და იქაურობას გაეცაღნენ – სასაფლაო საკმაოდ ვრცელი იყო და სხვა მყუდრო კუნჭულის მოძებნა არ გაუჭირდებოდათ...

ოჰ, რა ჭირვეული გაზაფხულია! – სრულიად მოულოდნელად საიდანდაც ღრუბლის მოზრდილი ნაფლეთი მობრძანდა, მზეს უბოდიშოდ ჩამოეფარა და თვალი დაახუჭვინა; არც ამით დაკმაყოფილ-და, სწრაფად იზარდა, ჩამუქდა და ჯერ წვრილი წვიმა დაიწყო, მერე და მერე კი გამსხვილდა, თან-დათან მოუხშირა კიდევ, მაგრამ, საბედნიეროდ, სწრაფადვე ისევ საცერში გაცრილივით მსუბუქი გახდა; სულ მცირე ხანში კი გაბადრული მზე კრიალა ზეციდან იცინოდა: ხომ არ შეგეშინდათ, მე ისევ აქ ვარ, აწი ასე უშნოდ აღარ გაგეხუმრებითო.

მარჯვენა და მარცხენა არ გაქცეულან: მათ დამაღვა არ გაუჭირდებოდათ; ამის გარდა, ცნობის-მოყვარეობამ უბიძგათ, ადგილზე დარჩენილიყვნენ და უფრო ახლოსაც კი მიუჩინდნენ გათხრილ საფლაგთან შეგროვილ ხალხს. უფრო სწორედ, ათიოდე ადამიანი უსმენდა ვიღაც ბოხხმიან მაღალ კაცს, რომელიც გამოსათხოვარ სიტყვას ამბობდა, დანარჩენები შორიახლოს ჯგუფ-ჯგუფად იდგნენ, ერთმანეთს ესაუბრებოდნენ...

– ეტყობა, ვიღაც “დიდი” კაცია, – მარჯვენამ უთხრა მარცხენას. – შეხედე, რა ძვირფას მუხის სასახლეში ასვენია ან როგორი ძვირფასად მორთული საზოგადოება მობრძანდა მისთვის უკანას-კნელი პატივის მისაგებად... თუმცა, როგორც ხედავ, მათი უმრავლესობა სრულებით არ უსმენს ორატორს, ერთმანეთში ათასგვარ საკითხებზე საუბრობენ: ფეხბურთი, მომავალი საქმიანი გარიგება, მოსალხენად მავანის დაბადების დღის აღსანიშნავ წვეულებაზე წასვლა, ახალი მანქანის ყიდვა...

– არადა, ღირს მოსმენა, მართლაც კარგი ორატორია; ცოტა გატყლარტყულად კი ლაპარაკობს, მოკლედ ჯობდა, რომ ეთქვა, მაგრამ მოუსმინე, სახელდახელოდ როგორი წყობილსიტყვაობის ნი-მუშს აცხობს – ეტყობა, ამ საქმეში საკმაოდ გაწაფულია... თქ, როგორი ქება-დიდებით ამკობს, პირ-დაპირ ცაში აჰყავს განსვენებულს! თურმე ის იყო გამორჩეულად ნიჭიერი, უადრესად განთლებული და განსწავლული, ბრწყინვალე პიროვნება, საზოგადო საქმეზე გადაგებულს, წლების მანძილზე დი-დი კოლექტივის სანაქებო ხელმძღვანელი, შესანიშნავი, სამაგალითო ოჯახის პატრონი, ჭირსა თუ ლხინში თანამდგომი ერთგული მეგობარი, კაცური კაცი – გეგონება, მეორე ასეთი ღვაწლმოსილი და ყველა სიკეთით დაჯილდოებული ადამიანი ამ საუკუნეში იშვიათად თუ დაბადებულაო... მი-

ვირს: აქ რატომ ასაფლავებენ? თუ ორატორის სიტყვას ვენდობით, ამ პატივცემული გვამის ადგილი აქ კი არა, დიდუბის მწვერალთა და საზოგადო მოღვაწეთა პანთეონშია!..

– მოუსმინე, აგერ გვერდზე ზოგიერთები რას ლაპარაკობენ!

– ჰო, სრულიად საპირისპიროს: ღმერთმა აცხონოს, დროზე წავიდა, თორემ კიდევ ბევრ ცოდვას ჩაიდენდა... კაცი ვერ ენდობოდა, მარად მოტყუებაზე იყო გამეცადინებული, თვალები სულ იმაზე ჰქონდა დაჭყეტილი, ვის რა წავგლიჯო... უნიჭობის კომპენსაციას გაძრომ-გამძრომით და ათას-გვარი მამაძაღვლობით ცდილობდა და დიდი წარმატებითაც – მაღალ ხელმძღვანელ თანამდებობებს რამდენი წელი ამშვენებდა თავისი ბრწყინვალე პიროვნებით... არ მესმის, ნუთუ შეიძლება, ერთსა და იმავე პიროვნების შესახებ ასეთი განსხვავებული შეხედულებები არსებობდეს? ან ვინც მას აძაგებს, აქ რაღა უნდა?

– ალბათ ვერ მოიკლებენ სიამოვნებას, უყურონ, მათგან ათვალწუნებული კაცი როგორ ჩადის სამარეში! ზოგნი კიდევ ვითომ ობიექტურად აფასებენ, ლაპარაკობენ: არა, მთლად უცოდველად ვერ ჩავთვლით, მაგრამ სულ წყაღვალეულიც არ იყო... კაიკაცობის, მიმტყვებლობის ნიღაბი აქვთ მორგებული. აქაც, როგორც ყველგან, ნიღბების კოლექციაა შეკრებილი: მაგანნი ერთს ფიქრობენ, მეორეს ლაპარაკობენ... შეხედე, ოჯახის წევრთა გარდა, ვინმეს ჭეშმარიტი მწუხარება თუ ეტყობა სახეზე? ერთობიან, ერთმანეთს ანეკდოტებს უყვებიან, ილიმებიან, ზოგი სიცილის შეკავებს არც ფიქრობს... შეხედე: ეგერ მაგანნი ჩუმიდ რომ მიიპარებიან, თუ გინდა, ნაძლევს ჩამოვალ, სასაფლაოდან გასულები პირდაპირ სასაუზმეში ან სასადილოში დურთავენ თავს და გემრიელადაც მოილხენ!

– აბა, შე კაცო, საფლაოში კი არ ჩაყვებიან!

მარჯვენა:

– თუკი ასეთი ყოვლისშემძლე იყო ცხონებული, ლამის ღმერთის ტოლი, ვის დასაფლავებასაც პატივი გვაქვს, დავესწროთ, რატომ თავისი უზენაესი ნებით არ შეწყვიტა ეს მომბეზრებელი ცივი ქარი და წვრილი, განუწყვეტელი წვიმა?

– კაცო, ხუმრობა იქით იყოს და ჩვენ განსვენებულის არც ნათესავები ვართ და არც ნაცნობ-მეგობრები, არც – მისი უბრალო ნაცნობებიც კი, ჰოდა, გამაგებინე, ნეტა რა გვრჯის, ამ ყიამეთში რომ ქარს და სიცივეს ვაჭმევინებთ თავს? ისევ მოიდრუბლა და ალბათ ისევ გაზაფხულის შხაპუნა გვესტუმრება...

– აბა, მოვუსვათ აქედან!

სასაფლაოს ჭიშკრისკენ გაბობდნენ და ქუჩაში გასვლამდე, შუა გზაზე შესვლათ კიდევ ერთი დასაფლავების პროცესია; აქაც ბევრი ხალხი ესწრებოდა დასაფლავებას და რათა გადათელვას გადარჩენოდნენ, თითები გვერდზე გადგნენ, მერე ერთ-ერთი საფლავის მესერში გაძვრნენ და იქიდან აკვირდებოდნენ ყველაფერს.

ამჯერად ახალგაზრდა კაცს, ძალადობის მსხვერპლს ასაფლავებდნენ – რამდენიმე დღით უკან ჩასაფრებულმა პოლიციელებმა სრულიად უმიზეზოდ და წინასწარ გაუფრთხილებლად სროლა აუტყვეს ავტომანქანაში მსხდომ ვითომ საქურთვად მიმავალს... თან საოცარი ის იყო, რომ ოპერაციის მთელი მსვლელობა ტელეოპერატორების თანდასწრებით ჩატარდა, ანუ ის წინდაწინ დაგეგმილი იყო და მიზნად ისახავდა მოსახლეობის, უპირატესად – ოპოზიციის მხარდამჭერთა, დაშინებას – აი, რა ემართება იმათ, ვინც კანონს არ ემორჩილება... სხვანი განსხვავებულ თვალსაზრისს გამოხატავენ: უმიზეზოდ ასეთი რამ არ ხდება, ალბათ რამე უკეთური საქმე ჰქონა ჩადენილი და ცოდვამ უწიაო...

პროცესია ნელი მიიხლავნება... თითები უსმენენ ტალახიან აღმართზე დინჯად მიმავალ ადამიანთა საუბრებს; ეცოდებათ გარდაცვლილის დედ-მამა: ორივემ სამსახური დაჰკარგა; ორმოცდაათი წლის ასაკს მიტანებულთ, ახალი სამუშაოს შოვნა მხოლოდ ოცნებაში თუ შეუძლიათ, თუმცა ჯერ ჯან-ღონით საყვანი არიან; ამ დაღუპული შეილის იმედი ჰქონდათ – კომპიუტერების გამსაღებელ ფირმაში მუშაობდა და როცა დახვრიტეს, იმ დღესაც ერთ-ერთი შეკვეთის შესასრულებლად მიდიოდა... მეორე ვაჟი, ესპანეთში სამუშაოდ წასული, რაღაც გაუგებრობაში მოჰყვა და ახლა უცხოეთის ციხეში იხდის სასჯელს...

მომავალთა ნაკადი შეთხელდა; ზოგნი გვერდზე გადაუხვევენ, რომ მერე შეუმჩნეველად ჩამოსცილდნენ პროცესიას და უკან დაბრუნდნენ, აჩქარებით ჩაივლიან აწუნწუნებულ დაღმართს... ორ ასეთ ადამიანს კულში მიჰყვანენ ჩვენი თითები – მაწანწალა ძაღვებს ერიდებიან და ეს ბატონები, იმედი აქვთ, თუკი გასაჭირი შეექმნებათ, ძაღვებს მოუგერიებენ...

და სასაფლაოს ჭიშკარს გამოსცდნენ თუ არა, სულ სხვა გარემოში მოხვდნენ: განსხვავებული, ცინცხალი ფერები, ხმაურიანი, აზიმზიმებული ქუჩა – მორბენალი ავტომანქანებითა და აქეთ-იქით მიმსწრაფი ადამიანებით; მზემაც გამოანათა ღრუბლებს შორის – უხარია! თითებსაც ცოცხალი, ოპტიმისტური განწყობა დაეუფლათ – მათაც უხარიათ, მათ სულში მხიარული მუსიკა გუგუნებს!

პირველსავე სასაუბროსთან შეჩერდნენ კაცებიცა და ხელის მტევნებიც. შესასვლელის თავზე გრძელი ფირნიში “შემოიხედე, გენაცვალე!” წითელი, მოციმციმე ნათურებით გაკეთებული წარწერით ეპატიუებოდა გამვლელ-გამომვლელს.

შესასვლელთან მიყუდებულ და ქარის მძლავრობისგან (აგრეთვე – ჯართის შემგროვებელთა უღმობელი “მადისგან”) თავდასაცავად ჩაბეტონებულ რკინის ბოძზე მავთულებით საიმედოდ დამაგრებულ თუნუქის მოზრდილ ფურცელს ამშვენებდა მასზე დიდი რუდუნებითა და საკმაო ოსტატობით, ნატურალურზე დიდი ზომით დახატული თეთრჩაჩიანი, მსხვილშუღვაშიანი, ბარაქიანი ღიპით დამშვენებული მზარეული უზარმაზარი დანით მარჯვენა ხელში! სამზარეულოს ოსტატს “ფართო-ფორმატიანი” გულდია ღიმილში გაუხევიდა პირი და თეთრად აელვარებს კბილებს-კლავიშებს, მარცხენა ხელით კი მიუთითებს მის გვერდით ზევიდან ქვევით ორ სვეტად ჩამოწერილ ნერწყვის მომგვრელ მენიუს:

“ხაში – 4 ლარი
 ხაშლამა – 5 ლარი
 ბეჭი – 4 ლარი
 კარეიკა ღორის – 5 ლარი
 ხინკალი – 50 თეთრი
 ჯიგარი – 2 ლარი
 ბადე ქონი – 3 ლარი
 კუპატი – 4 ლარი
 მუქუქი – 4 ლარი
 აფხაზურა – 2 ლარი
 ჩაქაფული ოჯახური – 4 ლარი
 ოსტრი – 3 ლარი
 წიწილა – 5 ლარი
 მწყერი – 7 ლარი
 ხარჩო – 3 ლარი
 ოჯახური – 4 ლარი
 ტვინი – 3 ლარი
 ჯიგარი – 2 ლარი
 ყაურმა – 3 ლარი
 შაურმა – 2 ლარი 50 თეთრი
 ლულა-ქაბაბი – 3 ლარი
 მწვადი მაცალზე – 5 ლარი
 კუბდარი – 1,50 ლარი
 ჩებურეკი – 0,70 ლარი
 ჰამბურგერი – 0,70 ლარი
 ჰოთ დოგი – 1 ლარი
 ფიჩინი – 1,25 ლარი
 ლობიანი – 1,30 ლარი
 ხაჭაპური იმერული – 1,20 ლარი
 ხაჭაპური აჭარული – 1,50 ლარი
 ხაჭაპური მეგრული – 1,20 ლარი
 ხაჭაპური გურული – 1,20 ლარი
 ნადული – 1 ლარი
 სოკო – 3 ლარი
 სოკო ყველით – 2,5 ლარი
 რულეტი ყველით – 0,80 ლარი
 ნიგვზიანი ქადა – 0,50 ლარი
 პიცა – 9 ლარი
 პიცა დიდი – 12 ლარი
 ხიზილალა – 5 ლარი
 კალმახი – 15 ლარი
 ორაგული – 15 ლარი
 ლოქო – 15 ლარი”...

ძალიან გრძელი სია იყო ჩამოწერილი (მათ შორის – ოთხნაირი სალათა, ექვსნაირი ღვეზელი და ათნაირი ტკბილეულიც – ტორტის თამაღობით!) და, ადგილის ეკონომიის მიზნით, შემოთავაზებულ კერძებს მეტად აღარ ჩამოვთვლი, თორემ მკითხველიცა და მეც, ამ ამბის მთხრობელი, ცოდონი ვართ – ჩვენს მშვენიერ დროებაში მშვიერი ბევრია და რას ვერჩი ან მათ ან საკუთარ თავს...

მარჯვენას კი არ დაზარებია და ბოლომდე ჩაუყვავა კერძების ჩამოწერილ სიას.

– უყურე, ამ სასაუზმეს რა ფართო “რეპერტუარი” ჰქონია! – ამბობს მარჯვენა, – უფრო უმაღლესი კატეგორიის რესტორნის სტატუსი მოუხდებოდა! ლექსით არ ჩამოუწიკწიკებიათ ამ დალოცვილებს? ლექსი კი არა, მთელი ნერწყვის მომგვრელი პოემაა, ყველას რომ მოეწონება! ჯიგარი და ყაურმა რამ გაყო, ან წიწილას მაგივრად რომ ტაბაკა დაეწერათ მაგ დედ-მამა განათლებულებს, არ აჯობებდა? ან ეს “კარეიკა” რა უბედურებაა?

– ერთი ის მიკვირს, ამ დალოცვილებს ოთხნაირი ხაჭაპური რომ ჩამოუწიკწიკებიათ, ქართლ-კახურმა ან რაჭულ-ლეჩხუმურმა ხაჭაპურებმა ნეტავ რა დააშავა?

– სატყუარადაა ჩამოთვლილი, ერთნაირად უგემური იქნება ყველა. ჯობდა, ერთი ხაჭაპური ჩაწერონ და გემრიელი გამოაცხონ...

– არ დაიღალე ამხელა მენიუს კითხვით?

– კლავიშებზე დღეში 5-6 საათიან სირბილს ვარ მიჩვეული, რა დამდლის!

მარცხენა ცოტა შემფოთებულია:

– ამ ფირნიშზე დახატულ მზარეულს ისეთი მსუნაგი ტუჩები და ცუდლუტი თვალები აქვს, თუ მოგვიხელთა, ნაღდად არ გაუჭირდება ჩვენი მოთუხთუხე ქვაბში დატყვევება! მშვენიერი ეგზოტიკური კერი გაიშვა – თითებს ჩაიკენეტ! და იცი, რას დაარქმევს?

– “ათითას ჩახახილი”? ერთი ულუფა – 20 ლარი!

– ასე იაფია ჩვენი სიცოცხლე? – დამწუხრებულია მარცხენა...

ამ დროს კი სასაფლაოდან წამოსულ კაცთაგან ერთ-ერთი მეორეს სთავაზობს:

– შევიდეთ?

– შევიდეთ, აბა არა?! – მაშინვე ისმის პასუხად. – საოცრად გემრიელი მოგეჩვენება ამ დროს ჩვეულებრივი ხარჩო, სურნელოვან კახურს ჩამოასხამ ჭიქაში და ამ ქვეყნის სიამეთვან უდროოდ და სამუდამოდ განდგომილის გამოსათხოვარ სადღეგრძელოს ფეხზე ადგომით მოწიწებით დალევ...

– ხარჩო მშვენიერია, მაგრამ არც მარილმოყრილ ხაშლამაზე ან ცხელ-ცხელ ხინკალზე ვიტყვოდი უარს! ზედ თავისი ას-ასი გრამი ცეცხლივით არაყითა და ორი კათხა ლუდით!

– ისეთი ამინდია, ნამდვილად მოგუნათლავს! – ეთანხმება პირველი.

– ესენი ჩვენს დიდად პატივსაცემ პრეზიდენტს, ბატონ ფრიდრიხ ვილჰელმ შატაბუტა-ტარულაშვილს, საკადრის თანამეინახეობას გაუწევდნენ! – უჩურჩულა მარჯვენამ მარცხენას. – მომყვები, ყოჩაღად ვიყო!

კაცებმა სასაუზმის კარი გამოაღეს და სასმელ-საჭმელისა და თამბაქოს სუნებით შეკმაზულსა და ყაყანით ავსებულ დარბაზში შევიდნენ (მათ უკან შეუმჩნევლად მიჰყვნენ თითებიც) – კუთხეში, თბილ სიმყურდოვეში მოკალათდნენ; ეს კუთხე თითებსაც მოეწონათ, განსაკუთრებით – უსაფრთხოების მხრივ...

კაცებს გაუტკბებათ აქ ყოფნა, მით უმეტეს, რომ რამდენიმე პირი მალევე კიდევ შემოემატათ – ისინიც დასაფლავებიდან “გამოპარულები”! – და მამაპაპური ღვინი გაიმართა! არც თითები იყვნენ უკმაყოფილოები – მშვიდად იყვნენ, არაფერი ემუქრებოდათ – აქ მათ ძებნას არავინ დაუწყებდა!

– ბიჭო, ქუჩაში რომ მოვდიოდით, ბოძებსა და კედლებს თუ მიაქციე ყურადღება? – ეკითხება მარცხენა მარჯვენას.

– რაში მაინტერესებს მესერი ან ბოძი, ძაღლი კი არ ვარ, ფეხი ავწიო! ბოძიში, თითი უნდა მეთქვა! – პასუხობს მარჯვენა.

– უნდა ყურადღებით ვიყოთ, ალბათ ჩვენი გაქცევის შესახებ უკვე განცხადებები იქნება გაკრული, შესაძლოა, იქვე ჩვენი ფოტოების ხილვითაც დავტკბეთ და შესაბამისი ჯილდოც იქნება დაწესებული ჩვენი დასმენისთვის ან – კიდევ უკეთესი – დაჭერისთვის! ვაჰ, რა ბედნიერ დროებას მოგვსწარით!

– აბა რა, მაგრები ვართ! მერვდა, რა თანხად შეგვაფასებენ ნეტავი? ან ჩვენი ფოტოები საიდან ექნებათ? თუ დაგვიჭირეს, როგორ დაადგენენ, რომ დიტმარ დომინორაულის საკუთრება ვართ, თითების ანაბეჭდები ხომ არასდროს აუღიათ ჩვენგან...

– ხომ იცი, ჩვენს პატრონს, მაესტრო დიტმარ დომინორაულს, საკუთარი ხელის თითები დაზღვეული ჰქონდა, ჰოდა, ალბათ ხელშეკრულებას ჩვენი ფოტოებიც დაურთეს... მაესტრო ხელს რომ აწერდა პოლისს, სწორედ შენ გეჭირა კალამი ხელში, თუ გახსოვს, რა თანხაზე იყო საუბარი?

– სადაზღვევო თანხა შეადგენდა ორასი ათას ლარს! ანუ თითო ხელის ჯანმრთელობა შეფასებულია ასი ათას ლარად!

– ყოჩაღ ჩვენ!

ლხინი კი მიედინებოდა, როგორც წესი და რიგია. აურჩევლად თამადად დამდგარმა ჯერ მათი თავშეყრა აღდევრძელა და ისურვა, სხვა დროს უფრო კეთილი მიზეზით შეყრილიყვნენ პურის საჭმელად ერთად, მეორე ჭიქით ისურვა, იმქვეყნად უდროოდ წასულის სული განათლდესო, საცა არისო, შემდგომ ლხინი გახურდა და, მორიგი სადღეგრძელოს დაღვეის შემდეგ, სუფრის წვერთაგან ერთ-ერთმა, განსაკუთრებით შეხურებულმა, წინადადება წამოაყენა:

– მოლი, ვიცეკვოთ!

– სად, მაგიდაზე? აქ არც დამკერველ-მომღერლები ჰყავთ, არც საცეკვაო ადგილი აქვთ!

– რესტორანში ხომ არ გადავინაცვლოთ?

მაგრამ უმრავლესობა ასეთ “გადასახლებას” წინ აღუდგა, კერძოდ, თამადამ განაცხადა:

– ქორწილში კი არა ვართ, შენ მამაპაპური ჯიხვის ყანწებიც მომინდომე, აი! მოიცა, კაცო, სად უნდა წავიდეთ, კიდევ ერთიც დავლიოთ და დოღ-გარმონი ჩვენს სულებში დაუკრავს გემრიელად და ჩვენი გულებიდან ისეთი სიმღერა ამოფრინდება – შენი მოწონებული! შენ დაუკარ! აბა, ერთიც ჩამაასხი!.. ამ ოღროჩოღრო ქვეყნიერებას გაუმარჯოს, საცა ერთნი – იბადებიან, მეორენი – სამარადჟამოდ გეტოვებენ, ერთნი – გლოვობენ, მეორენი – ტაშ-ფანდურით ყირას გადადიან... რას იზამ, ასეა მოწყობილი ეს ტიალი წუთისოფელი! ჰოდა, სანამ უღმობელი მიქელ-გაბრიელი ჩვენს ცოდვილ სულებს მოაკითხავს, ჩვენ ჩვენ-ჩვენი წილი ღვინო დავაგემოვნოთ, მწარე განვდევნოთ ტკბილით, ურვა და დარდი – ლხინით! ხომ კარგად გამომივიდა! ჰოდა, ჩვენს აქ თავშეყრას კიდევ ერთხელ გაუმარჯოს, მერმის უკეთესი საბაბი გვქონოდეს თავშეყრისა, უფრო გემრიელადაც მოვილხინოთ, მეტი რა შეგვრჩება!.. ეგრეა, მაშ!.. აბა, ერთხმად!

აღარ ჩამოვთვლი შემდგომ სადღერძელოებს...

სასადილოს დაკეტვის დრომაც მოაწია და ჩვენი თითები ბოლო კლიენტებს გამოჰყვენ ვარეთ...

– ბიჭო, სულ შენს დაკრულზე უნდა ვიცეკვო? – მარცხენა აუხირდა მარჯვენას. – მეც სულელი ვარ, რატომ გამოგყვი? ვყოფილიყავით სასადილოში – უსაფრთხოდ, თბილად...

– ახლა გვიანდაა თითზე კბენანი... რა მოხდა მერე, ქვეყანა არ დაქცეულა.

– ჰო-ო? – ღმერთო ჩემო, ძალიან მინდა გავიგო, ეგეთი ჭკვიანი საიდან გაჩნდი? ან ვინ გაგზარდა?

– ვინ და – ვინც შენ! ახლა გაიგე, რომ შენზე მაგარი ვარ?

– შენ ყოველთვის ჩემს ხარჯზე ბაირმობ... ეგ არის კაცობა?

– შენ კიდევ – სულ მეურჩები, სულ მკებენ...

– არც შენ ხარ თაფლი და მურაბა!

– მართალი ხარ, ჩვენ მოფარაკავეებს ვვაგართ: მე შენ ცხარე გულზე გეტყვი რაღაცას, შენ – მაშინვე ცდილობ, მიჩხვლიტო მწვავე პასუხით... მე ისევ პასუხის პასუხს გიბრუნებ, შენც ივიგვს აკეთებ და ასე ვაგრძელებთ, სანამ არ მოგვწყინდება... კარგია, ხომ იცი, განსაკუთრებით ახლა: გცდილობთ, ჩვენი მოგზაურობა მოსაწყენი არ იყოს!

– შენი ირონია კარგია, ვაფასებ, მაგრამ, გულახდილად გეტყვი, მეტისმეტად ხშირად ხმარებისგან ცოტა ბლაგვი ხდება, ისე აღარ მოქმედებს და ჩემს გაღიზიანებას იწვევს.

მერე ქუჩაში დაბორიალობენ, თავშესაფარს ეძებენ – სცივათ, ეშინიათ...

– ახლა რაღა ვქნათ, საით გავწიოთ? – ამბობს მარცხენა.

– სულ ერთსა და იმავეს მღერი... რამდენი მაწანწალა ძაღლი დასეირნობს, ალბათ მათთან შეხვედრა ფრიად გაგახარებს! – აშინებს მარცხენას მარჯვენა.

– არა, ქუჩას ისევ სასაფლაო სჯობს! ხომ შეამჩნიე, უამრავ საფლავს ჭირისუფლებმა რკინის მესერი შემოავლეს, თეთრი თუნუქის სახურავიც გაუკეთეს – იქ ვერც ძაღლები შემოძვრებიან და წვიმისგანაც დაცულები ვიქნებით!

– მართალი ხარ, – დაეთანხმა მარჯვენა, – ხედავ, ისევ მოიღრუბლა!

– რა უგემური გაზაფხულია, ამ წვიმამაც შეგვიჭამა გული!

– აბა, როგორ გინდა, გაზაფხულზე თუ არ იწვიმა, გაღვიძებულ ბუნებას გაუჭირდება ზრდა და გაფურჩქნა-აყვავება...

კიდევ ერთი ღამე უნდა გაატარონ სასაფლაოზე...

– ვის რა დაგუშავებთ ისეთი, რომ ახლა იძულებული ვართ, აქ გავათიოთ ღამე? – წუწუნებს მარცხენა. – მე ყოველგვარი ტირანის, ძალადობის სასტიკი წინააღმდეგი ვარ! რატომ ვერ შეთანხმდნენ ადამიანები, რომ ყველამ უპირველესად ერთმანეთის პატივისცემა უნდა ისწავლოს?

– რატომღაც სასაფლაოზე ყველა ფილოსოფოსი ხდება... ურიგო არ იქნება, თუ ადამიანები ხშირ-ხშირად ივლიან სასაფლაოზე, დაფიქრებიან ისედაც ხანმოკლე სიცოცხლის წარმავლობაზე... იქნებ მაშინ ნაკლები იყოს ამქვეყნად უსამართლობა და სისასტიკე, მეტი იყოს ერთმანეთის გატანა, შემწყნარებლობა, სიტბო ურთიერთობებში... მაგრამ ვაგლახ! სანამ თვითონ მავანს არ გაუყენებენ უკანასკნელ გზას სასაფლაოსკენ, შეგონება ფუჭია, ისევ საკუთარი ვნებების მონაა ადამიანი...

ეშინიათ და საუბრობენ – ფილოსოფიური მსჯელობანი ამა სოფლის გაუტანლობაზე...

ამგვარ საუბარში გაჰყავთ ღრთ და თითქმის ირიჟრაჟა, როცა, ერთმანეთს ჩახუტებულებს, როგორც იქნა, ჩაეძინათ.

კარი VIII. ქორწილია, ქორწილი! (Epitalmio, საქორწილო სიმღერა)

გვიან გაეღვიძათ, უფრო სწორედ, ძაღლების ჩხუბმა და გაუთავებელმა ღრენა-ყეფამ აიძულა თითები, წამომხტარიყვნენ...

ოჰ, არ ეყოფათ ამდენი გაჭირვება, სულ შიშსა და გულის ხეთქვაში უნდა იყვნენ?

სასაფლაოზე ათამდე 10-15 წლის ბიჭი მოსულა, მოუყვანიათ ძაღლები, – ორი წაბლისფერი, დაკუნთული ხვადი, რაღაც მებრძოლი ჯიშისა, – თვითონაც ორ მოწინააღმდეგე ბანაკად გაყოფილან და პატარა მწვანე მდელოზე ამ ძაღლებს აჩხუბებენ; ძაღლებს ხან ერთმანეთზე საჩხუბრად მიუშვებენ, ხან საბელებს მოქაჩავენ და გააშველებენ – მეტად გასაფიცებლად; არის ერთი მხიარული ხორხოცი, ყიჟინა, შეგულიანების შეძახილები... ადგზნებული, გაოფილი სახეები, თითქოს თვითონაც ჩხუბობენ, ძაღლთა დაფრენილი პირებში გამოჩენილი დაკრეჭილი ეშვები, ლაშებიდან გადმოღვნილი თეთრი დორბლი, სისხლით შეფერილი...

– რა ჯიშისაა ეს ძაღლები? – დაინტერესდა მარცხენა.

– რა ვიცი, დაიქცა მაგათი მომგონი... რა ჯიშისაც უნდა იყვნენ, ამაზრხენი სანახაობაა! – უპასუხა მარჯვენამ.

– მაგათი ჯიში კი უნდა გამოგვეცნო... ჩვენს მაესტროს, დიტმარ დომინორაულს, ხომ გახსოვს, რა უცნაური აჩემება აქვს: ისეთი სურათების გატაცებული კოლექციონერია, რომლებზეც ასახული არიან ჯიშისანი ძაღლები და გადმოცემულია ძაღლებით ნადირობის სცენები...

– გამომიჩნდა ეგეც ინგლისელი ლორდი! მართლაც უცნაურია: ან პეიზაჟები შეყვარებოდა დალოცვილს, ან ლამაზი ქალების პორტრეტები შეეგროვებინა... სხვა მხრივაც უცნაური კაცია, ოჯახის შექმნაზე უარი თქვა – ცოლ-შვილი შემოქმედებით მოღვაწეობაში ხელს შემიშლისო, ის კი ვერ გაითვალისწინა, რომ ამით ემოციურად გაიდარბა თავი, საკუთარი ცხოვრების პალიტრას ბევრი ფერი დააკლო... გაძარცვა საკუთარი სული და ეს გარემოება აისახა მისი ხელოვნებაზეც – დასჩემდა შემოციო, მშრალი დაკვრა, შიშველი ტექნიკის დემონსტრირებით შემოფარგვლა... სულ ცდილობდა დამტკიცებას, რომ ის პიანოფორტეს უდიდესი ვირტუოზია, მაგრამ მისი დაკვრის ტექნიკური სირთულე-სრულყოფილება არ გამომდინარეობდა ნაწარმოების არსის სრულად, სრულყოფილად გადმოცემის სურვილიდან... ბრწყინვალე ტექნიკა ჩანდა, პოეზია – არა! არადა, მუსიკის ჭეშმარიტი დამფასებლისთვის და ჭეშმარიტი შემსრულებლისთვის, რასაკვირველია, ჩემთვისაც, ანბანური, უცილობელი ჭეშმარიტებაა: დაკვრა – შემოქმედებაა და არა მხოლოდ მექანიკური შესრულება ნოტებისა; პოეზია, პოეტური გრძნობაა ხელოვნებაში მთავარი! მიკვირს, რომ ამ ანბანური ჭეშმარიტების ახსნა მიწვევს შენთვის...

– რას ერჩი, საკუთარ გულის ჭიას ახარებს, სხვას არაფერს უშავებს... ყოველ ადამიანს ახასიათებს რაიმე უცნაურობა, მაესტრო ასეთ აკვიატებაში – ანიმალისტური სურათების შექმნაში – ფლანგავს ფულს.

– ახლა რაღას ფლანგავს, ამ გაჭირვებულ ღრთს კონცერტებზე სასიარულოდ ბევრად არავის სცხელა, ხომ ნახე, ჩვენს ბოლო კონცერტზეც დარბაზი მაყურებლებით მესამედაც ვერ შეივსო.

– იმიტომაც ხომ არ გადაწვეტიტე კონცერტიდან გამოქცევა? – ქირქილით იკითხა მარცხენამ. – ჰო, მაესტროს გაუჭირდა და იძულებული გახდა, ის წლობით ნაგროვები, ნალოლიაგები სურათები ჩამოეხსნა და საკომისიო მაღაზიაში წაეღო... მაგრამ რამდენიმე თვე გავიდა, ერთი სურათიც კი ვერ გასაღდა და სურათების უკან წამოღება მოუწია...

– ისევე დატკებება მათი ხილვით – ცარიელ კუჭზე დიდი შეღავათია!

– შენი არ იყოს, ყველას თავისი ჩიტები ჰყავს, ყველა თავისებურად ცდილობს გართობას; აბა, თუ მართლა მაგარი ხარ, ახლა გაეხუმრე ამათ, შენც ხომ სულ თამაშზე გაქვს თვალები დაჭყეტილი! მიდი, ჰე!

– ხუმრობა და თამაში დიახაც მიზიდავს, რატომაც არა? ნაირგვარი თამაში ვის არ უყვარს, ჩვილით დაწყებული და მიხრწნილი ბებრით დამთავრებული... პიანოფორტეზე დაკვრა ანუ თამაში, რასაკვირველია, შენთან ერთად, ჩემი პროფესიაა, ემოციურად და ფიზიკურადაც საკმაოდ მომქანცველი, ჰოდა, განსამუხტავად, დასასვენებლად უებარი საშუალებაა სხვაგვარი თამაში, მაგრამ არა ასეთი სასტიკი და ანტიესთეტიკური, რომელსაც ახლა ვუყურებთ... ამათ შემხედვარეს ყოველგვარი ხუმრობის ხალისი დაგეკარგება.

– უნდა ვადიარო, რომ ამ შემთხვევაში მართალი ბრძანდები, – ეთანხმება მარცხენა. – თუ მაინც დამაინც ამგვარი გართობა იზიდავთ, ამ ლაწირაკებმა სასაფლაოზე უფრო შესაფერისი ადგილი ვერ მოძებნეს?

– ალბათ დიდები უწყობიან, უშლიან ამგვარი სასტიკ გართობას და გამოერიდნენ, აქ მოვიდნენ, მყუდრო, უკაცრიელ ადგილას, – ამბობს მარჯვენა. – მართლაც, უკეთესი გასართობი ვერაფერი ნახეს? თუმცა, რა არის გასაკვირი, ტელევიზორში დღენიადაგ საზარელი ძალადობის ყურებას, საშინელებათა შემადრწმუნებელ ფილმებს არიან უკვე დაჩვეულნი...

– რა სიამოვნებას ნახულობენ ნეტავი ძაღლების ჩხუბის ყურებით? ნახე, სისხლი სდით, წითლად შეედებათ მკერდი... და მით უფრო გააგებით ებრძვიან ერთმანეთს!

– ტელევიზია აჩვენებს სისასტიკეს. ყოველდღე გაუთავებლად აჩვენებენ სისხლიან მკვლელობებს, ან კატასტროფების შედეგად დაჭრილ-დასახინჩრებულთ, გარდაცვლილთა საზარელ კადრებს – ხანგრძლივად, დაგემოვნებით... მერე გიკვირს, რომ ამ ცინგლიან ღლაპებს სისხლის ხილვა სწყურიათ? შემძლია ნაძღვეს ჩამოვიდე, რომ ამ ბიჭებიდან მუსიკას არავინ სწავლობს; თუ სწავლობს, მისგან მუსიკოსი არასდროს გამოვა! გამების სწავლას ამგვარი უაზრო გართობა ურჩევნიათ.

– მრავალი ადამიანი სწორედ ამ ძაღლებით ვაეკიდებიან ხოლმე ერთმანეთს – მავანთა წაქეზებით და მათ გასართობად...

– უფრო – რაღაც სარგებლის სანახავად... ძაღლი – ძაღლია და ადამიანებს ძაღლზე მეტი ჭკუა არ უნდა ჰქონდეთ? თუ, როგორც ზოგიერთი ვაი-ფილოსოფოსი ამტკიცებს, ზოგადად ადამიანში დაბადებიდანვე მავნე ინსტიქტებია ჩაბუდებული და ის მხოლოდ მარჯვე შემთხვევას ელის, რათა თავისი ბოროტი ზრახვები სისრულეში მოიყვანოს, სხვას ტკივილი მიაყენოს, თვითონ კი სიამოვნებით ქირქილებდეს?.. ფუი, ვერ ვუძლებ ამ საძაგელ სანახაობას, მოვშორდეთ აქაურობას!

გულდამძიმებულები, ძმები საწინააღმდეგო მხარეს გარბიან, კიდევ კარგი, აქეთაც ჰქონია სასაფლაოს მორღვეულ ღობეში გასაძრომი და გავარდნენ ქუჩაში... მირბოდნენ, მირბოდნენ, სანამ არაქათი არ გამოეცალათ.

შემდეგ კარვა ხანს იარეს და გზად შეეყარათ წითელი ბაფთებით და ფერადი ბუშტებით შემკული მანქანების გრძელი კორტეჟი: ხმოვანი სიგნალების განუწყვეტელი ჭყვიტინით გიჟურად მიჰქროდნენ, – გზა გვიტოვებ, ქვეყანა ჩვენიაო, – ქორწილია, ქორწილი!..

სასაფლაოს შემდეგ პირდაპირ ქორწილის საზეიმო კორტეჟს გადაეყარნენ!

მუხრუჭების ღრჭიალით მანქანებმა სვლა შეანელეს რესტორნის – “ედემის ბაღი” – ეზოში შესასვლელთან და შიგ შეგრიდნენ. მართალი მოგახსენოთ, ეს ეზო ედემის ბაღს ნამდვილად არ ჰგავდა: დამსხვრეული თეთრი კირქვით მოხრეშილ მოზრდილ ფართობზე, – მანქანების დასაყენებლად, – ერთ კუთხეში მხოლოდ რამდენიმე გაძვალტყავებული აკაციის ხე იდგა, მაგრამ ძნელბედობას არ ურიგდებოდა და აყვავებასაც კი აპირებდა.

– შევიდეთ? – იკითხა მარცხენამ. – ხომ ხედავ, წვიმამ ისევ დაუშვა, რაღა ახლა მოველინა ამ ქვეყანას წარდგა, როცა უბინაოდ დაეწანვალვებო!

– ახლა უკეთეს თავშესაფარს ვერც ვინატრებთ, შევძვრეთ, ოღონდ იქ ალბათ ცეკვა-თამაშს გაართავენ და ჯობს, ცოტა მოფარებულში მოვძებნოთ მყუდრო ადგილი.

– კარგად გავერთობით! – ამბობს მარცხენა, – სასაფლაოს შემდეგ არ გვაწყენს მხიარულ ხალხში გარევა, გუნების გამოკეთება...

რესტორნის პირველ სართულზე დიდ, გაჩირადლებულ დარბაზში გაუშლიათ ორი გრძელი სუფრა, – ალბათ ორასამდე კაცი დაეტევა, – მათ შორის საცეკვაოდ ადგილი დაუტოვებიათ, ხოლო დარბაზის ბოლოში, ამალღებულზე, მომღერალ-დამკვრელები დამსხდარან, ხუთი-ექვსი კაცი; იქვე, კუთხეში, მათთვის ცალკე პატარა სუფრაა გაშლილი.

– ყველაზე საიმედო ადგილი, მე მგონი, ესტრადასთან ახლოს იქნება, – თქვა მარცხენამ. – ამ მომღერალ-დამკვრელების სუფრის ქვეშ შევძვრეთ, იქ არც ფეხს დაგვაბიჯებს ვინმე და მუსიკასაც უკეთ მოვუსმენთ ამ რია-რიაში.

– ყოჩაღ, არ მოველოდი შენგან ასეთ ჭკვიანურ აზრს! – შეაქო მარჯვენამ მარცხენა. – აბა, ფრთხილად წინ გამიძეხი, საუკეთესო ადგილის შერჩევას შენ განდობ!

ის იყო შეგულებულ ადგილას მოკალათდნენ, რომ უცებ დამკვრელებმა მხიარული ჰანგი დასცხეს და დინამიკებიდან ძალუმად გადმოფრქვეულმა მიკროფონმომარჯვებული მელოტი მომღერლის ძლიერმა ხმამ კინაღამ გააყრუათ. მარჯვენას უნდოდა, უკეთეს ადგილას გადასულიყვნენ, მაგრამ მარცხენამ არ ქნა:

– გვეყოფა წოწიალი, ვინმემ არ შეგვაძინოს! ამ უზომოდ ხმამაღალ დაკვრა-სიმღერას და ჩვენს ტანჯვა-წამებას კი როგორმე უნდა გავუძლოთ, ნელ-ნელა შევეჩვევით!

– კარგი იქნებოდა, ახლა ბატონ პრეზიდენტის პარიკი მქონოდა, ყურებზე ჩამოვიფარებდი, ცოტათი მაინც დამიცავდა ამ მეტისმეტი ღრილისგან! – თქვა მარჯვენამ.

– მადლს მოვისხამდით, რომ აქამდე მოგვეთრია – ის პარიკი ამ მომდერაღს უფრო მოუხდებოდა! – უპასუხა მარცხენამ. – შეხედე, ჯერ მხოლოდ ერთი სიმღერა შეასრულა და უკვე მწიფე ნესვივით მელოტი თავი როგორ უბზინავს ოფლისგან!

– არა უშავს, რესტორნის კვალბაზე კარგად მღერის, მაგრამ ეს უსაშველო ხმის გამაძლიერებლები რა უბედურებაა! ყურები არ ასტივდათ, ოჯახდალოცვილებს, ან დაყრუების არ ეშინიათ?

– მეგონა, მენდელსონის საქორწინო მარშს დაუკრავდნენ ნეფე-დედოფლის შემობრძანების აღსანიშნავად...

– მართალი გითხრა, ეგ მარში უკვე ყელში ამოვიდა, მაგრამ მე ამ სულელურ სიმღერას ისევე მას გამჯობინებდი.

– მეგობრებო, გთხოვთ ერთი წამით ყურადღებას!.. – გრგვინვასავით გაისმა ხმამაღლა მოლაპარაკიდან უცებ ბოხი, მაგრამ სასიამოვნო ხმა, რომლის პატრონიც, ეტყობოდა, მბრძანებლობას იყო მიჩვეული: სუფრის თავში მჯდომი ერთი დაბალ-დაბალი, ბურთივით მრგვალი, შუახნის კაცი, როგორც ჩანდა, ნეფის მშობელი, ლაპარაკობდა მიკროფონში და ცდილობდა, დარბაზის ხმაურის გადაფარვას. – სუყველას მოგესალმებით!.. გულითად მადლობას გიძღვნი ყველას, ვინც ახლახან დაწამესაგებული ჩვენი ორი ოჯახის დიდი სიხარული გაიზიარა, პატივი დაგვდო და აქ გვესტუმრა! ამ ბედნიერ დღეს გილოცავთ და გისურვებთ, დრო მხიარულებასა და სიამტკბილობაში გაატაროთ! მოგესხენებათ, ყველა დიდ თუ პატარა საზოგადო საქმეს უეჭველად ხელმძღვანელი სჭირდება და ამ საზეიმო სუფრის გაძღოლის უფლებას მე თამამად ვანდობ ჩვენთვის ყველასთვის პატივსაცემ პიროვნებას, ენამზებობთ განთქმულ სუფრის გენერალს, ჩვენს ძვირფას ჰაინც ულარისს! უმორჩილესად ვთხოვ, დაგვღოს პატივი და მისთვის ჩვეული ოსტატობით ერთხელ კიდევ გვაზიაროს სუფრის ხელმძღვანელობის ხელგონებას! გაუმარჯოს ჩვენი სუფრის ღვინის უფალს ანუ თამადას!.. აბა, ფეხზე ადგომით მივულოცოთ! ერთხმად, ერთხმად!..

– სუფრაზე რა გენერლობა აუტყდათ, აქ ხოცვა-ჟლეტას ხომ არ აპირებენ? – ამის თქმა მოასწრო მარცხენამ და მაშინვე ზე წამოიმართა მაღალი, უზარმაზარლიპიანი, დიდულვაშა, შუახნის კაცი.

– რა მედიდური შეხედულება აქვს, მართლაც გენერალია! – უჩურჩულა ძმას მარჯვენამ. – დახოცავს ხალხს ღვინის სმით!

“გენერალი” კი მოჰყვა აქეთ-იქით თავის კანტურს და ტურების ცმაცუნს; მისი ხმა საერთო ჟრიალში და სკამების ხრიგინში, – ყველანი ფეხზე წამოდგნენ, – არ ისმოდა, ალბათ მადლობას უხდიდა ყველა მიმლოცველს დაფასებისა და მაღალი ნდობისთვის. როცა ყველა მილოცვა-დალოცვა მოიმკო, ბატონმა თამადამ, ეგრევე, ფეხზე მდგომმა, მოკლე სამადლობელი სიტყვა მიწოდებულ მიკროფონში წარმოსთქვა, გამოცდილი ჭიქა მაღლა ასწია და ყველას დასანახად გადმოაპირქვა – ასე მტერი დაგეცალოთო; შემდეგ, ასევე ფეხზე მდგომმა, შეავსებინა ჭიქა მერიქიფეს და თავისი პირველი სადღეგრელო შესთავაზა შეკრებილ საზოგადოებას:

– მეგობრებო, სუფრის ძვირფასო წევრებო! დღეს ბედნიერმა მოვლენამ ერთად შეგვყარა ამ ჭერქვეშ ორი ოჯახისთვის ძვირფასი ხალხი: ძვირფასი მოვლენის, – ჩვენი ნორჩი გვრიტების, გიზელასა და გუნთერის შეუღლების, – აღსანიშნავად... დღევანდელი ძვირფასი დღე იმითაც არის ღირსშესანიშნავი, რომ ჩვენი ძვირფასი ნეფე სწორედ დღეს გახდა ოცდახუთი წლისა და, ამრიგად, ორმაგად ბედნიერი დღე გაუთენდა!.. ქორწილი და დაბადების დღე – ერთად! მივულოცოთ ჩვენს ძვირფას ახალშეუღლებულებს, ტურფა გიზელასა და ვაჟაკ გუნთერს, ეს ყველასთვის, და ნეფე-დედოფლისთვის განსაკუთრებით, ძვირფასი დღე, ვუსურვოთ, ღირსეულად ატარონ მეუღლის წმინდა სახელი, გაახარონ მშობლები, ყველა ნათესავ-მეგობარი და თავიანთი კაიქალობითა და კაიკაცობით ასახელონ ქვეყანაც; გაზარდონ საამაყო შვილები, სიამტკბილობაში ბედნიერად შეაბერდნენ ერთმანეთს, შვილთაშვილების ქორწილებში ცეკვით გაიხარონ... სულითა და გულით გადღეგრძელებთ, გაგიმარჯოთ!.. გულით გაიხარეთ, გამრავლდით და იბედნიერეთ მრავალჟამიერ!..

– აბა, ახლა, თუ მართლა მაგარი ქორწილია, ერთი გემრიელი “მრავალჟამიერი” ძალიან მოუხდება სუფრას! – ამბობს მარჯვენა.

– რომელი უფრო გინდა: ქალაქური თუ სოფლური, გრძელი თუ მოკლე?

– მე არცერთზე ვიტყვოდი უარს! მართალი გითხრა, ქართლ-კახური ყველას მიჩვენია, მაგრამ ვინ არის აქ მისი შემსრულებელი? არავინ! და თუ უნდოდათ “მრავალჟამიერით” და სხვა სუფრული სიმღერებით ქორწილის დამშვენება, მაშინ ეს ბრახაბრუხა ანსამბლი კი არა, ხალხური გუნდი უნდა მოეწვიათ!

შემდეგ რა მოხდა? ადვილი წარმოსადგენია: გამოცდილ ბატონ თამადას არაფერი შეეშლება: ყველა წესისა და რიგის მიხედვით მიჰყავს ღვინის მხიარული ხომალდი, და ამ ორასკაციანი ლაინერის ბედნიერი და გუნებაკეთილი მგზავრები ხან სადღეგრძელოების ფერადოვან თაიგულებს დიმილით სტყორცნიან ერთმანეთს, ხან – სასმისის გამოცდის შემდეგ, საკადრის პატივს მიაგებენ ორ უგრძეს სუფრაზე დახვავებულ სასუსნავს; შემდგომ, ფეხის გასამართავად, ყოჩაღნი საცეკვაოდაც

გაიჭრებიან, ხან კი – სკამის საზურგეზე მისვენებულნი, ნეტარებით თვალმილულნი, სახეზე კმაყოფილების გაფურჩქნილი ყვავილით გალამაზებულნი, მომღერალთა მხიარულ სიმღერას აყოლებენ: ზოგი – ხმას, ზოგი – ფეხის ბაკუნს...

ასევე, ჩვენი მარჯვენა და მარცხენა, თუმცა სუფრაზე არ მოილხენდნენ და არც საცეკვაოდ მიუწევდათ გული, – ამ არეულ მოცეკვავეებში ვინმე ფეხს დაგვადგამსო, – ადგილზე მაინც ცმუკაფდნენ, საცეკვაო მელოდიას აყოლებდნენ თითების თამაშს იატაკზე...

– ახლა ეგლა დაგრჩენია, იატაკზე აკაკუნო თითები, – ეუბნება მარცხენა მარჯვენას. – ძალიანაც გინდა, ახლაც რაღაცა იცელო, მაგრამ აბა, ამ უზარმაზარ თავყრილობაში რას გაბედავ? თანაც, აქ გასართობი ისედაც სამყოფია, დაჯექ და მოილხინე!

– რა ხანია, არ დაგვიკრავს! – პასუხობს მარჯვენა. – პიანოფორტე არ აქვთ, თორემ ავსტებოდი და ვანახებოდი მაგათ, როგორ უნდა დაკვრა! თუ შენც ამიბამდი მხარს, სულ მთლად გაავაგიჟებდით ხალხს! ეგერ ელექტრული კლავიშებიანი საკრავი ხომ არის, პიანისტი თავის საქმეს საკმაოდ კარგად ართმევს თავს, მაგრამ მე ცოტა სხვანაირად დაფუკრავდი; ჰოდა, იმის კლავიშებზე მაინც გავისეირნოთ, როცა მასზე დამკვრელი სუფრასთან საჭმელად და დასასვენებლად იქნება დამჯდარი. მე მგონი, არ ეწყინება, დროებით რომ ჩავენაცვლოთ და არც ხალხი დარჩება უკმაყოფილო. მონატრებული ვართ და აგერ ნახე, ჰო-ჰო, რას დაფუკრავთ! მუსიკოსებსაც გაავაგიჟებთ სწრაფი პასაჟებით, სხვებზე რაღა უნდა ითქვას!

– შენს ხასიათს, ძმაო, ვატყობ, არაფერი ეშველება, ახლაც უშნოდ ატეხილი ჩანხარ! – შეეპასუხა მარცხენა. – დაეტიე, სადაც ლამაზად ხარ, რატომ გინდა, , სულ ხათაბალაში გაება და მეც რაღაც ხიფათს გადამიკიდო!

– არ მოგენატრა, შეგუხიციანოთ, ერთი გემრიელად შევუღიტინოთ კლავიშებს? ნდომისგან თითები მეფხანება!.. ხან – მივეალერსოთ, ხან – ჩავუტყაპუნოთ!

– “გიჟურად”, “გავაგიჟებთ” – სულ ასეთი უგვანი სიტყვები გაკერია პირზე, თვითონაც ნაღდი გიჟი ხარ!

– აბა, არა? – უპასუხა მარჯვენამ და, თითქოს საკუთარი სიტყვების უტყუარობის დასადასტურებლად, მარჯვნივ გაძვრა-გამოძვრა, აფორთხდა ელექტროპიანოზე... და ოდნავ დაგვიანებით მას მხარი დაუშემვენა მარცხენამაც!

– ყოველთვის ერთად ვიყავით და ახლა ისევ მარტო დამტოვე? – გაბუტულივით მიმართა მარჯვენას.

– საყვედურების დრო არ არის, აბა, დავცხოთ კარლ პერკინსის ”ლურჯი ნატის ფეხსაცმელი“! მერე, შესვენების გარეშე, ლიტლ რიჩარდის “ხილიანი ნაყინი” მივაყოლოთ – “ტუტი ფრუტი”! სიმღერას “ნაყინი” კი ჰქვია, მაგრამ თავბრუდამხვევ ტემპში სრულდება და კიდევ უფრო გავახუროთ მოცეკვავენი!

– გაუტიე და მე ატყვები!

ძნელი წარმოსადენი არ არის, რა შთაბეჭდილება მოახდინა მარჯვენასა და მარცხენას ამ გამოხდომამ: პიანისტი არ ჩანს და ინსტრუმენტი კი გიჟურად, თავდავიწყებით უკრავს – **Allegro vivace!** თან რას? როკ-ენ-როლს!

ორივე ხელს ამოსუნთქვის საშუალება არ ჰქონდა, და მაინც, მიუხედავად ამისა, მარცხენამ მარჯვენას უყვირა – ისე ვერ გააგონებდა:

– ბიჭო, შენ როდის აქვთ გახდი პერკინსის და ლიტლ რიჩარდის თავყანისმცემელი? სხვათა შორის, ორივე ამ სიმღერას ელვის პრესლი უკეთ ასრულებს.

– ჩვენი მაესტრო დიტმარ დომინორაული ახალგაზრდობაში სწორედ როკ-ენ-როლს ეტრფოდა, დაგავიწყდა?

– მხოლოდ თვითონ კი არა, მამამისიც!

– ჰო, მაესტრო მაშინ ბავშვი იყო... მას შემდეგ ორმოც წელზე მეტი გავიდა, მრავალგვარი სხვა სტილის მუსიკა დროებით გაბატონდებოდა ხოლმე, მერე დავიწყებას ეძლეოდა და შეხედე: ეს მუსიკა ისევ მოსწონთ! გასაგებია, რომ შუახნის ხალხს, – არა, ახლა ალბათ უკვე მოხუცებს, – ახალგაზრდობას ახსენებს და ადგილზე ცმუკავენ, ტაქტს ტერფის ბაკუნს აყოლებენ, მაგრამ ახალგაზრდებიც გატაცებით ცეკვავენ!.. ყოველ წელს მსოფლიო ჩამპიონატებიც ეწყობა, დარბაზებში ტევა არ არის...

– ჩვენც ხომ არ მივიღოთ მონაწილეობა?

– თუ ცოცხლები გადავრჩით, მაგაზე მერე ვიფიქროთ, ახლა კი – დავცხვით!

როდესაც თითებმა თავიანთი საქმე მოათავეს და ფაცხაფუცხით ისევ დაიმაღლნენ, შემდგომ სუფრაზე ყველაფერი ისე მიდიოდა, როგორც წესი და რიგია, მაგრამ ნელ-ნელა ბატონ თამადას გაუჭირდა სუფრის ხელმძღვანელობა: იმატა ხმაურმა; ბატონ თამადას ხმის დაძაბვა უხდებოდა, მიკროფონში თითქმის ყვიროდა; ამის მიუხედავად, მას ცოტა ვინმე თუ უსმენდა...

– ღვინით შეხურებულნი: ახალგაზრდობაც, უფრო მოწიფულნიც და ბევრი ფრიალ ხნიერიც კი, უფრო ცეკვას მიაგებენ პატივს, ერთმანეთში საუბრობენ... თამადა სულ ფეხებზე ჰკიდიათ, ესეც შენი სუფრის გენერალი! – თქვა მარჯვენამ. – შეამჩნიე? არც მოცეკვავეებს და არც ჭამა-სმით გართულ დამკვრელებს ჩვენი ცელქობისა არაფერი შეუტყვიათ...

– შეატყობდნენ და კარგადაც იქნებოდა ჩვენი საქმე! შეხედე, ნეფე-დედოფალი ღვინოს არ სვამს, ისინიც თითქმის არ სხდებიან მაგიდასთან, იმდენად არიან ცეკვით გატაცებულნი. შენი მიკვირს, როკ-ენ-როლი რაღამ მოგაგონა?

– გახსოვს, ჩვენი მაესტრო დიტმარ დომინორაული რომ გარიცხეს სამუსიკო სკოლიდან? უკვე თოთხმეტი წლისა იყო და პედაგოგმა მაშინ მიუსწრო კლასში, როცა პიანოფორტეს კლავიშებზე ჩვენი გამძლეობის გამოცდა მოაწყო – მეგობრებს როკ-ენ-როლს უკრავდა! ბიჭებიც და გოგოებიც გიუებივით ცეკვავდნენ!

– პედაგოგს ისინი შეშლილნი ეგონა! როკ-ენ-როლის პოპულარობის პიკი უკვე რა ხნის ჩავლილი იყო...

– რატომ? ახლაც კი ბევრნი არიან მისი ტრფიალნი და, ხომ გითხარი, საერთაშორისო ფესტივალები და შეჯიბრებებიც რეგულარულად ეწყობა. როკ-ენ-როლის ზოგიერთი ლეგენდარული ვარსკვლავი ახლაც განაგრძობს მოღვაწეობას, მათ შორის მე განსაკუთრებით მიყვარს ჯერი ლი ლუისი...

– რა წვალება-დავიდარაბად დაუჯდათ მშობლებს დიტმარ დომინორაულის სკოლაში აღდგენა! საწყალი მშობლები! ლამის შემოელახათ შვილი, როგორ ოცნებობდნენ, იგი სახელოვანი ხელოვანი გამოვალ...

– ჩვენი მაესტრო მაშინ მშობლების დარდს აინუნშიც არ აგდებდა, მხიარული ბიჭი იყო! ახლაც კი მარად ცხვირჩამოშვებული დადის, რა დაემართა?

– კი, სახელი მოიხვეჭა, მაგრამ არა ისეთი, როგორზედაც ოცნებობდა – გენიოსი ეგონა თავი...

– ჰო, თავს იკლავდა, მაგრამ... ცოლიც იმიტომ არ ითხოვა, შემოქმედებით წინსვლაში ოჯახი ხელს შემიშლისო.

– მე მგონი, შეცდა! ამაზე ადრეც გვისაუბრია. ოჯახი, ბავშვების გაზრდა, დიდ შრომასთან და ნერვიული ენერჯის ხარჯვასთან არის დაკავშირებული, მაგრამ, მეორეს მხრივ, სიყვარულსა და შვილის ყოლაზე რომ უარს იტყვი, საკუთარ თავს ძარცვავ, ემოციურად იღარბებ თავს! შესაძლოა, ჩვენი მაესტროს მხრივ ზედმიწევნით ინტელექტუალური მიდგომა, მეტისმეტი ტექნიკური სრულყოფისკენ ლტოლვა და აქედან გამომდინარე – დაკვრის სიმშრალე, უშუალოების, განცდათა სიმდიდრის საზიანოდ, – ნაწილობრივ ამითაც არის განპირობებული.

– იოჰან სებასტიან ბახს იცი, რამდენი შვილი ჰყავდა! ამათგან ოთხი ვაჟი ცნობილი კომპოზიტორი გახდა!

– ცოლ-შვილს თუ არ მივალერსები, კლავიშებს როგორღა მივალერსები?

სრულიად მოულოდნელი რამ (უკვე მერამდენედ, რაც თხრობა დავიწყე!) მას შემდეგ მოხდა, როცა ბატონმა თამადამ, როგორც იქნა, მრავალჯერადი თხოვნა-შეგონების შემდეგ, დამკვრელ-მომღერლები დაითანხმა, პატარა შესვენება გამოეცხადებინათ, რათა შემდეგი სადღეგრძელო ყველას გაეგონა. და მორიგი სადღეგრძელო წარმოსთქვა – სიყვარულისა!

– მეგობრებო, ამჯერადაც ისეთ სადღეგრძელოს შემოგთავაზებთ, რომელიც ნებისმიერ სუფრას ამშვენებს და, მით უმეტეს, დღევანდელ ჩვენს ღვინოს – სიყვარულს გაუმარჯოს! უსიყვარულოდ დედამიწაც კი არ ბრუნავს, ადამიანის ბედის ჩარხის ტრიალის მამოძრავებელი ძალაც სიყვარულია... მოგესხენებათ, სიყვარული მრავალგვარი არსებობს: ცოლქმრული სიყვარული სხვაა, შვილები სხვაგვარად გვიყვარს, მეგობრის სიყვარული კი სრულიად განსხვავებულია... არსებობს ცოდნის, კითხვის, პროფესიის, კატის, ძაღლის, ცხენის სიყვარული, ბუნების სიყვარულს ხომ ყველა იჩემებს...

– მუსიკის სიყვარული? – უჩურჩულა მარჯვენამ მარცხენას. – გამორჩა შრომის სიყვარული, ბოლოს და ბოლოს, არსებობს ჭამა-სმის სიყვარულიც... მუსიკასთან და, საერთოდ, ხელოვნებასთან ბატონი თამადა მწყრალად უნდა იყოს.

– მე მგონი, თუ მისი მუცლის ზომით ვიმსჯელებთ, თამადობის და გემრიელი ღროსტარების სიყვარულს ბევრად უფრო ცხადად ამჟღავნებს!

– ამ დაქირავებულ დამკვრელ-მომღერლებს თავისი ადგილი აქვთ, მაგრამ თვითონ რანაირი თამადაა, თუ სუფრაზე სიმღერა არ წამოიწყოს. ეს საექსტრადო შალგერები, როგორც მათ ჩვენს ყმაწვილკაცობაში გერმანულად ვახსენებდით, რომლებსაც ამჟამად, ახალი მოდის თანახმად, ჰიტებს უწოდებენ, ვერანაირად ვერ შეცვლის ტრადიციულ ქართულ სუფრულ სიმღერებს, განსაკუთრებით – ქორწილში.

– რა უბედურებაა ამდენი ხალხის თავშეყრა, როგორ გინდა, ორასმა კაცმა ერთად იმღეროს სუფრული სიმღერა?!

თამადამ თავისი საკმაოდ გრძელი სადღეგრძელო ამგვარად დაასრულა:

– ჩვენს ძვირფას სიძე-პატარძალს, გიზელასა და გუნთერს, ვუსურვებ, მარად, სიცოცხლის ბოლომდე, შეენარჩუნებინოთ ის სათუთი და უმშვენიერესი გრძობა, რომელსაც ტრფობა ჰქვია, ცოლ-ქმრული სიამტკბილობა ჰქვია, ერთმანეთის პატივისცემა, ერთმანეთის გაფრთხილება, ჭირსა და ლხინში ერთად ყოფნა და ერთად დგომა ჰქვია!.. თქვენი თამაღობით, ძვირფასო გიზელა და ძვირფასო გუნთერ, ზოგადად ვიტყვი: გვიყვარდეს ერთმანეთი!..

ნეფე-დედოფალს სამადლობელის თქმა არც უფიქრიათ, როგორც კი დამკვერელებმა თავიანთ საქმიანობა განაახლეს, მაშინვე განაგრძეს ერთად ცეკვა.

ბატონ თამადას მორიგი სადღეგრძელო სწორედ ნეფე-დედოფლის ხელისმომკიდებებსა და, ზოგადად, მეგობარ ამხანაგებს მიეძღვნა; დალოცვისა და კეთილი სურვილების გამოთქმის შემდეგ თამადამ განაგრძო:

– ეს ახალი თაობა რომ წამოვიდა, იმათ ვუთხრათ – ბედნიერები იყავით! გზა ხსნილი გაქვთ, დანარჩენი თქვენზეა დამოკიდებული – დიდი არჩევანი გაქვთ! ჩვენ, ჩემმა თაობამ, თქვენი დედებისა და მამების თაობამ, ვიპოვეთ ჩვენი ბედნიერების გასაღები: ეს არის სიკეთის თესვა, სიკეთის ქმნა! ფასეულია ჩვენს მიერ შექმნილი თუ არ არის ფასეული – ამას ჩვენ არ ვუყურებდით, ჩვენთვის რაღაცას ვხაზობდით, ჰოდა, ჩვენი ნაღვაწი თუ ვიღაცას მოეწონება, ძალიან კარგი, თუ არ მოეწონება და, რას იზამ, არც მაგის გამო მოვიკლავთ თავს – ყველასთვის მოსაწონი ღმერთმაც ვერ გააკეთა... მთავარია, სიკეთე თესო... გისურვებთ, თქვენ ჩვენზე ბევრად მეტი შეძლოთ და ღმერთმა იმის განსჯის უნარი მოგცეთ, რომ კარგი და ცუდი ერთმანეთისგან განასხვავოთ. ეს არც ისე იოლია, ამას წლები სჭირდება, სიბრძნე სჭირდება, ცხოვრებისეული გამოცდილება სჭირდება... ძალიან ბევრი ახალგაზრდა გვიან ხვდება ამას, დროს ფუჭად ჰკარგავს და მერე კი უკვე ახალს ვედარაფერს ჰქმნის... წარმატებას გისურვებთ, ჩვენი – მშობლების და, ზოგადად, წინაპრების, – დაფასება ისწავლეთ... ბევრი გავაკეთეთ თუ ცოტა გავაკეთეთ, ამას არ აქვს მნიშვნელობა – ჩვენ ჩვენი ვეცადეთ, რაც შეგვეძლო, თავი არ დაგვიზოგავს...

თამადას, ეტყობა, ღვინო მოეკიდა და სადღეგრძელოს დამთავრებას თავი ვერაფრით მოაბა; ხალხი აღარ უსმენდა და მომღერალ-მუსიკოსებმა დაკვრა დაიწყეს... ამჯერად დედოფალი მამამისთან ცეკვაგდა, ნეფე კი დედოფლის ხელის მომკიდე ქალიშვილთან. და ამ დროს ხალხისიანად მოცეკვავე ნეფესთან მივიდა ვიღაც შავებში გამოწყობილი, დაბლვერილი, დაბალ-დაბალი, გაუპარსავი ახალგაზრდა, რაღაც ორიოდ სიტყვა უთხრა, რომელიც, დამკვერელთა თავგამოდების და ხმის გამაძლიერებლების წყალობით, მხოლოდ ადრესატმა გაიგონა, ჯიბიდან ამოიღო პისტოლეტი და პირდაპირ ნეფეს ესროლა. ამ დროს ნეფეს გვერდით მისი ბიძა ცეკვაგდა თავის მეუღლესთან ერთად, თავიდანვე თვალი ჰკიდა, რომ რაღაც გაუგებრობა მწიფდებოდა, როგორც მოაწრო და ძმიშვილს წინ აეფარა... როცა დაჭრილი წაიქცა, მომხდურმა ისევ რამდენჯერმე ესროლა ნეფეს...

ქალთა წივილ-კივილში (დამკვერელნი ერთხანს ისევ იჭაჭებოდნენ) თავდამსხმელი გაიქცა და დარბაზიდან დაუბრკოლებლად გაგარდა.

სასწრაფო დახმარების მანქანის მოსვლას აღარ დაუცადეს და დაჭრილები მაშინვე უახლოეს საავადმყოფოში გააქანეს, თუმცა, როგორც გაირკვა, თავდამსხმელმა ერთ-ერთი ტყვია ნეფეს პირდაპირ გულში მოარტყა, ბიძა კი მძიმედ იყო დაჭრილი...

ხალხი ყაყანებს... ნეფე და მისი მეკვლევი თურმე ბავშვობის მეგობრები იყვნენ. რატომ არ დაჰპატიჟა ნეფემ უახლოესი მეგობარი საკუთარ ქორწილში? როგორც ამბობდნენ, ნეფეს და მის მეგობარს ერთი ქალიშვილი უყვარდათ...

წარმოუდგენელ აურზაურში თითებმა მოახერხეს გარეთ მშვიდობით გამოდევნა; ბობღვით, ბობღვით, ჩქარა, ჩქარა – რაც შეიძლება მალე უნდა გაეცალონ “ედემის ბაღს”!..

თითები ბჭობენ:

– ნეტავ რამ გამოიწვია ასეთი სასტიკი შურისძიება? – კითხულობს მარცხენა. – თითქმის დღე არ გავა, რომ ქალაქში მეკვლელობა არ მოხდეს, განსაკუთრებით, ახალგაზრდები არ ინდობენ ერთმანეთს, ზოგჯერ სულ უბრალო რამეზე სასიკვდილოდ იმეტებენ ამხანაგ-მეგობარსაც და სრულიად უცნობ პირსაც...

– ქვეყანაში უსამართლობაა გამეფებული, ახალგაზრდები ირგვლივ გაუტანლობასა და ძალადობას ხედავენ... როცა ასეთი საერთო ატმოსფეროა, ასეთი განწყობა, ცეცხლზე კიდევ ნავთის შესხმა რაღა საჭიროა – სატელევიზიო არხები რაღამ გადარია? არცერთ ასეთ ტრავიკულ შემთხვევას გაუშუქებელს არ ტოვებენ, ერთმანეთს ეჯიბრებიან, რომელი უფრო მეტად სისხლიან, ამაზრუნ კადრებს უჩვენებს... ასევე, დიდ დროს უთმობენ არაფრის მთქმელ, უაზრო, სრულიად უსარგებლო ან ხშირად – მავნე ვაი-ინფორმაციებს... მაგალითად, ამას წინათ “გვახარეს”, რომ ფინეთში გაიმართა ნუდისტთა გარბენა, ხოლო ლონდონსა და მექსიკოში შიშველმა ველოსიპედისტებმა გარბენა მოაწყვეს ქუჩებში და, ტელეარხებმა, რა თქმა უნდა, შესაბამისი ვიდეომასალაც დაურთეს... ალბათ უპრინია, საინფორმაციო გამოშვებებსაც წინ წაუშმდვარონ გაფრთხილება, რომ 18 წლის ასაკის მაყურებელთათვის მათი ნახვა არ შეიძლება. საინფორმაციო გადაცემებს იწყებენ იმით, თუ სად რა ტე-

რორისტული აქტი, აფეთქება, ესა თუ ის კატასტროფა მოხდა, გადაცემის ბოლოში კი, გემრიელ ჩაროზად – არ გამოჩნებათ უჩვენებელი, თუ სადმე ჰომოსექსუალისტთა ხალხმრავალი “პარადი” გაიმართა, თითქმის ყოველდღე ვიგებთ რომელიმე ჰოლივუდელი კინოვარსკვლავი რა მორიგ სკანდალში გაეხვია, ან რამდენ მილიონ დოლარს მიიღებს მორიგ უზარმაზარბიუჯეტო ფილმში მონაწილეობისთვის, ან მერამდენედ გათხოვდა, ან რა ფასად იყიდა იშვიათი ჯიშის ძაღლის ლეკვი... მილანოში, პარიზში, ლონდონში, ნიუ იორკში ან სხვაგან სახელგანთქმული სამოდელო სახლეების ახალი კოლექციების ჩვენება გაიმართა... მაგანი ფეხბურთელის ტრანსფერი 20, 30 და მეტი მილიონი ევრო დაჯდა... თითქოს მსოფლიოში ხელოვნების, კულტურის, მეცნიერებისა და სხვა სფეროებში ამაზე მნიშვნელოვანი მოვლენები არაფერი მომხდარა!

– აბა, სერიოზული ამბების გადამიკიდე გულდამძიმებულ მაცურებელს ცოტა გართობის საშუალება არ უნდა მისცე?

– დებილებს დოღია!

– ჭეშმარიტად!

კარი IX.

რას ერჩი საკუთარ თავს, შე უბედურო?!.

(Con amarezza, მწუხარებით);

მოსმენები და დასმენები

(Con collera, ბრაზიანად, სასტიკად);

დაჭერები (Ansioso, მღელვარებით, შეშფოთებით)

აუჰ, რა ვნებათაღელვა გადაიტანეს თითებმა, ახლა ერთ მყუდრო კუნჭულს უნდა მიაგონ, ცოტა დამშვიდდნენ, დაისვენონ... თუმცა, როგორც თითები საკუთარ ტყავზე დარწმუნდნენ, ამ დალოცვილ ქვეყანაში სიმყუდროვე სასაფლაოზეც ძნელი მოსაძებნია...

უკვე საკმაოდ გვიანი იყო და ლამპიონებით განათებული ქუჩა უკაცრიელი ჩანდა, მხოლოდ იშვიათად თუ გაივლიდა ავტომანქანა. ეს ერთი მაინც იყო სასიხარულო, ხიფათი ჯერჯერობით არსად ეშუქებოდათ. უკვე საკმაოდ დაღეული მთვარე დასცქეროდათ და თითქოს თითებს იმედს უღვივებდა: “გპირდებით: ცოტა ხანს წვიმას გადაურჩებით, ამ ამჯერად გაჩირადდნებული ქუჩების იმედად ნუ იქნებით, შეიძლება, უცებ უკუნი ჩამოწვეს, მე კი მალე სულ მთლად დავიღვევი და გზას ვედარ გაგინათებთ, იჩქარეთ სამშვიდობოს გაღწევით”.

მიბობდავდნენ, მიბობდავდნენ და – ბედი არ გინდა? სიწყნარისა და სიმშვიდის მაძიებლები ისევ კრაზანების აფორიაქებულ ბუდესავით აფუთფუთებულ-აჩოჩქოლებულ ბრბოს არ გადაეყარნენ? ოღონდ ამჯერად – ქუჩაში... ნაწილი შილიფად ჩაცმული ადამიანებისა მომცრო ეზოშიც იყო შესული, ვინც კი დაეტიას; ყველანი კისრებს იგრძელებდნენ, უთავბოლოდ ყაყანებდნენ და მეორე სართულზე გაღებულ, განათებულ ფანჯარას მისჩერებოდნენ...

გაჩირადდნებულ ოთახში ფრიად უცნაური რამ ხდებოდა: ვიღაც შუახნის, გამხდარი კაცი მაგიდაზე ამძვრალა და ჭადის დასამაგრებელ კაუჭზე გამობმული თოკის ყულფში თავი გაუყვია – და დგას ასე...

ეტყობა, ოთახის ჩაკეტილ კარს გარედან შესამტვრევად ეჯავჯვურებოდნენ, თან თვითმკვლელობის მოსურნეს რაღაცას ეუბნებოდნენ, ის კი გაწვრილებული ხმით ისტერიულად გაჰყვიროდა:

– დამანებეთ თავი!.. არ გაბედოთ, არ შემოხვიდეთ!.. ახლოს არ მომეკაროთ, თორემ გადმოვხტები მაგიდიდან!..

ზოგიერთი ეზოდანაც უყვიროდნენ, ცდილობდნენ მის დამშვიდებას...

ოჯახის წევრები უკიდურესად შეშფოთებულნი ჩანდნენ: ცოლი და ორი მოზრდილი ქალიშვილი ტირილით მოსთქვამდნენ, ვაჟი კი ენაგადაყლაპულივით იდგა და გაშტერებული, გაოგნებული მისჩერებოდა ფანჯარაში გამოჩენილ სურათს, თითქოს რომელიღაც კინოფილმის კადრს უყურებდა და არაფრით სურდა დაჯერება იმისა, რომ, ვისაც ყულფში თავგაყოფილს ხედავდა, სწორედ მამამისი იყო და არა სხვა ვინმე...

გაჩირადდნებული ჭადი, მაგიდაზე ამძვრალი კაცის მუქხალათიანი, განათებული ფიგურა იკვანწება და მისი ჩრდილი კედლებზე დახტის...

აფუთფუთებული ეზო და ერთ გაბმულ ზუზუნად აღქმული გაუთავებელი, უთავბოლო ყაყანი...

რა მოხდა?

თვითმკვლელობის მცდელობა...

თავის დროზე ამ საბრალოს სესხი გამოუტანია ბანკიდან; უზომო ოფიციალურ და არაოფიციალურ გადასახადებს კიდევ როგორმე გაუძლებდა, მაგრამ საქმე მთლად კარგად ვერ წაუვიდა და,

რაც მთავარია, საარჩევნო კამპანიის ჩასატარებლად მმართველი პარტიის “ცივ-ცივი ლუდისა და ცხელ-ცხელი ხინკლების ჭეშმარიტ ტრფიალთა დემოკრატიული კავშირის” მიერ მიგზავნილმა ხალხმა მუქართა და დაშინებით იმდენი ფული გამოსძალა, რომ მის მიერ დაარსებული ფირმა საბოლოოდ გაკოტრდა და კაცი ვალებში ჩაეფლო, საბანკო პროცენტებსაც ვეღარ იხდის... შვილების სწავლის გადასახადს ვინ ჩივის, მთელი ოჯახი ღამის შიმშილობს და ახლა კი გაჭირვების უკიდურეს მიჯნასაც მიაღწია: უნდა გაუყიდონ გირაოდ ჩადებული საცხოვრებელი სახლი, რომლის აშენებასაც ნახევარი ცხოვრება შეაღია...

ცოლი ტირილით უყვება შემოჯარულ მეზობელ ქალებს, რომლებიც ცდილობენ მის დამშვიდებას: ქმარი ერთი კვირაა, ცდილობს, ფული ისესხოს მეგობრებში – უსარგებლო და უშედეგო საუბრები ტელეფონით, – ახლა ყველა გაჭირვებულ დღეშია, – არადა, ბანკი საცოდავ ოჯახის უფროსს დანას ყელზე უბჯენს: “ვალი სასწრაფოდ გადაიხადე!.. თავისი პროცენტებით!.. ერთხელ გაპატიეთ, გადაგივადეთ, ახლა კი იძულებული გაგხდით, გეჩივლა”... და სასამართლოს დადგენილებით ხვალ სააღმსრულებლო ბიუროს თანამშრომლებმა ოჯახს ბინა უნდა ძალით დააცლევინონ და აუქციონზე გაყიდონ...

ქუჩაში გამოგდებული ოჯახი სად უნდა წავიდეს? არსაით ჩანს საშველი!

თურმე შუაღამეს გაღვიძებულმა ცოლმა ქმარი მოისაკლისა; როცა იგი არა და არ გამოჩნდა, წამოდგა, ეძება და ზალაში ჩაკეტილს მიაკვლია...

სასოწარკვეთილი კაცი ხეწნა-მუდარას არ უსმენდა და ცოლს კარს არ უღებდა...

როცა გადაჭრით მიიღო უარი, შეშინებულმა და შეძრწუნებულმა ცოლმა შვილებს დაუძახა...

შვილებმა კარის შემტვრევა სცადეს, მაგრამ ისინი მამის განწირულმა ყვირილმა გააჩერა: “არ შემოხვიდეთ, თორემ თავს არ ვიცოცხლებ”...

მცირეოდენი ჩოჩქოლის შემდეგ ყველანი გარეთ გავარდნენ – საშველად მეზობლებს მოუხმეს.

მაშინვე პოლიციასაც შეატყობინეს, სახანძრო დაცვასაც, მაგრამ სანამ ისინი გამოჩნდებიან, შეიძლება, უბედურებამ არ დაახანოს...

გახშირდა, ძალიან გახშირდა თვითმკვლელობები – გასაჭირით, უმუშევრობით, უიმედობით მოცულ ქალაქში...

მარჯვენა ადგილზე ვერ ისვენებს:

– უბედურს უნდა ვუშველოთ!

მარცხენა მარჯვენას ეჩხუბება:

– როგორ და რანაირად, სად მიძვრები, გაგიჟდი? რომელი გმირთა გმირი შენ გამომიჩნდი, რას ეტყენები, დაეტყე შენს ქერქში ან რა შენი საქმეა სხვისი გადარჩენა? ბოლოს და ბოლოს, საკუთარი თავის პატრონი თვითონ არის, მან თვითონ გადაწყვიტა, როგორ უნდა მოიქცეს! ჩვენს დალოცვილ ქვეყანაში ყოველდღე რამდენი გაუბედურებული და იმედგადაწურული კაცი თუ ქალი საკუთარი ნებით ისწრაფავს სიცოცხლეს – ამ მაჩვენებლით მოწინავენი ვართ მსოფლიოში! – და რომელ ერთს უნდა უშველო?

კაცი ისევ განწირული ხმით იმუქრება, ჩემთან მოახლოება არ გაბედოთ, თორემ მაშინვე მაგიდიდან გადავხტებიო.

– შენსავით ასე გულგრილად სადამდე ვუყურო? – ძმას პასუხობს მარჯვენა. – ხომ ხედავ, ჩვენს მეტი, მისი მშველელი არავინაა, მე მაინც ვეცდები და თუ შენც წამომყვები...

– არა, მე აქ დავრჩები, ჩვენ ორს უფრო შეგვაძინებენ...

“კარგი, მაშინ მარტო შენ წადი საშველად”, – უნდოდა ძმისთვის განგებ ეთქვა მარჯვენას, მაგრამ პაექრობის დრო აღარ იყო და სასწრაფოდ გაეშურა საკუთარი გადაწყვეტილების აღსასრულებლად.

მარჯვენა მტევანი შეუმჩნევლად მიბობდა სახლთან; კიდევ კარგი, სახლი აგურისა იყო და კი გაუჭირდა, მაგრამ მაინც შეძლო და ნელ-ნელა მადლა აძვრა, მეორე სართულზე ააღწია, გაღებული ფანჯრიდან ოთახშიც გადაძვრა...

კარს გარედან ისევ ეჯახგურებიან, ეზოდან კი ცდილობენ, კაცის ყურადღება მიიქციონ; რუპორით უყვრიან: ამუნათებენ, შეაგონებენ, ვაჟაცობას მოაგონებენ, რაღაცას ახსენებენ, რაღაცას ჰპირდებიან...

გაოგნებულმა, თავგზააბნეულმა კაცმა აღარ იცის, რა უნდა ჰქნას...

და როცა ეს-ესაა კარს შემომტვრევენ, ყულფში თავგაყოფილი კაცი ისევ განწირულად ჰყვირის...

კარი შემომტვრიეს, იმავდროულად – კაცი გადმოხტა მაგიდიდან, თუმცა, მისი სიმძიმისგან ჭერზე მიმაგრებული კაუჭი მოძვრა, კაცი ჭადთან ერთად ცივ იატაკზე დაენარცხა და წაიქცა, ხელი იღრძო...

ტკივილით გამწარებულმა კაცმა მორთო ყვირილი:

– მიშველეთ!.. მგონი, ხელი მოვიტეხე!.. რაღა მეშველება!..

მარჯვენა გაღებულ კარში გამოვარდა ოთახიდან, კიბეზე კისრისტეხით დაეშვა და ეზოში მარცხენასთან გაჩნდა.

– ბიჭო, შეხედე, საპატრულო პოლიცია მოგრიადლა, მას მოჰყვა სახანძროსა და სასწრაფო დახმარების მანქანები, საჩქაროდ მოვუსვიათ ბაყაყური! – შეშფოთდა მარცხენა.

– სირენების ღრიალი რომ გაიგონა, იმ საწყალს ნერვებმა უმტყუნა!

მარჯვენა და მარცხენა უკვე კარგა მოცილებულნი იყვნენ შემთხვევის ადგილს, როცა მარცხენამ მარჯვენა შეაქო:

– ყოჩაღ, დროზე მოახერხე იმ საცოდავის შევლა!

– ჰო, შენი დახმარებით! – დაცინვით უპასუხა მარჯვენამ. – მე რას ვუშეგელიდი, მაგიდაზე ასვლა ვერაფრით შეეძელი, ძალიან ვიწვალე, იმ ოხერს ნამეტანი გლუვი ფეხები ჰქონდა... სახლის კედელზე აძრომა მოვახერხე და იქ კი – ვერა!

– აბა?

– ეტყობა, ჭადი სუსტად იყო დამაგრებული ჭერში, როცა ის უბედური გადმოხტა, კაუჭმა კაცი-სა და ჭადის სიმძიმეს ვეღარ გაუძლო და მოწყდა ჭერს, მე მაგიდის ქვეშ შეძრომა მოვასწარი... კიდევ კარგი, ჩამოვარდნილი ჭადი იმ უბედურს არ დაეცა, – მიიმე, დიდი ჭადი იყო, ბროლი სულ ნაწილ-ნაწილ დაიმსხვრა!

– ეგ უნდოდა კიდევ იმ საცოდავს – ზარალს ზარალი მიემატა!

– ჰო, ძვირფასი ჭადი იყო, ანტიკვარული; ეტყობა, წინათ ოჯახი შეძლებულად ცხოვრობდა, ამ ახალ დროებას კი ფეხი ვერ აუწყო!

– ოჯახის ნორმალური ცხოვრებაც იმ ჭადივით უცებ დაიმსხვრა!

მარჯვენა და მარცხენა დამძიმებული გულით ისევ და ისევ ერთ კითხვას ეჭიდავებიან: ახლა საით უნდა გასწიონ?

– სად ან როგორ უნდა დავიმალეთ? – ჩივის მარცხენა. – სასაფლაოს გარდა, ყველგან სათვალთვალ და მოსასმენი აპარატურაა დაყენებული: ქუჩაში, სასაუზმეში, ყოველგვარ ტრანსპორტში, თეატრში, აბანოში, მაღაზიაში...

– ალბათ – საკონცერტო დარბაზშიც! სწორედ იქაური სათვალთვალ კამერების ჩანაწერებით ექნებათ მოპოვებული ჩვენი გამოსახულებები, გაამრავლებდნენ და იმით დაგვიწყებდნენ ძებნას!

– ვითომ ჩვენთვის სცალიათ? რომელი დამნაშავეები ჩვენ ვართ! ერთ-ორს კი გავეხუმრეთ, შენ კი თვით ბატონ პრეზიდენტის განაწყენება შესძელი...

– ვერავის ენდობიან, ყველასი ეშინიათ, ყველასი! ლამის არის, ყველა ბინაში ფარულად დამონტაჟებული სათვალთვალ კამერების მზრუნველობით აღსავსე მზერით იყოს გარემოცული ყოველი მოქალაქე, მისი პირადი ცხოვრების ყოველი წვრილმანი არ რჩებოდეს ყურადღების მიღმა, ჰოდა, ბარემ იმ უბედურის სახლშიც დაეყენებინათ! უამრავი ადამიანიც რამდენ დავიღარაბას და ნერვების წეწვას გადაურჩებოდა!

– ხუმრობის ხასიათზე ხარ?

– ეჰ, ჩემო ძმაო, ძალიან, ძალიან მიმიე სურათი ვიხილეთ და ცოტა განმუხტვა არ გვაწყენს... – ამოიოხრა მარჯვენამ. – კიდევ რას გეტყვი, იცი? ოღონდ ამაზეც არ ამიხირდე... მისმინე: ჩვენ ახლა ჩვენი ბრწყინვალე პრეზიდენტის ფრიდრიხ ვილჰელმ შატაბუტა-ტარულაშვილის ბრწყინვალე მელოტის დასაფარავი ბრწყინვალე პარიკი რომ გქონდეს, ბრწყინვალედ შევინიღებოდით და ბრწყინვალედ დავიცავდით თავს ავი თვალის ბრწყინვალე თვალთვალისგან!.. თქვენო ბრწყინვალეებავ, ხომ მეთანხმებით?

– თუ მაინცდამაინც გინდა, ყოველთვის და ყველაფერში უსიტყვოდ ბრწყინვალედ დავეთანხმო, კი, ბატონო, უბრწყინვალესად მართალი ბრძანდები!

– “ბრწყინვალედ”, “უბრწყინვალესად”, დამცინი? რა საჭიროა ამგვარი სარკაზმი?

– შენ ყოველ ფეხის ნაბიჯზე აბუნად მიგდებ, თრგუნავ ჩემს ნებას, სულ შენს დაკრულზე უნდა ვიცეკვო და მე ხმის ამოდების უფლებასაც აღარ მაძლევ?

– კარგი რა! ვინმემ რომ ჩვენი საუბარი მოისმინოს, ეგონება, ძმები კი არა, დანასისხლად გადაკიდებული ბრწყინვალე მტრები არიანო!

– არ არის გამორიცხული, რომ ჩვენს ტკბილ საუბარს მართლაც ისმენენ... – დამფრთხალმა მიიხედ-მოიხედა მარცხენამ. – ბოდიში, შენებურად რომ ვთქვა, – ჩვენს ბრწყინვალე საუბარს. ჩვენ ხომ არავითარ საფრთხეს არ წარმოვადგენთ არავისთვის და მაინც გვეძებენ; იქნებ მათთვის ბევრად ძვირფასი პარიკის ძებნაც არის გამოცხადებული? რად უნდათ ამგვარი ტოტალური თვალთვალი, მოსმენა, დასმენებისკენ მოწოდება, ავადმყოფური ცნობისმოყვარეობა ხომ არ აწუხებთ?

– ყველამ ნაპირალამ ისწავლა, რომ, შეძლებისდაგვარად, რაც შეიძლება მეტი ინფორმაციის ქონა – ეს არის აუცილებელი, რათა გქონდეს ფული, გავლენა, შეძლო ძალაუფლების შენარჩუნება... ამიტომ სურს და ყოველნაირად ცდილობს ფრიდრიხ ვილჰელმ შატაბუტა-ტარულაშვილი, რომ ყველას შესახებ ყველაფერი ბრწყინვალედ იცოდეს და ყველანი საკუთარ ბრწყინვალე მუჭში ჰყავდეს

მომწვევდელი, რა თქმა უნდა, ბრწყინვალედ... სურს, მთელ ქვეყანაში დაბეზღება ცხოვრების სტილად აქციოს – უკვე სკოლის ასაკიდან დაიწყოს ამ მიმართულებით მიზანმიმართული “აღზრდის” პროცესი... რაც მეტი ხალხი იქნება მოსყიდული და დანაშაულში ჩათრეული, მით მეტი დაირაზმება აწ უკვე მოფაჩვადებული რეჟიმის შესანარჩუნებლად. გარდა ამისა, აუცილებლად მიაჩნია საყოველთაო შიშის დანერგვა და ადამიანთა თავისუფალი ნების მოსპობა – თვითონ ბრწყინვალე ტერორისტიცაა! ატერორებს ყველას და ყველაფერს: პოლიტიკურ მოწინააღმდეგეებს, თავისუფალ აზრს, ფულიან ხალხს – მეწარმეებს, ბანკირებს... ყველა ბრწყინვალედ დაშინებული უნდა ჰყავდეს, რათა საკუთარ ბრწყინვალე დუღუკზე ბრწყინვალედ აცეკვოს, ბრწყინვალე ძარცვა-წართმევაზე ხმა არავინ ამოიღოს, პოლიტიკურ ასპარეზზე მისი მონოპოლიური ბრწყინვალე პარპაშისთვის წინააღმდეგობის გაწევა ფიქრადაც ვერავინ გაიფლოს... და, რაც მთავარია, იმიტომ სურს, რომ ყველა ბრწყინვალედ დათრგუნული იყოს, იმიტომაც არის ესოდენ სასტიკი, რომ თვითონ ძალიან, ძალიან მშიშარაა!

– ბარემ გეთქვა, რომ ბრწყინვალედ მშიშარაა!

– მშიშრები, ხომ იცი, სასტიკები და მატყუარებიც არიან; შატაბუტა ბრწყინვალე მატყუარაცაა: სიტყვით – ერთია, საქმით – სულ სხვა!

– მე კი უბრალოდ მშიშარა ვარ და გთხოვ, მასეთ საშიშ ლაპარაკს შეეშვა! და – ამდენ სიტყვების ბრწყინვალე რახარუხსაც! მე მეონი, შენ გადაჭარბებული წარმოდგენა გაქვს საკუთარ თავზე და გგონია, რომ მთელი ქვეყნის პოლიციას შენი დევნის თუ დაჭერის მეტი საქმე არ აქვს!

– ეს შენ არ ბრძანე ახლა, მშიშარა გახლავარო? მე კიდევ შენი ძმა ვარ, რამ გაგვეყო! ესე იგი, შენი ღლოციკით, უნდა დავასკენათ, რომ მეც მშიშარა ვყოფილვარ!

– ისევ დამცინი? – გაიბღუზა მარცხენა. – დასაცინო თავი თვითონ გაბია! გაგიმეორებ: რატომ გგონია, რომ ყველაზე მაგარი ხარ, ვერავინ დაგიჭერს?! რომ იშვირე ფეხი და ფეთიანივით მიატოვე მშვენიერი საკონცერტო დარბაზი, რას გარბოდი, რატომ გაიხადე თავი დასაჭერად? მერამდენედ გეკითხები: რატომ აიტკივე აუტკივებელი თავი? გამეცი პასუხი!

– შენ ის მითხარი: რატომ გიკვირს, რომ მაგარი ვარ? – აგღებულად მიუგო მარჯვენამ. – ხომ ხედავ, აქამდე თავისუფლად დავსეირნობთ!

– ჰი-ჰი-ჰი, არ გამაცინო! სულ რომ ვიმაღლებით, ყოველ წუთს რომ დაჭერის შიშით ვკანკალებთ, ამას გულისხმობ? ამასაც თუ თავისუფლად სეირნობა ჰქვია! ისევ გეკითხები: ჩვენ ჩვენთვის ვართ, არავის საქმეში არ ვეჩრებით, ჩვენს რამდენიმე უწყინარ ხუმრობას თუ არ ჩავთვლით, არავისთვის არაფერი დაგვიშავებია და მითხარი, რატომ უნდა დაგვედგინენ დასაჭერად?

– თუ შატაბიტა-ტარუდაშვილისა და მისი მმართველი პარტიის “ცივ-ცივი ლუდისა და ცხელ-ცხელი ხინკალის ჭემმარიტ ტრფიალთა დემოკრატიული კავშირი” დევიზს გავითვალისწინებთ, – “ვინც ჩვენთან არ არის, ჩვენი მტერია!” – პასუხი მარტივია. ამიტომაც არ ვეპიტნავებით და ხიფათი მართლაც გველის... ჰოდა, ჩემი და შენი კი არა, ამათთვის ნებისმიერი არასასურველი პიროვნების დაჭერაზე ადვილი რა არის! ანგელოზივით უცოდველი რომ იყოს, მოწმენდილ ცაზე საავდროდ მოქუფრულ ღრუბლებს და ჭექა-ქუხილს გაუშანშალებ: მოუწყობ სააგტომობილო ავარიას – “შესაბამისი” შედეგით, ან დააბრალებ ხანძრის მოწყობას, იარაღის უკანონო შენახვას, ნარკოტიკებით ფარულ ვაჭრობას და ათას სხვა უბედურებას... თუ უცებ და იოლად გინდა ამ საკითხის უმტკივნეულოდ მოგვარება – რესტორანში, ან თუნდაც ქუჩაში, ჩხუბის ატეხვას რა დიდი რამე უნდა: გემრიელ ბრადლებას ჩამოვარდნილ მწიფე მსხალივით პირდაპირ ხელით დაიჭერ და მაშინვე დააგემოვნებ: “ბოროტი ხულიგნობა საზოგადოებრივი თავშეყრის ადგილას! შენ, ყმაწვილო, შესაბამის დაწესებულებაში სტუმრობა ნამდვილად გამოგაფხიზლებს, დაგაფიქრებს და სწორ გზაზე დაგაყენებს, – ისეთი სადი თვალებით დაინახავ ყველაფერს, როგორც საჭიროა!”.

– ბარაქალა, ბარაქალა! – დაცინვით და თანაც დაუფარავი შეშფოთებით წამოიძახა მარცხენამ, – ბრწყინვალე წარმოსახვა გაქვს და ბრწყინვალედ ახერხებ ჩემს კიდევ უფრო ბრწყინვალედ შეშინებას!..

ამასობაში ირიჟრაჟა კიდევც და სულ მალე მზის ბრწყინვალე, მხიარული თვალიც ამოგორდა!

– ახლა საით? – ტრადიციული კითხვა დასვა მარცხენამ.

– თუ გინდა, დაჭერას და ციხეში მოყუნებას გადავურჩეთ, ერთ რასმე შემოვთავაზებ და შენ შენებურად ნუღარ შეიცხადებ, კარგი? – შესთავაზა მარჯვენამ.

– ჰო, წინასწარ ვიცი, რომ რაღაც ბრწყინვალე საშინელება თუ არა, ფრიად უცნაური წინადადება მაინც გამოცხვა შენს ბრწყინვალე გოგრაში. აბა, ამოშაქრე, დროულად გამახარე!

– სიტყვა “ბრწყინვალე” სახუმაროდ ვიხმარე, შენ კი ჩემს გასაბიბრებლად იყენებ, დაანებე რა თავი! შენზე მეტი გონება რომ მაქვს, ცხადზე ცხადია და ვერც შენ შემომედევები...

– ჰო, კარგი, ამოშაქრე ახლა შენი... ბოლიში, კინაღამ “ბრწყინვალე” წამომცდა, შენი უებრო წინადადება, რას მთავაზობ?

– სად ვიქნებით ყველაზე უსაფრთხოდ?.. ციხეში შეგებრეთ!

– შენ უებროდ გააფრინე, აი! – შეიცხადა მარცხენამ. – შატაბუტა-ტარულიშვილის სასახლეშიც სრულიად უსაფრთხო გარემოში ვიყავით, მაგრამ დაგავიწყდა, რა ბრწყინვალე... ბოდიში, რა უებრო ცუდლუტობა წამოიწვევ? ძლივს გადავრჩით!

– რა ვქნა ძმაო, ხუმრობის ჭია მარად მყავს შეჩენილი და ხშირად უებრო ქმედებებისკენ მიბიძგებს...

– ისევ დამცინი? ახლა ეს სიტყვა “უებრო” ისევ ჩემს ჯინაზე ამოიჩემე...

– ვაჰ, რა ვქნა აღარ ვიცი... თუ გინდა, სულ ჩაგიკმენდ ხმას. პასუხი მოკლედ მომახსენე: მარტო გინდა დარჩე თუ ჩემს წინადადებას იზიარებ და გამომყვები?

– შენ, ძმაო, ჩემზე ფხუკიანი ყოფილხარ! – წამოიძახა მარცხენამ. – გამოგყვები, აბა, სად ჯანდაბაში წავალ მარტოდმარტო? ოღონდ ეს მიბრძანე, თქვენო ბრწყინვალე... ბოდიში, უებროება... უჰ, კიდევ და კიდევ ბოდიში, ჩემო ძმაო და მეგობარო, რა დაგვრჩენია იმ ბრწყინვალე სასჯელად-სრულებით დაწესებულებაში, როგორც სიყვარულითა და მოწიწებით თავაზიანად უწოდებენ ჩვეულებრივ ციხეს? და მეორე კითხვასაც თუ გაცემ დამაკმაყოფილებელ პასუხს, შენი საუკუნოდ მადლიერი დავრჩები: როგორ და რანაირად აპირებ შენი... შენი შესანიშნავი ჩანაფიქრის განხორციელებას?

კარი X.

ციხეში მხიარულად ვატარებთ დროს! (Confusamente, შეშფოთებით)

როგორ უნდა მოხდნენ საკანში?

მარჯვენამ შესთავაზა მარცხენას – შემძვრალიყვენ ერთ-ერთი ფორმიანი კაცის ჩანთაში, რომელიც ის-ის იყო, შენობაში შესვლას აპირებდა, – იქ მათი უსაფრთხოება უზრუნველყოფილი იქნება!

– არა, ძმაო, პირდაპირ ყულფში მაყოფიებ თავს? – შეიცხადა მარცხენამ. – უკვე ვნახე ყულფგაყოფილი კაცი!

– ეჰ, ჯერჯერობით ვერაფერი შეგასმინე... – დამწუხრდა მარჯვენა. – მაშინ შენ აქ დარჩი და მე დაგზვერავ იქაურობას... აქ მომიცადე, იცოდე, არსად წახვიდე!.. ეგერ, ის მანქანა რომ დგას, ძვირფასი “ჯიპი”, იმის ქვეშ შეძვერი! მაგის პატრონი ახლა შევიდა ციხეში, ეტყობა, აქ მუშაობს და კარგა ხანს არ გამოვა!.. ჭკვიანად იყავი, აბა, წავედი! – და მარჯვენა მაშინვე გაეშურა ჩანთიანისკენ...

თურმე, ციხის ზედამხედველის ჩანთა ყოფილა; ეს ზედამხედველი მივიდა სამსახურში სამორიგეოდ, ჩანთა სამორიგეოში დატოვა.

მარცხენამ კი მყუდრო ადგილს მიაშურა – ძმამ რომ მანქანაზე მიუთითა, იმის ქვეშ მოკალათდა. აქ მართლაც უსაფრთხოდ გრძნობდა თავს, წაუძინა კიდევ...

უცებ საშინელმა გრიალმა გამოადვიდა და, შეშინებული, ხუთივე თითზე მყისიერად დადგა – გასაქცევად მოემზადა... წასვლა ვერსაით მოასწრო, – უცებ სინათლის ნიაღვარში მოექცა, – მანქანა წავიდა. მარცხენა სასწრაფოდ გადაბარგდა იქვე მდგომი სხვა ავტომანქანის ქვეშ...

“ვაჰ, რა ჩერჩვია ჩემი ძმა, – გაიფიქრა მარცხენამ, – რომელი ციხის რიგითი თანამშრომელი დაბრძანდება ასეთი ძვირფასი ავტომანქანით, ალბათ სამინისტროდან მოსული იყო ვიღაც... მეც არანაკლები სულელი ვარ, ძმას რომ დავუჯერე და აქ შემოვძვერი!.. ნეტავ რას აკეთებს ამდენ ხანს იქ?” – და კიდევ უამრავი სხვა კითხვაც არ ასვენებდა.

კიდევ რამდენჯერმე მოუწია მარცხენას ადგილის სასწრაფოდ შეცვლა – მანქანები ერთნი მიდიოდნენ და სხვანი მოდიოდნენ, მარჯვენა კი არა და არ ჩანდა...

უკვე სადამოსპირი იყო, როცა, როგორც იქნა, მარჯვენა მობობდა, თან პოლიციელის ფორმის ქულიც მოათრია.

– სადა ხარ, კაცო, დაკარგული! ვიფიქრე: რამე უბედურებას ხომ არ გადაეყარა-მეთქი... რა ამბები, რა ნახე? ეგ ფორმის ქული – საიდან? რა მოუსვენარი ხარ, როგორც ვატყობ, შენ სულ უფრო აიწვევიტე!

– მოიცა, ჯერ ამოსუნთქვის საშუალება მომეცი, ქულის შესახებ მოგვიანებით მოგახსენებ... იმდენი რამ გადავიტანე, განცდებით გადავიტვირთე... წინასწარი დაკავების საკანში მოგხვდი – შიმშილი, უექიმობა, ცემა-ტყეპა... ადამიანის უფლებების საყოველთაო უპატივცემულობა – სრული განუკითხაობა!

– მაინც, მაინც? დაწვრილებით მიაბზე.

მოუთმენლობით აღსაგსე მარცხენას უფროსმა ძმამ დაუკმაყოფილა ცნობისმოყვარეობა:

– ციხე... არა, ბოდიში, ციხეში კი არ ვიყავი, ამ შენობაში შინაგან საქმეთა სამმართველოა მოთავსებული და მის ქვედა ნაწილში, სარდაფში, არის წინასწარი დაკავების საკნები. შენობა ვითომ არც ისე დიდი ხნის აშენებულია, მაგრამ ბნელი კამერებია, უბედური ნესტიანი, როგორც გითხარი – სარდაფში... ბეტონის იატაკი და კედლები... სისხლით მოთხვრილი კედლები... მართალი გითხრა, წესიერი პატრონი საქონელს არ ამყოფებს ასეთ საშინელ პირობებში. ამ ნამდვილ დილეგში საერთოდ არ არის ონკანი, პირსაბანი; კუთხეში “თურქული” ტუალეტია (მოსაქმების შემდეგ ქალაქის არქონის კვალი კედელზე მრავალგზისაა აღბეჭდილი); იქ, ამ ფეხსაღატან მილია მიყვანილი და ხანდახან გამოუშვებენ წყალს, როცა მოეხასიათებათ და დაპატიმრებულებმა იქ უნდა ხელ-პირი დაიბანონ კიდევ, წყალიც დალიონ... თუმცა, რა დააღვინებთ! მხოლოდ შუაღამეზე გამოუშვებენ წყალს დიდი წნევით, მისი ჩხრიალი არ აძინებს ბიჭებს. დღე რომ ნახევრად სიბნელეში სხედან, დამე 500 სანთლიან ნათურას ჩართავენ... გაპარსვის საშუალება არ აქვთ, არიან წვერმოშვებულები... ნამდვილი წამების კამერა არის მოწყობილი! ვირთხები უბოდიშოდ დაშლივიანობდნენ... იქ, სადაც მე ვიყავი, რვა კვადრატული მეტრის ფართობის მქონე საკანში, ოთხი ბიჭია შეყრილი, საპროტესტო დემონსტრაციებში მონაწილეობისთვის დაკავებულნი; მეზობლად, სხვა საკნებშიც იგივე მდგომარეობაა. კუთხეში არსებულ ხვრელებში პლასტმასის ბოთლებს ჩურთავენ, მაგრამ ვირთხების შემოსვას მხოლოდ დროებით აჩერებენ – ერთ-ორ საათში ვირთხები გაღრღნიან და ძველებურად მოურიღებლად დასეირნობენ.

– ალბათ საშინელი სიბინძურეცაა...

– ნუღარ იტყვი! შმორის და საპირფარეოს საშინელი სუნით ყარს იქაურობა. ერთი თვე რომ ასეთ აუტანელ პირობებში გამოყოფებენ, გამორჩეულად ჯანიანიც კი შეიძლება, დაავადდეს. ეტყობა, არც სხვაგანაა უკეთესი მდგომარეობა. ციხეებშიც დაავადებების საშიში კერებია; როგორც ამბობენ, – და ამის საჯაროდ გაცხადებას თავს არიდებენ, – თვით ზედამხედველების საგრძნობი ნაწილი ავადაა ჰეპატიტით და ჭლექითაც კი...

– არ გამაგიჟო!

– წარმოიდგინე ახლა, თვით დაკავებულები რა დღეში იქნებიან. ისედაც დახუთულია ვიწრო საკანი და, ამ ჯურღმულის უფროსის ბრძანებით, ერთადერთი სარკმელიც დაკეტეს, სული უნდათ ამოხადონ; “თქვენ წესრიგს არღვევით”, – ბიჭები თურმე გაჰყვიროდნენ: “გაუმარჯოს თავისუფლებას!” – ეს ყოფილა მათი დიდი დანაშაული. წამების სხვა ხერხებიც აქვთ. როცა ამას წინათ მაგრად გაწვიმდა, სწორედ მაშინ გაუღია ერთ-ერთ ზედამხედველს ფანჯარა და წყალი თხრიშინით ასხამდა პირდაპირ საკანში. ეს ზედამხედველი განსაკუთრებული სისასტიკით გამოირჩევა, სულ მთვრალია. თურმე უბანში ურცხვად ტრახახობდა: “მეც ვცემე ის ბიჭები!”.

– ვინ იყო ის საღისტი?

– მისი სახელის გაგება განსაკუთრებით უნდოდათ ბიჭებს და ეს მოახერხეს კიდევ – ვინმე ადოლფ მამაძალაური ყოფილა.

– სულ ასეთი ჯალათები არიან?

– დმერთმა დაიფაროს! რა თქმა უნდა, მათში ფანატიკოსებიც გამოერევა, გამორჩეულად მხეცური მოქმედებით. ამ ადოლფ მამაძალაურის ოთხმოცი წლის ბაბუამ, როცა გაიგო მისი შვილიშვილის “გმირობის” ამბავი, დაწყევლა თურმე; რად ღირს ახლა მისი ცხოვრება, რამ უნდა გაახაროს? მაგრამ იხოლატორში ბევრი წესიერი ზედამხედველიცაა, არ არიან ცუდი განწყობით, ზოგიერთის დანახვა ოპოზიციის მიერ მოწყობილ მიტინგზეც არ გამიკვირდებოდა, რა თქმა უნდა, დამრბევ პოლიციელთა შორის კი არა! ბიჭებთან ურთიერთობას მაინც გაუბობდნენ. როცა ეკითხებოდნენ: “სახელი რა გქვია, რომ დაგიძახო?”, “დააკაუნე და მოვალ!”. თითქოს ბოდიშობდნენ: “რა ვქნათ, ბრძანებას ვასრულებთ”...

– ბოდიში დიდი შეღავათია!

– ჰო, ეგრეა... როცა ცოტა ხნის წინ გაწვიმდა, აცივდა და საბნები არ მიუციათ; მერე ერთი პლედი შემოაგდეს, ალბათ იფიქრეს, მისი დაუფლებისთვის ბიჭები ერთმანეთს დაერევიან... ბიჭები ექთნებს ემადლიერებიან, ყურდლებას არ გვაკლებენო, ექიმები კი არ მოდიან მათი მდგომარეობის სანახავად, ალბათ ეზარებათ ან იქნებ სხვა მიზეზითაც... სრული ინფორმაციული ვაკუუმი: არც – წიგნები, არც – ჟურნალ-გაზეთები; წაკითხვით იმ ნახევრად სიბნელეში მაინც რას წაკითხავ, მობილური ტელეფონები კი ყველას ჩამოართვეს, პირადობის მოწმობებთან ერთად... სხვა საკნებში მყოფებთან ურთიერთობას მაინც ახერხებენ: სიმღერით! ყოველდღე მღერაინ. “რატომ მღერით? ახია თქვენზე, სარკმელს ისევ არ გაგიღებთ!”, ბიჭებს რა გატყეს: “ჩვენ ხალხურ სიმღერებს მაინც ვიმღერებთ!”.

– რას მღერაინ?

– ჰიმნებს, საგალობლებს, უფრო – ხალხურ სიმღერებს... “შავლეგ, შენი შავი ჩოხა...”, “სამშობლო, სამშობლო, ჩემო ლამაზო!” და უამრავ სხვას. ერთმანეთს ხმას აწვიდნენ სიმღერით. ერთ ბიჭს დაბადების დღე მოუწია, სიმღერით მიულოცეს სხვა საკნებიდანაც. ის მუდამ მთვრალი პოლი-

ციელი აღოღო მამამაღლაური თურმე გაბრაზდა, გინებისა და მუქარის კორიანტელი დააყენა... მერე მოვარდა ციხის უფროსი: “მეგობრებო, ჩვენ ერთმანეთს უნდა გავუგოთ, უწესრიგობა დაუშვებელია!”; გამომვიდა რა წესრიგის და კანონიერების დამცველი! სხვა დროს ეს დირექტორი იარაღით შედიოდა საკანში: “ეს ჩემი ციხეა! – ვითომ ვინმე ართმევდა, თან ბიჭებს დაუფარავად დასცინოდა: – თქვენ მოხვდით ყველაზე კარგ წინასწარი დაკავების ადგილას! ჩვენ ახალი ძალა ვართ, ჩვენ თქვენს სამყაროს დავამარცხებთ!” – ეტყობა, არასრულფასოვნების განცდა აწუხებს, უნდა, ასეთი ხერხით თვითდამკვიდრებას მიღწიოს, რომ, აი, მაგარი, ყველას მოღუნავს, გასტენს, დათრგუნავს, დაიმორჩილებს... წესით წინასწარი დაკავების საკანში 2-3 დღე შეიძლება, დაჰყოს დაკავებულმა, მერე ან უნდა გაანთავისუფლო, ან ბრალდება წაუყენო და სხვაგან გადაიყვანო...

– უმეცრებისა და უკანონობის სრული ზემოქმედება!

– ვერ იტყვი, რომ კანონები არ იციან, თუმცა არც უმეცრება აკლიათ. ვისაც დაბადების დღე ჰქონდა, მას წინა დღით ჯორჯ ორუელის “ცხოველების ფერმა” მოუტანა მეგობარმა, მან კი ციხის უფროსს აჩუქა: “წაიკითხე, განათლდი!” მერე ბიჭებმა ერთგვარი თამაში წამოიწყეს: ვის და რით დაასაჩუქრებდნენ ისინი. აბა, რას ფიქრობ, საშიშროების, მოსმენა-დასმენისა და ცემა-ტყეპის მინისტრს ზიგფრიდ თავკომბალაურს რას აჩუქებდნენ?

– ერთ დიდ კომბალს! ელექტროშოკიანს!

– კარგი საჩუქარი იქნებოდა და დიდადაც გაახარებდა ბატონ მინისტრს, მაგრამ საკანში მყოფთ ფრიად შეზღუდული არჩევანი ჰქონდათ და გადაწყვიტეს, რომ, დიდის მოწიწებითა და მადლიერების გრძნობით, მინისტრს მხარეთმეგობრებს საკანში მოშლივინე ერთ-ერთ ვირთხას! მშვენიერი საჩუქარია! მერე იმსჯელეს და ამგვარ საჩუქარზე უარი თქვეს: “ჩვენ ამ ვირთხებს ვუწოდებდით საჭმელს, დავუმეგობრდით, თავკომბალაურს კი ვერაფრით დავუმეგობრდებოდით!”. ერთ-ერთ ვირთხას, ყველაზე დიდს, ჯერ დაარქვეს “ფრიდრიხ ვილჰელმი”, შემდეგ შეეცოდათ და უფრო ზოგადი სახელი – “ბატონი პრეზიდენტი” – უწოდეს. ყველაზე დიდი იყო და ყველაზე თავხედი და მსუნაგი. უამრავი ბაღლინჯოა, მათ თუ მიაგნებდნენ, ადგილზე გამოუტანდნენ საკადრის განაჩენს, – უმადლესი სასჯელის ზომას, – ეგრევე მიასრესდნენ: “კიდევ ერთი შატაბუტა-ტარულაშვილის დამქაშისგან განვთავისუფლდით!”.

– ბატონ პრეზიდენტს რას აჩუქებდნენ?

– ო, ეგ ძლიერ ძნელად გადასაწყვეტი საკითხია! მთელი ქვეყანა ციხედ აქცია, მთელი ხალხი – ამ ციხეშია გამომწყვდეული... მე რომ მკითხო, მთლიანად ამ ციხეს ვაჩუქებდი, ოღონდ, რასაკვირველია, წინდაწინ ყველა პოლიტიკური ანგარიშსწორების მოსახრებით უკანონოდ დაპატიმრებულს გამოუშვებდი!

– დიდებული საჩუქარია, ჰოი, რას გაიხარებდა! მიჩვეულია ნუგბარ საჭმელებს და ალბათ ძლიერ მოეწონებოდა, როცა ყოველდღე მხარეთმეგობრებს რაღაც ბურღულისგან დამზადებულ საოცრად უგემურ “ჩიტების საკენკს”!

– კიდევ უფრო გაიხარებდა, თუკი იმ ბიჭების საკანში მიუჩინდნენ საცხოვრებელ ადგილს – კარგა ხნით! ბიჭებივით არც გასეირნებას ადირსებდნენ, არც ტანის დაბანას და წყალსაც კი არ მისცემდნენ...

– ბიჭებს ასეთ მდგომარეობაში ამყოფებენ?

– ნამდვილად.

– აბა, რას სვამენ? ჩაის?

– რაც აქ არიან, ჩაი თვალთ არ უნახავთ. ახლობლების მოტანილი მინერალური წყალი და “კოკა კოლა” აქვთ.

– კიდევ კარგი!

– როცა ბიჭებს თანამოაზრე ამხანაგებისა და მშობლების მიერ მოტანილი ამანათები გადასცეს, ბოთლები სანახევროდ დაღეული იყო, ყველის მთელი თავიც – განახევრებული... ეტყობა, საწყალ ხედამხედველებს დაცხათ და მოშივდათ კიდევ, ღმერთმა შეარგოთ!

– საჭმელს რას ჭამენ ბიჭები?

– პირველად რომ საჭმელი მიუტანეს, თურმე პირი ვერ დააკარეს “ბალანდას”... “ბალანდას” რას უბახიან, იცი? დღეში ერთხელ მოაქვთ რაღაც საშინელება, ღორების სათქველეზე უარესი... თანაც, შესაძლოა, რაღაც საეჭვო ნივთიერება ჩაგიყარონ შიგ. სანამ ბიჭებს შინიდან არ მოუტანეს საჭმელი, მშვივრები და მწყურვალეები იყვნენ. მათ მშობლებს და მეგობრებს, ვისაც საკვები მოაქვთ, 5-6 საათს აყურყურებენ, სიქას აცლიან, სანამ ამანათს საკანში გადასაგზავნად მიიღებენ. სხვათა შორის, დერეფანში რომ ვიყავი, დავინახე: მოათრევდნენ 10-12 ახალმოყვანილ ბიჭს და ეს იყო შემზარავი სურათი: ერთს გასისხლიანებული თავი ისე ჰქონდა გასივებული, ორი იმხელა გაუხდა, მეორეს, როგორც შემდეგ გავიგე, 72 ნაკერი დაადეს... წარმოვიდგენია? ამ დანაშაულებით, დაგეშილი ხალხის სისასტიკით უნდათ, დაჩოქონ ეს ახალგაზრდები, მაგრამ საპირისპირო შედეგს აღწევენ – ბიჭები ფარ-ხმალის დაყრას ფიქრადაც არ გაივლებენ, კიდევ უფრო შემართებით არიან. თავისუფ-

ლების წყურვილის განცდის მუხტი ამ უგუნური ხელისუფლების უსამართლო და უსწორო ქმედებით, შეიძლება, მოღვრებულ მუშტებში გადაიზარდოს... დიან, პირიქით მოხდება, ძალადობისა და სისასტიკისადმი წინააღმდეგობის მუხტი კიდევ უფრო გაძლიერდება და პასუხად უფრო მაგარი მუშტი მოხვდებათ. წესით, როგორც ადრეც ვთქვი, 72 საათის შემდეგ წინასწარი დაკავების საკინდან დაპატიმრებულები სხვაგან უნდა გადაიყვანონ, მაგრამ ამათთვის წესი და კანონი არ არსებობს. ახალგაზრდები აპირებენ სასამართლოში ჩივილს, განსაკუთრებით – წინასწარი დაკავების საკანში ადამიანის ღირსების შემლახავი პირობების გამო. ცხადია, აქ, ბატონ პრეზიდენტის ჯიბის სასამართლოებში, ვერ ეღიროსებინ სასამართლიანობას, მაგრამ სარჩელის ბოლომდე მიღვენას აპირებენ – საერთაშორისო სასამართლომდეც მიადწევენ...

– ადვოკატებმა მინისტრთან თუ იჩიველეს?

– საშიშროების, მოსმენა-დასმენისა და ცემა-ტყეპის მინისტრს, ბატონ ზიგფრიდ თავეკომბალაურს საჩივრების განსახილველად სად სცალია: პრეზიდენტის დაგვლებით დაწოწილობს დაბა-ქალაქებში და სოფლებში და “ხალხთან დიალოგის” შესახებ ახალ მითითებას ასრულებს: ადგილობრივ მოსახლეობასთან შეხვედრებს აწყობს, რომლებზეც საუბრობს პომიდორის მოყვანის თანამედროვე მოწინავე ტექნოლოგიების შესახებ ან ჩვენს ქვეყანაში პრეზიდენტის ინიციატივით აგორებულ დემოკრატიის მეცხრე თუ მეათე “ტალღაზე” – ეტყობა, წინა “ტალღები” ფუჭი გამოდგა... დემოკრატიის ხემ ჩვენში ვერ იხარა: ხმება, ვერ ყვავილობს, ნაყოფს ვერ იხამს... დემოკრატიის ცუნამის რომ დაგვიპირდნენ, დალოცვილებმა, სიო, ნიაგი მაინც გვაგარძნობინონ... ალბათ იმედი აქვთ, რომ ამათი ძალადობის წისქვილი პოლიტიკური ანგარიშსწორების მსხვერპლთ “გადაფქვავს” – დათრგუნულ, მორჩილ, თვინიერ მასად, მაგრამ ცემა-ტყეპით ბიჭებს ვერაფერს მოუხერხებენ, ვერ აცეკვებენ საკუთარ დუღუგზე, – სისასტიკეს სიმღერით და ომანიანი შემახილებით პასუხობენ! მთელი სტუდენტობა სულ უფრო აქტიური გამოვლენ და წალეკავენ ამ ნადირალებს... ვისაც ამ ხელისუფლების სისასტიკე უშუალოდ არ შეხებია, ისინიც კი აღშფოთებულნი არიან ხელისუფლების ასეთი უღმობლობითა და მეტისმეტი თავგასულობით, აღარ გაჩერდებიან, უსამართლობა აჯანყებთ... ღომები არიან, მომავალი ამათია! მათ ვერაფერი შეაჩერებს! ვერც საგანგებოდ დაგვემილი და შემდეგ განხორციელებული ჯანყი ციხეში არასასურველი პოლიტიკური მოწინააღმდეგეების მოსაკლავად. ამაში ციხის ადმინისტრაციას ეხმარება ერთი ჯგუფი პატიმრებისა, რომლებიც წინასწარ დაამუშავეს: დაპირდნენ, რომ თუ “კარგი ბიჭები” იქნებოდნენ და ციხის ადმინისტრაციის მითითებებს შეასრულებდნენ, პრეზიდენტის ბრძანებულებით აუახლოეს დროში მათ შეიწყალებდნენ – დროზე ადრე განთავისუფლებდნენ პატიმრობიდან ან საგარეოდად შეუმცირებდნენ პატიმრობის ვადას...

– ეს ბიჭები რატომ დაიჭირეს?

– გაოცდები, ისეთი აბსურდული, შეთითხნილი ბრალდებები წაუყენეს: საზოგადოებრივი თავშეყრის ადგილებში ხულიგნობა, პოლიციის მოთხოვნებისადმი დაუმორჩილებლობა – ყველა ჩვენება ერთი ცრუ-მოწმის ერთი ხელით არის დაწერილი... წინა დღეებში დაკავებული ახალგაზრდების მიმართ სასტიკი მოპყრობას აპროტესტებდნენ და უდანაშაულოთა დაუყონებლივ განთავისუფლებას მოითხოვდნენ საშიშროების, მოსმენა-დასმენისა და ცემა-ტყეპის სამინისტროს შენობასთან...

– ბიჭები იქ აიყვანეს პატიმრობაში?

– არა, უშუალოდ მათთან არაფერს გამოსულა, იქ ვერაფერი გაბედეს, ახალგაზრდობა ბლომად შეიკრიბა; მხოლოდ ზემო სართულიდან გადმოსხეს შლანგით წყალი. ხალხი მაინც ვერ დაშალეს. როგორ დაიჭირეს ბიჭები, იცი? როგორც გითხარი, ადგილზე მათი დაკავება ვერ გაბედეს, შემდეგ, გვიან სადამოს, როცა შეკრებილნი დაიშალნენ, თითო-თითოდ დაიჭირეს. ერთი ტაქსით ბრუნდებოდა თურმე შინ, გზაში მანქანით დაედევნენ, გააჩერეს, ჩამოაბრძანეს და მიაბრძანეს პირდაპირ სასამართლო დარბაზში; მეორე და მესამე სხვაგვარად დაიჭირეს – უშიშროების სამსახურის თანამშრომლებს შუადამეზე ჩამოუვლიათ ამ ბიჭების სახლებში, პირდაპირ ლოგინიდან წამოუყრიათ და ორდერის წარმოდგენლად ჩაუტარებიათ ბინების ჩხრეკა, მერე, ყოველგვარი დაკავების საბუთის გარეშე, წაუყვანიათ და, ასევე, ახსნა-განმარტების გარეშე წარუდგენიათ სასამართლოს დარბაზში...

– მერე, ბიჭებმა არ გამოთქვეს მძაფრი უკმაყოფილება “სამართალდამცეების” ასეთი უკანონო ქმედების გამო?

– როცა სასამართლო განხილვის დროს ბიჭებმა ადვოკატების დასწრება მოითხოვეს, მოსამართლემ თურმე დაცინვით უპასუხა: “რა საჭიროა ადვოკატი?” და წუთნახევარში დადგენილება მათთვის ოცდაათდღიანი პატიმრობის ვადის შეფარდების შესახებ გამოცხობილი იყო! წუთნახევრიანი სასამართლო პროცესი, თანაც ჩატარებული დამის ოთხ საათზე – გინესის მსოფლიო რეკორდების წიგნშია შესატანი!

– მოსამართლე ვინ იყო? თავის დროზე იმანაც პასუხი უნდა აგოს!

– იოჰანეს წუნკალაური! მაგის განკითხვის დროც მოვა და სხვებისაც, მისი მსგავსებისა! დამე იყო, პირველის ნახევარი, ერთმა ბრალდებულმა თურმე მოსამართლეს ჰკითხა: “ბატონო მოსამართლე, ამ დროს რამ მოგიყვანათ, არ გეძინებათ?”. ბიჭებს ბრალად თურმე რა წაუყენეს იცი? ივინე-

ბოლით, გაჰყვიროდით: “ძირს ფრიდრიხ ვილჰელმი!”, კვერცხებს ისროდით და არ ემორჩილებოდით პოლიციის მოთხოვნებს; გადაღებულ ვიდეოფირი უჩვენებიათ ნივთიერ მტკიცებულებად. ამათ უპასუხიათ: “ის რატომ არ გადაიღეთ, პოლიციელებმა პირველებმა რომ დაიწყეს ჩვენსკენ შუშის ცარიელი ლუდის ბოთლების სროლა, ის არაფერი იყო?”. მათი უსამართლოდ დატუსაღებისადმი პროტესტის ნიშნად ბიჭები უკვე ერთ კვირაზე მეტია, შიმშილობენ. მოვიდნენ ვიღაც პარლამენტის დეპუტატები, მათ შორის – ვითომ-ოპოზიციური პარტიების წარმომადგენლები; პარლამენტში ვერაფერს აკეთებენ და ამ ბიჭებს დაეხმარებოდნენ? ტკბილი ხმით ელაპარაკნენ: თუ არ იხმაურებდნენ, სარკმელს გაუღებდნენ... რადგან სასამართლოს დადგენილებაში წერია: “არ ექვემდებარება გასაჩივრებას”, აგიტაციას უწევდნენ შეწყალების შესაძლებლობაზე, თუკი “წესიერად მოიქცეოდნენ”. ბიჭებმა უარი თქვეს შეწყალებაზე: “ჩვენ არაფერი გვჭირს საამისო!”. პოლიტიკური პატიმრებით გაიგოს ციხეები, ასეთი მიდგომით მიიღწევა ქვეყანაში პოლიტიკური სტაბილურობა და სიმშვიდე?...

– საინტერესოა, ბატონ პრეზიდენტს როცა მოაყუჩებენ ამ წინასწარი დაკავების საკანში და შემდეგ – ციხეში, შეწყალებას თუ მოითხოვს?

– დროა, იფიქროს ამგვარ შესაძლებლობის შესახებ. ისტორია არ იცი და, ცხადია, არც მისი გაკვეთილებია შენთვის ცნობილი, წიგნის საკითხავად არ გცალია, ჭკვიანს არ უსმენ, საკუთარი ნიჭი არ გყოფნის და სხვას არაფერს ეკითხები, თვითონ ვერაფერს ხედავ და ცხოვრებამ ხომ უნდა დაგანახოს, რაც მოგეჩვენებს? თუ კაპიტანი არ ვარგა, ეკიპაჟი ხეირიანად ვერ მართავს გემს, რა უნდა ჰქნან მგზავრებმა? აჯანყებიან და ყველას გადაყრიან წყალში! მხოლოდ ძალადობითა და სისასტიკით ქვეყნის მართვა და რაიმე წინვლა შეუძლებელია... ეს მარტივი ჭეშმარიტება არ ესმით. მმართველი პარტიის “ციფ-ციფი ლუდისა და ცხელ-ცხელი ხინკლების ჭეშმარიტ ტრფიალთა დემოკრატიული კავშირის” ერთ-ერთი დიდური, პარლამენტის თავმჯდომარე გოტფრიდ მლიქენელაური დაუფარავად აცხადებს, რომ მისი პარტიის მოქმედების წარმმართველი დევიზებია: “გამარჯვებულებს არ ასამართლებენ”, “მიზანი ამართლებს საშუალებას”, “ვინც ჩვენთან არ არის, ის ჩვენი მტერია”, “ვინც არ გვეთანხმება, დავაჩოქთ, მოვხაროთ, თუ არ დაგვემორჩილება – მოვსპოთ”. როცა უზნეობისა და სისასტიკის უკიდურესი გამოვლინების ამგვარი “ფილოსოფიური” გამართლება პირდაპირ ბატონ პრეზიდენტისგან მოდის, – ეს ყველასთვის ცნობილია, – რა სამართლიანობის იმედი უნდა გქონდეს? ცრუ, მოგონილი ბრალდებებით დაკავებულთა მიმართ არაადამიანური მოპყრობა, ეჭვს გარეშეა, “ზევიდან” კარნახით კეთდება. როცა დაკავებულები ციხეში მოიყვანეს, დაგეშვილმა ჯალათებმა ჯერ რეზინის ხელკეტები ურტყეს, შემდეგ – ბეისბოლის ჯოხები, წაქცეულებს ფეხსაცმლის ქუსლებს ურტყამდნენ... ამაზრუნნი სანახაობა იყო თურმე, საშინელება... იქ იყო ფოტოგრაფი, – მათსავით ახალგაზრდა ბიჭი, – იღებდა ცემის სცენას; ნაცისტები აკეთებდნენ ასე გერმანიაში... ეს ფოტოგრაფი ვიღაცისთვის იღებდა ვიდეოსაც, ფოტოებს – ალბათ საბუთი უნდა წარედგინათ, რომ პირნათლად ასრულებენ დავალებას... ერთ ბიჭს მოშვებულ წვერს სანთებელათი უწვავდნენ, აფურთხებდნენ, უშვერ სიტყვებს არ იშურებდნენ... ეს ფოტოგრაფიც სცემდა თურმე. “რატომ გვირტყამთ?”, “მეტის ღირსებიც ხართ! აჰა, თქვენ – მასმედიის თავისუფლება, ესეც – ღირსეული და სამართლიანი არჩევნები, ესეც – თავისუფალი სასამართლო! თხუთმეტლარიანებო, ოცლარიანებო!”. ეს ბიჭები ფულის ამღებებნი იყვნენ? უანგაროდ აკეთებდნენ ყველაფერს – სამშობლოსთვის, ხალხისთვის... ეს დაწყევლილი ჯალათები კი რვაასლარიან პრემიებზე არიან დაფეთებულნი და ტუსადებს აწამებენ. როცა ბიჭები დააპატიმრეს, ოთხი დღე-ღამე მათმა ოჯახის წევრებმა არაფერი იცოდნენ მათ შესახებ – სად გაუჩინარდნენ... შემდეგ სახალხო დამცველის წარმომადგენელმა ძლივძლივობით შემოაღწია და გაიგო მათი ამბავი. სხვათა შორის, ბიჭები იმითაც ერთობოდნენ, რომ დასაჭერთა სიას ადგენდნენ, რასაკვირველია – ხუმრობით. პირველ ნომერს, რასაკვირველია, ბატონი პრეზიდენტი ფრიდრიხ ვილჰელმი შატაბუტა-ტარულაშვილი არაფერს დაუთმობდა – ეს “ბრწყინვალე სასახლე” თავისთვის ააშენაო... ის სარდაფი, სადაც ჩვენ ვართ გამოწყვედული, მომავალში უეჭველად მუზეუმად უნდა დარჩეს – “ფრიდრიხ ვილჰელმი შატაბუტა-ტარულაშვილის მუზეუმი”, – როგორ ბრწყინვალე პირობებში ამყოფებდნენ პოლიტიკურ მოწინააღმდეგებს, – სიმბოლო ამ ბრწყინვალე სისტემის, ბრწყინვალე ტოტალიტარული მმართველობის ცხოველი სახე! ბიჭები უსამართლოდ დაიჭირეს და ყველა ჩვენს დამჭერსაც და დაჭერის უშუალო დამკვეთსაც საკადრისი მიეზღვება – ადრე თუ გვიანო; ამ ბრწყინვალე საკნებში ვნახავთ ჩვენს ბრწყინვალე მოსამართლეებსაც, ახლა რომ ჩვენთვის ბრწყინვალე განაჩენების გამოტანის შემდეგ ღამის რესტორნებში მიდიან საქეფოდო...

– კატორღული პირობების მიუხედავად, ბიჭები მაინც ხუმრობის ხასიათზე ყოფილან...

– ჰო, ბიჭებმა საკანში, ნახევრად სიბნელეში, კოლექტიურად შეთხზეს წერილი-მიმართვა ბატონ პრეზიდენტისადმი, სადაც კმაყოფილებას გამოთქვამენ მათი ამჟამინდელი მდგომარეობის გამო და უდიდეს მადლობას უხდებიან მისი განუზომლად ძვირფასი სახელმწიფო მოღვაწეობისათვის, კერძოდ კი – ახალგაზრდობის მიმართ განსაკუთრებული ზრუნვისა და მამაშვილური, გულთბილი დამოკი-

დებულების გამო... სამწუხროდ, იქ არც ქაღალდი იყო და არც კალამი ან ფანქარი მაინც, კარგი იყო, ჩამეწერა!

- რამდენადაც თქვენს ბრწყინვალეობას უკვე აქვს ამგვარი წერილის შეთხზვის ბრწყინვალე გამოცდილება, შენც ხომ არ ჩაერთე ამ სახალისო საქმეში?

- არა, მაგრამ ახლა ერთი რამ აზრად მომივიდა... იმ ბიჭების შეთხზული წერილი კარგად მახსოვს, მოდი, ჩავიწერ - ამგვარი დოკუმენტი არ უნდა დაიკარგოს!

- ჰო, მეც ძალიან მაინტერესებს, ხომ იცი! ამ კეთილი საქმისთვის თუ ერთ ფურცელს და კალამსტარს მოვიპარავ მაღაზიიდან, იმედია, დიდ ცოდვად არ ჩამეთვლება! - წამოიძახა მარცხენამ.

- ყოჩაღ, ძმაო, შენგან ასეთ გაბედულებას არ მოველოდი! შენ ჩემზე დასვენებული ბრძანდები, ჰოდა, მაშ, კოხტად გაცუნცუნული და ყველაფერი მომიტანე. სხვათა შორის, ერთხელ თურმე ბიჭებს ფანქარი და რვეული მოუტანეს, სინათლეც ჩაურთეს: “დაწერეთ, რაც გინდათ!”. რამდენიმე დღეში რვეული წაართვეს: “კომისია მოდის და დროებით ჩამოგართმევთ, მერე ისევ დაგიბრუნებთ!”. რასაკვირველია, ნაწერის დაბრუნების შესახებ ბლეფი იყო, სურდათ მათ სულებში ჩაძრომა - რას ფიქრობენ, რას აპირებენ შემდგომ...

ერთი საათის შემდეგ ციხის ვიწრო საკანში ოთხი ახალგაზრდის მიერ შეთხზული პაროდიული მიმართვა ბატონ პრეზიდენტისადმი, შეძლებისდაგვარად, უკვე გადატანილი იყო მარცხენას მიერ მოტანილ ფურცელზე.

- წამიკითხე! - თხოვა მარცხენამ.

- ჩემო ძმაო, დადლილი ვარ და აჰა, შენ თვითონ წაიკითხე!

მარცხენამ გამოართვა ფურცელი და გამოთქმით, დაგემოვნებით დაიწყო:

“მის უდიდებულესობას,
უდიადესსა და უბრძნეს სახელმწიფო მოღვაწეს,
ბატონ პრეზიდენტს
ფრიდრიხ ვილჰელმ შატაბუტა-ტარულაშვილს!!!

თქვენო გულქვაობაჲ! ჩვენ, თქვენი უღმობელოების ბრწყინვალე ხელმძღვანელი მითითებების საფუძველზე ბრწყინვალედ მომუშავე საშიშროების სამსახურის მიერ უკვე ერთი კვირის განმავლობაში წინასწარი დაკავების ბრწყინვალე საკან-ჯურღმულში ბრწყინვალედ გამომწყვდებულები, სალამს და საუკეთესო სურვილებს გითვლით თქვენ, თქვენო უმოწყალოებაჲ, სანაქებო მადას გისურვებთ - ჭამა-ყლაპვის უბადლო ქურუმს, ხინკალყლაპია ჩამპიონს, ლუდის გრფიალს, ქალთა მუსუსს, აქეთ-იქით ხეგიალზე გადარეულსა და დროსტარებაზე მარად თვალებდაჭყეცილს და სხვა და სხვა;

თქვენო უწმინდუროებაჲ, გისურვებთ, ნამდვილად არ ასრულებულიყოს, თქვენი უსინდისობის უკიდურესი ძალაუფლების განმტკიცების მიზნით, თქვენი უსაძაგლესობის პირადი წაქეზებით, იდეური წარმართვითა და უშუალო ხელმძღვანელობით ჩვენი გურფა ქვეყნის ბრწყინვალედ გაპარტახება-დაქცევის, ეკონომიკური გაჩანაგების, ხალხის სულიერი, ფიზიკური და ეკონომიკური დაჩანაგების, ქვეყნის ყველა სიმდიდრის უცხოელთათვის გაყიდვის, ეროვნული გადაგვარების და სხვა არანაკლებ ბრწყინვალე გეგმები;

თქვენო უღირსობაჲ, ერთხელ ცინიკური გულახდილობით განაცხადეთ: “პრეზიდენტობა არის ბავშვობის ოცნებების ასრულების საუკეთესო საშუალება!” და აჰა, თქვენი “ბავშვური” მმართველობის ბრწყინვალე შედეგებს ვიმკით!

თქვენო შეუბრალებლობაჲ, იმედს გამოვთქვამთ, რომ, რაც შეიძლება მალე, ცუდ სიმზრად გაგვახსენდება თქვენი ურცხვობის მიერ ქვეყნის უპასუხისმგებლო და უგუნური მმართველობის ბრწყინვალე წლები; წინასწარ გილოცავთ იმ უახლესი დროების დადგომას, როცა უზომოდ გაახარებთ ყველა ჩვენთაგანის გულს თქვენი დაუნდობლობის პოლიტიკურ მოუსაველეთში საბოლოო გადაჩეხვითა და მნეობრივად გაკოტრებულთა სანაგვეზე მყუდროდ და გემოვნებით დაბინავებით!

თქვენო უმოწყალოებაჲ, თქვენო უსასტიკოებაჲ, უსამართლოებაჲ, უგრძობელოებაჲ, უპატიუროებაჲ, უვიცოებაჲ, უდიერობაჲ, უზრდელობაჲ, უვარგისობაჲ, უთავხედობაჲ და სხვა და სხვა!

დავშთებით მარად თქვენი ბრწყინვალე მამობრივი ზრუნვით გამთბარნი და უსამღვროდ მაღლიერნი:

კახა, ქართლოს, ლაშა, იმედა”.

- ბიჭო, ნამდვილად ასეთი ტექსტი იყო? - დაეჭვდა მარცხენა.
- თვითონაც მშვენივრად იცი, რომ მოტყუება არ მჩვევია, რატომ მეკითხები? რა თქმა უნდა, დაახლოებით აღვადგინე, ცირკის მსახიობის ფოტოგრაფიული მეხსიერება კი არ მაქვს.
- ბარემ იმაშიც გამოტყდი, რომ ამდენჯერ ნახმარი “ბრწყინვალე” შენი დამსახურებაა.
- ჰო, კარგი, კარგი... ჩემო ძმაჲ და მეგობარო, ახლა უფრო სერიოზული საკითხი გვაქვს მოსაგვარებელი: მართალია, ეს უსტარი არ არის პრეზიდენტის მიწერ-მოწერისთვის განკუთვნილ ფურ-

ცელზე დაწერილი, პრეზიდენტის ღერბითა და ოქროსგარაყიანი წარწერთაგ არ არის დამშვენებული, მაგრამ არა უშავს, იმედი მაქვს, გავბედავ და მის უტიფროებას მივართმევ...

– გაგიჟდი? – ძმის განზრახვამ მართლა კინაღამ გააგიჟა მარცხენა. – შენზე უტიფარი ვინდა არის, მის... რა ვუწოდო ბატონ პრეზიდენტს, არ ვიცი...

– უწოდე თუნდაც... მისი უჯმაჯუროება!

– მის უჯიშობას ერთხელ უკვე პარიკი მოსტაცე და ახლა კიდევ ბედავ, მის თვალს დაენახო?

– სამაგიეროდ, ბატონ ადოლფ მამაძალაურის ციხის ზედამხედველის ფორმის ქუდს ვუსახსოვრებ, ის უფრო მოუხდება! არა, კაცო, სულ არ მეხალისება პრეზიდენტის სასახლეში მისვლა – იქ რა ოქრო და მარგალიტი დამრჩენია, არც თანამდებობის მისაღებად ვიკლავ თავს... მივაგდებ წერილს და მაშინვე წამოვალ.

– თქვენო თავხედობაგ თუ უდარდელიობაგ, თქვენ საცა გინდათ და საცა გაგიხარდებათ, იქ წაბრძანდით; მე კი თავი დამანებეთ! გავბედავ და თქვენს უხიანებობას მდაბლად მოვახსენებ, რომ სიცოცხლე ჯერ არ მომბეზრებია!

– ისევ შიშის ბრჭყალების მონა გახდით, თქვენო უგემურობაგ, და მარტოს გამიშვებთ? ბიჭო, მისი უფარვისობის სასახლის ბალის ჭიშკრამდე მაინც წამომყევი...

– ვაჰ, რა ხუმტურები მოგივლით ხოლმე, თქვენო ახირებულობაგ!

– ჰი-ჰი-ჰი!..

– რა ვთქვი ისეთი სასაცილო, თქვენო უდარდელიობაგ?

– გამახსენდა იმ მარად მთვრალი ზედამხედველის, ადოლფ მამაძალაურის, ყვეჩი სიფათი, როცა სამორიგეოში დაბრუნდა და პირკატა ეცა – საყვარელი არაყიანი ბოთლი გამოცლილი დახვდა!

– მერე?

– ატენა ყვირილი, ლამძღვა-გინებით აიკლო ამხანაგები, თქვენ გამოყლურწეთო.

– იმათ არ წაუთაქეს ასეთი ცილისწამებისთვის?

– თავიდან წათაქება ვერავინ გაუბედა – ბუღასავით ბიჭია, ის კი უთხრეს, რომ, ჯერ ერთი, სამსახურებრივი მოვალეობის შესრულების დროს არ ვსვამთო, მეორეც, ამ სიცხეში არაყს მხოლოდ შენისთანა წამხდარი თუ დალევსო... შელაპარაკდნენ და ეს ჩვენი ბუღა პირველი ერქნა დანარჩენებს და იმათაც რაღა უნდა ექნათ – რამდენჯერმე მუშტითაც დაასაჩუქრეს... ის არაყიანი ბოთლი კი მე გამოვცალე ბოლო წვეთამდე.

– მათითურებ? როგორ გამოსცალე, სავსებით ფხიზელი ხარ!

– ოჰ, ბოდიში, კი არ გამოვცალე, დაგცალე... წავაქციე და მერე ამოვაყირავე კიდევ, როგორც გითხარი, ბოლო წვეთამდე გამოვცალე... ბოდიში, დაგცალე.

– ბიჭო, შატაბუტა-ტარულაშვილს სულ აკრიტიკებ, ცერცეტიას, შენ თვითონ რატომ არ დაფიქრდები, სანამ სიბრძნეს ამოშაქრავ? რაიმე სიტყვის ხმარებამდე, დაფიქრდი! ეგ პოლიციელის ფორმის ქუდი იმ გატყუპილი ადოლფის ხომ არ არის?

– ჰო, გამოცანა გეკუთვნის! იმ ორომტრიალით ვისარგებლე და იმ შეხლა-შემოხლაში ბატონ ადოლფ მამაძალაურის იატაგზე გაგორებული ქუდი წამოვიღე.

– ფრიდრიხ ვილჰელმს მაგრად დასცინე, ამ ადოლფ მამაძალაურს რაღას ერჩოდ?

– მეტის ღირსი იყო!

– ციხე შენთვის მართლაც ზედგამოჭრილია: პარიკებით დაიწყე და ახლა ქუდების ქურდობაზე გადახვედი, გამოსამშვიდობებელი წკიპურტი თუ უთავაზე იმ ზედამხედველს წითელ ცხვირში?

– ბატონ ადოლფ მამაძალაურს ცხვირი უფრო გაფითრებული ჰქონდა, ვიდრე გაწითლებული და ფრიად დამწყდა გული, მეგობრული წკიპურტით რომ არ დავასაჩუქრე და გამოუმშვიდობებლად წამოვედი – გამოვიპარე.

– შენც მშიშარა ყოფილხარ!

– სამაგიეროდ, მისი ქუდი წამოვიღე სამახსოვროდ! მინდა ბატონ პრეზიდენტის წინაშე ჩადენილი ცოდვა ოდნავ მაინც გამოვისყიდო და ამ ქუდს იმ მოტაცებული პარიკის სანაცვლოდ მივართმევ!

– ნამდვილად ძალიან გაუხარდება! სიმბოლური საჩუქარიც იქნება, ბატონ პრეზიდენტს ციხის ზედამხედველის ქუდი პარიკზე უფრო მოუხდება!

– ის ქუდი ზევიდან დავიხურესავით. ვინც კი დაინახა მიწაზე თავისთავად მოძრავი ქუდი – მე, რასაკვირველია, არ ვჩანდი, – ალბათ შიშით ხმა ჩაუვარდა! კიდევ კარგი, ალბათ ხელის განძრევაც ვერ შეძლეს და სროლა არ ამიტყხეს!

როცა მოგზაურმა თითებმა პრეზიდენტის სასახლემდე მიაღწიეს, შეფიქრიანდნენ: იმდენად ბევრი ადამინი შეკრებილიყო სასახლის ჭიშკართან, რომ სრულიად წარმოუდგენელი იყო შიგ შეღწევა კი არა, შეუმჩნევლად მიახლოებაც კი. მეგაფონებით შეიარაღებული ოპოზიციონერები პრეზიდენტის

გასაგონად წარმოსთქვამდნენ იმ უსასრულოდ გრძელ პრეტენზიებს, რომელიც ქვეყნის ხელმძღვანელობისადმი ჰქონდათ, არანაკლებ გრძელი იყო ბატონ პრეზიდენტისადმი მოთხოვნების სიაც...

– ეს პომპეზური სასახლე შატაბუტას ერთგვარ ციხედ ექცა, – თქვა მარჯვენამ. – სხვა გზა არ არის, დაღამებას უნდა დაველოდოთ...

– ჩვენ კი მოვიცდით, მაგრამ მოუთმენლობის სენით შეპყრობილი ბატონი პრეზიდენტი როგორ გადაიტანს იმას, რომ ჩვეულებისამებრ რომელიმე საყვარელ რესტორანში ვერ წავა, არადა, ასეთი მრავალია და თუ მოახერხებს გაძრომას – ნებისმიერ რესტორანთან დახვედებიან პლაკატებიანი ახალგაზრდები მისთვის არცთუ სასიამოვნო ლოზუნგებით... სულ არ უფრთხიან საყვარელი პრეზიდენტისთვის მადის გაფუჭებას...

– შენ მაგის დარდი ნუ გაქვს, ბატონ პრეზიდენტის მადას ვერაფერი გააფუჭებს – მიწისძვრამ ირგვლივ რომ ყველაფერი მიწასთან გაასწოროს, იგი მაინც გემრიელად მოილხენს, თუკი, რასაკვირველია, სუფრა იქნება გაშლილი! ჩვენ საკუთარ სადარბეველს მივხედოთ; სანამ ხელსაყრელი დრო დადგება, სადმე დავიმალოთ...

და თითები ერთ-ერთი მანქანის ქვეშ მოკალათდნენ.

მხოლოდ შუაღამეს იმდენად შეთხელდა სასახლის ბლოკირებაში მონაწილეთა რიცხვი, რომ მარჯვენამ მოახერხა ჭიშკარში შემგვრალიყო.

კარგა ხანი გავიდა, ირგვლივ ყველაფერი თითქოს მიწყნარდა, მაგრამ მარჯვენა არა და არ ჩანდა. მარცხენას დაძაბულობისგან რა დააძინებდა, და საკმაოდ შეკრთა, როცა უცებ ვიღაცამ თითი გაჰკრა:

- თქვენო უდარდელეობავ, ხომ არ დაგეძინათ?
- ბიჭო, სად დაიკარგე, მოლოდინით გული გადამელია!
- სამაგიეროდ, საჩუქარი მოგიტანე!
- ეს პარიკი რა ჯანდაბად მინდა ამ სიცხეში?
- ნახე, რა ლამაზია! წავიღოთ და ჩიტის ბუდედ მაინც ივარგებს!
- ბატონი პრეზიდენტი ისედაც არ იყო სრულ ჭკუაზე და ახლა გადაწყვიტე, სულ გადარიო?
- სამაგიეროდ, დილით რომ გაიღვიძებს, პოლიციელის ფორმის ქუდი დახვდება პარიკის მაგივრად, თანაც ქუდში ჩადებული კიდევ უფრო სასიამოვნო ნობათით – ოთხი ახალგაზრდის სამადლობელი წერილით! შატაბუტა ტარულაშვილს ალბათ ისევ ისტერიკა დაემართება და განგაშს გამოაცხადებს. იმედი მაქვს, მოპიკეტენი სამედიცინო დახმარების მანქანებს მაინც გაატარებენ!

კარი XI.

გზაგასაყარი: “რა გზას დავადგეთ?”

(Esitando, გაუბედავად, მერყევად);

ახალგაზრდული ბანაკი “კათხა ლუდი”

(Alla pulcinella, კარიკატურულად, გაშარჟებით)

– ნახე, რა მშვენიერი ღამეა! – ამბობს მარჯვენა. – რა ხანია, ამ დროს ღია ცის ქვეშ არ ვყოფილვართ... ახლა, გადატანილი ვნებათაღელვის შემდეგ, სიმშვიდე გულს რა საღებუნად ედება! რა გარინდებაა, როგორ გაყუჩდა ირგვლივ ყოველი სულიერი თუ უსულო! გრძნობ, როგორ წყნარად ფეთქავს მთელი სამყარო, სიამით გატრუნულა და მარადისობის საგალობელს მღერის...

მარტონი იყვნენ უკიდევანო სივრცეში და არც იყვნენ მარტონი – ძმას ძმა ჰყავდა გვერდით; მათი სულები გაითქვიფა, განეფინა მარადისობის სიმყუდროვეში, შეენივთა სიბნელესა და ვარსკვლავთა ციალს... გაიჟღინთნენ ღამის სიბლით: მსჭვალავდათ კდემა, კაეშანი – სიამესთან, სილამაზესთან და რაღაც განუმეორებელი სიბლის ხილვასთან დაკავშირებული... და, ამავე დროს, გარშემო ერთყვით მოღუშული და განგაშით შეფერილი შემპარავი სიჩუმე...

შორს კოცონი მოჩანდა, – ცეცხლოვანი მოთამაშე წერტილი, – რომელიც თითქოს მათ მოუხმობდა: “მობრძანდით, გათბით, თვალცი დაატკბეთ კლაკნით ალის მოუსვენარი ცეკვა-თამაშითო...

– ასეთი ღამე მეც კი პოეტად მაქცევს... – ამბობს ცას მიშტერებული მარცხენა. – დიდი ხანია, შენგან ლექსის შადრევანი არ ამოჩუხჩუხებულა, ეტყობა, დაგიშრა შთაგონების წყარო. დაგიგლახაკდა მერანი? თუ შენ თვითონ დაჩანანაკდი და გაჭენებული ბედაურიდან ჩამოვარდნისა გეშინია?

– ჩემო ძმაო, პოეზიის მერანი გაუხეუნავი კვიცია, ვინც მის ზურგზე ჯირითს შექდებს, ის არის ჭეშმარიტი პოეტი. ჩემს მეშაირეობას კი მკაცრად ნუ განსჯი: მოგეხსენება, უკვე არც ისე ჯეელი გახლავარ, თანაც, თვითონაც კარგად მომეხსენება: ბედაურის ღირსი არ ვარ; ჯაგლაგ ცხენზე აგბობდდი და ცაში ლაღად განავარდებას არც ველოდი – გაჭენებას ვინ ჩივის, იმითაც დიდად ბედნიერი ვიყავი, რომ თავის შემავრება შევქედი და მიწაზე არ მოვადინე ზღართანი. არც ის არის სა-

დაო, რომ ყოველი ადამიანი ცოტად თუ ბევრად პოეტია. შენ კი მიწუნებდი ლექსებს, მაგრამ იმ ჩემს ნაცოდვილარს მხოლოდ ერთი დანიშნულება ჰქონდა – გაემხნეებოდა უფრო... ეგერ, შორს რომ კოცონს ვხედავთ, გინდა, სახელდახელო ლექსი მივუძღვნა?

კოცონი მოჩანს –
ცეცხლოვნად მოთამაშე,
რომელიც მაღლა
მთვარეს ეპოტინება
აღის ხელებით...

– იაპონური ტანკას თაყვანისმცემელი ხარ? ახლა რა მეღეჭება, უძრავობით თითებიც კი გამო-
შეშლა, ჯობს, ჩვენი გზით დროზე გაეწიოთ!

მსწრაფლ გადაიარეს გორაკები და ველზე გავიდნენ სირბილით. მიიჩქაროდნენ და ამ დროს მათკენ შესახვედრად დაიძრა ბურუსი. ვითომ მოიზღაზნებოდა, სინამდვილეში კი ჯიქურ, სწრაფად მოიწედა ბურუსი მათკენ, სულ უფრო სქელდებოდა და გაქცეულები თანდათან ითქვიფებოდნენ მასში. მოცურავდა ნისლის ბოლქვები, ფთილები ფარავდა ირგვლივ ყოველივეს და მარცხენა და მარჯვენა ხელის მტევნები ნეკებით გადაებნენ, რათა ისევ არ დაშორებოდნენ ერთმანეთს.

ნისლში და სიცივეში მიბოდილობენ... რა ძნელია სიარული, როცა წინ ვერაფერს ხედავ – სა-
ით მიდიხარ?

– როდისღა ველირსებით მზეს?! – ჩვეულებისამებრ აწუწუნდა მარცხენა.

– მე მეგონა, იტყობი, რომ, რა კარგია ბურუსი, ვერაფერს დაგვინახავს და დაჭერას გადავურჩები-
თო!

– შენსავეთ გიჟპოეტა კი არ ვარ! ახლა ამ ბურუსსაც უძღვენი ლექსი!

– ლექსი ყველაფერს შეიძლება უძღვნა, თუ რაღაცამ აგაღელვება, მოგზიბება, გაგანაწყენა და ასე
შემდეგ და თუ ლექსის ფორმით ამ განწყობის გადმოცემის სურვილმა მოგვიარა... ამ დროს მშობი-
რესავით ხარ და დიდ სიამოვნებასაც განიჭებს ეს მტანჯველი პროცესი ლექსის დაბადებისა...

– ბატონო პოეტო, გამხნევება თუ გინდა, დაიწყე, რაღას ელი? აბა, ჰე, ვნახოთ ერთი, ბურუსის
ხილვა შენში როგორ შედევრს წარმოშობს! – დაცინვა იგრძნობოდა მარცხენას სიტყვებში.

ძმის სიტყვები რომ არა, იქნებ მართლაც დაეწყო ლექსის შეთხზვა მარჯვენას, ახლა კი მხო-
ლოდ ეს უთხრა:

– არა, ჯობს, გასახალისებლად ვიმღეროთ! ოღონდ მხიარული სიმღერები შევარჩიოთ და მორი-
გეობით ვიმღეროთ: ხან – შენ, ხან – მე!

იწყებენ სიმღერას... მორიგეობით მღერიან სიმღერებს, ოღონდ მარჯვენა – უფრო ხშირად, თან
მაჟორულად, ხანაც – მარცხენა, უფრო იშვიათად, რატომღაც მინორულად; მღერიან, როგორც პია-
ნოფორტეს კლავიატურაზე:

მარჯვენა ხელის მტევანი – ვაჟაცურად შემართული, წკრიალა ხმით!..

მარცხენა ხელის მტევანი – უკმაყოფილოდ ბურტყუნებს ბუბუნა ხმით...

ბედად გზად ერთი დიდი ხე შეხვდათ, იმის მუქ, მსხვილ ტანთან მიცუცქდნენ, მუშტებად შეიკ-
ვრნენ, ერთმანეთს მიეხუტნენ და, დაღლილებმა, დაიძინეს.

ღორების ღრუტუნმა გამოადვიბათ და მაშინვე, შეშინებულები, ხეზე აცოცდნენ – მუხა აღმოჩ-
ნდა ის ხე – და დაინახეს, როგორ იჩიქნებოდნენ მიწაში კმაყოფილი ღრუტუნით გარეული ღორები.
დროზე აასწრეს ხეზე აძრომა! სანამ ღორები მუხის ქვეშ ხმაურიანად საქმიანობდნენ, ცხადია, მათ
თვალს რული არ მიეკარა, მერე კი, ტოტზე თითებით საიმედოდ ჩაფრენილებს, ტკბილად ჩაეძინათ.

როცა მოგზაურებს დილით გაიღვიბათ, დაინახეს, რომ ნისლის ნათელი ფარდა ზანტად მიზოზი-
ნობდა-ბოლავდა გარშემო ყოველ მხარეს. აძიგბიგებდათ სიცივისგან, გაავარჯიშეს თითები, ადგილ-
ზე აცეკვდნენ, მერე ტოტზე განდაგან გაისეირნეს-გამოსეირნეს, მუსიკალური გამები დაუკრეს მათი
ჭკუით ვითომ, – მაინც ვერ გათბნენ... ქვევით ჩამობობდნენ და ამჯობინეს, გაქცეულიყვნენ, გასა-
ხურებლად ცოტაზე მაინც ერბინათ.

მუხამ გამოსამშვიდობებლად ააშრიალა თავისი მწვანე გუმბათი:

– აბა, ბიჭებო, კარგად იყავით, მაგრად იყავით, ნურაფრის შეგეშინდებათ, მედგრად გაუტიეთ
წინ და წინ!

– მადლობა, დიდი მადლობა, კეთილო მუხავ, შენი გულთბილი მასპინძლობისთვის და გზის კე-
თილი დალოცვისთვის!

მარჯვენა და მარცხენა მალე აქოშინდნენ და წინსვლა ნაბიჯით განაგრძეს.

– ვაშა! – უცებ იყვირა მარცხენა მტევანმა და ცერი მაღლა ამართა, – ხომ ვერ დაგვიჭირეს,
ვერც შეგვახრამუნეს, ხომ გავიმარჯვეთ!

– თ-ხო-ხო, რა მაგრები ვართ, გამოწრთობილნი, ჩვენ ვინ რას მოგვაწევს, იქით უნდა გვიფრთხოდნენ! – ბაქიბუქის ხასიათზე დადგა მარჯვენაც და იმანაც აიშვირა ცერი. – ვინ დაგვიდგება წინ, ვის აბია ცხრა თავი – ერთი წიკიპურტით თავს წავაცლით!

– უჰ, როგორ მტკივა ყველა სახსარი! სირბილმა და ჭირთათმენამ ოინი მიყო, – სულ სხვა, კონტრასტულ, მინორულ ტონალობაზე გადაერთო და აბუზუნდა, ჩვეულებისამებრ, მარცხენა. – ამ ნესტინმა ბურუსმა სულ მომშალა სახსრებში.

– შენ ძველებურად აურიე, აი! – გაწყრა მარჯვენა და იმდენად გაბრაზდა, რომ საჩვენებელი და ცერა თითები დააწყვილა. – ხომ არ გინდა, ერთი გემრიელი წიკიპურტით გაგიმასპინძლდე!

მარცხენა საწყალობლად მოიკაკვა, საცოდავად მოკრუნჩხა თითები:

– მცივა! – ამოიკნავლა და მუშტად შეიკრა, დამრგვალდა ბურთივით. – ეს რა დღეში ჩავგარდით, რა გვეშველება!

– ერთი ჩაფუნთუშებული ქალის ხელის მოხვევა უცებ გამოგაჯანსაღებდა! – ეხუმრება მარჯვენა და თან ცეკვავს გასახურებლად, მხიარულ დაგლურს უგლის მარცხენას გარშემო.

და მოხდა საოცრება: ნისლი ნელ-ნელ იფანტებოდა; თითქო გამჭირვალე ფარდის იქით გამოერთაო, თანდათან გამოინაკეთა ფანტაზიური პეიზაჟი: შორს სინათლე გაცივდა ღრუბლებს შორის გაჩენილ საჭერეტში და მზის სხივების ოქროს სვეტი ჩამოეშვა მუქ მიწაზე... – ზუსტად იმ ადგილას, სადაც ხელის მტევნები ფერხულს უვლიდნენ! მრგვალი განათებული “თვალი” გადაადგილდებოდა და მარჯვენამ მარცხენას უთხრა:

– ნათელი სვეტი – ნიშანია, რომ ჩვენი მოგზაურობა კეთილად დასრულდება; ხომ ხედავ, გვეპატივება, გამომყვითო, კეთილი გზით გატარებთო, ჩვენც გაყვით!

– აქამდე სად იყო? ჯობს, ჩვენი გზით წავიდეთ!

გზაგასაყარს მიღვნენ: შურდულივით ორი ტოტია, მარჯვნივ და მარცხნივ; საით უნდა გაუხვიონ, რომელ გზას დაადგინენ? ნათელი სვეტის რჩევა ახლა სჭირდებოდათ ყველაზე მეტად, მაგრამ, როგორც მოულოდნელად გამოეცხადათ, ასევე უეცარად გაუჩინარდა...

– მარცხნივ ჯობს! – ამბობს მარცხენა. – ვერ ხედავ, აქეთ უკეთესი გზა რომ მიდის?

– არა, მარჯვნივ ჯობს! – ამბობს მარჯვენა. – ნათელი სვეტი ნაღდად იქით აპირებდა გახვევას!

ერთხანს კამათობენ, ვერ შეთანხმდნენ და ერთი მარჯვნივ მიდის, მეორე – მარცხნივ...

ცოტა ხანში მარცხენამ დატოვა თავისი გზა, სირბილით უკან დაბრუნდა და მარჯვენა გზაზე წასულ ძმას გამოეკიდა...

მიდიან ბალახ-ყვავილებით ავსებულ მინდორ-ველში.

– ბედისწერის ირონია: გაზაფხულია, ირგვლივ ჰყვავის და ხარობს ბუნება, ჩვენ კი, ბედოვლათები, მიუსაფარნი, დავწოწილობთ უგზო-უკვლოდ და შიშით გული გველევა! ესაა ცხოვრება? – ამბობს მარჯვენა.

– საერთოდ, რა არის ცხოვრება?

– ცხოვრება ბრძოლაა! ბრძოლა მომავლისთვის, სიცოცხლისთვის, სამართლიანობისთვის, თავისუფლებისთვის, ბედნიერებისთვის, ქვეყნის წინ სვლისთვის, მისი აყვავებისთვის და ასე შემდეგ, ბრძოლა საკუთარ თავთანაც! საკუთარ სისუსტესთან, საკუთარ ეგოიზმთან, გაუტანლობასთან, შეუმწყნარებლობასთან...

– რა ფილოსოფოსობის ჭია შეგიჩნდა, რა ამბავია, რამდენი რამ ჩამოთვალე! რამე ხომ არ გამოგრჩა? – დაცინვით ეკითხება მარცხენა.

– ჰო, შენი ყველაზე დიდი პრობლემაა – შიში! უპირველესად შიში თუ არ დაძლიე, ცხოვრებაში ვერ იბრძოლებ და მარად დათრგუნული იქნები... დაბეჩავებულად ყოფნა კი ნამდვილ, სრულყოფილ, სრულფასოვან ცხოვრებად შეიძლება ჩაითვალოს?

– უნდა დაგეთანხმო, ბატონო ფილოსოფიის დოქტორო, მაგრამ, როცა შენი თავისუფალი ნება ჩახშობილია და სულ ხიფათის მოლოდინში ხარ, როგორ იქნები გალაღებული? ვერა და ვერ დავაღწიეთ თავი საშიშროებას – ერთს, მეორეს, მესამეს... თუნდაც ახლა: ქალაქის ქუჩებში წანწალი-სას, ღვთის წყალობით, ძაღლებს კი გადაუჭრით და ამ მინდორ-ველად გაჭრილებს მგელი რომ შემოგვეფეთოს?

– რა უნდა შემოგვეფეთოს, უკვე დაფეთებული ხარ და ვეფხვიც კი მოგვლანდება! – შეუტია მარჯვენამ.

– ბიჭო, მართალს ვამბობ, ტელევიზორში უკვე მერამდენედ აჩვენეს: მგლები ისე მომრავლდნენ და გათავხედდნენ, რომ უკვე საკუთარ ეზოებში უფარდებიან სოფლებს! წყვეტენ, იტაცებენ შინაურ პირუტყვს – მხოლოდ ცხვარ-თხას კი არა, მსხვილფეხა საქონელსაც, ღორებს, ცხენ-ვირსაც...

– ჰო, ამ შემთხვევაში მართალი ბრძანდები, – დაეთანხმა მარჯვენა. – მგლებმა რამდენიმე ადამიანიც კინაღამ იმსხვერპლეს – ისე დაკბინეს, სასწაულებრივად გადაურჩნენ სიკვდილს.

– რა ხდება, ვერ გაიბგია... ვითომ სხვა უბედურება არ კმაროდეს, სრული ბედნიერებისთვის ახლა მგლების შემოსევადა გვაკლდა სწორედ...

- რა გიკვირს, ჩემო კარგო და მშვენიერო, ეს ჩვენი განათლებული ხელისუფლება მგლებზე უარესად არ იქცევა? დღისით-მზისით ქუჩაში უბოდიშოდ კლავს უდანაშაულო ადამიანებს, უმეტესად - ახალგაზრდებს, მათ განსაკუთრებით ემტერება... სურს, საყოველთაო შიში დაწეროს, ცხვრების მორჩილ ფარად აქციოს მოსახლეობა...

- მგლების დახოცვა კი სასტიკად აკრძალა და ამის ჩამდენს მკაცრი სასჯელი ელის - აი, ეს არის სწორედ საკვირველი!

- რა გიკვირს, ხომ გითხარი: ამით მოსახლეობის უკიდურესი დაშინება და უსიტყვეო მორჩილებაში ყოფნა სურს.

- თუ ბატონ პრეზიდენტს საკუთარ მოქალაქეებს მგლები ურჩევნია, სამხეცე ხომ მოაწყო საპრეზიდენტო რეზიდენციაში, იქ მოაშენოს ეს მგლები, მოეფეროს და პატივში ამყოფოს: გინდა - რუხი, გინდა - წითელი და გინდა - ძაღლებთან ნაჯგვარი... ჩვენ კი თავი დაგვანებოს!

- რა ვიცი, ძალიან კი მოგწონდა “ახალგაზრდა, სიმართლისა და სამართლიანობისთვის შეუპოვრად მებრძოლი რეფორმატორები და მათი ლიდერი - ფრიად განათლებული, უაღრესად ენერგიული პრეზიდენტი”, როგორც წარმოგვიდგენდა მათ დაქირავებულ მეხოტბეთა დასი, ახლა მოხვედრება ჭკუაზე? სოფლებში შექმნილი მონადირეთა რაზმები ამ ჭკუანადრძობებს აღარ სთხოვენ ნებართვას და იმ გარეულ მგლებს როგორმე მოეგლება; შენ ეგა თქვი, ამ შინაურ მგლებისგან როგორ უნდა დაიცვა თითქმის დაქცეული ქვეყანა და გადასაშენებლად თუ არა, გადასაგვარებლად მაინც განწირული ხალხი?

ამგვარ არცთუ კეთილ გუნებაზე დამყნებელ საუბარში კეცავენ გზას ჩვენი მოგზაურები... და შეჩერდნენ - გზა რკინის უზარმაზარ ჭიშკარს მიაღდა; მის თავზე თალი იყო გადაჭიმული, რომელზეც დიდი ასობით ეწერა: ”პატრიოტთა ბანაკი “კათხა ლუდი”! თურმე აქ, ველის კიდეზე, ტყის პირად, აზიმიზიებული-ანმაურებული ახალგაზრდული ბანაკი გაუმართავთ, რომლისთვისაც ოფიციალურად რატომღაც ამგვარი უცნაური სახელი უწოდებიათ. თაღს ოდნავ ქვემოთ გაჭიმულ ტრანსპარანტს ეწერა: “კეთილი ყოს თქვენი მობრძანება!”.

ცნობისმოყვარე თითებმა მთელი ბანაკი დაიარეს: რა ორომტრიალია, რატომ არიან ყველანი ასე აღელვებულნი? ჰო, ჰო, რა ფაციფუცია ამტყდარი!..

თურმე დილიდანვე ბატონ პრეზიდენტის მობრძანებას ელოდებიან!.. დიდი ამალით!..

წინასწარ მობრძანებულმა ბატონ პრეზიდენტის უსაფრთხოების უზრუნველყოფის რაზმმა საგულდაგულოდ დაზვერა ბანაკის გარშემო არე-მიდამო, გადაათვალიერა ბანაკში მყოფთა პირადი საქმეები; ასევე, ერთხელ კიდევ შემოწმდა: ბანაკის შესასვლელში თალის ქვევით გაკრულ მისასალმებელ ტრანსპარანტზე გრამატიკული შეცდომა ხომ არ გაიპარა, საგანგებოდ მომზადებული სადილი ხომ ყველა უმაღლეს მოთხოვნებს აკმაყოფილებს, საგანგებოდ მოყვანილი ხინკლის მომზადების ოსტატი ქალები ხომ სრულ მზადყოფნაში არიან - იქნებ ბატონ პრეზიდენტს მოესურვილოს ცხელ-ცხელი მთიულური ხინკლის დაგემოვნება? ყოველი შემთხვევისთვის, სანაქებო ნაირგვარი დასახელების საუკეთესო ლუდის მთელი ბატარეაც საგანგებოდ ჩააცივეს: მართალია, ბატონი პრეზიდენტი სასწაულმოქმედ კათხას გვერდიდან არ იშორებს, მაგრამ რა იცი, იქნებ სხვაგვარი ლუდი მოენატროს?

და აჰა, მტანჯველი, მრავალსაათიანი მოლოდინი დასრულდა: შავ-შავი, დიდ-დიდი, ძვირფას-ძვირფასი ჯიპებისა და მსუბუქი მანქანების კორტეჟი მოგრიალდა; წინასწარ მობრძანებულმა მრავალრიცხოვანი დაცვის თანამშრომელთა ნაწილმა იქ პრეზიდენტის შესახვედრად შეკრებილნი ერთხელ კიდევ საგულდაგულოდ გაჩხრიკა და რამდენიმე “საეჭვო” ახალგაზრდა ცალკე გაიყვანა: ყოველი შემთხვევისთვის, ოფიციალური ენით რომ მოგახსენოთ, გაძლიერებული უსაფრთხოების პრევენციული ღონისძიება განახორციელა - მათი “იზოლაცია” მოახდინა.

მარცხენა ფრიად გაკვირვებულია:

- გამაგებინე, რა ხდება, რა უნდა აქ შატაბუტას, ლატარიაში ხომ არ გვერგო, საიდან გადაგვეყარა? ასე რამ დააფეთიანა ამდენი ადამიანი?

- ხომ გაიგე, თურმე ბატონ პრეზიდენტის კიდევ ერთმა ახირებამ მოიყვანა აქ ამდენი ადამიანი: ახალგაზრდულ ბანაკში მთავრობის გამსვლელი სხდომა უნდა გაიმართოს! დიახაც! მომავალმა თაობამ წინდაწინ უნდა ისწავლოს ქვეყნის მართვის ხელოვნება! მე მგონი, შატაბუტასა და მისი გუნდისგან ახალგაზრდები გემოზე უზრუნველი დროსტარებისა და უპასუხისმგებლობის ხელოვნებას უფრო ისწავლიან! თანაც, რატომ აქ? შატაბუტას ერჩივნა, მთავრობის გამსვლელი სხდომა პარიზში ჩატარებინა, მის რომელიმე საყვარელ რესტორანში! ან, მთლად უკეთესი - სტრიპტიზ-კლუბში! მალე აღბათ მაგასაც მოვესწრებით!

- საკვირველია, შატაბუტა როგორ ასწრებს ამდენ წოწილს? მართალია, საპრეზიდენტო თვითმფრინავი და ვერტმფრენი ემსახურება, მაგრამ მაინც...

მარჯვენა იცინის:

– ჰი-ჰი-ჰი, სხვა რა საქმე აქვს!.. ტყუილად არ უწოდებენ “პრეზიდენტ ცანცარას”, სულ აქეთ-იქით დაწანწალებს, ვერაფრით ისვენებს! თუ საზღვარგარეთ არ ბრძანდება, აქ ერთ ადგილას ვერ ჩერდება, დაუსრულებლად დაწოწილობს... პირადად პირდაპირ მითითებებს იძლევა: “აქ ლუდის ბარი უნდა აშენდეს! აქ – ბუღვარი გაშენდეს! აქ – შადრევანი წამოიჭიმოს!” – სამაგიეროდ, სახელმწიფოებრივი მნიშვნელობის საკითხებისთვის ვერ იცდის... ეჭვიც არ მეპარება, რომ სრულ ჭეშმარიტებას ღაღადებს, როცა ამაყად აცხადებს, გაზეთებს არ ვკითხულობო, წიგნების წაკითხვაზე ხომ ზედმეტია ლაპარაკი – სად აქვს მაგის დრო! ახლა აქ რომ მითთავებს საქმეს, თუ ამას საქმე ჰქვია, გემრიელად წაიპურმარილებს, აქედან წაბრძანდება და 200 კილომეტრის დაშორებით ახალაშენებულ ხიდს გახსნის, მერე, კიდევ მოასწრებს სადმე საკუთარი პერსონის გამოჩენით და ბრწყინვალე სიტყვით მოსახლეობის საგანგებოდ შეკრებილ-შეგროვილი ბედნიერი წარმომადგენლების გახარებას, რასაკვირველია, თუ იმ ღირსშესანიშნავი ღონისძიებისადმი, ახალი ხიდის დამთავრებისადმი, მიძღვნილ ბანკეტზე ხინკლების განადგურების გმირულ ოპერაციას არ გადაყვა, – ხომ იცი, ხინკლების ჭამა ამქვეყნად ყველაზე უფრო იზიდავს... რასაკვირველია, თუ არ ჩავთვლით პრეზიდენტობას, და, შესაძლოა, ასევე, მომნიბლავ მასაჟისტ ქალიშვილთან შეხვედრას! ბატონ პრეზიდენტისთვის ხანგრძლივი პერიოდისთვის სამოქმედო პროგრამაც უკვე შედგენილი იქნება: ერთგან – ხანდაზმულ მოქალაქეთა თავშესაფარში ახალი სასადილოს გახსნა (დიდხანს არ გაჩერდება: იქ ხინკლებს და მწვადებს არ ამზადებენ და რამდენიმე თეფში წყალწყალა შეჭამანდისა და რამდენიმე ჭიქა კომპოტის დაგემოვნებით დაკმაყოფილდება, – თავმდაბალი კაცია და მათზეც უარს არ იტყვის, მადა სანაქებო აქვს! თუკი, რასაკვირველია, საგანგებოდ მისი სტუმრობისთვის უახლოეს რესტორანში ცალკე ძვირფასი სუფრა არ გაიშალა – ძვირფას სტუმარს, ფულის გადახდა, ცხადია, “დაავიწყდება”! თუმიცა, ასეთი წვრილმანი რა ყურადღების ღირსია...). შემდგომ ბატონი პრეზიდენტი კიდევ ორას ან სამას კილომეტრს იფრენს და მშვიდობით დაეშვება რომელიმე ზღვისპირა ქალაქში – იქ ახალი შადრევანი უნდა გახსნას!.. რესტორნის მონახულება არც აქ დაავიწყდება... ზეგ ისევ ვერტმფრენშია და მორიგ გადაფრენას ახდენს – მისი პირადი მითითებით აგებული ახალი კარუსელის გახსნა უნდა მიუღოცოს ამ ეპოქალური საჩუქრით აღფრთოვანებულ ბედნიერ ადგილობრივთ!.. ან თანამედროვე დასავლური სტანდარტების სრული შესაბამისობით აშენებული ახალი ციხისა!.. ახალი პოლიციის განყოფილების ან სასამართლოს შენობისა... ან...

– კარგი რა, რა ამბავია ამდენი “რასაკვირველია”, თან აღარ მოგებურდა ამდენი ქილიკი? შენ შური გალაპარაკებს, შური! – შეაწყვეტინა მარცხენამ.

– რას ბჟუტურობ, თუ ძმა ხარ, მე მუსიკოსობა სავსებით მაკმაყოფილებს, რისი ან ვისი უნდა მშურდეს?

– რომ პრეზიდენტი ასეთი ახალგაზრდაა, ასეთი განათლებული – სად არ უსწავლია: ინგლისი, საფრანგეთი, იტალია, ამერიკა...

– ძველი არაკი გამახსენდა: ერთ დამსახურებულ ადმირალს ძველი სკივრი ჰქონდა, რომელშიც საჭირო ნივთებს ინახავდა, ჰოდა, სად არ იმოგზაურა, დედამიწას ირგვლივ ხუთჯერ შემოუარა, რა აღარ ნახა; მასთან ერთად ამ სკივრმაც მთელი მსოფლიო მოიარა, მაგრამ სკივრი იგივე სკივრად დარჩა, გაიგე შენა?!

– ხუთი თუ ექვსი ენა იცის, შენ რამდენი იცი? – განაგრძო შეტევა მარცხენამ. – მთელი მსოფლიოს უდიდესი ქვეყნების პრეზიდენტები, მთავრობათა მეთაურები – ყველანი დიდი პატივით ხვდებიან, აფასებენ, საკუთარ მხარდაჭერას უცხადებენ...

– მთავარია, შენს საკუთარ ხალხს უყვარდე და გაფასებდეს... მე ის ვიცი, რომ უზნეო არ უნდა იყო, ესაა უმთავრესი! საოცარია: ამ ყმაწვილს ჰგონია, რომ XVII-XVIII საუკუნეებში ცხოვრობს ან უფრო ადრეც – იტალიელი ღუკაა ან გერმანელი ბარონი! აღვირახსნილობა, უზომო ფუფუნების სიყვარული, უსაზღვრო ძალაუფლებისკენ ლტოლვა და, ამასთანავე, სანაქებო გულქვაობა და სისასტიკე! სულ ფეხზე ჰკიდია, რომ ეკონომიკა დამბლამ მოიცვა, მრეწველობა და სოფლის მეურნეობა სულს დაფავს, ისედაც უსაშველო უმუშევრობა კიდევ უფრო იზრდება, გაჭირვება მატულობს... ხომ არ ვტყუი?

– მოკლედ, ეს ჩვენი შატაბუტა თავქეიფა, სრულიად უპასუხისმგებლო პიროვნებად, ამასთანავე, ტირანად და დესპოტად გამოიყვანეს!.. შენ რომ თავხედურად პარიკი მოსტაცე, თანაც – ორგზის! – ის ზნეობრივი საქციელი იყო? ბატონი პრეზიდენტი ქვეყნის უმაღლესი პირი გახლავს, ავია თუ კარგია, ჩვენი ქვეყნის სახეს წარმოადგენს, შენ კი შენი ტინგიცობით სასაცილო გახადე დამსწრეთა თვალში, ეს კი ასეთი ყოყლოჩინა და თავდაჯერებული პიროვნებისთვის სიკვდილის ტოლფასია!

– მხოლოდ ახლა აჭიკტიკდი? პარიკის მოპარვას მაყვედრი, მაშინ კი სასაყვედურო ერთი სიტყვა არ დაგცდენია. დაგავიწყდა, ჭირიმე, როგორ მეჭიდავებოდდი, მე უნდა წამოვიღო პარიკიო; რა გეშველებოდა, შე საწყალო, ხომ გაითოშებოდდი, შენი მტკიცებით, მე რომ არ მეტინგიცა?! ძალიანაც ნუ განიცდი, შეხედე: ბატონი პრეზიდენტი მშვენიერი ახალი პარიკით დაბრძანდება!

– მის ჩამოსატანად ალბათ – უკვე მეორედ – საგანგებოდ თვითმფრინავი გაგზავნა პარიზში! – წამოიძახა მარცხენამ.

– არა, კაცო, გაუჭირდებოდა თუ რა, საპრეზიდენტო თვითმფრინავს სულ აქეთ-იქით დააჭენებს და ამ ფრიად გადაუდებელი და ფრიად აუცილებელი საქმის მოსაგვარებლად თვითონ ჩაფრინდებოდა! მცირე რამეშიც ვერავის ენდობა და საკუთარი პარიკის შერჩევის საპასუხისმგებლო საქმეს სხვას როგორ ანდობს, თანაც ელისეს მინდვრებზე გაკუნტრუშება არასდროს მოსწყინდება – უძვირფასეს რესტორნებს და გასართობ ადგილებს იქ რა დალევს!.. საერთოდ, წვრილმანშიც და მსხვილმანშიც ძალიან ეჭვიანია, ამიტომაც აწყობს მუდმივ სამთავრობო “კარუსელებს” – მაგანი ახალდანიშნული მინისტრი ჩაჯდომას და ბოძებულ სავარძლის გათბობასაც ვერ ასწრებს, რომ ახალ თანამდებობაზე უწევს გადასვლა... მოდი, ახლა ვუყურეთ ბატონ პრეზიდენტის მიერ გამართულ მორიგ კომედია: როგორ დამოძღვრავს ახალგაზრდობას, რა იდეალებისთვის საბრძოლველად მოუწოდებს...

– ბატონი პრეზიდენტი ყოველთვის დიდი ესკორტით კი დაბრძანდება ხოლმე, მაგრამ დღეს, მე მგონი, მეტისმეტი მოუვიდა – რა ამბავია ორმოცდაათი მანქანა და გასამშავებელი დაცვა?

ამ გამოცანას შატაბუტა-ტარულაშვილის ახალგაზრდობის წინაშე გამოსვლის ბოლოს მოექებნა ახსნა.

– ჩემო ძვირფასებო, ჩემო ახალგაზრდა მეგობრებო! – ამგვარად დაიწყო მოედანზე შეკრებილ გოგო-ბიჭებთან მინდვრის ყვავილებით შემკულ საგანგებო ტრიბუნაზე ამხედრებულმა ბატონმა პრეზიდენტმა. – მოხარული ვარ, მოგესალმეთ პატრიოტთა ბანაკში შეკრებილთ! აქ გატარებული დღეები ფასდაუდებელ წვლილს შეიტანს თქვენი სულიერ ამბავებაში, პატრიოტული მუხტის კიდევ უფრო გაღვივებაში! გარდა ამისა, აქ თქვენ ყველა პირობა გაქვთ გართობისა და დროსტარებისთვის, ურთიერთგაცნობისთვის, დაახლოებისთვის – სანამ ახალგაზრდები ხართ, მთელი არსებით მიენდეთ თქვენს გულისთქმას, ორივე ხელით ხარბად მოწყვიტეთ სიამისა და სიხალისის ოქროს ვაშლები!

– უყურე შენ, ჩვენი პრეზიდენტი პოეტური ბუნების ადამიანიც ყოფილა! – წამოიძახა მარჯვენამ. – ბარემ ოფიციალურად აკურთხოს საზაფხულო ბანაკ-საროსკიპოს გახსნა!

მარცხენა ახლაც სხვაგვარად ფიქრობდა:

– საიდან გაქვს ამგვარი მუავე ხასიათი? ყოველთვის ცდილობ, ყოველივეში აუცილებლად რაღაც ასათვალწუნებელი და გასაბრაზებელი დაინახოს! რა არის ცუდი იმაში, რომ ახალგაზრდობამ დასვენება-გართობა და ახალი ცოდნის მიღების შესაძლებლობა ერთმანეთს შეუხამოს?

– შენ რა, ვინმემ ხომ არ დაგიქირავა – ოფიციალური პირის ლექსიკით ლაპარაკობ! ნუთუ ეს გამოსათავყვანებელი ტაშ-ფანდური მოგწონს? შენ დაუკარ!..

– დიახაც, მომწონს!

– ჰოდა, ცოტა დაგახანოთ და შენ თვითონ დარწმუნდები, რა ადვირახსნილობა სუფევს აქ ჩვენი ძვირფასი პრეზიდენტის ლოცვა-კურთხევით! გახეთქებში მაინც არ წაგიკითხავს?

ბატონი პრეზიდენტი აგრძელებს მონოლოგს, თუ რა უზარმაზარი, მსოფლიოში ანალოგების გარეშე, ყველა შორეული და, განსაკუთრებით – მეზობელი, ქვეყნის შურის საგანი – გიგანტური ლუდის კათხის ფორმის შადრევანი – უნდა აშენდეს უახლოეს მომავალში სწორედ აქ, ამ პატრიოტთა ბანაკში, რომელსაც შემთხვევით კი არ დაერქვა სახელად “კათხა ლუდი”! ეს გრანდიოზული პროექტი პირადად ბატონმა პრეზიდენტმა დაუკვეთა ყველაზე ცნობილ, მსოფლიოში №1 არქიტექტორს ფრანგ პიერ-ლუი-ანტუან დე ჟოლივეს, თანაც ყველა წვრილმანს ბატონი პრეზიდენტი აკონტროლებდა და, შეიძლება თამამად ითქვას, ფაქტობრივად თანაავტორადაც მოგვევლინა ამ არნახული პროექტისა. დიახ, მთელი მსოფლიოს მასშტაბით ამგვარი კათხა-მონუმენტი უპრეცედენტო იქნება! მსოფლიოს მერვე საოცრება! გინესის მსოფლიო რეკორდების წიგნში მოხვედრაც გარანტირებულია! მთელი მსოფლიოდან მოაწყდებიან ტურისტები და ჩვენი ქვეყანა საქვეყნოდ გაითქვამს სახელს! ამ კათხაზე, რომელიც საცურაო აუზის მოვალეობასაც შეასრულებს, ზევით ასასვლელად იქნება აგებული საბაგირო გზები და კიბეებიც, ასევე – ლიფტები; წყალში მხტომელთათვის აიგება კოშკურები და ტრამპლინები, ხოლო განსაკუთრებით გაბედულებს შესაძლებლობა ექნებათ, გადმოხტნენ თვითმფრინავებიდან პარაშუტებით პირდაპირ კათხაში ჩასადგაფუნებლად... ღამით კათხა-შადრევანი განათდება ნაირფერი ილუმინაციით, გარშემო გაშენებულ ბაღში ისეირნებს მხიარული საზოგადოება, მიერთმევს ცივ-ცივ ლუდსა და ცხელ-ცხელ ხინკალს...

– უნდა კიდევ ერთი სასიხარულო ახალი ამბავი გაუწყლოთ, ჩემო ძვირფასო ახალგაზრდებო! – გააგრძელა ძვირფასი გალობა ბატონმა შატაბუტა-ტარულაშვილმა. – დიახ, ჩვენი ქვეყანა მთელს მსოფლიოში ყველაზე სწრაფად ვითარდება, ჩვენ ვაშენებთ ყველაზე მაგარ ავტობანებს, ყველაზე მაგარ კურორტებს, ყველაზე მიზიდველი ქვეყანა გავხდით მსოფლიოში ტურისტებისთვის!.. როცა თქვენთან შესახვედრად მოვემზადდებით, ერთმა ბრწყინვალე იდეამ გაანათა ჩემი გონება: აქ, სადაც ამჟამად ვიმყოფებით და უახლოეს მომავალში ჩვენი ქვეყნის ტურისტული მექა შეიქმნება, მე მაქვს განზრახული, გადმოვიტანო ჩვენი ქვეყნის დედაქალაქიც! რატომაც არა?! ეს დიდი მოვლენა

მრავალმხრივ კეთილისმყოფელ გავლენას მოახდენს როგორც ამჟამინდელ დედაქალაქზე, რომელიც მეტისმეტად გადაიტვირთა მოსახლეობით, ასევე, ხელს შეუწყობს სხვა რეგიონების განვითარების პროგრამის განხორციელებას... ვაცხადებ კონკურსს: ვინც მომავალი დედაქალაქის საუკეთესო სახელს შემოგვთავაზებს, მას გამორჩეული პატივი ერგება – შეეძლება, ჯადოსნური კათხიდან ახალ-თახალი ლუდი სვას და სვას, სანამდეც შეძლებს! და რამდენი კათხა ლუდის გამოცლასაც შეძლებს, იმდენოთახიან ბინას მიიღებს საჩუქრად მომავალ დედაქალაქში!

– გიგანტური კათხის ასავესებად ალბათ ჯადოსნურ კათხას გამოიყენებს... – ივარაუდა მარცხენამ. – ნეტავ იმ კათხა-მონუმენტის აგებას რა დრო დასჭირდება და შიგ რამდენი ლიტრი ლუდი ჩავა? მისი მარაგი ბატონ პრეზიდენტს რამდენ ხანს ეყოფა?

– ბიჭო, არ მისმენ? ლუდი კი არა, წყალი! ხომ გითხარი, საცურაო აუზი იქნება, სად გინახავს, საცურაო აუზს ლუდით ავსებდნენ?

– რა ვიცი, შატაბუტა-ტარულაშიღს ხუშტურები ახასიათებს და ვიფიქრე: თუკი ჯიბესქელები აბახანებს ავსებენ შამპანურით, რძით, ვარდის წყლით და ასე შემდეგ, ვისაც რა ხუშტური მოუფლის, ბატონ პრეზიდენტს იქნებ მოეხასიათა ლუდით სავსე აუზში ნებივრობა? ის ხომ ლუდს ეთაყვანება!

– როგორც საპრეზიდენტო სასახლე აიშენა უზარმაზარი ზომისა, მოისურვა, ასეთივე ყოფილიყო გიგანტური კათხა-მონუმენტიც! ცნობილია, ყველა დიქტატორს უცნაური სწრაფვა აქვს პომპეზური და უგემოვნო გიგანტური ნაგებობის მშენებლობისადმი, სურს, სამარადისოდ წარუშლელი კვალი დატოვოს...

– მისი თანამებრძოლებიდან, მეგობარ-ამხანაგებიდან ნუთუ არავინ გამოჩნდა ისეთი, რომელიც ეტყოდა, რომ ამ კათხა-მონუმენტის იდეა სისულელეა და მეტი არაფერი?

– რა ვიცი... ძალიან მეჭვება, რომ მისი თუნდაც უახლოესი გარემოცვიდან ვინმე გაბედავდეს ამგვარი ჭეშმარიტების შატაბუტასადმი პირში თქმას... რომც უთხრას პირდაპირ ვინმემ, ამას აზრი არ აქვს – სხვისი შეხედულების სისწორეში შატაბუტას ვერავინ დააჯერებს! არიან ადამიანები, რომელთა აზროვნებაზეც ლოგიკური კატეგორიები არ მოქმედებს; მას ვერაფრით დაარწმუნებ, რომ ის რაღაცაში ცდება – ამგვარ შესაძლებლობას ვერაფრით დაუშვებს! მილიონი ადამიანი ცხადად ხედავს, რომ ის შეცდა, მას კი ამაში ვერ დაითანხმებ – “ეს შეუძლებელია!”. ბატონი შატაბუტა ახალგაზრდობაში ალბათ ყოყლოჩინა იყო და ეგონა, ყველას მოერეოდა, მისი მჯობნი არავინ იყო, ამიტომ არცთუ იშვიათად გემრიელად გაილახებოდა... მაგრამ ნირს მაინც არ იცვლიდა – იმ ძველ-რბილში გამჯდარ აზრს ვერ ელეოდა, რომ უძლეველი იყო... და ისევ და ისევ მაგრად მოხვედებოდა ხოლმე! ამის მიუხედავად, შატაბუტას გამოსწორებას საშეველი არ დაადგა. როგორც ჩანს, ახლაც იმდენად გაზვიადებული წარმოდგენისა გახლავს საკუთარი შესაძლებლობების შესახებ, რომ სხვები პიგმეებად მიაჩნია და რატომ უნდა აინტერესებდეს მათი შეხედულებები ან ითვალისწინებდეს მათ სურვილებს, მისწრაფებებს? საკუთარი შინაგანი მზერის, გულისთქმის მნიშვნელოვანი ხინჯი ახასიათებს – ყველას “დაპატარაებულს” ხედავს! ვილაც ჭიაღუები არსებობენ მის გარშემო, დადო-დავენ, რაღაცას ბუფტურობენ, რაღაცას ცოდვილობენ – შეიძლება, ჩათვალს, რომ ისინი არც კი არსებობენ! არა, მთლადაც არ მოსპობს, მაშინ ვინდა უნდა მოემსახუროს, თუნდაც – კათხა ლუდი მიაწოდოს, ხინკალი მოუმზადოს ან მის გენიოსურ, კათხა-მონუმენტის მშენებლობის ან ახალი დედაქალაქის აქ გადმოტანის მსგავს ჩანაფიქრებს ხორცი შეასხას... ნეტავ ოდნავი წარმოდგენა მაინც თუ აქვს, რა დაჯდება ახალი დედაქალაქის მშენებლობა... "რატომაც არა?!" – გამოაჯავრა მარჯვენამ.

– შენი აზრით ბატონი შატაბუტა შარლატანია?

– დიახ, ავანტიურისტია... თუმცა, არ არის გამორიცხული, რომ, ამავე დროს, ის ილუზიების ტყვეობაშიც იმყოფება... რამდენადაც მას მიაჩნია, რომ ის არის ყველაზე ლამაზი, ყველაზე განათლებული, გამოცდილი, ჭკვიანი, შეუმცდარი და ასე შემდეგ, ჰგონია, რომ მისი შეცდომა – გამარჯვებაა და წარუმატებლობა შეუძლებელია, ვინც აკრიტიკებს – შტერია ან ქვეყნის მტერი, ის არასდროს ცდება! მისი ამგვარი მიდგომა, განწყობა სხვა ადამიანებისადმი, წარმოაჩენს თვითონ მას გიგანტად, სხვებს – ლილიპუტებად... ამკარად ფსიქიკური პრობლემები აწუხებს: რეალურად ვერ აღიქვამს სინამდვილეს, ვერ აფასებს შესაბამისად და, როგორც მრავალგზის აღუნიშნავთ, არაადექვატურად რეაგირებს მოვლენებზე. და ბოლოს, ამგვარი “სიბუცისა” და მეტისმეტი თავდაჯერებულობის გამო, ადრე თუ გვიან აუცილებლად ცხვირსაც წაიტეხს!

– დიახ, არ არის გამორიცხული, რომ ის ილუზიების ტყვეობაში იმყოფება... – როგორც იქნა, დაეთანხმა მარჯვენას მარცხენა.

– ერთს მაინც ვერაფრით დაუკარგავ, – თავის მხრივ ბატონ პრეზიდენტის შეფასებებში ვითომ “მოლბა” მარჯვენა, – უსირცხვილო და უნაპირო დემაგოგიის უბადლო ნიჭი ახასიათებს: თვალსაც არ დაახამხამებს, ისე ეცდება, დაგარწმუნოს, რომ აი, ეს მჭვარტლი – ქათქათა თოვლია! და საოცარია, ამას ხშირად წარმატებით ახერხებს კიდევ; არცთუ მცირე რაოდენობის თაყვანისმცემლებიც

გაიჩინა, რომელთაც მის ბაგეთაგან გადმოფრქვეული ყველაზე მოუთოკავი და ზღვარგადასული სისულელეებისა სჯერათ...

ამასობაში ბატონმა პრეზიდენტმა რაზე აღარ ილაპარაკა: “ჩემს გმირ პოლიციას არავის დავაჩაგვრინებ – უსაფუძვლო ცილისწამებებით ჩირქს სცხებენ!”; “ვინა ჰყრიან ეს ვაი-ოპოზიციონერები, პოპულისტები, მატყუარები, ვიგინდარები, არარაობანი! საერთოდ არაფერს წარმოადგენენ, მათგან მეტი ხმაური ისმის, ვიდრე ძალა აქვთ... ქონდრისკაცები!”; “ხალხი მე მიჭერს მხარს, ჩემს მიერ გატარებულ რეფორმების კურსს: ეკონომიკაში, ჯანმრთელობის დაცვასა და სოციალურ სფეროში, განათლებაში...”.

ბოლოს, როგორ იქნა, შატაბუტამ ახალგაზრდობისადმი მიმართული ფრიად გაჭიანურებული სიტყვა დაამთავრა, მქუხარე ტაშიც მოიმკო, ტრიბუნიდან ჩამოსულმა და პირადი დაცვის თანამშრომლებით გარშემორტყმულმა, ტელეკამერების წინ “ახალგაზრდებთან უშუალო გასაუბრების” სცენა გაითამაშა.

ბატონ პრეზიდენტს კუდში გუნდ-გუნდად დასდევდნენ ტელე-რადიო და ჟურნალ-გაზეთთა კორესპონდენტები, უპირატესად – ბლოკნოტ და დიქტოფონმომარჯვებული მომხიბლავი კვანწია ქალიშვილები, რომლებიც ამოდ ცდილობდნენ, უაღრესად საქმიანი იერი ჰქონოდა მათ ნორჩ სახეებს; თან, თუკი ამის საშუალება მიეცემოდათ, თვალებს უპრაწავდნენ ბატონ პრეზიდენტს... მაგრამ ყველა პრანჭია გაწიბილებული დარჩა – ბატონ პრეზიდენტს თვალი შეუვარდა ერთ-ერთ ნორჩ არსებაზე...

ერთმა თვალშუქუნა ჟურნალისტმა გოგონამ, რომელიც ყველაზე ნაკლებ ცდილობდა, თავი მოეწონებინა შატაბუტასთვის, გაუთვალისწინებელი, წინასწარ დაუგეგმავი კითხვით მიმართა:

– ბატონო პრეზიდენტო, აქ თუ ახალი დედაქალაქი გაშენდება, როგორ ფიქრობთ მის წყლით უზრუნველყოფას? ახლომანლო მდინარე კი არა, ნაკადულიც კი არ არის და ამჟამად იძულებულნი არიან, ბანაკისთვის წყალი ცისტერნებით საკმაოდ შორიდან მოიტანონ...

შატაბუტა ღიმილით გაეხუმრა:

– ვინ თქვა, ქალში სილამაზე და ჭკუა ერთდროულად ძნელად მოიძებნებაო?... ძალიან საინტერესო და საჭირო კითხვაა... პრობლემას ვერ ვხედავ: რომელიმე მდინარეს აქეთ გადმოვაგდებთ... რატომაც არა?! – შემდგომ ქალიშვილთან ახლოს მივიდა, მხარზე ხელი დაადო, მზრუნველად დაიხარა მისკენ და ჩურჩულით შესთავაზა ფრიად ფასეული წინადადება მისი შემდგომი წარმატებული კარიერისთვის – ცალკე კარავში “ექსკლუზიური ინტერვიუ” ნებისმიერი საინტერესო საკითხის ან საკითხების შესახებ...

მოულოდნელი წყალობით გაბედნიერებული და დაბნეული, თვალებგაბრწყინებული გოგონა ყურებს არ უჯერებდა და ბატონ პრეზიდენტს დიდი, უღრმესი და ათასგვარი სხვა მადლობა ათასჯერ გადაუხადა...

მარცხენა გაოგნებულია:

– ბატონ პრეზიდენტს მართლა ჰგონია, რომ მდინარეების აქეთ-იქით მის გემოზე გადაგდება – გადმოგდება შეუძლია?

– რატომ გიკვირს, შე კაცო, ვოლუნტარიზმი და სუბიექტივიზმი ამ კაცს ძვალ-რბილში აქვს გამჯდარი; თავი ღმერთად აქვს წარმოდგენილი: “ჩემთვის ყველაფერი შეიძლება!” – აი, მისი დევიზი. და ამ “ღმერთკაცისთვის”, როგორც ხედავ, მცირე ადამიანური სისუსტეებიც არ არის უცხო... აბა, ბიჭო, იმ განაპირა კარავში თუ მოვახერხეთ შეძრომა, გული მიგრძნობს, ფრიად საინტერესო საუბრის მოწმენი გაეხდებით! – უჩურჩულა მარჯვენამ მარცხენას.

– რას ამბობ, საშიშია; ხომ იცი, პრეზიდენტს როგორი მრავალრიცხოვანი და საგანგებოდ გაწვრთნილი პირადი დაცვა ჰყავს, მაგათ თვალს არაფერი გამოეპარება!

– კარგი ერთი და! ასე მალე დაგავიწყდა? ბატონ პრეზიდენტის ბრწყინვალე პირადი დაცვის სიყრჩაღე ერთხელ უკვე გამოვცადე! ისევ და ისევ უკვე მერამდენედ გეკითხები: მარტო წავიდე თუ შენც გამომყვები?

– კარგი, შენ წინ გამიძეხ და მე უკან მოგყვები!

ფრთხილად ასწიეს საპაემნო კარვის კალთა და შეუმჩნეველად შეძვრნენ შიგ...

გოგონა უკვე მიმჯდარიყო მაგიდასთან, გაემზადებინა დიქტოფონი და რაღაცას წერდა ბლოკნოტში, ალბათ – წინდაწინ ინიშნავდა მისთვის საინტერესო კითხვებს, რომელიც ბატონ პრეზიდენტისთვის უნდა დაესვა.

უცებ კარვის ბრეზენტის კარი გვერდზე გაიწია და, როკ-მუსიკის გამაყრუებელ ღრინაცვლთან ერთად, – მაგარი მომღერალ-დამკვრელები ჩამოიყვანა ბატონმა პრეზიდენტმა! – შიგ შლეგიანივით შემოვარდა გადომებული ბატონი პრეზიდენტი, სად ერქარებოდა ნეტავი?..

– გამარჯობა, როგორ ბრძანდები? – მაგიდას გვერდი აუქცია და ხელი გაუწოდა შემკრთალ ქალიშვილს.

ქალიშვილი წამოდგა და ბატონ პრეზიდენტს ხელი შეაგება:

– მადლობთ, ბატონო პრეზიდენტო! დიდი მადლობა მინდა გიძღვნათ, რომ თქვენ ინტერვიუს... თქვენგან ინტერვიუს...

გოგონას აზრი დაეფანტა, წინადადების დამთავრება ხან ასე სცადა, ხან – ისე... ბატონ პრეზიდენტს გოგონას ხელი ისევ ეჭირა, მაგრამაც ეჭირა, გაშვებას არ აპირებდა და ჩვეული ღიმილით შესცქეროდა მის დაბნეულ ლულულს.

– არაფრის, გენაცვალე, არაფრის! პირიქით, მე დაგრჩები მადლობელი! – ბატონმა პრეზიდენტმა მეორე ხელი მოხვია გოგონას, მიიზიდა და ჩაეხუტა.

ქალიშვილი კიდევ უფრო დაიბნა; გაოგნებული, ერთხანს გაყურდა, მაგრამ შემდეგ, როცა ბატონი პრეზიდენტი უფრო აქტიურ ქმედებაზე გადავიდა, მისი მკლავების მარწმუნებიდან გასანთავისუფლებლად ამაო გაბრძოლების შემდეგ, უცებ კივილი ასტეხა...

ბატონმა პრეზიდენტმა ცხვირმოუხოცავი ღლაპის ასეთ თავხედობას, რომელმაც შესაბამისად არ დააფასა მეუფის ესოდენ საპატიო ყურადღება, საკადრისი პასუხი გასცა – გემრიელად გაულაწუნა ლოყაზე და დაუღრიალა:

– გაჩერდი, შე ძუენა!

ატირებული გოგონა გაგარდა კარვიდან...

თვით ბატონი პრეზიდენტი საეჭვოდ კარგა ხანს აღარ გამოჩენილა; პირადი დაცვის თანამშრომლები კარავში შესვლას ვერ ბედავდნენ, ალბათ გაფრთხილებულნი იყვნენ, ჩემი ნებართვის გარეშე არ გაბედოთ ჩემი შეწუხებაო, დადარაჯებულნი ელოდნენ მისი აღმატებულების ნიშანს... და როცა შატაბუტამ, როგორც იქნა, გააბედნიერა იქ მყოფნი საკუთარი სახის, საკამოდ შეშფოთებულის, ხილვით, თავზე პარკის ნაცვლად რატომღაც რაღაც ჭრელი ხაოიანი პირსახოცი ჰქონდა მოხვეული...

– ტერორისტული აქტი! სასწრაფოდ გამოაცხადეთ საგანგებო მდგომარეობა მთელი ქვეყნის ტერიტორიაზე!

ბატონ პრეზიდენტის განწირულ ღრიალზე ფხიზლად დადარაჯებული პირადი მცველები წამსვე ეცნენ კარვის კარს; რამდენიმე ბრკე ჯველი ერთდროულად ცდილობდა შიგ შეღწევას, საწყალმა კარავმა ვერ გაუძლო გმირთა გმირების ასეთ შემართულ და შეხმატბილებულ შემოტევას და წაიქცა...

საბედნიეროდ, მარჯვენა და მარცხენა უკვე გამომძვრალი იყვნენ კარვიდან და საბრძოლო ველიდან ფაცხაფუცხით გარბოდნენ უახლოესი ბუნქებისკენ...

ისევ და ისევ – საბედნიეროდ, პრეზიდენტის მოწოდებისთვის პატრიოტ გოგო-ბიჭთა მიმართ, ბუნქებში გაერთეთო, ამისთვის ჯერ არავის ეცალა – როკ-ანსამბლის კონცერტი გრძელდებოდა, თანაც ჯერ არ დაბნელებულიყო და ბუნქში ჩვენს გმირებს არავინ დახვდათ, ერთი დაბუდებული ღობემძვრალას მეტი, რომელიც მაშინვე, გულგახეთქილი, გაეცალა იჭაურობას...

– ისევ პარკი! – წამოიძახა მარცხენამ, როცა ოდნავ მოითქვეს სული. – ხომ არ აურიე? პარკის მოტაცება აკვიტებულ იდეად გექცა!

უჰ, უჰ!.. როცა პატრიოტთა ბანაკის ერთ-ერთ განმარტობულად მდგარ კარავში ბატონ პრეზიდენტს უპირფასესი პარიზული პარკი უკვე მესამედ მოსტაცეს, კიდევ და კიდევ – უჰ-უჰ, რა ორმტრიალი ატყდა! არა, ამის აღწერა ჩემს სუსტ ძალებს აღემატება! იმას კი მოგახსენებთ, რომ ერთი უპრეცედენტო მოვლენა მაინც მოხდა: მთავრობის სხდომის ჩაშლას არ ვგულისხმობ – მთიულური ხინკლის მირთმევა აღარ მოისურვა ბატონმა პრეზიდენტმა და მისი უდიდებულესობის ბანაკის ტერიტორიიდან საჩქაროდ ევაკუაციისთვის საჩქაროდ გამოიძახეს ვერტმფრენი...

ბატონ პრეზიდენტს მომსახურე, მშველელი, ტაშის დამკვრელი, ყურადღების მიმქცევი და ასე შემდეგ საკმარისზე მეტიც ჰყავს, ამიტომ ჯობს, მის უმაღლესობასთან დაკავშირებულ შემდგომ ამბებს ნუღარ გამოვეკიდებით და ისევ ჩვენი გმირების შემდგომ ბედს მივადევნოთ თვალი.

– ვატყობ, შენ წერას ჰყავხარ ატანილი! რა გრჯიდა ან რანაირად მოახერხე ბატონ პრეზიდენტის პარკის უკვე მესამედ მოპარვა? – უფრო შეშინებული, ვიდრე გაოცებული მარცხენა ვერაფრით დაწყნარდა.

– შენ დარდი ნუ გაქვს, ამ საქმეში გამოცდილება უკვე მაქვს! – უპასუხა მარჯვენამ. – როცა ჩვენს ლამაზ შატაბუტას ლაზათიანად გაულაწუნეს ლოყაში, სწორედ მაშინ ვიხელთე დრო და...

– ანუ დანაშაულებრივად ისარგებლე დაზარალებულის სულიერი და მისი ლოყის ფიზიკური მდგომარეობით და იჭურდე!

– ბიჭო, შიშისგან თავგზა ნუ დაგებნა და ნუ ურევ: გოგოს ლოყას შემოჰკრეს, შატაბუტასი კი არა. ჰო, ვადიარებ: დამნაშავე ნამდვილად ვარ! შატაბუტას ისევ მოუწვევს პარიზს გაფრენა, ასეთ პარკის სხვაგან ვერ იშოვის... ნახე: უმაღლესი ხარისხის უპირფასესი პარკია! თუ გინდა, გაჩუქებ!

– ვაი, ჩემს თავს, ისევ გინდა, შარში გავხვიოთ? რა ამოიჩემე ეს პარკი, თანაც, ხომ ხედავ, როგორ დათბა, რაში დაგვჭირდება...

– ჰო, უკვე თითქმის ზაფხულია – აუჰ, ჩვენს უთავბოლო ხეტიალში რა დრო გასულა! მიკვირს და ვერ გამოვიტყვი, ხომ იცი, რა ჭირად უნდოდა ბატონ პრეზიდენტს ასეთ ამინდში პარიკი! მე მაგის ადგილას, საკუთარი ხუჭუჭი და ხშირი თმა რომც მქონოდა, აუცილებლად თავს გადავიხობტრავდი – წინ კიდევ უფრო თბილი ამინდი გველის!

– ჩვენც მეტისმეტად ცხელ ამბავში გავეხვიეთ!

– არა მგონია, ეს ამბავი გახმაურდეს, – გამოთქვა ვარაუდი მარჯვენამ.

– ამიტომ შენ უნდა ითავო ამ დღის უკვდავყოფა!

– როგორ?

– როგორ და სახელდახელო ლექსი მიუძღვენი ჩვენს ხოტორა, ქალწულთა გულთამპყრობელ, გმირთა გმირ მეუფეს! – ექილიკება მარცხენა მარჯვენას.

– შენს დაკრულზე ვიცეკვო? იქნებ არ მეღექსება!

– მე სულ შენს დაკრულზე არ ვცეკვავ? ჰოდა, ერთხელ მაინც შენც დამღვევი პატივი და ეს ერთი მოკრძალებული თხოვნა შემისრულე! ბატონ პრეზიდენტის სანაქებო და მრავალმხრივი მოღვაწეობის – და მე დაგებინდი: ასევე, ჭკუის სასწავლის – არცერთი დღის არცერთი უმცირესი დეტალიც კი არ უნდა დარჩეს უცნობი ცნობისწადილით აღვსილ შთამომავალთათვის!

– რა გატყვარაჭულად ლაპარაკობ! ყაბულსა ვარ, ოღონდ მაშინ ლექსისთვის მუსიკის შეწყობა შენზე იყოს.

– კარგი რა, მე გეხუმრე და შენ კი გინდა, ისევ ხათაბალა ავიკიდოთ? თანაც, ვინ იქნება ჩვენი ნაცოდვილარის შემსრულებელი, ვინ გაბედავს?

– რა ვიცი, იქნებ სწორიც ხარ... ის საწყალო შურნალისტი გოგონა კი უკვე ნაღდად გაეხვია შარში და ვეჭვობ, სამართალმა პური ჭამოს...

და მარჯვენა მარცხენას მოუყვია, შემდგომ როგორ განვითარდებოდა მოვლენათა სცენარი, თუ გოგონამ სასამართლოში ჩივილი გაბედა და ეს საქმე ვერ ჩაფარცხეს. რა თქმა უნდა, გოგონას ადვოკატს უცილობელი წარუმატებლობა თან სდევს: მისი კლიენტის სარჩელს სასამართლო წარმოებაშიც კი არ მიიღებს; შეურაცხყოფილმა გოგონამ რამდენიც უნდა იხვანცალოს, მისი ძალისხმევა სამართლიანობის მისაღწევად სრულიად უშედეგოდ დამთავრდება... სამაგიეროდ, მოგონილი საბაბით მაშინვე სამსახურიდან გამოაძეგებენ, თან მთავარი რედაქტორი მამაშვილურად დაარბიებს: “ჩემო ლამაზო და მშვენიერო, ტყუილად ნუ ხტუნავ, ხომ იცი, რასაც მოიმკი შენი დაუფიქრებელი საქციელით?”; გოგონას მამას, პროფესორს, კათედრიდან დაითხოვენ – საგანგებოდ კონკურს გამოაცხადებენ და, რა თქმა უნდა, ვაკანსია მას არ ერგება; ის კი არა, კონკურსში მონაწილეობის მისაღებად მის საბუთებსაც კი არ მიიღებენ – ასაკოვანი ბრძანდებით, პატივცემულო, დროა, ასპარეზი უფრო ახალგაზრდებსა და პერსპექტიულებს დაუთმოთო; გოგონას ძმას ღამით საკუთარ სახლთან თავს დაესხმებიან ვიღაც ათლევტური აღნაგობის, კარგად ნაგარჯიშევი, ნიღბიანი უცნობები, უშვერი სიტყვებით შეამკობენ, აგინებენ და ცემით კინაღამ მოკლავენ... ამ ფიზიკური და მორალური შეურაცხყოფის ფაქტზე აღიძვრება სისხლის სამართლის საქმე, რასაკვირველია, კარგა ხნის გაჭიანურების შემდეგ, თუ საპროტესტო საზოგადოებრივი აზრი საკმაოდ მძლავრი იქნება, მაგრამ, დარწმუნებული ბრძანდებოდნენ, რომ ეჭვმიტანილებს ვერასდროს აღმოაჩენენ და დამნაშავეთა გასამართლება და საკადრისად დასჯაზე ხომ ზედმეტია ლაპარაკი...

ღიახ, ჩვენი მამაცი გმირები ბუნქში ისხდნენ და ბანაკში ამტყდარ წარმოუდგენელ ორომტრიალს უყურებდნენ, თან, როგორც ყოველთვის, არც სახალისო საუბრის წარმართვა ავიწყდებოდათ. მარჯვენა ერთგვარად უკმაყოფილო ჩანდა:

– ჩვენთვის ყველაფერი კეთილად დასრულდა, მაგრამ, როგორც მუსიკოსს, განსაკუთრებით გული დამწყდა: აფსუს, პატრიოტთა საზაფხულო ბანაკში ბატონ პრეზიდენტის სტუმრობის აღსანიშნავი კონცერტის მხოლოდ დასაწყისი მოვისმინეთ... ვერც შატაბუტას ცეკვის ხილვა შევძელით, არადა, უყვარს მოხტუნავე გოგო-ბიჭებში გარევა; დარბაისლური იერი ვერაფრით მიუღია – ჯერაც ჯეელი ვარ, ჯერ რქები არ ამომსვლიათ...

– და, რასაკვირველია, შემდგომ აღარც მთავრობის გამსვლელი სხდომა გაიმართება, – დაამატა მარცხენამ. – ამაში დიდი წვლილი შენ მიგიძღვის, ბიჭო, რა ძვირფასი ღონისძიება ჩაუშალე! ეს სახელმწიფო დანაშაულია!..

– კარგი რა! გული იმაზე ნუ დაგწყდება, რომ მთავრობის სხდომას, – ანუ, გარკვეული თვალსაზრისით, საციკო სანახაობას, – ვერ დაესწარი; თუ გინდა, ახლავე მოგახსენებ, როგორც წარმართებოდა ყველაფერი. წარმოდგინე ასეთი სურათი: დიდ სხდომათა დარბაზში... არა, აქ ჯერ საგანგებო დარბაზი არ ექნებათ აშენებული, მაგრამ რაღაც დიდი ოთახი კი იქნება სასხდომოდ მომზადებული... პარალელურად განლაგებული ორი პრიალა, გრძელი მაგიდა, ერთ ბოლოში ჩაკეტილი უფრო მოკლე მესამე მაგიდით, რომელსაც უზის ბატონი პრეზიდენტი... არა, ბოდიში, მისი უდიდებულესობა, ბატონი პრეზიდენტი მოგვიანებით გამოჩნდება, როგორც ტრაგედიის (ჩვენს შემთხვევაში – ტრაგიკომედიის!) მთავარი გმირი. ჰო, გრძელ, პრიალა მაგიდებს უსხედან მინისტრთა კაბინეტის პა-

ტივცემული წევრები, აგრეთვე – რეგიონთა დამსახურებული ხელმძღვანელები, და, რაღა თქმა უნდა, – მმართველი პარტიის ფრიად კმაყოფილსახიანი, გაბღენძილი ბოლოლები, სხვა მოწვეული მაღალი თანამდებობის პირნი, ისინიც – ჩასუქებული, მდიმარენი, გაღაღებული... მათ გარშემო კი, კედლებთან, ტელეკორესპონდენტთა და ოპერატორთა ჯარია განლაგებული – მიმდინარეობს მთავრობის გაფართოებული სხდომის პირდაპირი ტრანსლაცია ყველა არხით!

ჯერ, რასაკვირველია, მოთმინებით უცდიან ბატონ პრეზიდენტის მობრძანებას, როგორც მელომანები – გამოჩენილი ვირტუოზის სცენაზე გამოჩენას; ამიტომ, უპირანი იქნებოდა, ტელემაყურებლებისთვის რჩევა მიეცათ, რომ თავისუფლად შეეძლოთ, დროებით უფრო საინტერესო საქმე გამოენახათ, ვიდრე ეკრანზე გამოჩენილ სხდომის მონაწილეთა ერთმანეთში ზანტად მოსაუბრე ან სულაც მთვლემარე სახეების თვალიერება... კარგა ხნის ლოდინის შედეგად სხდომათა დარბაზში, ბოდიში – დიდ ოთახში, სწრაფი ნაბიჯით შემოგლიჯინდება შატაბუტა, თითქოს ძალიან შორიდან მოეშურებოდა და ერთი სული ჰქონდა, საყვარელ ხალხს შეხვედროდა. მინისტრები და მოწვეული მაშინვე სახეებზე საქმიან გამომეტყველებას გამოაცხობენ და სკამების ხრიგინ-ხრიგინით ფიცხლად ფეხზე წამოიშლებიან. ბატონი პრეზიდენტი მათ მოწყალებდ დაუქნევს თავს და ყველანი ისევ სკამების ხრიგინით დასხდებიან... რას იზამ, პატრიოტთა ბანაკში ვერ მოისახურეს ან ვერ მოსწრეს რბილი სკამების მოტანა და იატაკიც არ არის ისეთი ხარისხის და ისეთი კრიალა, როგორც პრეზიდენტის რეზიდენციაშია. დამსწრეთა ცხვირები კომპასთა ისრებივით ერთი “პოლუსისკენ” არიან მიმართული – სუფრის... ბოდიში, მაგიდის თავში ბატონი პრეზიდენტი ზის, ვითარცა მსოფლიო მიზიდულობის ცენტრი; მის ზურგს უკან პირადი კათხათმტვირთველი, ბატონი შინც ძიბილაურია დადარაჯებული – მზად არის მარად მწყურვალ მეუფეს სურვილი მყისვე შეუსრულოს; ხელმარცხნივ შატაბუტას მხარს უმშვენებს პარლამენტის თავმჯდომარე... უჰ, ისეთი უფერული პიროვნება გახლავთ, სულ მაგიწყდება მისი გვარი, ალბათ მაპატიებთ; ხელმარჯვნივ – პრემიერ-მინისტრი... რა მემართება, არ ვიცი, მომკალი და ვერც ამ უბადრუკი პრემიერ-მინისტრის გვარს მოგახსენებთ... ღმერთო, გვარი გამახსენე... თუმცა, არ აქვს მნიშვნელობა, ვინც არის, მით უმეტეს, რომ იმ მოკლე ხანში, რაც ჩემს მიერ მისი აღმატებულების წინა ხსენებიდან გავიდა, სახსებით შესაძლოა, შატაბუტამ მორიგი თანამდებობრივი კარუსელი დაატრიალა და ქვეყანა ახალი პრემიერ-მინისტრის მოვლენით გააბედნიერა. არც იმას აქვს მნიშვნელობა, რა საკითხებია დასახული სხდომის განსახილველად... ბატონი პრეზიდენტი ჯერ ერთ კათხა ლუდს სულმოუთქმელად გამოყვლურწავს, შემდეგ იწყებს გრძელთარძელ მონოლოგს, თუ რა უდიდესი, ეპოქალური წარმატებებია მოპოვებული მმართველი პარტიის ხელმძღვანელობით ქვეყნის ყოველმხრივ განვითარებაში... გადავიდალე ალბათ, ზუსტად გახსენება მიჭირს, ახლა არ ვახსენე მმართველი პარტიის სახელი? ბოდიში, მის ზუსტ დასახელებას ხომ ვერ შემახსენებ?

– შენ, ძმაო, სკლეროზი ხომ არ გჭირს? “ცივი-ცივი ლუდისა და ცხელ-ცხელი ხინკალის ჭეშმარიტ ტრფიალთა დემოკრატიული კავშირი” რამ დაგავიწყა, დღედაღამ ეთერში სულ მისი სახელი ტრიალებს, არც შურნალ-გაზეთების ფურცლებიდან ჩამოდის. ხალხში უფრო მოკლე და მოხდენილი სახელი შეარქვეს: “ღორმუცელათა კავშირი”.

– ჰო, ქვეყნის პრეზიდენტი და, იმავდროულად, მმართველი პარტიის – მოკლედ ვიტყვი – “შუქ-თამბაქმელთა კავშირის” თავმჯდომარე, ბატონი ფრიდრიხ ვილჰელმ შატაბუტა-ტარულაშვილი გააგრძელებს ჭეშმარიტი მჭერმეტყველების კიდევ ერთ შესანიშნავ ნიმუშს: “მაშინ, როდესაც მთელ მსოფლიოში მძინვარებს პოლიტიკური და ეკონომიკური კრიზისი, განსაკუთრებით – ჩვენს მეზობელ ქვეყნებში, სადაც კრიტიკული მდგომარეობა შეიქმნა, ჩვენ გავძლივით და, უფრო მეტიც, მთელი მსოფლიოს დასანახად, განვაგრძობთ არნახულად წარმატებულ მსვლელობას განუხრელი განვითარების გზაზე... დემოკრატიის კიდევ უფრო გაძლიერება... ბიზნესისთვის ყოველმხრივი ხელშეწყობა... რეფორმების კიდევ უფრო გაღრმავება... ხალხის კეთილდღეობის კიდევ უფრო ამაღლება...” და ასე შემდეგ – შატაბუტას ჩვეული რეპერტუარი, ყველასთვის უკვე კარგად ნაცნობი. შემდეგ ბატონი პრეზიდენტი დაინტერესდება რაიმე რეგიონალური პრობლემის მდგომარეობით, მაგალითად, რამდენად შემცირდა უმუშევრობა მეორე კვარტალში რომელიმე ქალაქში... ამის შესახებ შეეკითხება შესაბამის მინისტრს, რომელიც ფრიადოსან მოწაფესავით წამოხტება ფეხზე და შემდეგ კი წარუმატებელ მოწაფესავით მოჰყვება ლულულს... პრეზიდენტი რამდენჯერმე შეაწყვეტინებს ლაპარაკს და კიდევ უფრო დააბნევს საბრალს, შემდეგ უცებ სულ სხვა საკითხზე გადახტება და ახლა სხვა მინისტრს მოულოდნელად შეეკითხება, თუ რამდენი წყვილი ნიფხავი გამოუშვა გუშინწინ ახალაშენებულმა სატრიკოტაჟო ფაბრიკამ... მაგანი მინისტრი, ასევე, მოწაფესავით ფეხზე წამოიჭრება და ისიც მორიდებით წაილულულდება, რომ, თუ ყველაფერი კარგად იქნა და გაუთვალისწინებელმა ხელის შემშლელმა გარემოებებმა არ იჩინა თავი, ეს ფაბრიკა მომავალ წელს უნდა ამოქმედდეს... შემდეგ ბატონი პრეზიდენტი მორიგ კათხა ლუდს გამოყვლურწავს, უკვე მესამედ, და ოფლად გახვითქულ დანარჩენ სხდომის მონაწილეთა ნერწყვის ნატიფად ყლაპვის აკომპანემენტით (მაგიდაზე ბოთლებით ლუდი და მინერალური წყალი კი დგას, მაგრამ მათ გახსნას ყველა ერიდება)...

- საკმარისია, საკმარისი! - შეაწყვეტინა მარჯვენას მეტისმეტად გაჭიანურებული მონოლოგი მარცხენამ. - შენ, ძმაო, ტყუილად აუშვი ფანტაზიის აფრა და მოსალოდნელი სხდომის მორევში შეცურე; დარწმუნებული ვარ, შენი ბრწყინვალე ქურდობის შედეგად ბრწყინვალედ დამფრთხალ შატაბუტას აღარ სცხვლა მთავრობის სხდომის გასამართავად და მხოლოდ აქედან თავის დაღწევაზე ფიქრობს: ალბათ პრეზიდენტის ვერტმფრენი უკვე საჩქაროდ მოეშურება აქეთკენ!

- სხვათა შორის, ეს ჩვენი უზომოდ თავხედი და ბრეკია ტელეჟურნალისტები, მყვირალა სენსაციის მოსაპოვებლად, როგორც სვაგები ლეშს, ისე რომ ეცემიან ხოლმე ყველაზე ამაზრზენ ამბებს, ახლა თუ ამცნობენ ქვეყნიერებას, რაც აქ მოხდა?

- მე მგონი, პრეზიდენტის უსაფრთხოების სამსახურის მუშაკები არც ისეთი დოკლავიები არიან, რომ რომელიმე ტელეჟურნალისტს საშუალება მისცენ, გადაიღონ ფრიად პიკანტური სცენა: შეშინებული ბატონი პრეზიდენტი გამოვარდება კარვიდან, მელოტს თავზე ხელისგულით იფარავს და თან გაჰკვივს: "ტერორისტული აქტი მომიწყვეს, მთელს ქვეყანაში ვაცხადებ საგანგებო მდგომარეობას!". მართლა მაგარი ხარ, ხომ იცი, ისევე მოახერხე, რომ შატაბუტას ასეთი რადიკალური გადაწყვეტილება მიაღებინე! ჩვენი პრეზიდენტიც ძალიან მაგარია, ოღონდ სხვა მხრივ: ისეთი დამფრთხალია, ისიც კი ავიწყდება, რომ ადრე გამოცხადებულ საგანგებო მდგომარეობას ვადა ჯერ არ გასვლია!

დაბნეულა და, გარდა იმისა, რომ, გასაგები მიზეზების გამო, მთავრობის სხდომა ჩაიშალა, აღარც ახალგაზრდები სტუმრებიან ბუჩქებს, აღარც ცეკვა-თამაში გამართულა, არც - შეჯიბრი ლუდის ჩქაროსნულ სმაში, რომელშიც, როგორც ჭეშმარიტ დემოკრატს შეეფერება, ბატონი პრეზიდენტიც აპირებდა მონაწილეობის მიღებას, და არც სადღესასწაულო დღის დამაგვირგვინებელ გრანდიოზულ ფოიერვერკს ნაირფერად გაუნათებია ნორჩ ბანაკელთა ბატონ პრეზიდენტის სტუმრობით გაბედნიერებული სახეები...

დილას მარჯვენამ და მარცხენამ მზის ამოსვლას აღარ დაუცადეს და ინათა თუ არა, მაშინვე მათ მასპინძელ ბუჩქს გამოემშვიდობნენ. მათ მიერ გაძევებულ ღობემძვრალას კი, შეწუხებისთვის, ბოდიშის მოხდის მაგივრად, ბატონ პრეზიდენტის დიდებული პარიზული პარიკი დაუტოვეს!

- მე მგონი, ჩვენს კეთილ მასპინძელს ჩვენი საჩუქარი მოეწონება და კვერცხების დასადებად არ დაიწუნებს! - თქვა მარცხენამ. - ასეთი პატარა ჩიტუნიათვის იქნებ ცოტა დიდიც იყოს ბატონ პრეზიდენტის პარიკი ბუდის მოვალეობის შესასრულებლად, სამაგიეროდ, ბარტყები სივიწროვეს არ იგრძნობენ!

- მეც იმედს გამოვთქვამ, რომ პატარა ღობემძვრალა ბატონ პრეზიდენტივით წუნია არ გამოდგება, - მხარი აუბა ძმას მარჯვენამ და ხუმრობით გააგრძელა: - ძალიან გამიკვირდა და მეწყინა კიდევ, ხომ იცი, როცა ბანაკში სტუმრად მოსულ ბატონ პრეზიდენტის თავზე ვერ ვიხილე ჩემს მიერ ნაჩუქარი ციხის ზედამხედველის ფორმის ქუდი! არადა, ეს სიმბოლური საჩუქარი იყო და ნუთუ არ მოეწონა? უმადური!

- თუ სიმბოლოებზე მიდგა საქმე, მაშინ უპრიანი იყო, მთავრობის სხდომაც რომელიმე ახალაშენებულ ციხეში ჩაეტარებინა!

- ყოჩაღ, ძმაო, ზუსტად ათიანში მოარტყი! ისე, არც ახალგაზრდულ ბანაკში "კათხა ლუდი" მთავრობის სხდომის ჩატარების იდეა იყო ურიგო, ესეც თავისებური სიმბოლოა: ჩვენი უმწიფარი ხელისუფლების მოღვაწეობისა...

კარი XII.
so f l u r i i d i l i a (Pastorale, პასტორალი);
yana da baRi r aRam no awyi na?
(Con lenezza, წყნარად, რბილად, ნაზად)

მზიანი შუადღეა, თითები შევიდნენ სოფლის წყნარ ორღობეში. მიწა მოხატულია თუთების, ალუბლების, მსხალთა ჩრდილების მაქმანით... ერთფეროვნად, გაბმულად ხმიანობს ჭრიჭინობელა, ხერხავს და ხერხავს დაუზარელად, დაუდღელად - თითქოს მზის მცხუნვარებას კიდევ უფრო აძლიერებს, ჩიტების უზრუნველი ჭიკჭიკი კი ზაფხულის გასხივოსნებული დღის მშვენიერების განცდით გატკბობს...

და ამ დროს არ შეიძლება, რომ მუსიკა არ გაგახსენდეს; ჩვენი მოხეტიალე თითებიც, ირგვლივ განფენილი სიმშვიდისა და სილამაზის გავლენით, მშვენიერ მუსიკაზე საუბრობენ, იქნებ ბანალურადაც... მაგრამ მუსიკოსები არიან, ფაქიზად გრძნობენ და განიცდიან და "ამღერებულად" ხედავენ ყველაფერს...

მარჯვენა გრძნობათა სიჭარბით შეჩერდა კიდევ:

- როგორი კონტრასტია ჩვენს მიერ გადატანილ ვნებათაღელვასთან... ბუნების წიაღში ყოფნა გვიყუჩებს გაუტანლობით, სისასტიკით, უსამართლობით მიყენებულ სულიერ იარებს...

- ელევთერი განწყობა დაგეუფლა... - ამჯერად მარცხენაც აქტიურობს: - მახსენდება დიდი ლუდვიგის "პასტორალური სიმფონია"... სულ ჩამესმის ბუნების უშფოთველობითა და სიწყნარით გამოწვეული განწყობა, სიამე, სისარული, - განსაცვიფრებელი მელოდიური სიმდიდრე... ახლა გუგულის "გუ-გუ" და ნაკადულის ლიკლიკი გვაკლია, სამაგიეროდ, შაშვის გალობა ისმის! - შემდეგ მარცხენა რაღაცას საკუთარს მღერის... მარჯვენა ვერ აამღერა, უკვირს: - ბიჭო, ხომ კარგად ხარ? აქამდე სულ მე მიკვირებდი, ცხვირჩამოშვებული რად ხარო, ახლა რატომღა არ ამყევი?

- რა ვიცი... ირგვლივ ისეთი სიწყნარეა, სასაფლაოზე გეგონება თავი... სასაფლაოზე სიმღერა გაგონილა?

- რატომ? ზოგიერთები სასაფლაოზე საქეიფოდაც დადიან, უფრო სწორედ - უდროოდ წასულ ძმაკაცს მოიგონებენ, სადღეგრძელოს ჩასძახებენ, საფლავზე ღვინოს დააპკურებენ, სიმღერასაც კი შემოსძახებენ!

- ყველგან უჩვეულო სიჩუმე გამეფებულა... რა დაემართა ამ სოფელს?

მილოდავენ, მიბობდავენ...

ხედავენ: ერთი უპატონოდ მიტოვებული სახლი, მეორე... მეთრე...

მერე თვლა მოსწყინდათ.

მორღვეული ღობეები, ნაცარქათამათი, დოღოთი, ნართა და ჭინჭრით ავსებული ეზოები, ალაგ - ჩაქცეული სახურავები...

არსად - კაცის ჩამირეში, არც ბავშვების ჟივილ-ხივილი ისმის, ქათმებიც კი არსად ჩანან... მხოლოდ ბელურები უზრუნველად დახტიან გზაზე, მტკვრში ფრთების ფართქუნით უდარდელად გორაობენ, მერე უცებ ერთად წამოფრინდებიან და გაუჩინარდებიან...

ერთგან, გზაჯვარედზე, კაცები შეგროვილან - შუახნისანი და უფრო ხნიერნი, თითო-ოროლა ახალგაზრდაც: მზით დამწვარი, გაუპარსავი, დაღლილი სახეები, ძველი, გამოსუნებული ტანსაცმელი... უსაქმობისგან გულგაწყალებულნი, გაბეზრებულნი, სხედან სოფლის მტვრიან მოედანზე დაკეტილ სადალაქოსთან; მიწაზე გაფენილ გაზეთზე დაუწყვიათ გაფცქვნილი ხახვი, დატეხილი პური და შინნახად არაყს სვამენ - რაღაცას წაიბურტყუნებენ სადღეგრძელოს მაგივრად და გადაჰკრავენ...

და არ ისმის სიმღერა - უზრუნველი, ხალისიანი!

მარჯვენა:

- ამათხუა სიმღერით ნათქვამი: "პურსა ჭამენ და ღვინოს სმენ, სიმღერას არ იტყვიანო, კაცო!".

- ღვინოს კი არა - არაყს!

- რას იტყვოდი, ახლა რომ ბატონი პრეზიდენტი აქ მობრძანდეს და...

- რას ამბობ, ბიჭო, ტარუდაანთ ბიჭს ამ მიგდებულ, ყველასგან დავიწყებულ სოფელში რა უნდა, ვითომ ჩვენზე უფრო გადარეულია?

- ხომ იცი, რა დაუცხრომელი მოგზაურიცაა! თუკი იყნოსა, რომ აქ დიდებული სუფრა არის გაშლილი, მაშინვე გეზს ამ სოფლისკენ აიღებს და ამ ძიაკაცებს დაუმშვენებს გვერდს. წარმოიდგინე, რომ მისმა უდიდებულესობამ ფრიდრიხ ვილჰელმ შატაბუტა-ტარულაშვილმა ამ მიყრუებული სოფლის მტვრიან ქუჩაზე გაიარა თავისი ბრწყინვალე კორტეჟით... ხედავს: სადალაქოს წინ გლეხკაცები ჩამომსხდარან: ზოგი - აგურზე, ზოგი - რიყის ქვაზე და ზოგიც - პირდაპირ გვაღვისგან გაქვავებულ მიწაზე... და სუფრაა გაშლილი! თან - რა სუფრა! რა გული გაუძღვებს, რომ მოქეიფებს არ შეუერთდეს!.. "ამ შეპიწყინებულ ინდაურს ტყემლის საწებელა მოუხდება, - ბრძანებს ბატონი პრეზიდენტი. - ერთი არაყიც დამისხი, ლუდს კი, იმედია, ჩემი ერთგული პირადი კათხათმტვირთველი დიტმარ მამებლაური... ბოდიში, ბატონი მამებლაური ამჟამად პარლამენტის თავმჯდომარეა... ლუდს ჩემი პირადი კათხათმტვირთველი ჰაინც ძიძგილაური არ მომაკლებს... უჰ, დალოცვილია ლუდი ასეთ სიცხეში!".

- გლეხები რას ეტყვიან ძვირფას სტუმარს?

- დაახლოებით ამგვარად: "უღრმესი მადლობა, ჩვენო მეუფე და მბრძანებელო, ჩვენთან სტუმრობისთვის და პურის გატეხვისთვის, განსაკუთრებით კი - პირის გატეხვისთვის: ჩვენზე ასეთი "მამობრივი" მზრუნველობისთვის! სავარგულები მოუხნავ-დაუმშვენებელი დაგვრჩა, სამაგიეროდ, მინდვრის ყვავილებითაა გადაპენტილი! ხომ არ ინებებთ, მადლიერების ნიშნად, ლამაზი გვირგვინ-თაიგულით დაგიმშვენოთ ეგ დიდად დამსახურებული, სახელმწიფოებრივი სიბრძნით გამოტენილი თავი? ადარც ბაზარში წოწიალი გვიწვეს, შინ ვსხედვართ, ვისვენებთ... უღრმესი მადლობა, მადლობა და მადლობა!".

- შატაბუტა რაღას უპასუხებს?

- "აბა, რისთვის აგვირჩიეთ, კეთილო ხალხო! ვაჰ, ხინკალიცა გქონიათ; არ გაცვიდეს, ჯერ ერთი ოცდაათი ცალი გადმომიღეთ... ჩემო საყვარელო ჰაინც, ისევ მომაწოდე ჩემი საყვარელი კათხა! ჩვენ უნდა გვესმოდეს, რა დიდი ბედნიერებაა, უბრალო ხალხთან ასე უბრალოდ დაჯდომა, მათი

პურ-მარილის გაზიარება, მათი ჭირისა თუ ლხინის გაგება... სხვებსაც, ჩემს თანამებრძოლებს პარტიასა თუ სახელმწიფო სტრუქტურებში, აუცილებლად მოვეუწოდებ... არა, პირდაპირ დაგავალებ: ჩვენი ამოცანაა, გადით ხალხში, გაითავისეთ მათი ცხოვრების შუქჩრდილი, ტკივილიცა და სიხარულიც! აუცილებელია მოსახლეობასთან დიალოგი, ყოველდღიური მჭიდრო ურთიერთობა!" და მოიყუდებს ჯადოსურ კათხას... მერე ისევ ილაპარაკებს ძალიან დიდხანს, ძალიან ლამაზად და ძალიან დამაჯერებლად: "მართალია, მსოფლიო ეკონომიკურმა კრიზისმა ჩვენს ქვეყანაზეც იქონია ერთგვარი უარყოფითი გავლენა და ამას, რასაკვირველია, ვერაფრით გავეცქვიოდით, მაგრამ ამან ვერ შეძლო არსებითად შეეფერხებინა ქვეყნის ძლიერად მსოფლიო წინსვლა ყველა მიმართულებით! მთელს მსოფლიოში რომ სტაგნაციისა და უკუსვლის მოვლენები მძლავრობენ, ჩვენ სტაბილურობის აყვავებულ ოაზისად ვრჩებით ეკონომიკური ქარიშხლით აბობოქრებულ კრიზისის ოკეანეში"... განსაკუთრებით ხაზს გაუსვამს ქვეყანაში შემდგომი დემოკრატიზაციის ძირეული პროცესებისადმი მის ყოველდღიურ ზრუნვას – წამდაუწუმ გაისმის: "ახალი საკონსტიტუციო კომისია"... "საარჩევნო სისტემის ძირეული რეფორმა"... "სასამართლო სისტემის რეფორმა"... "საგადასახადო და შემოსავლების სისტემის შემდგომი დახვეწა"... დემაგოგიის ფოიერვერკი!..

– სულ რამდენ კათხს გამოსცლის? – შეაწყვეტინა ძმას გაჭიანურებული მონოლოგი მარცხენამ.

– ძნელია ამის თქმა, ძალიან ცხელა და ალბათ ძალიან ბევრს. იმას კი თამამად ვიტყვი, რომ ისე მოასუფთავენს გაშლილ გაზეთზე მონარჩენებს, დანარჩენებს ერთ ნამცვესაც არ დაუტოვებს! იმაშიც დარწმუნებული ვარ, თვითონ კიდევ უფრო მადაგადვიებულნი, მშვიერი წავა აქედან – მის მუცელს რა ამოყორავს!

– მერე, ამ დალოცვილებმა, წინდაწინ რატომ არ დაიჭირეს თადარიგი ძვირფასი სტუმრის მისაღებად?

– ხომ გითხრი, ცანცარაა, არავინ იცის, ხუთი წუთის შემდეგ სად ამოყოფს თავს! გამორჩეულია მადა რომ აქვს, ეგ არაფერი, სხვა გადახრებია საყურადღებო. მე ექიმი არ ვარ, მით უმეტეს – ფსიქიატრი, და ვერ ვიტყვი დანამდვილებით, მას პარანოიკული ფსიქოპათია სჭირს თუ არა, მაგრამ ჩემთვისაც კი თვალსაჩინოა მისი ფსიქიკის აშკარა დისჰარმონიულობა. მე მგონი, ძალიან ბევრი გაიზიარებს ჩემს მოსაზრებას, რომ ბატონ შატაბუტას პიროვნებას ამშვენებს მთელი თაიგული ფსიქიკური ნორმიდან გადაცდენებისა თუ ამოვარდნებისა: განდიდების მანიით გამოწვეული მესიანიზმის განცდა, პათოლოგიური მატყუარობა, სინამდვილის ობიექტურად აღქმის სრული მოშლა ან თანდაყოლილი არქონა... აშკარაა ფსევდოდამბლის სინდრომი: მუცელდემერთობა, სექსუალური აღვირახსნილობა, კრიტიკული განსჯის ატროფირება და საკუთარი შესაძლებლობების გადაჭარბებული შეფასება, მარად ამადლებული განწყობილება და კმაყოფილება საკუთარი თავით და გარემოთი... ნებისმიერი მიუკერძოებელი ფსიქიატრი დაასკენდა: ექვემდებარება დაუყონებლივ ჰოსპიტალიზაციას!

– ჭირიმე, საკუთარი მომეტებული კრიტიკული განწყობის გამო, ხომ არ აჭარბებ?

– გადაუდებელი საექიმო დახმარების მხრივ? რომ არ ვცდები, აგე, მატარებლის დასტურიც!

ერთფეროვნება უცებ ირღვევა: შორიდან მოისმის მატარებლის მომხმობი კივილი – მირაკუნობს, მიიჩქარის: გუ-გუ-გუ!..

მოხუცი გლეხები ტკივილიანი ღიმილით, თვალების ჭუტვით, გასცქერიან მატარებლის მუხლუხოსავით გაწოლილ შემადგენლობას:

– სად გარბის ეს პატრონძაღლი, ჩვენც ხომ არ გავიქცეთ?

– მაშ არა და, მეც უნდა ქალაქს გავიქცე, სხვა გზა არა მაქვს!

– ბიჭო, ქალაქს რა დაგრჩენია, ხომ იშოვე მილიონები, წაბრძანდი, შეიღოსა, შენს საყვარელ ტროპიკულ კუნძულებზე; მთელი წლის განმავლობაში პლაჟები მოფენილია შიშველი ლამაზმანებით, თან იაფად გამოსვალ – ზამთარში შეშის ფულს დაზოგავ...

– რა დროს სადმე წასვლაა, რა სრა-სასახლე და გაშლილი სუფრა იქ მეღის! თუ წავალ, ისევ საიქიოში!

– სწორედ ეგ ერთი გზაა გვაქვს დარჩენილი...

– საიქიოს ყოველთვის მოვასწრებთ წაბრძანებასა, მე იმას ვნატრობ: ნეტავ ერთი ამაფრინა, გამაფრინა, უცხო მხარეები მანახვა...

– და სადმე გაშლილ სუფრასთან ხომ არ ინებებდი დაფრენასა?

მარცხენა ეუბნება მარჯვენას:

– ჩვენ რატომაც გავრბივართ, ხეირიანად ვერაფრით ამიხსენი, ესენი რადამ ააცეცა? რამ დაცულა სოფელი?

მარჯვენა:

– შენს გარდა, ეგ ალბათ ყველამ იცის: შიმშილმა! უიმედობამ! სოფელურმა სიდუხჭირემ: საქონელს მაღავენ – გადასახადია ყოველ ძროხაზე, საძოვარზე, მიწაზე... სხვა ყველაფერთან ერთად, საოცრად გაძვირდა სასუქი, სარწყავი წყალი... ფული – საიდან? ვეტერინარული სამსახური გაუქმდა

და კერძო ფირმებმა თითო ძროხის ასაცრელად 40 ლარი დააწესეს – ადრე 5-6-ჯერ იაფი უჯდებოდათ...

– ამათ უნდათ ახლა იესო ნაზარეტელი, თუ ის მართლა არსებობს, ტიბერიადის ტბის პირას რომ სასწაულებრივად ხუთი ქერის პურითა და ორი თევზით ხუთი ათასი კაცი დაადლო და მონარჩენით კალათებიც დაავსო!

– არა, კაცო, ხელისუფლებისგან ცოტაოდენი ყურადღება სჭირდებათ და საკუთარ თავსაც მიხედოდა და ქვეყანასაც შეეხილებიან. მაგრამ ჩვენს შატაბუტას სად სცალია ამ საცოდავების პრობლემების გადასაჭრელად – დიდად დაკავებულა სულ სხვა საქმეებით: საპრეზიდენტო სასახლის მშენებლობითა და მოწყობით, საზღვარგარეთ გაუთავებელი მოგზაურობებითა და რესტორნებში გრილით... ჩვენ მოგვდგამს სულის სიმხნევე, ხალისიანობაც და მკვლავმოუღლეელი შრომის მოთხოვნილებაც, მაგრამ ყოველივე ამას აქტიურად თრგუნავს ჩამოყალიბებული სისტემა ავტოკრატიული მმართველობისა... ბატონი შატაბუტა თავისუფალ აზროვნებასაც კი ვერ იტანს და მავანის თავისუფალ ქმედებას დაუშვებს? მონები, მისი ნების უსიტყვო შემსრულებლები – აი, მისი იდეალი. და ბატონ პრეზიდენტის გაუთავებელი ლაქლაქი ჩვენს ქვეყანაში პიროვნების თავისუფლებაზე, დემოკრატიის განვითარების მორიგ ტალღაზე – ფუჭი ლაყობაა და მეტი არაფერი.

– ისევე გძლია ენამყრალობამ... ვერც შენ უარყოფ, რომ ჩვენი პრეზიდენტი თავისებურად მეტად გამორჩეული პიროვნებაა... – წამოიძახა მარცხენამ.

– კი, ბატონო, ამაში ყველანი ვთანხმდებით, რომ შატაბუტა მეტად კოლორიტული პიროვნება გახლავთ! – დაეთანხმა მარჯვენა. – მაგრამ... აი, ეს “მაგრამ” არის მთავარი! დიახ, უბედურება იმ გარემოებაში მდგომარეობს, რომ ეს გამორჩენილი პიროვნება თავისი პიროვნული თვისებებით სრულიად შეუფერებელია იმ თანამდებობისთვის, რომელიც უკავია. მართალი მოგახსენო, ასეთ ადამიანს მე ვერ ვანდობდი არამცთუ პრეზიდენტის პოსტს, არამედ რომელიმე ოდნავ საპასუხისმგებლო თანამდებობასაც კი...

– რატომ, მაინც რა ისეთი კატასტროფიული ნაკლოვანებები დაინახე მის პიროვნულ თვისებებში?

– ამის შესახებ ბევრჯერ გვისაუბრია და ნუთუ შენთვის კიდევ საჭიროა ახალი ახსნა-განმარტება? უპირველესად – ცანცარაა, შენ გენაცვალე! შეიძლება, გყავდეს ცანცარა პრეზიდენტი? სულ გარბის-გამორბის, ერთ ადგილზე ვერ ჩერდება; ცანცართ ცანცარა ხუთ წუთში ერთპიროვნულად იღებს მნიშვნელოვან გადაწყვეტილებას და იმედი აქვს, რომ ათ წუთში მის შესრულებას შეძლებს! სულსწრაფია! გადასაჭრელი პრობლემის არავითარი გაანალიზება, არავითარი კონსულტაციები საქმეში ჩახედულ სპეციალისტებთან, არავითარი მრავალმხრივი გათვლა ყველა გარემოებისა, მოსალოდნელი შედეგებისა... რად სჭირდება სხვისი რჩევა, თვითონ ხომ გენიოსია! ან ვის უნდა ჰკითხოს რჩევა-დარიგება, გარშემო შემოიკრიბა უნიჭო ტაშის დამკვრელები... თითო-ოროლა ჭკვიანი და გამოცდილი თუ გამოერია მის გარემოცვაში, ისინიც მეუფეს მხოლოდ იმას ეუბნებიან, რაც მას მოეწონება – მათებლები და მლიქვნელები! საოცარია! ისიც საოცარია, რა მანქანებით მოხვდა ხელისუფლების მწვერვალზე... თუმცა, ახლა უკვე ყველაფერი ცხადია, როგორც: კაიკაცობის ნიღბით, სამართლიანობისთვის, დემოკრატიისთვის, ხალხის ინტერესებისთვის გულანთებული მებრძოლის ნიღბით და, რაც მთავარია – უცხოეთის აქტიური მხარდაჭერით... სინამდვილეში ვინც იყო და რაც სურდა, შემდგომ მშვენივრად წარმოაჩინა: ყველა კანონიერი და არაკანონიერი ხერხებით ძალაუფლების შენარჩუნება, მის უცნაურ ახირებებს და საკუთარ ნება-სურვილს უნდა დაემორჩილოს ყველა და ყველაფერი... ამიტომ, არც არის გასაკვირი, რომ ჩამოყალიბდა ტიპიურ ავტოკრატად. ცინიზმი, შერწყმული არაკომპეტენტურობასთან, შეუწყნარებლობა, უვიცობა და კატეგორიულობა, სისასტიკე, შეწყვილებული მშიშრობასთან, სიცრუე და უსირცხვილო და უკიდვანო დემაგოგია – აი, მისი უდიდებულესობის ბრწყინვალე თვისებათა არასრული ჩამონათვალი...

– კიდევ, კიდევ?

– ყველაფრის, ყოველი ხუშტურის ასრულების თავისუფლების განცდა: რასაც მინდა, იმას გავაკეთებ, რატომაც არა?! დაწერილი და დაუწერელი კანონები და შეზღუდვები ჩემთვის არ არსებობს! ხონთქარი ვარ, ყველას უფალი! მაგრამ – ჩემი ხუშტურების მონა!

– კარგი რა! შენ ამბობ, რომ მოგბეზრდა ყოველდღე სულ ერთი და იგივე, ამიტომაც გამოვიქცი კონცერტიდანო; და თუ ასე ვერ იტან ერთფეროვნებას, შენ თვითონ ჩვენი პრეზიდენტის გაუთავებელი და ერთფეროვანი გინება როგორ არ მოგბეზრდა?

– მე კიდევ, იცი, რას გკითხავ? – ფიცხლად შეეპასუხა მარჯვენა. – ამისხენი: სულ რომ ხან – პრეზიდენტის კრიტიკას ეთანხმები, ხანაც – მე მაკრიტიკებ მისი კრიტიკისთვის, არ არის უცნაური?

– ამქვეყნად ყველაფერი უცნაურია და ამას უნდა შეეგუო!

– აი, ახლა კი დაგეთანხმები, ბატონო ფილოსოფოსო, როგორ უცნაურადაც უნდა მოგეჩვენოს! ქვეყანა უცნაურობებით და მოულოდნელობებით რომ არ იყოს საგსე, სიცოცხლეს ფასი დაეკარგე-

ბოდა. მაგალითად, სრული მოულოდნელობა იქნებოდა, ახლა შატაბუტას აქ გამოჩენა, მაგრამ – სრულიად მოსალოდნელი, რომ მაშინვე სუფრასთან მოიკალათებდა!

– შენ, ბიჭო, ახლა ყველა ცოდვას ამ ერთ კაცს ნუ აპიკდებ! შეხედე: გაგიგონია გაგანია სიცხეში, შუადღეზე, არაყის სმა? არ მობეზრდებათ ასე მთელი დღე მცონარობა? გაანძრონ ხელი და ეშველებათ!

– შრომა კი არ ეზარებათ, მათმა შრომამ – და სხვებისაც – აზრი დაჰკარგა, – პასუხობს მარჯვენა. – შრომას ფასი დაეკარგა!.. ფული არ არის სოფელში – ძვირია ტრანსპორტი, სასუქი, დიდია გადასახადები... შენი მოწვეული ჭირნახული ვერსად მიგაქვს გასასადებლად: ბაზარში უცხოური იაფი, ნაგავი, გენეტიკურად მოდიფიცირებული საქონელია შემოტანილი ოხრად – გააუქმეს ყოველგვარი კონტროლი საბაჟოზე და ქვეყანაშიც! მეგობარი ქვეყნიებიდან ორასი მილიონი დოლარი დახმარება შემოვიდა სოფლის მეურნეობის ასაღორძინებლად, ჰოდა, სად გაქრა ასე უკვალოდ ეს უზარმაზარი თანხა? სად არის კომბაინები და ტრაქტორები, გაწმენდილი არხები, აშენებული გადამამუშავებელი საწარმოები? სამაგიეროდ, გლენს მისი ნაკვეთის მორწყვა იმდენად ძვირი უჯდება, მოწვეულ პროდუქციას ვეღარ ასადებს – უბაჟოდ შემოტანილს კონკურენციას ვეღარ უწევს და კოტრდება... ვალეებში ეფლობა, მიწას ყიდის... ვინ ყიდულობს? ისევ ფულიანი უცხოელი... მალე სოფელი საერთოდ აღარ იარსებებს... მე რომ მკითხო, ყურები მაინც არ უნდა ჩამოყარონ – რა ვაჟაკობაა, ხელში მარტო არაყით გალიცლიცებული ჭიქა გეჭიროს და ამღვრეული თვალებით სანუგეშოს ვეღარაფერს ხედავდე ირგვლივ! თუმცა, ჩვენ რომ გვგონია, არც ისეთი დათრგუნულნი არიან, აბა, მოუსმინე!

– გოტფრიდ, ბიჯო, აბა ერთი, ეგ ინდაურის შემწვარი ბარკალი მომაწოდე! – ხნიერი ძიაკაცის დაჭმუჭვნილ სახეზე ღიმილი ნაოჭებს კიდევ უფრო აღრმავებს.

– არა, ბიჯო, არ გირჩევ! – სერიოზულად პასუხობს გოტფრიდი და დამჭკნარ სახეზე მხოლოდ უბილოდ, ჩავარდნილი პირი ცმაცუნით განაგრძობს პურის ნაჭერის ლოლნას.

– რათა, კაცო?

– იმათა, რომ დიეტურია, შენა კიდევა, ექიმმა ხომ დაგარიგა: “ბიჭო ვილიბალდ, ნამეტანი მოსუქდი ჩვენი პრეზიდენტივითა, ჰოდა, დიეტაზე დაჯექ აუცილებლადო”, დაგავიწყდა? ე ნიორწყალში ჩაწვობილი ლოქო უფრო მოგიხდება! კარაქივითა დნება პირში! ან თუ ხოხბის ხორცი მოგაწოდო?

– ახლა ეს მაინც მითხარი, რამდენი ფეხი აქვს იმ შენს ნაქებ დიეტასა, რომ დაგვჯდე, ჩემი ნამეტანი გასუქებული ტანის სიმძიმით ხომ არ წაიქცევა, ხომ მაგარი გაკეთებულია, შეიძლება, ვენდო?

– როგორც ჩვენი პრეზიდენტის სიტყვასა! – პასუხობს გოტფრიდი. – რატომ არ უნდა ენდო?

– მა რომ დაგვჯდე ამ შენს კეთილ დიეტაზედა და უცებ ერთი ფეხი მოსტყდეს, ხომ გავგორდი ე დროული კაცი მიწაზედა, იქნებ მე თვითონაც მამტყდეს რამე... საავადმყოფოში უფულოდ კიდევა თითს არაგინ გაატოკებს, შენ ამინახლაურებ მეურნალობის ხარჯებსა?

– ხომ გაგიგონია: კაცი წყალს მიჰქონდა და ის კი იძახდა, გზა მაინც იქეთ მაქვსო; თუ მიწაზე გავგორდი, კიდევ უკეთესი – საქმე მაინც არაფერი გაქვს, წამოგორდი და წაიძინე! სიზმარში ხომ მაინც იქნები კეთილად და ბედნიერადა!..

– მშვიერ კუჭზე რა დამაძინებს, კაცო!

– კუჭს რას უცქერ, ხომ იცი, ცბიერია: თავის ნებაზე ათამაშებს უნებისყოფო კაცსა და ხშირად ხიფათსაც გადაჰყრის! აბა, ერთიც დავლიოთ! – გადაჰკრა და უცებ გაბზარული ხმით წამოიწყო:

ჩამოსხლებიან ყორნები,
ჩამოყრილი აქვთ ყურები...

– აგე, თუ არა მღერიან! – ნიშნის მოგებით წამოიძახა მარცხენამ.

მარჯვენამ უპასუხა:

– ყორნებში საკუთარ თავს ხომ არ გულისხმობენ? ნაღვლიანი სიმღერაა და ახლა მე პატარას გაგამხიარულებ დამსწრე საზოგადოებას...

– ყველგან საცულულუტოს ეძებ, არ მოგწყინდა მაიმუნობა? ეს საცოდავები მწარე სინამდვილეს მწარე არაყით გაურბიან, ზედ ცხარე ხახვს აყოლებენ და შენგან კიდევ რაღაც ჩხვლეტა უნდა იგემონ? ხომ ხედავ, პარიკი არცერთს უკეთია, რა უნდა მოსტაცო? თან ყველანი სხედან, თან, ვერ ხედავ, სიმსუქნითაც ვერ დაიკვეხნიან, გამხმარი საჯდომები ექნებათ, პწკენისთვის ფრიად მოუხერხებელი... დაანებე თავი, მაგათ საკუთარი გასაჭირიც ეყოფათ!

– კარგი, – დაეთანხმა მარჯვენა, – მაგათ მსოფლიო პრობლემებზე მსჯელობაში ხელს აღარ შეეუშლი და ჩვენ კი სალაქლაქოდ არ გეცაღია, გავიქცეთ, გზა განვაგრძოთ: ამ გაპარტახებული სოფლისა და გასაცოდავებული ხალხის ცქერა აღარ შემიძლია... თუმცა, მოიცა, აქ რაღაც უნდა მოხდეს...

ამ დროს სოფლისკენ მომავალი შარაგზა მტვრის ბუღში გაახვია ძვირ-ძვირი ჯიპებისა და გრძელი, შავი მსუბუქი მანქანების ქარავანმა; მათ უკან მოჰყვებოდა რამდენიმე ავტობუსიც.

– ძვირფასი სტუმრები ეწვივნენ ამ ყველასგან მიგდებულ სოფელს! – წამოიძახა მარჯვენამ. – ნეტავ რა ბიკიმა უკბინა ბატონ პრეზიდენტს, აქაურები რამ გაახსენა?

– შენ ენამ ხომ არ გიყივლა, – წამოიძახა მარცხენამ, – ნუთუ მართლა ის მობრძანდება? რა გააწყალა გული ამ ხეტიანს აყოლილმა შატაბუტამ, რატომ არ გვასვენებს, ამ ყრუ ადგილსაც უნდა მოგვაგნოს? გდებულებო იმ ახალგაზრდულ ბანაკში!

– როგორც ტორტის ყოველდღე ჭამა მოგებზრდება და პურის გემო მოგენატრება, ბატონ პრეზიდენტსაც პარიზი, ლონდონი და ნიუ იორკი მოყირჭდა და ახლა აქაურები უნდა გააბედნიეროს მისი უდიდებულესობის ხილვით! – გაეცინა მარჯვენას. – ჩვენი ნახვაც მოენატრა, თუმცა არასდროს გუნახივართ!

– ჩვენი არა, მაგრამ ალბათ მართლა მოენატრა გამხმარი პურის ნატეხისა და ხახვის ლოდნა, ამ დიდებულ სუფრაზე ჩვენს გლეხკაცებს გვერდს დაუმშვენებს! არ ვიცი, არაყს სვამს თუ არა, ციფ-ციფი ლუდი კი არ მოაკლდება – ერთგულ კათხათმტვირთველს გვერდიდან არასდროს იშორებს!

– შესაძლოა, ამ სტუმრობას სხვა, ბევრად სერიოზული მიზეზი ჰქონდეს, – თქვა მარჯვენამ. – მართლაც ბრძენი პრეზიდენტი გყავს: ეტყობა, ქვეყანაში გამეფებული ეკონომიკური გასაჭირითა და დემოკრატიული უფლებების ფეხქვეშ უბოდიშო გათელვით გამოწვეული საყოველთაო უკმაყოფილებისა და მისი რეჟიმისთვის საშიში პოლიტიკური დაძაბულობის განსამუხტავად, ციფ-ციფი ლუდისა და ცხელ-ცხელი ხინკლის, ასევე, დემოკრატიის ჭეშმარიტ ტრფიალთ ვადამდელი არჩევნების ჩატარება აქვთ განზრახული და წინდაწინვე, კონკურენტთაგან უჩუმრად, ამომრჩეველთა ხმებზე ნადირობის სეზონი გახსნეს... ამას ბატონმა შატაბუტამ დაარქვა “ხალხში გასვლა”. ნამეტანი ხომ არ დააგვიანეს? ამდენი წელია, სახელისუფლო თბილ სკამებში გემრიელად სხედან, ყველაფერს მხოლოდ სულ თავისკენ მიითლიან და ხალხი თუ არსებობდა ამ ქვეყანაზე, არასდროს გახსენებიათ...

– შეხედე, ბიჭო, აქაურები რას ეღიროსნენ – რამდენიმე სატელივიზიო ბრიგადაც მოჰყვებათ, სოფლები გაიხარებენ – საქვეყნოდ გაითქვამენ სახელს!

– არც გართობა მოაკლდებათ – საკონცერტო ჯგუფიც ახლავთ! ჩვენც მშვენივრად გავერთობით, შენ დაუკარ! ბატონი პრეზიდენტი მეტად თავმდაბალი კაცია, ადგილობრივ გოგო-ბიჭებთან ერთად მხიარულ ცეკვა-თამაშში თვითონაც ჩაერთვება! აქაური ახალგაზრდებისგან დაცლილია სოფელი და თუ არ დახვდებიან, არც იმაზე ინაღვლებს – “პატრიოტთა ბანაკიდან” საჩქაროდ ჩამოიყვანენ! თუმცა... ამჯერად, მე მგონი, რანგი თონავ უფრო დაბალი, მაგრამ მაინც, ადგილობრივი გაგებით, ნამდვილი დემოკრატები მობრძანდნენ. როგორ შევცდით, მიკვირს, ხომ იცი: ამას რა დიდი მიხედვრა უნდოდა: თუკი პრეზიდენტი აქ მოსვლას მართლა განიზრახავდა, წინდაწინ საჩქაროდ გზასაც ასფალტით დაფარავდნენ, გზის გასწვრივ სახლებსაც სასწრაფოდ შეეღებავდნენ... საყვარელ ბატონ პრეზიდენტს დაახვედრებდნენ გზის გასწვრივ დროშებით, ტრანსპარანტებითა და ყვაგილებით დამშვენებულ საზეიმოდ გამოწყობილ ადგილობრივ მოსახლეობასაც...

– დიდად შევცდით!

– ბატონ პრეზიდენტს სული მისდის, ისე უყვარს ახალი შადრვენის, ახალი სათამაშო მოედნის, ახალი საპრობილის და სხვათა გახსნა... ჯერ დიდის ამალით ზარ-ხეიმით მობრძანება, შემდეგ – ჩვეული როლის შესრულება: ორსაათიანი სიტყვით გამოსვლა და ჩვენი ქვეყნის ცხოვრების ყველა სფეროში და ყველა მიმართულებით არნახული მიღწევებით თავის მოწონება, შემდეგ – წითელი ბაფთის გაჭრა, მშრომელ უბრალო, მშრომელ ადმიანებთან პირისპირ გულითადი საუბარი და უშუალო ურთიერთობით მათი ჭირისა და ღხინის შესახებ უტყუარი ინფორმაციის მიღება, დაბოლოს – რესტორანში გემრიელი პურისჭამა!

– აქ რომ პატარა სასადილოც არ აქვთ?

– ჰო, მართალი ხარ, შეცდნენ, ძალიან, ძალიან შეცდნენ აქაურები! რა გახდა ერთი ახალი ფეხსალაგი მაინც შეეკოწიწებინათ სახელდახელოდ! როგორც მოგახსენე, ჩამობრძანდებოდა ბატონი პრეზიდენტი, ბაქბუქით ტრახახის კორიანტელს დააყენებდა, წითელ ბაფთას საზეიმოდ გადაჭრიდა, ხალხს გულითადად გაესაუბრებოდა, მათ ჭირსა და ღხინს გაითავისებდა, თვითონაც გაიხარებდა და სხვებსაც ხომ გაახარებდა და გაახარებდა!

– აბა, კაცო! ტელევიზორში გამოიჭიმებოდნენ, მათ მღიმარ, ბედნიერ სახეებს მთელი მსოფლიო იხილავდა!

– არა უშავს, სოფლები მაინც ბედნიერები არიან: "ვაჰ, შენ გენაცვალე, ამას რას მოვესწავრით, ეს რა ბედნიერი დღე გაგვითენდა, პრეზიდენტი არა, მაგრამ ბატონი მინისტრი ხომ გვეწვია, თანაც – თვით მისი ბრწყინვალეობა, ბატონი ჰაინრიხ ტომარფულიაური – ბატონ პრეზიდენტის გართობა-დროსტარებისა და კომფორტული გარემოს შექმნის მინისტრი!". ხუმრობა ხომ არ გგონია? საინტერესოა, შატაბუტამ როგორ მოიცილა გვერდიდან ერთ-ერთი ყველაზე გავლენიანი მინისტრი,

ნუთუ ბატონმა პრეზიდენტმა ნირი იცვალა, ტაშფანდურსა და დიმიტაურ-დამიიტაურს შეეშვა და სახელმწიფო საქმეებით სერიოზულად დაკავდა?

– შეხედე, ამ ძვირფას გვამს რამდენიმე პარლამენტის დეპუტატიც უმშვენებს გვერდს მმართველი პარტიიდან, ამით რაღა დარჩენიათ აქ? სახუმაროდ და გასართობად ნამდვილად ბევრად უკეთეს ადგილს მიაშურებდნენ.

– ახლავე ყველაფერში გავერკვევით...

ჰაინრიხ ტომარფულიაური და პარლამენტის პატივცემული დეპუტატები მანქანებიდან დინჯად ჩამობრძანდნენ, შავი სათვალეები დინჯად გაიკეთეს და, პირადი მცველებით გარშემორტყმულნი, სადალაქოს წინ მსხდომი გლეხებისკენ დინჯად გაემართნენ და დინჯად, თან – გულითადად, მიესალმნენ.

ფეხზე წამომხტარმა გლეხებმა, ვისაც ქუდები ეხურა, თავიდან მოიშვლიაპეს და ყველამ ერთად სტუმრებს სალაში დაუბრუნეს.

– აბა, როგორა ხართ, ხომ მშვიდობაა?! – დაიწყო გულითადი საუბრის ძაფის გაბმა ბატონმა ჰაინრიხ ტომარფულიაურმა.

– ცუდად რათ უნდა ვიყვნეთ, თქვენი წყალობა ნუ მოგვიშალოს ღმერთმა! – ზრდილობიანად უპასუხეს გლეხებმა.

– კიდევ უკეთ იქნებით, ამას გპირდებით! – განაგრძო ბატონმა მინისტრმა, “მოქიფეთა” ”სუფრას” დახედა და ხელი გაურკვეველი მიმართულებით გაიშვირა. – მერმის ამ დროს კარგი პომიდორი და ქორფა კიტრიც არ მოგაკლდებათ: აი, იქ, მდინარიდან რომ არხის ტოტი გამოდის, ჩვენი ქვეყნის პრეზიდენტის პირადი გადაწყვეტილებით, ვიწყებთ ამ სოფლისთვის მეტად მნიშვნელოვანი ობიექტის გაწმენდის სამუშაოებს! ასევე, საჭირო ფულიად სახსრები უკვე გამოყოფილია და კაპიტალურად შევაკეთებთ სოფლის სკოლას და ამ გზასაც, რომლითაც თქვენ შესაძლებლობა მოგეცემათ, თქვენს მიერ წარმოებული სასოფლო-სამეურნეო პროდუქცია დაუბრკოლებლად გაიტანოთ ბაზარში...

– შენი კენესამე, ეს მინდვრები, უკვე რამდენიმე წელია, დაუმუშავებელია და რა უნდა მოგვწყაოთ? – შეეპასუხა ერთი ჭადაროსანი, კარგა ხნის წვერგაუპარსავი გლეხი.

– მომავალ წელს წყალი იქნება და ხომ მოხნავთ?

– სოფელში თითქმის სულ ბებრებიდა ვართ დარჩენილები, სკოლაშიც ადრე რომ სამასზე მეტი ბავშვი სწავლობდა, ახლა სამილა დადის, იმათაც მომავალ სასწავლო წელს ქალაქს წაიყვანენ... ან ვინდა არის მიწის პატრონი, ვილაც გადამთიელმა ერთიანად შეისყიდა და საძოვრად იყენებს, ისიც გაქცევას აპირებს...

– ეს სოფელი სულდამშენდა არ არის? – იკითხა ბატონმა მინისტრმა და გვერდით ატუზულ ახალგაზრდა მოადგილეს შეხედა – შეცდომით სხვაგან ხომ არ მომიყვანო.

– გახლავს, ჩემო ბატონო, მაგრამა მალე სახელს შეგუცვლით – არაშენდა დაერქმევა... თუკი სახელის შემრჩევი ვინმე გადარჩა...

– მეგობრებო, თქვენი პესიმიზმი სრულიად უსაფუძვლოა, ახლა რეფორმების ახალი ტალღა იწყება ჩვენი ცხოვრების ყველა სფეროში... შესაძლოა, მოკლე ხანში რიგგარეშე არჩევნებიც ჩატარდეს, რომელიც ბიძგს მისცემს ქვეყნის კიდევ უფრო დაჩქარებული ტემპით განვითარებას, როგორც ეს ჩვენი პარტიის პროგრამას შეესაბამება. სულ რამდენი ამომრჩეველი გყავთ? – დაინტერესდა ერთ-ერთი დეპუტატი.

– ეგა თქვენ უკეთ უნდა იცოდეთ, ჩემო ბატონო; ბოლო არჩევნების წინა, კარგა მახსოვხართ, აქა ბრძანდებოდით და კეთილი სიტყვებიც არ დაგვამადლეთ, ძალიან მოგვეწონა, ძალიანა... დიდად მადლობელი გახლავართ, ძვირფასო ჩვენო ბატონო... თუკი ახალი არჩევნების დანიშნას აპირებთ, სოფელში ბევრნი კი აღარ დავრჩით, მაგრამა, ჩვენი იმედი გქონდეთ, ჩვენო ძვირფასო ბატონო, ისევ თქვენ ჩაგიგდებთ თეთრ კენჭსა, თუკი, რასაკვირველია, ცოცხლები ვიქნით და ჩვენც ქალაქს არ წავედით ჩვენს შვილებთან და შვილიშვილებთანა...

– ბიჭო, გავეცალოთ აქაურობას! – წამოიმართა მარცხენა. – ხომ ხედავ, საინტერესო აქ არაფერი ხდება, ეს საუბარი ყრუთა დიალოგს ჰგავს. საკონცერტო ბრიგადა კი ჩამოუყვანიათ, მაგრამ ვატყობ, კონცერტის გამართვას აღარ აპირებენ...

– და აღარც ჩამოტანილ საჩუქრებს დაარიგებენ... – გააგრძელა ძმის აზრი მარჯვენამ. – სამაგიეროდ, მე მინდა, ბატონ მინისტრს ჩემებური საჩუქარი ვუძღვნა – ახლა, აქვე: მერე სადღა მექნება ბედნიერება მის ბრწყინვალესთან ისევ შეხვედრისა! ხომ უნდა დავაფასოთ მმართველი პარტიის თვალსაჩინო წარმომადგენლის სამაგალითო თავგამოდება – ასეთმა პატივსაცემმა გვამმა თავი შეიწუხა, საკუთარი ძვირფასი დრო არ დაზოგა და ამ სიშორეზე მობრძანდა – “უბრალო ხალხთან, მშრომელებთან შესახვედრად”, მისი ჭირისა თუ ლხინის გასაცნობად...

– კარგად გიცნობ, რა კერკეტი კაკალიცა ხარ, შენს განზრახვაზე ხელს მაინც ვერ აგაღებინებ და ის მაინც მითხარი, რას აპირებ?

– მოითმინე და თვითონ ნახავ... შენ ნურაფრის შეგეშინდება და გასაქცევად მზად იყავი! მარჯვენა ერთ-ერთ ავტომატმომარჯვებულ ახმახ ჯეელთან მიბობლდა.

”ტრა-ტა-ტა-ტა!..” – უცებ გაისმა ავტომატის ჯერი...

შემდგომ რაც მოხდა, ძნელი აღსაწერია: ჯერ პატივცემული სტუმრები სხარტად გაიშხლართნენ მზით გახურებულ მიწაზე, იარაღმომარჯვებული დაცვის თანამშრომლები ქორულად იმზირებოდნენ გარშემო...

ყველაზე ცქიტი ბატონი მინისტრი გამოდგა: ერთ-ერთი ”ჯიპის” ქვეშ პირველი შეძვრა... სამაგიეროდ, როცა მოკლე ხანში ცრუ განგაშის შესახებ ამცნეს, იქიდან სულ ბოლო გამოძვრა... ბოლოში, ვერ გამოძვრა და მცველებს დიდი ჯაფა დაადგათ მისი მანქანის ქვეშიდან გამოსათრევად – ამისთვის მანქანის ცალი მხრიდან ცოტა მაღლა აწევაც კი დასჭირდათ... ძალიან გაუკვირდათ – ასე ჩაფუნთუშებულმა იქ როგორ მოახერხა შეძრომაო...

ბატონ ჰაინრიხ ტომარფულიაურს ტანსაცმელი არც ჩამოუფერთხავს, არც აქეთ-იქით გაუხედავს, ისევ მსწრაფლ შეძვრა, ახლა უკვე – დაჯავშნულ მანქანაში. არც სხვებს მოუცადა, რა თქმა უნდა, პირადი მცველების გარდა, და არც მასპინძლებს გამომშვიდობებია, ისე უბრძანა მძღოლს, სასწრაფოდ გაცლოდნენ გაპარტახებულ სოფელს...

დანარჩენებიც უცებ შელაგდნენ მანქანებში და მალე ძვირფასი სტუმრებისა და მათ თანმხლებ პირთა კვალი აღარ ეტყობოდა იქაურობას; თუ არ ჩავთვლით მტვრის ბუღს შარავზახე, რომელიც, იმედია, დაპირებისამებრ, მოკლე ხანში ასფალტით შეიმოსება...

ჩვენი მოგზაურებიც სოფელს გასცდნენ, შემდეგ მსწრაფლ გადაიარეს სოფლის შემოუღობავი სასაფლაო და სირბილით ისევ მინდორში გავიდნენ.

– კარგად გავერთეთ, აი! – კმაყოფილებით თქვა მარჯვენამ. – მაგრამ ერთგვარად მაინც გული დამწყდა, ხომ იცი!

– რატომ ხარ ყველაფრით უკმაყოფილო? – უსაყვედურა მარცხენამ.

– ჩემო კარგო, აბა, შენ თვით განსაჯე: მშვენიერ წარმოდგენას დავესწარი, მაგრამ სულ სხვა დონე იქნებოდა, თვით ბატონი შატაბუტა რომ მობრძანებულებო! აი, მაშინ ვიქნებოდით დემაგოგიის მწვერვალისა და ბრწყინვალე საცირკო შოუს მომსწრენი! ახლა გაახსენდა, რომ თურმე ამქვეყნად ხალხი არსებობს და დიდი ხარ-ხეიმით გამოაცხადა: “ვიწყებთ სახალხო დიალოგს! ყოველდღიურ შეხვედრებს ხალხთან!”... ბიჭო, შეხედე: რკინის ბაღე გარდგეულია და საქონელი თავისუფლად დანავარდობს! – უცებ წამოიძახა მარჯვენამ.

– შენ შენსას არ იშლი და გინდა, საქონელი გამოდენო? ტყუილად გაირჯები: სადღაა ყანა – ნაყანევად არის გადაქცეული!

– ჰო, ვხედავ, გლეხი არ ტყუოდა: ეტყობა, რამდენიმე წელია, აქ არაფერს თესავენ და არც წელს შეუწუხებიან თავი, საძოვრად თუ გამოიყენებენ... მწყემსი უცხო ტომისა ჩანს, აქ რამ მოიყვანა? ნუთუ ჩვენზე გაჭირვებულები არიან სადმე სხვაგან? ნახე, რა ტკბილად ჩასძინებია, ხომ არ გუაწკინო?

– მართლაც, ჩვენებურს არ ჰგავს... შენ, ძმაო, მისი კომბალი აქვს თუ ჯოხი, სწორედ ის მოგნატრებია! – უპასუხა მარცხენამ. – შეეშვი, რას გიშავებს, საქონელი თუ უპატრონოდაა მიტოვებული, ვინმეს აბიბინებულ ყანაში ან სათუთად მოვლილ ბაღში გადავა და რამეს გააფუჭებს თუ რა! წავიდეთ ჩვენს გზაზე!

მერე ბაღსაც მიადგნენ; აქაც: მესერი – მოშლილ-დაღეწილი, ბაღი – გავერანებული...

– ამ სოფელს პატრონი არ ჰყავს? – ჩივის მარცხენა. – რა უბედურებაა, ვაშლის უმეტესობა გახმა, დანარჩენი – დაჩიავებულია, დაავადმყოფებული...

– ჩეხავენ გადაბერებულ ძველ ხეებს, ალბათ შეშად ხმარობენ, ახალი ნერგების ჩაყრაზე არავინ ფიქრობს, – ამბობს მარჯვენა. – არც არის გასაკვირი: რასაც ხილის მოსავალს მოიწვევენ, წინა წლებთან შედარებით – ათჯერ და მეტად შემცირებულს, იმასაც ვერსად ასაღებენ... ქალაქს რომ წაიღონ, გზის ფულსაც ვერ აანაზღაურებენ. სოფელში რომ გავიარეთ, ხომ ნახე, რა ყოფაშიცაა ჩავარდნილი და ბაღის ასეთი მდგომარეობა რატომ გიკვირს! მთელი ქვეყანა ასეთ დღეშია, სოფლად უმეტესად მიხრწნილი ბებრებიდა თუ დარჩა, ყველანი უკანმოუხედავად ქალაქს გარბიან.

– უფრო შორსაც – საელჩოებთან საზღვარგარეთ წასვლის მსურველთა გრძელი რიგები დგას.

– უმეტესობა არაღეგალურად ტოვებს ქვეყანას... ჩვენც ეს ველ-მინდორი დავტოვოთ, მთებისკენ ვქნათ პირი: იქაური სოფლები სულ მთლად დაცარიელდა, იქ მაინც აღარავინ მოვა, უფრო უსაფრთხოდ ვიქნებით და – უფრო გრილადაც...

– უცნაური ვიღაცა ხარ, მთაში და ტყე-ღრეში რა გვინდა, რა დავგრჩენია იქ? ახალ ხიფათს გადავეყრებით... – ჩვეული წუწუნი გააბა მარცხენამ, მაგრამ ასევე ჩვეულად, უდრტინველად გაჰყვა წინ მიმავალ ძმას...

კარი XIII.

თითებმა ფათერაკებით გადაიარეს ქედი...
(Con fiacchezza, უილაჯოდ, დაღლილად);
 რა კარგია მდინარეში ჭყუმპალაობა!
(Mezzo-legato, მსუბუქად, გადაბმულად)

ჩვენი თითები ჯერ მცირე აღმართს შეუყვანენ, შემდეგ საკმაოდ უსწორმასწორო, სქელი ტალახით დაფარული გზა ტყიან ხეობაში შევიდა, მიხვეულ-მოხვეული გახდა და – უფრო ციცაბოც.

– უკან დავბრუნდეთ! – წამოიძახა მარცხენამ. – თითქოს გასაჭირი გვაკლდა, უარეს უბედურებაში სად მივბრუნდებით? ამ ახელილ ტალახში ძროშიალი გვაკლია?

– არა, უკან რა გვინდა, ჯობს, ქედი გადავიაროთ, – არ დაეთანხმა მარჯვენა. – ჯერ ტყეში შევიდეთ, დავისვენოთ... უჰ, რა სასიამოვნოდ გრილია!

– აქ სად ამომიყვანე! – ჩვეულად აწუწუნდა მარცხენა. – ისედაც დაეუძღურდი ამდენი ხეტიალით და კიდევ ამ საშინელ გზაზე ბლოტიალი მაკლდა? გზაც აღარ ეთქმის, ისეა გაუბედურებული ტრაქტორების მუხლუხებით!

– მაღე ეს გაოხრებული გზაც გათავდება და გასაჭირი მერე ნახე! – ეუბნება მარჯვენა და მას განგებ აშინებს: – შევცდი, ხომ იცი, აქ თავისუფლად შეიძლება, შეიარაღებულმა მცველებმა დაგვიჭირონ... ეს ტყე ხომ კერძო საკუთრება გახდა, უცხოელებზეა გაყიდული და აქ ვერც ფინხს მოაგროვებ, ვერც – შინდს, ასკილს, მაყვალს ან მოცვს... აქედან მოჭრილ ხე-ტყეს საზღვარგარეთ ეზიდებიან და მაღე ისე გახრიოკდება მათათა ფერდობები, ღვარცოფები ამ გზას კიდევ უფრო უტირებენ დედას... ეს პატარა მდინარეც, ახლა რომ ხეობის ძირას ენის მოჩლექვით მილიკლიკებს, ალბათ გაყიდულია; კარგი ბიჭი ხარ და აქ სადმე ანკესის გადაგდება გაბედე, ბადეზე აღარაფერს ვამბობ – ჩაფრებს ვერ გადაურჩები და ციხის საკანი თუ არა, კარგა დიდი ჯარიმის გადახდა მაინც არ აცდება... ან იქნებ მთლად უკეთესი: ერთიცა და მეორეც!.. გაზაფხულობით, ეს აღიღებული მდინარე-კა შიგადაშიგ ჩვეულებრივზე მეტად გაგვასარებს: ისე გაგიჟდება, რომ ჩვეულ კალაპოტში ვეღარ დაეტევა, ვაკეზე მდებარე სოფლებს მიუვარდება და დუშმანზე მეტად გაატიალებს...

– მდინარეს რაღას ყიდდნენ?

– მდინარე რა? მაღე მთელ სოფლებსაც დედაბუდიანად გაყიდნენ, ისედაც დიდი ნაწილი სავარგულებისა და საძოვარ-სათიბებისა უკვე სოფლებს აღარ ეკუთვნით; მერე ალბათ ჰაერის ჯერიც დადგება – გაუყიდავი მეტი აღარაფერი დარჩა... ამასაც არ იკმარებდნენ და თვითონ ხალხსაც დიდი სიამოვნებით გაყიდდნენ, მაგრამ მაშინ დასავლეთის ქვეყნებიდან სიღარიბესთან ბრძოლის პროგრამით კრედიტებსა და გრანტებს ვეღარ ეღირსებიან ჩვენი მადამოჭარბებული “გრანტიჭამიები” და მხოლოდ ეს გარემოება ამუხრუჭებთ.

– სატირლად გეჭონია საქმე... ამ ტყეში რაც დათვი, მელა ან მგელია, ისინიც გაყიდეს?

– ხუმრობ? ელექტროხერხებისა და ტრაქტორების დღედაღამ გაუთავებელ ღრიალს რომელი ცხოველი გაუძლებდა, ალბათ ჭკუა იხმარეს და დროზე აიბარგნენ აქედან!

– მგელი არც ისეთი მშიშარა ცხოველია, ამ ბოლო დროს სოფლებში მოურიდებლად შედიან, ზოგჯერ – დღისითაც, იტაცებენ ცხვრებს, ხოცავენ საქონელს, უამრავი ვირი და ცხენი შეჭამეს... და რამდენჯერმე ადამიანებსაც კი დაესხნენ თავს!

– მგელი – ისედაც მგელია, მაგრამ სხვა შესაძლებლობა არ დაუტოვეს: ჭამა ხომ უნდა? ტყეში ნადირ-ფრინველი აღარ გაჩერდა და აქ მგელმა რით უნდა იკვებოს?... უფრო საშიში ისაა, რომ ამ ტყეებს, მთლიანად ქვეყანასაც, მგელზე ბევრად სახიფათო ორფეხები შეესივნენ და შეუბრალებლად კუდის რიკამდე ატყავებენ... და მათ გამგელებულ მადას მხოლოდ აქ კი არა, ბევრგან სხვაგანაც, თითქმის ყველგან, არც ტყე გადაურჩება, არც – ნადირ-ფრინველი და, თუ დროზე არ აღიკვეთა მათი პარპაში, არც ადამიანებს დაადგებათ კარგი დღე...

– საშინელი სურათი დახატე... ნუთუ მართლა ასეთი გამოუვალი მდგომარეობაა?

– გულს ნუ გაიტყვ, იმედი გეჭონდეს, რომ საბოლოოდ ერთი მუჭა ნადირალების საჯიჯგნი არ გახდება ქვეყანა... ქვეყნის ბედის მოჭირნახულენი ბევრად მეტია! ჩვენ კი რა შეგვიძლია? ამ გაჭირვებულ მდგომარეობაშიც ავის მქნელთა ჯინაზე ჩვენ მაინც ვიმღეროთ!

– ჯერ ამ ხის ძირას ჩამოვჯდეთ ცოტა ხნით, გულდამძიმებული ვარ და დაღლილიც... აქ მართლაც გრილია. ჩიტები მაინც არ გაქცეულან აქედან, რამდენ ხმაზე ჭიკჭიკებენ ეს დაღლილები! ფოთლების ჩურჩულთან და მდინარის ჩხრიალთან ერთად – ნამდვილი ტყის სიმფონიაა!

– მე მგონი, ტყის მუსიკალური სურათი თუ გინდა, დახატო, ძალიან მოუხდება კონცერტი ჰობონისა და ორკესტრისთვის!

– ან კონცერტი ფლეიტისა და ორკესტრისთვის! – დაამატა მარცხენამ.

– მთლად კარგი იქნება ორმაგი კონცერტი ფლეიტისა და ჰობონისთვის ორკესტრის თანხლებით!

– კარგა ხანია, სასულე საკრავებისთვის კონცერტები იშვიათად იწერება, შენ კიდევ ორმაგი კონცერტი მოინდომე! XVIII საუკუნეში ხომ არ გადაფრინდი წარმოსახვით? – ჩვეულად აჭიჭყინდა მარცხენა, შემდეგ კი შემრიგებლურად განაგრძო: – აბა, წამოიწყე რომელიმე სიმღერა... როგორ სიმღერას ამოარჩევ?

– ამ ადგილს რომ მოუხდება, ისეთს... შუბერტის რომელიმე სიმღერაზე რას იტყვი? მაგალითად, ჩვენი მდგომარეობისთვის ზედგამოჭრილია მისი სიმღერა ”ტყეში”...

– რომელი?

– ჰო, შუბერტს ორი სიმღერა აქვს ამ სათაურით: ერთი – შულცეს, მეორე – შლეგელის ლექსების მიხედვით. შულცეს სიმღერაში ნათქვამი: “ჩემი ტანჯვა-წვალება არასდროს მტოვებს” – ზუსტად შენს გუნება-განწყობილებას შეესიტყვება! უფრო პოპულარულ, შლეგელის ლექსის მიხედვით შექმნილ სიმღერაშიც არის შემოფოთებისა და მოუსვენრობის განწყობილება, ასევე – ისმის ტყის ხმები, წყაროს ჩხრიალი, ტყის სულელების სუნთქვა... ამოირჩიე!

– მე მირჩევნია, შენ თვითონ შეთხზა სიმღერა; რა თქმა უნდა, არც ისეთი ღირებული იქნება, სამაგიეროდ – საკუთარი სულიდან ამოფრქვეული.

– “ამოფრქვეული” ამ შემთხვევაში ნაკლებ შესაფერისი სიტყვაა, ვულკანი ხომ არ ვარ? მე “ამოფრენილს” ვამჯობინებ. რადგან შენ გინდა, რაღაც ახალი წავიდილინო და, მართალი გითხრა, მეც მსურს, ვცდი ლექსის ამოთქმას, ამისთვის ხომ არავინ გამიციცხავს; შიგადაშიგ იქნებ შენც წამეხმარო... არ ვიცი, რა გამომივა, იმავდროულად, ჰანგსაც შევუწყობ. მაშ ასე, მოისმინე ჩემი იმპროვიზაცია:

რა კარგია ტყეში:

მოისმინო საოცნებოდ
მოფართქალე ფოთლების

უშფოთველი შრიალი,

თვალი გაუსტერო

რტოებში გამომძვრალი

მზის ცელქი სხივების

ციალსა და ბრწყინვას,

ფეხქვეშ იგრძნო:

ნეშოს შრიალი

და წვრილი გოგების ტაკცანი,

ახტე და გოტიდან მოწყვიტო

წიწიბო...

– თითქმის იგივე, ბევრად ადრე და ბევრად უკეთესად, თქვა ორი საუკუნის წინათ უკვე სრულიად ყრუ დიდმა ლუდვიგმა, უფრო სწორედ – სალაპარაკო რვეულში ჩაუწერა მავანს ტყეში ყოფნით გამოწვეული აღფრთოვანება, მაგრამ ლექსად არ გაუსაღებია! თუმცა, შენთვის ეს თეთრი ლექსიც კარგია! – შეაქო მარცხენამ, რასაც მარჯვენა არ მოელოდა. – აბა, ერთხელაც შემოსძახე, რომ კარგად დავიმახსოვროთ...

– კი, ბატონო, გავაგრძელოთ და ამ გამეორება-გამეორებაში ნელ-ნელა დავხვეწოთ ტექსტიცა და მელოდიაც.

ცოტა ხნით შეისვენეს და ხალისიანად განაგრძეს აღმართიანი გზა; სიმღერ-სიმღერით გადაიარეს გორაკი თუ პატარა მთა, მერე ქვევით დაეშვნენ მეორე ხეობაში. იქ გზა აღარ იყო, არც – ტყე, ბალახიან ფერდობზე მიბობდავდნენ.

– დაღმართია, დაგმრგვალდეთ და, თუ გინდა, რბილ ბალახზე დაგვორდეთ, – შესთავაზა მარჯვენამ. – ძალ-ღონეს დავხოგავთ და დროსაც მოვიგებთ, უცებ ჩავალთ ქვევით.

– გაგიჟდი? ხომ ხედავ, მზე ჩავიდა და სწრაფად ბნელდება... სადმე ხრამში გადავიჩეხებით ამ ყიამეთში!

ძმები მიიჩქაროდნენ და ამ დროს მათკენ შესახვედრად დაიძრა ბურუსი. იგი წინ მოიწვედა და სულ უფრო მკერვიდებოდა; მალე გაქცეული თითები ისეთ სქელ ნისლში გაეხვივნენ, რომ თითქოს თანდათან ითქვიფებოდნენ მასში. დაუსრულებლად მოცურავდა და მოცურავდა ნისლის ქულა-ქულა ბოლქვები; თანდათან თეთრი ფთილები ერთიან სქელ მასად იქცა, დაფარა ირგვლივ ყოველივე; ერთ ნაბიჯზე უკვე ვეღარაფერს ხედავდი და მარცხენა და მარჯვენა ხელის მტევნები ნეკებით გადაებნენ, რათა არ დაშორებოდნენ და არ დაეკარგათ ერთმანეთი. ადგილზე დგომას აზრი არ ქონდა და ნელ-ნელა მანაც წინ-წინ მიბობდავდნენ...

ბედად, კარგა ხნის შემდეგ, გზად ერთ დიდ ხეს მიადგნენ. გადაწყვიტეს, აქ შეჩერებულიყვნენ ნისლის გაფანტვამდე, ხის მუქ, მსხვილ ტანთან მიცუცქდნენ, მუშტებად შეიკვრნენ, ერთმანეთს ჩაეხუტნენ და, დაღლილებმა, დაიძინეს.

შუალამეს იქნებოდა გადაცილებული, როცა ღორების განუწყვეტელმა ღრუტუნ-ღრუტუნმა გამოაღვიძათ; მაშინვე, შეშინებულები, წამოხტნენ და ფართხაფურთხით ხეზე აცოცდნენ – გაბარჯლული მუხა აღმოჩნდა ის ხე!

შიშით იცქერებოდნენ ქვევით, სადაც ღრუტუნები სიბნელეში ლანდებივით დაშლივინობდნენ შარშანდელ გამხმარ ფოთლებში.

– ჯერ რკო ადრეა, რას ეძებენ? – იკითხა მარცხენამ.

– ღორი თავის სამყოფს რადაცას ყოველთვის იპოვის... დროზე მოვასწარით ხეზე აძრომა, თორემ დინგიანებისთვის გემრიელი ლუკმა გავხდებოდით, მაშინვე შეგვახრამუნებდნენ!..

– ბიჭო, ამდენი იმიტომ ვიმოგზაურეთ, უამრავ ხიფათს გადავურჩით, რომ ამ მიყრუებულ კუთხეში გარეული ღორების წერა გავმხდარიყავით? შენი ბრალი იქნებოდა ყველაფერი!

– რა მნიშვნელობა აქვს? სიკვდილი – სიკვდილია, რბილ საწოლში მიეპარები უფალს თუ სადმე მივარდნილ ჯურღმულში ამოგხდება სული!

– კარგი რა, რაებს ბოდავ, ბატონო ფილოსოფოსო! მართლაც, შინაგანი უცნაური ვულკანი არ გასვენებს, შიგადაშიგ ვითომ-ლექსებს ამოუშვებს, მაგრამ ახლა სისულელეების ამოფრქვევის დროა? სასიკვდილოდ მომიყვანე აქ თუ გადასარჩენად?

– მე რომ მიტოხო, ეს ღრუტუნები თუკი შეგვასანსლაგდნენ, ბევრად ღმობიერნი იქნებოდნენ, ვიდრე ადამიანები! რესტორან-სასადილოებში ხომ საწყალ ღორუკებს შეჭმამდე რას არ უშვებია: დაკლავენ, გამოშიგნავენ, დაჭრიან, შამფურზე ააცვამენ და ბოლოს – მუგუზლებზე ააშიშინებენ! ბოლოში, ბოლო კეთილია: ბედნიერ დასასრულს ეღირსებიან – სტომაქის გზას გაუყენებენ...

– შენი ხუმრობა თუ ფილოსოფიური სიბრძნე სხვა დროისთვის შეინახე; შიშით გული მეღვება, შენ კი ბაზრის ქალივით დაიქოქე!.. მომატყუე კიდევ, აქ გარეული ცხოველი არ გაჩერდებოდაო...

– ვერაფერი გავიგე: შენთვის ხან ბაზრის ქალი ვარ, ხან – ფილოსოფოსი!

კარგა ხანს გაგრძელდა მათი კინკლაობა, ცდილობდნენ, როგორმე გულიდან გადაეყარათ მტანჯველი შიში, სანამ ღორები მათ ქვემოთ რადაცას ჩიჩქნიდნენ, კმაყოფილი ღრუტუნ-ღრუტუნით... როგორც იქნა, კარგა ხნის შემდეგ, ხის ქვეშ ყველაფერი მიწყნარდა, მხოლოდ რტოებში ნიაგის ძრომივალ-ჩურჩული არღვევდა სიჩუმეს. ძმების თვალს რული მაინც არ მიეკარა, მერე მტანჯველი შიში ნელ-ნელა გაუქრათ და, ტოტზე თითებით სამედლოდ ჩაფრენილებს, ისევ ტკბილად ჩაეძინათ.

ძილში ორივე შფოთავდა: თითები ვერ ისვენებდნენ, განუწყვეტლივ ტოკავდნენ – ალბათ სიზმარშიც რადაც ხიფათს გაურბოდნენ ან იქნებ პიანოფორტზე წარმოსახვით რომელიმე მონატრებულ ნაწარმოებს ასრულებდნენ?..

როცა დილით გაეღვიძათ, დაინახეს, რომ ნისლის ნათელი ფარდა ისევ დაზოხინობდა-ბოლაგდა გარშემო ყოველ მხარეს. ქალაქელ, სითბოს მიჩვეულ, განახებულ მარჯვენასა და მარცხენას სიცივისგან აძიპიძიებდათ; გასახურებლად ჯერ ადგილზე აცეკვდნენ, კარგად გაავარჯიშეს თითები, მერე – ტოტზე განდაგან გაისეირნეს-გამოისეირნეს...

– ბიჭო, იცი, რა უცნაური სიზმარი ვნახე? – თქვა მარჯვენამ. – თითქოს მე და შენ “პეპლებს” ვუკრავდით შუმანის საპიანოფორტე ციკლიდან “კარნავალი”... ორივენი ლაღად დაფფრინავდით კლავიშებზე და ნელ-ნელა ფრთებად ვიქცით: შენ – მარცხენა ფრთად, მე – მარჯვენა ფრთად ერთი დიდი, ლამაზი, ფრთახატულა პეპლისა... და – გაფფრინდით! ლაღად, ლამაზად დაფფარფატებდით, საითაც გვინდოდა, იქით გავეშურებოდით...

– საით, შინ ხომ არ დაგბრუნდით?

– მოგენატრა წყნარი და დალაგებული ცხოვრება? ნატვრა კარგია, მაგრამ ახლა, ჯობს, ცოტა კიდევ წავივარჯიშოთ, ჩვენ ხომ ყოველდღე მრავალსაათიან ვარჯიშს ვართ მიჩვეულები... მოდი, ვითომ ლისტის რომელიმე საპიანოფორტე ეტიუდს ვუკრავთ... – შესთავაზა მარჯვენამ. – დილის სიცივეს უკეთ გავემკლავდებით და ფორმის შესანარჩუნებლადაც კარგი იქნება!

– მაესტრო დიტმარ დომინორაულის საყვარელი კომპოზიტორის, ლისტის, ტრანსცედენტური შესრულების ეტიუდებიდან რომელიმეს დაკვრა ხომ არ მოგენატრა?

– რატომაც არა?

– გაგიჟდი? მე გეხუმრე! მუხის შედარებით მსხვილ ტოტზე კი ვსხედვართ, მაგრამ პიანოფორტეს კლავიატურაზე გასეირნება ხომ არ გგონია? ალბათ ქვევით უსწრაფესად ჩაბრძანება გსურს! თუ იმის იმედი გაქვს, რომ ღორების მიერ აჩიჩქნილი მიწა რბილი იქნება?

– მაშინ რომელიმე ნარნარი მელოდია დაგუკრათ, თუნდაც ოფენბახის ბარკაროლა ოპერიდან-“ჰოფმანის ზღაპრები”...

– არა, არა, სანამ ისე არ დავმტვრეულვართ, რომ სამუდამოდ დავემშვიდობოთ დაკვრის შესაძლებლობას, მშვიდობიანად ნელ-ნელა ჩავბობდეთ...

ქვევით, მიწაზე ჩამოსულეებმა თითებმა, ამჯობინეს, გაქცეულიყვნენ, ცოტაზე მაინც ერბინათ. მალე აქოშინდნენ და წინსვლა ნაბიჯით განაგრძეს.

– ვაშა! – უცებ იყვირა მარცხენა მტევანმა და ცერი მადლა ამართა. – ხომ ვერ დაგვიჭირეს, ნაირგვარმა ვიგინდარებმა ვერაფერი დაგვაკლეს, ვერც ღორებმა შეგვახრამუნეს, ხომ გავიმარჯვეთ! რამდენი ხიფათი დაგვიდარაჯდა და სულ თამაშ-თამაშ დაგვლიეთ ყველა განსაცდელი! ვაშა, გავიმარჯვეთ, გავიმარჯვეთ!

– ო-ხო-ხო, რა მაგრები ვართ, გამოწრთობილნი, ჩვენ ვინ რას მოგვაწევს, იქით უნდა გვიფრთხოდეს ყველა ჯურის ნაძირალა და ზნედაცემული! – ბაქიბუქის ხასიათზე დადგა მარჯვენაც და იმანაც აიშვირა ცერი. – ვინ დაგვიდგება წინ, ვის აბია ცხრა თავი – ერთი წკიპურტით თავს წავაცლით!

– უჰ, როგორ მტკივა ყველა სახსარი! სირბილმა და ჭირთათმენამ ოინი მიყო, – სულ სხვა ჰანგი დაუკრა უცებ მარცხენამ, ჩვეულებისამებრ აბუზღუნდა: – ამ ნესტინმა ბურუსმა სულ მომიღო ბოლო...

– შენ რა მარტის ამინდივით ცვალებადი ხასიათი გაქვს, ისევ ძველებურად აურიე, აი! – გაწყრა მარჯვენა და იმდენად გაბრაზდა, რომ საჩვენებელი და ცერა თითები საწკიპურტედ დააწყვილა. – ხომ არ გინდა, ერთი გემრიელად გაგიმასპინძლდე!

მარცხენა საწყალობლად მოიკაკავა, საცოდავად მოკრუნჩხა თითები:

– მცივა! – ამოიკანაგლა და მუშტად შეიკრა. – ეს რა დღეში ჩავვარდით, რა გვეშველება! ამასაც თუ ზაფხული ჰქვია... აქ რა ჯანდაბა და ოხრობა გვინდოდა, რა დაგვრჩენია ამ უკაცრიელ მთაში...

– შენ სითბო და ყურადღება გაკლია, ერთი ჩაფუნთუშებული ქალის ხელის მოხვევა უცებ გამოგაჯანსაღებდა! – ეხუმრება მარჯვენა და გასახურებლად მხიარულ დაველურს უვლის მარცხენას გარშემო; თან წაუმღერა:

– იმხიარულე და იცეკვე –
დაივიწყე სიცოცხლე!

და ამ დროს მოხდა საოცრება: ნისლი ნელ-ნელა იფანტებოდა; თითქო გამჭირვალე ფარდის იქით გამოკრთათ, თანდათან გამოინაკეთა ფანტაზიური პეიზაჟი: შორს სინათლე გაციალდა ღრუბლებს შორის და იქიდან განათებული სვეტი ირიბად ჩამოეშვა მუქ მიწაზე – ზუსტად იქ, სადაც ხელის მტევნები ფერხულს უვლიდნენ! ცოტათი გათბნენ; ეს ნათელი მრგვალი “თვალი” მიწაზე გადაადგილდებოდა და მარჯვენამ მარცხენას უთხრა:

– მზის სხივების სვეტს გაყვეთ!

– ხევი რომ გადაგჩეხოს?

– არა, რას ამბობ, ხომ ხედავ, მარჯვნივ, ზევით-ზევით უნდა წავიდეთ, – წკრილებდა მარჯვენას ხმა. – იმ მაღალ მთაზე ავალთ, იქიდან რამდენი რამ გამოჩნდება! შორს გავიხედავთ, ყველა მხარეს!

– არა, მარცხნივ ჯობს! – ბოხი ხმით ბუბუნებდა მარცხენა (საოცარი კი იყო – მარჯვენაზე პატარა იყო ზომით და ღონითაც ბევრად ჩამოუვარდებოდა; თუმცა, რატომ არის გასაკვირი, ის ხომ პიანოფორტეს კლავიატურაზე დაბალ ბეგრებზე “ნადირობდა” ხანგრძლივი დროის განმელობაში), – რა მინდა მადლა, თოვლიან მთაში და ღრუბლებთან – გინდა, კიდევ უფრო გამყინო? არ ჯობს, ქვევით, მზით განათებულ ხეობაში ჩავიდეთ, სითბოში? იქ რამდენი რამ მოჩანს ლამაზი: სოფლის მწვანეში ჩაფლული სახლები, მსხმოიარე ბაღები; დარბიან ძაღლები, ბავშვები ირევიან ქუჩაში, ჩვენც მათთან ვითამაშოთ! მადლობა ღმერთს, ამ სოფელში მაინც ჩქეფს ცხოვრება!

– აბა, შენ გინდა, სოფელში ჩავიდეთ, ხალხში გავვირთოთ და დაგვიჭირონ? – შეეპაექრა მარჯვენა. – ადამიანებს როგორმე დავემალებით მაღალ ბალახებში თუ ღობის ძირებში, ძაღლებს კი სად გაექცევი?

დიდხანს იდავეს და ბოლოს... პირდაპირ წავიდნენ! ეს მესამე გზა მოკლე გამოდგა: ვაკეზე გასულ მდინარეს მიაღწენ – მოლივლივე წყალს, ზედაპირიდან რომ ირეკლავდა მწვანე ნაპირებს, ლურჯ ზეცასა და ღრუბელთა თეთრ ქულებს.

როგორც იქნა, ეშველათ: რა მშვენიერი ამინდი გამოვიდა, უცებ დათბა – ნამდვილი ზაფხულის თაკარა დღეა!

კარგია ამ დროს მდინარეში ჭყუმპალაობა, ნაპირის სილაში გორვა, უღრუბლო ზეცაში გამოკიდებული მზის ბრიალა თვალიც რა მზრუნველად აცხუნებს!

– ეს მდინარეც ხომ არ არის გაყიდული? – კითხულობს მარცხენა.

– ნუ გეშინია, არავინ ჩანს, დავისვენოთ და ვიბანათ! – როცა მარჯვენამ მარცხენას ყოყმანი შეატყო, დაამატა: – ბიჭო, მტვერი და ოფლი მაინც არ ჩამოვირეცხოთ?

– არა, კიბორჩხალასი მეშინია, მარწუხებს ჩამავლებს! ან ლოქო თუ დამეტაკა, მთლად უარესი – ერთიანად გადამსანსლავს!

ნაპირიდან წაიხარნენ და ჯადო-მდინარის სარკეს მიაჩერდნენ (ცნობილია: მოთამაშე ცეცხლსა და მარად მოძრავ წყალს უსასრულოდ შეიძლება უცქირო) – მის გამჭვირვალე სტომაქში მოსრი-
ლვე ვერცხლისგვერდა თევზებს, ფსკერზე ზოზინით მფორთხავ კიბორჩხალას, ნაპირთან, პატარა
უბეში, ჩასაფრებულ წყლის ობობას თუ წყლის წყნარ ზედაპირზე წყლის მზომელას ნარნარ სრი-
აღს...

უსმენენ მდინარის სიმღერას – ცელქია, კისკისა, უზრუნველად მიაგორებს ტალღებს, ნაპირებს
ელამუნება, ირეკლავს მუქ ნაპირებსა და ნათელ ზეცას...

– ბიჭო, შეხე, ნახირი მოედინება აქეთკენ, – შეშფოთებით წამოიძახა მარჯვენამ. – აქ მოხერხე-
ბული ადგილია საქონლის დასარწყულებლად...

– ორი ქოფაიცი ახლავთ, ვაი ჩვენს თავს, იმათი წერა გავხდებით, სად გავექცევით? ჩვენი აღ-
სასრულიც დადგა, დროზე უნდა გაგვეწრო აქედან...

კარი XIV.

qar bo r bal a. Ti Te bi s sa ha er o mo gz aur o ba

(Allegro furioso, სწრაფად და გაშმაგებით);

Ti Te bna t ye Si t ya pa ni mo adi nes...

(Frettando, in giu,

აჩქარებით, დადმავალი მოძრაობა)

თურმე ბევრად უარესი საშიშროება უახლოვდებოდათ – სულ სხვა მხრიდან...

ჯერ არემარე საოცრად დაწყნარდა, უცნაურად გაირინდა; მზე სადღაც დაიმალა, გარშემო
ყველაფერი დაიბინდა...

მერე უცებ გარემო მტვერის ფარდით დაიბურა, მდინარის ლამაზად დატალღული ზედაპირი
მოფრენილი ნიავეთ ავად აიქონრა...

– ქარბორბალა გვესტუმრა! – წამოიძახა მარჯვენამ. – ეგ თავხელი ვითომ თავმდაბალია, საკუ-
თარი ფეხით გვეახლა!

– საით გავიქცეთ?

– რამ შეგაშინა, ბიჭო, როდის იყო, სტუმრისგან გარბოდნენ?

– შენც ნახე ხუმრობისთვის შესაფერისი დრო! სტუმარი? სტუმარი კი არა, მტარვალა, მეგობა-
რი და ამხანაგი მაგან არ იცის, გზად ყველაფერს ნაცარტუტად აქცევს! სულ მალე ჯიქურად მოგ-
ვიხტება და არც ჩვენ დაგვაყრის კარგ დღეს! შეხედე, რა ავად იმზირება და რა მარდად მოიწვეს
აქეთ, რაღა ვქნათ?!

ქარბორბალა, სტიქიონთაგან ერთ-ერთი ყველაზე მძინვარე და შეუბრალებელი, ცის ნათელ
ფონზე მუქ ბოძად ამართულა – დიდად თავნება ბატონი გზას თვითონ ირჩევს და, მოტაცებისა და
ნგრევის შინს აყოლილი, ცეკვა-ცეკვითა და თამაშობით მოსეირნობს, მისი ცუდლუტობის დაზაფ-
რვით შემხედვარეთ კი მასთან შეხვედრის შესაძლებლობით ისე მძლავრად შეარყევს სულიერად,
რომ, აზრდაბინდულთა და გზააბნეულთა სურვილი, ხიფათს დროულად გაეცალონ, სრულიად ამაო-
ა!

სად გაექცევი – მხოლოდ ცალი ფეხი აქვს, მაგრამ რა მარდად ცეკვავს!

ან როგორ უნდა დაემალო, მომწუსხველია, პირქუში სიძლიერით გხიბლავს, გრძნეული ძალით
იზიდავს შენს მზერას და ადგილზე გაშეშებს – წელწერილი, კვანწია ლამაზმანივით ნარნარად ირ-
წვეა-ირხვეა...

ხანაც – ახლად ფეხადგმული ჩვილივით ქანაობს, ხან ერთ მხარეს გადაქანდება, ხან – მეორე
მხარეს გაუტევს...

ჰო-ჰო, რა ლამაზი სანახავია ქარბორბალას ცეკვა-თამაში, მართლა კოხტა რამ არის! საშიში
რომ არ იყოს...

ქარბორბალა ქაჯური სისწრაფით ტრიალებს და ჯიქურ, მალლა-მალლა იწვეს – ზეცისკენ! იქ
თანდათან იშლება ძაბრივით – ნეტავ რას ეძებს იქ, რა დარჩენია, რა უნდა ამ ყომრალ ციბრუტს?
აღბათ მიწიდან ატაცებულ-მოტაცებულს ათავისუფლებს და ისინი ქვევით ცვივა: "მე ხომ გეთამა-
შეთ, ცის ტატნობსაც გასტუმრეთ, ახლა კი თქვენი ლოლიავი მომბეზრდა და მომწყლით თავიდან
– თავიც გიტყნიათ და კინჩხი მივიყოლებითო!".

რა სასტიკი და დაუნდობელი ყოფილა!

ფეთიანით მოვარდა, მდინარეს მოდგა და უცებ – ისევ სასწაული ფერისცვალება! – ახლა წყლის უზარმაზარი, მბრუნავი სვეტი აიმატა ძმების თითქმის ცხვირწინ – გიგანტურ ტუმბოსავით იწყებს წყლის ხარბად შესრუტვა-ხაპვას თევზიან-კიბორჩხალიან-ბაყაყიანად (საწყლები!) – მდინარეს ძირამდე აშრობს, ფსკერს აჩენს და, გაუმაძღარი, ლამსა და ქვებსაც კი იტაცებს ჰაერში!..

ქარბორბალას გიჟურად მბრუნავი, მოძრავი სვეტი ერთ ადგილზე ვერ ჩერდება, – შატაბუტა-ტა-რულაშვილია რაღა! – მეორე ნაპირს მოადგა, სწრაფად გადმოჩოჩდა ხმელზე და ახლა ყველაფერს პატარა ხარბი ბავშვივით აგროვებს-მიიხვეტავს, შეისრუტავს-შეიწოვს, დაატრიალებს-დააბზრიალებს, ზე აიტაცებს და მადლა-მადლა მიაქანებს-მიაფრენს: ბალახებსა და ფოთლებს, მიწის მტვერსა და კალიებს, ხელიკებსა და პეპლებს, ბაკანში თავფენშერგული კუსაც კი, ათას კიდეგ სხვა რამეს, რა მოუსვენარია, როგორ ყველაფერს ატრიალებს, ყირამალა აკოტიალებს, აბურთავებს მის გემოზე... სასტიკად ერთობა, სასტიკად თამაშობს! მაგრამ ერთი ჩვენს საწყალს მოგზაურებისაც ვკითხვით, რა გუნებაზე არიან!

საშინლად დამფრთხალი ძმები მოიხარნენ, შეძლებისდაგვარად მოიკუნტნენ, ცერა თითები დაიფარეს ზემოდან, წინდახედულად წინდაწინ ნეკნებითაც გადაებნენ ერთმანეთს, ვითომ მიწასაც მოეჭიდნენ, მაგრამ არაფერმა უშველათ: რასაკვირველია, ქარბორბალამ ჩვენი გმირებიც არ დაინდო – ამ უზარმაზარ, გიჟურად მიმქროლავ უზარმაზარ კარუსელში ისინიც მოხვდნენ და ვაი, რა შიში ჭამეს! როცა ზევით-ზევით უსწრაფესად აიჭრნენ, უთაბოლოდ დაბზრიალებულებს, თაგბრუ დაეხვათ და ორიენტაცია დაკარგეს... აქეთ-იქით განედვის თავიც სად ჰქონდათ, ან რას დაინახავდნენ უბედურ მტვერსა და ბუღში!..

როცა ძმები ოდნავ შეეგუენ ამ უჩვეულო მდგომარეობას, მარჯვენა ისტიბარს არ იტებსა, გასაოცარია და განხარებულნიც კი იყო მოულოდნელი საპაერო მოგზაურობით:

– რა კარგია ფრენა! ჩიტივით თავისუფლად დავნავარდობ!

მარცხენას შემფოთებამ ვერაფრით გაუარა, ძმას ჩვეულებისამებრ შეუტია:

– ისემც შენ რა გითხარი! უტვინო ოპტიმისტო, ესაა შენი ნანატრი თავისუფლება? და შენი ნებით მოხვდი ამგვარ გამოუვალ მდგომარეობაში? ვნახავ ერთი, ცოტა ხანში რა ჰანგზე იმღერებ! ეტყობა, შენ ძალიან მოგწონს მომავლის ამგვარი გაურკვევლობის, შფოთიანი მოლოდინის განცდა, როცა არ იცი, წინ რა გელის...

– შენ უტვინო მიძახე და მე კი მშვენივრად ვგრძნობ თავს, სიმღერაც კი მომინდა! ტირილი და თავში ცემა რას მიშველის? მოხდეს, რაც მოსახდენია! ყოველგვარ უხეირო მდგომარეობაში ყოფნის დროსაც კი უნდა ოპტიმისტად დარჩე და შეძლო მისი კარგი მხარის დანახვაც!

– ვაი შენს პატრონს! რას ხედავ სასიხარულოს? ვითომ გამოვერიდეთ ამა სოფლის უკუღმართობას, დაძაბულ ცხოვრებას, უსამართლობას, სისასტიკეს და ბევრად უარეს ამბავში არ გავეხვიეთ?

– გეშინია? ძალიან კარგია, ბევრჯერ მინატრია გაფრენა! ამიხდა სიზმარი, მუხის ტოტზე ძილის დროს რომ ვნახე – მე და შენ პეპლებად გადავიქცით! უფრო სწორედ, დიდი პეპლის ორ ფრთად გადავიქცით და გავფრინდით!

– სად გავფრინდით, საით, რატომ? ვის ვუშველეთ?

– ჩვენს საკუთარ თავს – მუხის ქვეშ დადარაჯებული ღორებისგან!.. გამედვიბა და...

– რა დროს მუხა და ღორებია, ახლაც მართლა სიზმარში ხომ არ ხარ?

– ღორების შიშით რომ მუხაზე ავძვევრით და შიშით გული გველეოდა, არ გახსოვს?... მერე დაგვეძინა და ჰოი, რა ტკბილი სიზმარი ვნახე! მაშინაც ხომ გითხარი, დაგავიწყდა? მესიზმრა, თითქოს “პეპლებს” ვუკრავდით შუმანის საპიანოფორტე სუიტიდან “კარნავალი”! ჩვენი ბოლო კონცერტის დროს შუმანის ეს ციკლი უნდა შეგვესრულებინა, მაშინ ამის გაკეთება ვერ მოვახერხეთ და ალბათ ამიტომაც დამესიზმრა ხეზე ყოფნისას, რომ მე და შენ მას ვუკრავდით; მერე კი თითქოს პეპლებად გადავიქცით და დაფრინავდით ჩვენს გემოზე! ახლა სინამდვილეშიც ხომ არ დაფუკრათ, თუგინდ – მხოლოდ ერთი პიესა ამ ციკლიდან “პეპლები”?!. იგივე სახელი – “პეპლები” – ჰქვია შუმანის ერთ-ერთ საპიანოფორტე სუიტასაც... თუ გინდა იქიდან დაფუკრათ რომელიმე ნაწილი...

– როგორ, აქ, ჰაერში, უინსტრუმენტოდ?

– გონებაში, წარმოდგენით! ასე რამდენჯერ დაგვიკრავს, ორივე პარტია გავისხენოთ და ეს იოლად გადაგვატანინებს ამ ახალ ფათერაკს... თუ გინდა, ბეთჰოვენის “პასტორალური სიმფონიიდან” ჭექა-ქუხილისა და ქარიშხლის სურათი შევასრულოთ...

– რას ამბობ, ნეკებით გადაბმულები ვართ; დაკვრა რომ დავიწყოთ, ერთმანეთს მოვწყდებით და ხომ წაგვიდო ქარაშოტმა სხვადასხვა მხარეს და სამუდამოდ დაგვაშორა ერთმანეთს!

– დანარჩენი თითებით დაფუკრათ!

– შენ ისევ შენსას უკრავ, აი!.. – გაბრაზდა მარცხენა. – მუსიკის თავი მაქვს?!. სულ თამაში გინდა!..

– ბიჭო, ჰაერში მფრინავ მდინარის თევზებს ხედავ?.. – მიახვდა მარჯვენამ მარცხენა. – ბაყაყებს?.. კიბორჩხალას მაინც თუ ხედავ? გინდაც უნებურად ჩაეხუტო, ნუ გეშინია, ხელს ანუ მარწუხს არ გახლებს, შენი თავი სად აქვს! ისიც ჩვენს დღეშია, მარწუხები გაუშლია და ჰაერს ტყუილად ეპოტინება... ამოდ ფაფხურობ, ჩემო ძმაო, სხვა გზა არ გაქვს – ბელს უნდა მიენდო: რაც იქნება, იქნება!

მარცხენა მეორე მხარეს იხედებოდა:

– საკუთარი თავი გაგეჭირვებია და მაინც ისევ ერთობი? ბაყაყები და კიბორჩხალები შენთვის დამითმია!.. ის გლეხი თუ დაინახე, ხუშარა გოტფრიდი, მეზობელს ცარიელ სუფრაზე რომ შემწვარ-მოსხრაკულს სთავაზობდა? ახლა ჩვენსავით მოფრინავს, იქნებ მასთან ერთად დაგეკრა? თუნდაც სასწაული მოხდეს და ”პასტორალური სიმფონია” ან “პეპლები” იცოდეს, თანაც ზეპირად, არა მგონია, შენსავით შერეკილი იყოს და, შენთან ერთად, წარმოდგენით ვითომ დაკვრას დაგთანხმდეს... მთვრალი გლეხები რომ მღეროდნენ, ის სიმღერა კი ნაღდად იცის: “ჩამოსხდებიან ყორნები, ჩამოყრილი აქვთ ყურები...”. ჰა, რას იტყვი, ჩვენს ახლანდელ მდგომარეობას ეს სიმღერა ხომ უფრო მოუხდება?

– აგე, ხომ ნატრობდა, ნეტავ ერთი უცხო ქვეყანას გადამაგდო, მასაც უსრულდება ოცნება! – უპასუხა მარჯვენამ. – მე უფრო გამიხარდებოდა, ეგ საწყალი კი არ წაელო ქარბორბალას, ჩვენი ბატონი პრეზიდენტი მოეხვეტა ამ ჩვენი მიწიდან – თავის პარიკიანად, საყვარლებიანად, უმაქნის მინისტრებიან-პარლამენტარებიანად! აეტაცნა ჰაერში და სადმე ჩვენგან ძალიან, ძალიან შორს გადაეგდო...

– ჯერჯერობით ჩვენ გადაგვაგდო ამ ქარაშოტმა – უბედურ გაურკვეველობაში, რაც ძალზე მტანჯველია, ბატონი პრეზიდენტი კი, დარწმუნებული ბრძანდებოდე, მშვენივრად გრძნობს თავს, ალბათ სადმე გემრიელად ერთობა!

– ჩვენ კი მაინც ვიმღეროთ! – ჯიუტად გაიძახოდა თავისას მარჯვენა.

– სიმღერის შეთხზვის იშტაზე ხომ არ ხარ მოსული? აბა, ჰე, გამაბედნიერე ერთი შენი უნიჭობის ახალი გამობრწყინებით!

– რატომაც არა? ოდელია დელია, რა ლამაზი მგელია!

– რა მგელი, რის მგელი, ხომ არ გააფრინე? – შემფოთდა მარცხენა. – აქ მგელს რა უნდა, ტყეში არ შეგვხვდა და ახლა აქ გინდა, ჰაერში, ჩამახუტო?

– ხუმრობაა, ბიჭო! მთავარია, იმღერო და გული გაიმაგრო, ამ დროს სიტყვები უნდა მუსიკალურ ბგერებად იხმარო, მისი აზრი სულ არ მაინტერესებს.

– აჰა, გამოტყდი, ვაჟბატონო, სულ რომ დამცინი, მშიშარა ხარო, შენც შეშინებული ხარ თუ არა?! და გინდა შიშს სიმღერით გაუმკლავდე!

– რატომაც არა?

– რა თუთიყუშივით თუ პრეზიდენტივით დაიქოქე: “რატომაც არა, რატომაც არა!” – გამოაჯაგრა მარცხენამ მარჯვენა. – შე საწყალო, ეტყობა, საღად ვეღარ აზროვნებ... შენგან ამ მდგომარეობაში მყოფისთვის არც არის გასაკვირი!

– ოდელია დელია, ჩვენი ზეცა ბნელია! ოდელია დელია, ასე ფრენა ძნელია! ასე უფრო მოგწონს? უკეთეს ხასიათზე დადექი? ოდელია დელია, ქვევით მთა და ველია! ოდელია დელია, ნეტავ ქვევით გველიან?..

– მართლა მაგარი მასხარა ხარ! – დაცინვით თქვა მარცხენამ. – კიდევ, კიდევ, მიდი, მიდი, აბა ჰე: ოდელია დელია... გაუტიე, გაეხვიე უაზრობის კორიანტელში! ოდელია დელია, გონებაში ბნელია!

– უაზრობა ამგვარ სიტყვებში მხოლოდ უვიცთათვის არის! – გაფიცხდა მარჯვენა. – ამ დროს მთავარია, იმღერო, სიტყვების ძეხვის დრო სად არის? ყველაფერში ნუ ეძებ რაღაც აზრს... მუსიკოსობას ჩემულობ და უნდა იცოდე, რა მნიშვნელობა აქვს თუნდაც სიტყვას “ოდოია”?.. ან “ჰარი ჰარალი”?.. “რერო რანუნი”?.. ამიტომ, რაც მომეხასიათება და როგორც მომესურვილება, იმას და ისე ვიმღერებ! შენ კი, აყვირობას შეეშვი და ბანი შემაშველე!.. ოდელია დელია...

– გიჟი ხარ და ხელია!

– გიჟთან და გადრეულთან ერთად რა გინდა, გაგიშვებ ახლა ხელს და მარტომ იპრიწიალე ჰაერში!..

– ჰო, კარგი, მაპატიე!.. ერთად ვიმღეროთ!..

ხან ერთმანეთს დასცინოდნენ, ხანც მღეროდნენ და ასე კარგა ხანს ისეირნეს ჰაერში, თუკი მბორგავ ჰაერის ნაკადში უთავბოლო ბზრიალ-კოტრიალს სეირნობა ჰქვია.

ამასობაში მტვერსა და ბუქს ღრუბლის მბრუნავი, სველი ნისლი დაემატა და აღარაფერი ჩანდა.

ძმებმა იფიქრეს, ღრუბლებს ზევითაც მივადწვევთო, მაგრამ შლეგიანი კარუსელი უცებ ჩაცხრა, ჩამუქებული ღრუბლებიდან წვიმამ დასცხო და წვეთებთან ერთად მარჯვენაც და მარცხენაც ქვევით წამოვიდნენ ყირამალა ტრიალ-ტრიალით...

– ოდელია დელია, ყველაფერი სველია! ოდელია დელია, ჭრელი მთა და ველია! – წკრიალა ხმით მაინც მღეროდა მარჯვენა.

– ოდელია დელია, ნეტავ ქვევით გველიან? – მღეროდა მარცხენაც, ოღონდ თავისთვის, ცალკე ბოხი ხმით..

ღრუბლებმა ხელები გაშალეს:

– ეს რა ყოჩაღი თითები ყოფილან!.. აბა, ნურაფრის გეშინიათ, თქვენი ფრენა კეთილად დასრულდება!

მართლაც, თითები მშვიდობიანად დაეშენენ; საბედნიეროდ, მათი ტყვეობიდან განთავისუფლება დაბურული ტყის თავზე მოხდა და ჯერ ერთი უზარმაზარი წიფლის ტოტზე დახტნენ, მერე ქვემო ტოტზე ჩამოგორდნენ, იქიდან – უფრო ქვედაზე და ბოლოს – გამხმარი ფოთლებითა და ხავსით დაფარულ მიწაზე დასკუპდნენ კოხტად...

როგორ გადარჩნენ – სასწაულებრივად!.. ნეკებით გადაბმულნი, ერთმანეთს არ დაშორებიან.

– ბიჭო, ბედი გვწყალობსო, ჩვენ უნდა თქვათ! – წამოიძახა მარჯვენამ. – ნამდვილი ფიგაროები ვართ: სად არ ვიყავით, რა არ გადავიტანეთ! ხომ გახსოვს გენიოსი მაესტროს ჯოაკინო როსინის ოპერაში “სევილიელი დალაქი” ფიგაროს მხიარული კავატირა, რომელიც უთვალავჯერ გვაქვს მოსმენილი:

“Ehi!
Figaro!
Son qua!
Figaro su...
Figaro giu...”

– ჩვენც თავისუფლად შეგვიძლია ვიმღეროთ: “ხან აქ ვართ, ხან – იქ! ხან ზევით მივფრინავთ, ხან – ქვევით მოვფრინავთ...”, – ძმას მხარი აუბა გახალისებულმა მარცხენამ. – ფიგაროზე არანაკლები ყოჩაღები ვართ, ერთი ეგაა, რომ გიტარა გვაკლია.

სიხარული სიხარულად, მაგრამ ის რომ აღარ იციან, სად არიან და რომელ მხარეს? საით წავიდნენ, რა იღონონ?

– ნეტა ერთი ჯადოსნური მფრინავი ხალიჩა მოგვცა! – ინატრა მარჯვენამ.

– ფრენა და ჰაერში პროწიალი გვაკლია ჩვენ? – უპასუხა მარცხენამ.

– მაინც, საით ამჯობინებდი გაფრენას?

– გვეყო ასე უგზო-უკვლოდ ხეტიალი, დაგებრუნდეთ შინ, სანამ რაიმე ახალი ხიფათი საბედისწერო გახდებოდეს ჩვენთვის.

– და ისევ დავიწყეთ უთავბოლო ჯირითი კლავიშებზე?

– რას ვიზამთ, ეგ ყოფილა ჩვენი ბედი! – ამოიოხრა მარცხენამ. – ასე მიუსაფრები სადამდე დავრჩეთ? კარგია მოგზაურობა, მოკლე ხანში უკვე რამდენი რამის ნახვა მოვასწართ, მაგრამ ყველაფერს ხომ აქვს თავისი ბოლო? საქმესაც ხომ უნდა ვეწიოთ?

– საქმე კი არა, ის არ გინდა? – აგდებულად მიუგრო მარჯვენამ.

– მინდა, დიანაც რომ მინდა!

– რა გინდა?

– შინ მინდა!

– პიანოფორტეს შავ-თეთრი კლავიშები მოგენატრა? მართალი გითხრა, მეც... “ღამე და დღე” – ასეთი დასახელების ქოულ პორტერის სიმღერა ხომ არ დავუკრათ? კარგი, წავიდეთ, შენ წამიძებს წინ!

ტყე სანახევროდ გაჩეხილია, რაც დარჩა, იმასაც, ეტყობა, არ უწერია გრძელი დღე...

– ვიდაცას უყილია ეს ტყეც და, არ არის გამორიცხული, რომ დაქირავებული ჩაფრები დასდევენ იქ დასასვენებლად, სანადიროდ ან ფიჩხის მოსაგროვებლად თუ კენკრის მოსაკრეფად მისულებს, – ამბობს მარჯვენა.

– ამასაც მოვესწართ?

– წარმოიდგინე სცენა: ჩაფრები იჭერენ ტყეში უნებართვოდ შესულებს; ვინც წინააღმდეგობის გაწევას გაუბედავს, კომბალი – კაცებს! როზგი – ქალებსა და ბავშვებს!

– დიდებული სანახაობა იქნებოდა! ჩვენ რაღას გვიზამენ? თუ ჩაფრები გამოჩნდნენ, აქ ბევრი მიტოვებული სორო იქნება და იქ შეგვძრეთ; თუ დაგვიღამდა, მაშინაც.

– არა, ხეზე ასვლა ჯობს, იქ უფრო ნაღლია, გამოცდილება გვაქვს; ადგილს მხოლოდ ციყვები თუ შეგვეცილებიან.

– ხეზე პრომიალს დაეჩვიე, აქაც გარეული ღორები ხომ არ იქნებიან?

– რამდენჯერ გითხარი: ორფეხა ღორებს უფრო უნდა ვუფრთხოდეთ...

წავიდნენ, წაბანცალდნენ; ძალიან გაუჭირდათ, ძალიან – ძლივს მიფორთხავდნენ ტყე-ღრეში. კიდევ კარგი, კლავიშებზე ხტომას იყვნენ ჩვეულებით – შედარებით ადვილად ისკუპებდნენ თხრილებზე, გადაეგლებოდნენ წაქცეულ ხეთა ტანებს, გადააფრინდებოდნენ პატარა ნაკადულებს... ბოლოს შეჩერდნენ, არაქათგამოცლილნი, და დაინახეს: ტენტით გადახურული დიდი მანქანაა გაჩერებული, მისი ძარა სავსეა ხალხით – უმეტესობა ახალგაზრდებია, თითო-ორთა – შუახნისა; ქალებიცაა და კაცებიც.

– ავძვრეთ? – ყასილად იკითხა მარჯვენამ, რადგან უკვე მალეა მიძვრებოდა, მას მაშინვე მიჰყვა მარცხენაც.

– ბიჭო, ამდენ ხანს რას გუცდით? – კარგა ხნის შემდეგ იკითხა ლოდინით გულგაწყალებულმა მარცხენამ.

– ეტყობა, გზის გასაგრძელებლად უცდიან დაბნელებას... გრძელი გზა ელით და ერიდებიან უცხო თვალს.

– რატომ? ღამე ეშმაკისაა!

– ეს ხალხი უნდა გადაიყვანონ თურქეთში, შემდეგ კი, ავტობუსებით, არაღვეალურად – კიდევ უფრო შორს: საბერძნეთში, მერე, ნაწილი, გემით – კვიპროსში... ქვეყნიდან მასობრივად გარბიან, ერიდებიან უმუშევრობას, გაუსაძლის გაჭირვებას...

– რატომ, კაცო, პირიქით, საამაყოდ გვაქვს საქმე! აბა, სხვა რომელ ქვეყანაში შეიძლება, ჩაჯდე ტაქსში და შეგხვდეს მძღოლად არა მხოლოდ სოფლიდან საშოვარზე ჩამოსული გლეხი ან უმუშევრად დარჩენილი მაღალკვალიფიციური მუშა, არამედ უამრავი სხვა ხელობის ადამიანი: ხელოვნებათმცოდნე, მუსიკოსი, პედაგოგი... რა კარგია, როცა მგზავრობისას ასეთი მძღოლი გყავს და უნივერსიტეტის ყოფილ პროფესორთან საინტერესო, მაღალინტელექტუალურ საუბარში გალევ გზას!

– ყველა გაჭირვებული ხომ შოფრად ვერ იმუშავებს. ბევრს ჰგონია, სხვაგან უკეთეს ცხოვრებას ელირსებიან და ნებისმიერი კანონიერი და უკანონო ხერხით ცდილობენ წასვლას, მიუხედავად იმისა, რომ გაზეთებში, ტელევიზიით სულ ლაპარაკობენ ხიფათებზე, რომელიც თან სდევს საზღვრის უკანონო გადაკვეთას, საზღვარგარეთ ცხოვრების სიძნელეებს... შეიძლება, ავტობუსის სამალავში დაიხუთო და მკვდარი გახვიდე გაღმა მხარეს; თუ საზღვარს ფეხით გადაკვეთ ჭაობის გავლით – რომ ჩაეფლო და დაიღუპო...

– სასოწარკვეთილი ადამიანები ფიქრობენ: “აქ მაინც შიმშილით სიკვდილი გველის და იქ იქნებ რაიმე გვეშველოს?”...

– თუ საზღვარგარეთ გააღწიე, შესაძლოა, არ გაგიმართლოს და თითქმის მონის მდგომარეობაში აღმოჩნდე: წაგართვან პასპორტი, რომ წასასვლელი არსად გქონდეს, ვერც იჩივლებ... თუ ახალგაზრდა ქალი ხარ, საროსკიპოში “დაგასაქმებენ”, თუ შუახნის ან შეუხედავი, მიხრწნილი ბებრის მოვლა მოგიწევს... თუ მშენებლობაზე ან ქარხანაში დაგასაქმებენ – თითქმის მუქთად მიიმე სამუშაოს შესრულება, უვარგისი საჭმლით კვება... არც – გართობა, არც – წესიერი დასვენება... მონური მდგომარეობა! ვერც ვერსად იჩივლებ!

ძარაში მყოფი ვიღაც ახალგაზრდა, თითქოს მათ საუბარს ისმენდაო, ამბობს:

– გამოუვადი მდგომარეობაში ვართ ჩავარდნილები, თორემ ვინ გიჟია, რატომ მიდიხარ, ჭირიმე, ხიფათთან საშიშ პაემანზე, დაეტიე სამშობლოში! თანაც აგერ, ჩვენი პრესის სასიქადლო ფლაგმანი გაზეთი “ალიონი” ამაყად გვაუწყებს – ახალი სამუშაო ადგილების შექმნის სამთავრობო პროგრამა წარმატებით ხორციელდება! ამ გაზეთში განცხადებაცაა გამოქვეყნებული; სანამ მთლად არ დაბნელებულა, წავიკითხავ და ვისაც შემოთავაზებული სამუშაო ხელს აძლევს, დროზე გადავიდეს მანქანიდან. მაშ ასე, მისმინეთ:

“ცხადდება მიმგან-ოფიციალის ორი ვაკანსია. აუცილებელი მოთხოვნები პრეგნდენგთა მიმართ: მამაკაცები და ქალბატონები ასაკით 28 წლამდე, მიმზიდველი გარეგნობის, სრულიად ჯანმრთელი, კომუნიკაბელური, მაღალი ანალიზური ნიჭით დაჯილდოებული, გუნდში მუშაობის უნარით, სასურველია ხუთწლიანი სამუშაო გამოცდილება ნებისმიერ სფეროში; აუცილებელია: ინგლისური, რუსული, ფრანგული და გერმანული ენების სრულყოფილი ცოდნა, უმაღლესი განათლება – მაგისტრის მეცნიერული ხარისხი (უპირატესობა მიენიჭებათ კეიმბრიჯის, ოქსფორდის, სტანფორდის უნივერსიტეტების, აგრეთვე – მასაჩუსეტის ტექნოლოგიური ინსტიტუტის კურსდამთავრებულებს), რამდენიმე კომპიუტერული პროგრამის ცოდნა.

მიაკითხეთ პარტია “ციფ-ციფი ლუდისა და ცხელ-ცხელი ხინკლების ჭემმარტივ გრფიალთა დემოკრატიული კავშირის” სათაო ოფისის რესტორან-სასადილოში 2009 წლის 25 მაისამდე”.

– სიხარულით მივაკითხავდი მმართველი პარტიის ოფისს, მაგრამ განცხადებას რომ ვადა გაუვიდა? – კითხულობს ვიღაცა. – ეტყობა, მაინც არაფერს მაღირსებდა იმ ბედნიერებას, რომ ვიღაც უცხოეთიდან ტურისტად ჩამობრძანებულ ჯიბესქელს ჩვენებური ეგზოტიკური კერძები და ღვინო მივართვა და თან თითქმის უაქცენტო ინგლისურით თავაზიანად აუხსნა, რომ ჩვენ მსოფლიოში ერთ-

ერთი უძველესი ცივილიზაციის მემკვიდრენი ვართ, უმდიდრესი მწერლობა და კულტურა გაგვანჩია და...

– და ახლა კი, ჩვენი ბრწყინვალე ხელისუფალთა ბრძნული მმართველობის მეოხებით, სულ მალე წერა-კითხვის მცოდნე სანთლით საძებნელი გვეყოლება, – აგრძელებს ვიღაც მესამე მხიარულად, – ან, უკეთეს შემთხვევაში, რესტორნის მენიუს წაკითხვას შეძლებს! იმასაც – ფრანგულად ან ინგლისურად!

თითები ერთმანეთს უზიარებენ საზარელი მომავლის შესაძლებლობას: ხომ არ აფეთქდებიან საზღვრის უკანონო გადაკვეთისას? ამბობენ, საზღვრის დამრღვევთა წინააღმდეგ საბრძოლველად, დაუწყიათ განსაკუთრებით “პოპულარული” მონაკვეთების დანადგვაც კი... მართალია, გამაფრთხილებელი წარწერებიცაა, მაგრამ ღამე მას ვინ წაიკითხავს? ჰოდა, უცებ – გაისმის გამაყრუებელი აფეთქების ხმა და აფრინდები ჰაერში!

– და ხუთ თითად დაგნაწილდებით? მერე ვინ შეაერთებს მათ? – შეშფოთებულია მარცხენა.

– ხომ იცი, მედიცინა ახლა სასწაულებს ახდენს: ჩაგვიტარებენ ქირურგიულ ოპერაციას; თუ სურვილი გექნება, თითებს დაგვიგრძელებენ, თითებს შორის აფსკებსაც ჩაგვიტარებენ და ფანტაზიურად გაიზრდება აპლიკატურის ამპლიტუდა: თავისუფლად ავიღებთ კლავიატურაზე დეციმას, უნდუციმას და დუოდეციმასაც კი! როგორ ტექნიკურად გამდიდრებულები დაგუბრუნდებით დიტმარ დომინორაულს და როგორ უზომოდ გავახარებთ!

– მაესტროს ტექნიკა არ აკლია! არა, ძმაო, ამითან ჩვენ საერთო გზა არ გვაქვს, სასწრაფოდ უნდა ჩამოვიდეთ მანქანიდან! საზღვარგარეთ რომც გავადწიოთ, მაინც დავიღუპებით: მარტოებმა რა უნდა ვქნათ იქ, ვის რაში დაგჭირდებით?

– არავის და არაფერში! დროზე ვუშველოთ თავს!

თითები ჩამოძვრნენ მანქანიდან და უკან გამოჰყვნენ გზას...

მოდინან, მოდიან, მობანცალებენ...

ბოლოს შეჩერდნენ, არაქათგამოცლილნი. და დაინახეს...

– ე, ბიჭო, იმ დიდი ნაძვის ძირში ქალი რომ წამოწოლილა დასასვენებლად, ხელავ? – ამბობს მარჯვენა.

– რა უნდა მარტოდმარტოს ამ შუაგულ ტყეში, ალი ხომ არ არის?

– არა, რა უგავს ალქაჯს, ჩვეულებრივი ქალი ჩანს.

– უნდა მოგვატყუოს, ვითომ სძინავს!

– შენ ყოველთვის რაღაც ცუდი უნდა იფიქრო! მოვიცადოთ და ღამე აქ ხომ არ დარჩება, გამოიღვიძებს და ნაღდად ან სოფელში დაბრუნდება, ან ქალაქში; უკან გავევით...

– ჯობს, ახლავე ჩავძვრეთ, გვერდზე რომ სოკოებით საგსე კალათი უდგას, იმაში, ძალიან დაღლილები ვართ, – უჩურჩულა მარცხენამ მარჯვენას.

– მართალი ხარ, ხომ იცი! თან ჩაცმულობაზე ვატყობ, უფრო ქალაქელი უნდა იყოს. აბა, ცქვიცად, სანამ თვალმილულული წვეს, მის კალათში მოგკალათდეთ!

მიუჩრჩნენ ფრთხილად ქალს, გადაბობდნენ კალათის კიდეზე და სოკოების სურნელმა გააბრუათ.

– დაილოცოს ის წუთი, როცა ამ უღრან ტყეში ამ ქალს გადავეყარეთ!

მისწი-მოსწიეს ბოხვერა დათვისსოკოები, ერთად ჩახუტებული კალმახასოკოები, არყისძირები და სხვანი და სხვანი, კოხტად მოყურდნენ გვერდიგვერდ და, ქალს რომ არაფერი შეემჩნია, სოკოებივე წაიფარეს ზევიდან.

კარგა ხანს მოუხდათ ცდა, სანამ ქალი წამოდგებოდა, “უი, არ დამაგვიანდესო”, – წამოიძახებდა და ფაცხაფუცხით ტყის ბილიკამდე სულ მიწაზე დაყრილი ხმელი ტოტების ლაწალწუთით და ჩამოცვნილი შარშანდელი ფოთლების შრიალით წავიდოდა. ბილიკზე გასული ქალი უკვე თითქმის სირბილით მიდიოდა, კალათი ირწეოდა და ჩვენს გმირებს ჯერ რომ გული შეუქანდებოდათ ხოლმე, თითქოს საქანელაზე იდგნენ, მერე შეეჩვივნენ და რიტმულმა რწევამ რულიც კი მოჰგვარათ.

ტყის განაკაფ მინდორზე რამდენიმე დიდი სატვირთო მანქანა იდგა, მსხვილ-მსხვილი ნაძვის მორებით დატვირთული. ეს მორები ქალაქს უნდა ჩაეტანათ, მერე კი საზღვარგარეთ გაეტანათ. ერთ-ერთი ასეთი მანქანის კაბინაში აძვრა კალათიანი ქალი, შოფერმა მანქანა დაქოქა და ნელ-ნელა გაგორდნენ კიდევ ტყის ოღროჩოღრო გზაზე.

დიღხანს მიყანყალებდნენ ქალი და კაცი, თან მღეროდნენ ხან მხიარულ, ხან ნაღვლიან სიმღერებს და კალათში მსხლმ ჩვენს გმირებს არ მოსწყენიათ. შემდეგ ხეირიან გზატკეცილზე გავიდნენ, ქალი და კაცი გახალისდნენ და სულ სიმღერ-სიმღერით ჩაადწიეს დედაქალაქამდე.

ქალაქის შესასვლელში მანქანების უზარმაზარ საცობში მოხვდნენ; თურმე დღეიდან გაერთიანებული ოპოზიციური ძალების საპროტესტო აქციების ახალი ეტაპი დაიწყო, – ყველა მაგისტრალური გზების ბლოკირება, – სანამ არ დამაყოფილდებოდა მათი მოთხოვნები: უმაქნისი პრეზიდენტის დაკავებული პოსტიდან დაუყონებლივი გადადგომა, ვადამდელი არჩევნების დანიშვნა და ქვეყნის ა-

ტორიტარული მმართველობის სისტემის შეცვლა ხალხის ნების გამომხატველი დემოკრატიული სისტემით ძალაუფლების ყველა – საკანონმდებლო, აღმასრულებელი და სასამართლო – შტოს დამოუკიდებლობითა და ურთიერთკონტროლით, ასევე, “მეოთხე ხელისუფლების”, – მასობრივი საკომუნიკაციო საშუალებების, – დამოუკიდებლობა და თავისუფალი ფუნქციონირება...

კარგა ხანს იდგა გაჩერებული ის მანქანა, რომელშიც ჩვენი გმირები მოხვდნენ; კალათის პატრონი ქალი უკვე წუხდა კიდევ, ემანდ სოკო არ გამიფუტღესო; საბედნიეროდ, თვით კალათში არ ჩაუხვდავს...

როგორც იქნა, მანქანების შეგუბებული ნაკადი ნელ-ნელა დაიძრა, მერე სიჩქარეს უმატა და ჩვენი გმირების მანქანა მალე შევიდა კიდევ ქალაქში, რომლის ქუჩებიც სავსე იყო განხარებული ადამიანებით – დიდ-პატარა ყვიროდა: “გავიმარჯვეთ, გავიმარჯვეთ!.. გაშა!”.

“ნეტა რა მოხდა?” – ცნობისმოყვარეობა ჰკლავდათ ჩვენს თითებს და ალბათ აინტერესებს მკითხველსაც, ამიტომ, უპირველესად, ვჩქარობ, სწორედ მისი ცნობისწადილი დავაკმაყოფილო.

თითებიანი მანქანა რომ ქალაქს შევიდა, უკვე ყველაფერი დამთავრებული იყო – ქუჩებში გამოსული უამრავი ხალხი საყოველთაო აღტაცებამ მოიცვა: ფრიდრიხ ვილჰელმ შატაბუტა-ტარულაშვილი ქვეყნიდან გაქცეულა!

როგორ და რანაირად მოხდა ეს მოვლენა?

წინა დღეს, მიუხედავად იმისა, რომ დედაქალაქში რამდენიმე ასეული ათასი ადგზნებული ადამიანის მძლავრი საპროტესტო აქცია მთელი დღე ბობოქრობდა ბატონ პრეზიდენტის დაუფრთხილებელი გადადგომის მოთხოვნით, საღამოს შატაბუტა-ტარულაშვილმა ჩვეულებას არ უღალატა, ან იქნებ დემონსტრაციულად სურდა, ყველასთვის ეჩვენებინა, რომ ქვეყანაში განსაკუთრებული არაფერი ხდება, – ეს აბუხარი ქიქილების უმწეო ბუჟილი ანარიში რა ჩასაგდებიაო, – და საპრეზიდენტო სასახლეში მთავრობის გაფართოებული სხდომა გამართა პარლამენტის ყველა კომიტეტისა და ქვეკომიტეტის თავმჯდომარეთა და მათ მოადგილეთა მონაწილეობით (“ჩვენ დემოკრატიის განუხრელი დაცვის მომხრენი ვართ და ხალხის რჩეულთა აზრი ჩვენთვის ფრიად მნიშვნელოვანია!”), რომელზეც განსახილველი მთავარი და ერთადერთი საკითხი იცით, რა იყო? ბატონ პრეზიდენტის ახალი, ბრწყინვალე, ჯერ არნახული, ისტორიული, ეპოქალური იდეის განხილვა: დედაქალაქის რკინიგზის სამგზავრო სადგურის ახალ ადგილას გადატანა – პარლამენტი შენობის ადგილას! შუა ქალაქში – ყველასთვის მოსახერხებელი იქნება მისასვლელად! პარლამენტი სადღა იმუშავებს? ეს არ წარმოადგენს პრობლემას, მისთვის ახალ შენობას ააგებენ – ყოფილი რკინიგზის სადგურის ადგილას! თუკი პარლამენტი რამდენიმე წლის განმავლობაში შენობის გარეშე დარჩება და მუშაობას ვერ შეძლებს, მით უკეთესი – ოპოზიცია ხომ ისედაც იძახის: “ეს ვაი-პარლამენტი არაფრის მაქნისია, არაფერს წყვეტს, მუქთამჭამელებით არის სავსეო”...

როგორც ვხედავთ, “კარუსელის” იდეა მხოლოდ საკადრო საკითხების გადაწყვეტისას არ გამოიყენება – ბატონ პრეზიდენტის უნივერსალური იდეაა!

დიდი დაგვიანებით, მინდა, ვიკითხო: “ბატონო სხდომის მონაწილენო! თქვენ ერთხმად, ტაშის გრიალით, მხარი დაუჭირეთ წინადადებას, რომ ჩვენი გენიოსი ბატონ პრეზიდენტის პროექტი სასწრაფოდ შევიდეს პარლამენტში განსახილველად და, ასევე, სასწრაფოდ დასამტკიცებლად; დარწმუნებული ვარ, იქაც ყველაფერი მშვენივრად, შეხმატკბილებულად ჩაივლიდა: ტაშის გრიალით და “ვაშას” შეძახილებით ერთხმად მიიღებდით სათანადო გადაწყვეტილებას – წინაღმდეგ ერთი პარლამენტარიც არ მისცემდა ხმას!.. მაგრამ უნდა გიკითხოთ, მთავრობის წევრებო და ძმანო პარლამენტარნო: მართალია, ზოგ თვეთაგანს ხიკალი კი უყვარს, თუმცა გასტრიტი აწუხებს და მისი მირთმევისგან თავს იკავებს, ლუდს კი ღვინო დიდად ურჩევნია, მაგრამ მმართველ პარტიაში “ციფ-ციფი ლუდისა და ცხელ-ცხელი ხინკლის ჭეშმარიტ ტრფიალთა დემოკრატიული კავშირის” წევრები განხილვით და მმართველ გუნდშიც მოხვდით, ჰოდა, მაინტერესებს: ყველანი ერთი ახირებული კაცის ყურმოჭრილი მონები ხართ თუ ყველანი ჭკუასუსტები? სხდომაზე ერთმა კაცმა მაინც როგორ არ თქვა, ამ სისულელეს მხარს ვერ დაუჭერო? თუმცა, ჩემი კითხვა რიტორიკულია: თქვენ მხარს დაუჭერთ პრეზიდენტის ნებისმიერ საკანონმდებლო ინიციატივას, სამაგიეროდ, ისედაც გაჭირვებული ქვეყნისთვის შეუსაბამო და უსაშველოდ გაბერილი ხელფასები მუდმივად გემატებათ, თქვენი ნათესავ-მეგობრების ბიზნეს-საქმიანობას ყოველმხრივ შეეწყობა ხელი: სახელმწიფო ორგანოებიდან სარფიან შეკვეთებს სწორედ ისინი მიიღებენ, სამინისტროების მიერ გამოცხადებულ ტენდერებსაც მხოლოდ ისინი მოიგებენ, პირობებისა და ნაკისრი მოვალეობების შესრულებას კი მკაცრად არაფერს მოსთხოვს...”.

აქვე ჩემს მოკრძალებულ შეხედულებასაც მოგახსენებთ: ფრიად მიმზიდველი იქნებოდა, იმავე სხდომაზე კიდევ ერთი, ახალი, გრანდიოზული პროექტის განხილვა, რომელიც გაითვალისწინებდა პრეზიდენტის კიდევ ერთი, ახალი, შესანიშნავი საპრეზიდენტო სასახლის მშენებლობას! ამჯერად – აეროპორტის გვერდით! ყველას მოგესხენებათ, ფრიდრიხ ვილჰელმ შატაბუტა-ტარულაშვილი ისედაც წელიწადში თითქმის სამასჯერ გაფრინდება ხოლმე საპრეზიდენტო თვითმფრინავით, ხან – სად და

ხან – სად, და უპრინაია, ბატონ პრეზიდენტს საუკეთესო პირობები შევუქმნათ ამ საქმეში – დაზოგავს ესოდენ ძვირფას დროს, აღარ დასჭირდება შორს წასვლა თვითმფრინავში ჩასაჯდომად, არც ქალაქის მაცხოვრებლები დაიტანჯებიან ქუჩების წინასწარი მრავალსაათიანი გადაკეტვით პრეზიდენტის ესკორტის შეუფერხებლად და უსაფრთხოდ გასატარებლად!

ღიახ, გაგაგრძელებ... მას შემდეგ, რაც ბატონმა პრეზიდენტმა მთავრობის სხდომა წარმატებით ჩაატარა და შემდგომ საგანგებოდ ტელეარხების ეთერში პირდაპირი ჩართვით მიღებული ფრიად მნიშვნელოვანი გადაწყვეტილება მაყურებელთა ფართო აუდიტორიას პირადად ახარა, შატაბუტამ დროსტარებისთვისაც მოიცალა და, გადაწყვეტილების ერთხმად მიღებით ფრიად კმაყოფილი, რესტორანს “შენ დაუკარ!” ეწვია! თუმცა, გემრიელი პურისჭამის შემდეგ, მას მოუწია სასახლეში რესტორნის უკანა გასასვლელიდან გაპარულიყო, რადგან საპარადო კართან შეკრებილი ახალგაზრდა ოპოზიციონერები ძალიან აგრესიულად იყვნენ განწყობილნი; მათ ხელში ეჭირათ უზარმაზარი ტრანსპარანტები წარწერით: “წადი!”, “მოგვშორდი!” და მისთანანი და მეგაფონებით გაჰყვიროდნენ: “გა-და-დე-ქი! გა-და-დე-ქი!”...

შინ მისული ბატონი პრეზიდენტი იმდენად შეშინებული და დაბნეული იყო, რომ მოსვენებას ვერ პოულობდა. ძილის წინ წყურვილით ფრიად შეწუხებულმა ფრიდრიხ ვილჰელმ შატაბუტა-ტარულაშვილმა (რა ჰქნას, როგორც არაერთხელ მოგახსენეთ, სანაქებო მადა უბოძა განგებამ – ყოველთვის შია და ყოველთვის სწყურია!) იმდენი ლუდი დალია, რომ ჩაეძინა; ამ დროს ჯადოსნური კათხა წაეჭკა, შემდეგ კი მთელი ღამე იქიდან უწყვეტლად ლუდი გადმოსჩქეფდა და გადმოსჩებდა, ასე რომ, დილისთვის მთელი პრეზიდენტის სასახლე დაიფარა: ცალკერძ – ლუდით და ცალკერძ – ქაფით!

ქაფით ჭერამდე გაივსო ბატონ პრეზიდენტის საძინებელი აპარტამენტებიც და ამიტომ მის ყურთასმენას ვერ მისწვდა საპრეზიდენტო რეზიდენციის გარშემო შეკრებილი რამდენიმე ასეული ათასი გამძვინვრებული მოქალაქის ერთხმად დაგუგუნებული: “გა-და-დე-ქი!... გა-და-დე-ქი!.. გა-და-დე-ქი!..”.

როცა მაშველებმა შეადწინეს საძინებელში, უპირველეს ყოვლისა, წაყირავებული ლუდის ჯადოსნური კათხა ნორმალურ მდგომარეობას დაუბრუნეს; ქაფი თანდათან დაწდა და ნახევრადგაუღული ბატონი პრეზიდენტის ყურს მისი სმენისთვის ესოდენ სალბუნი ხმები, როგორც იქნა, მიწვდა... მიწვდა და ფრიად გაახარა!

მისმა უმადლესობამ (მე დავამატებდი: მისმა უქაფესობამ, ან მისმა ულუდესობამ, ან ორივე წოდება ერთად – მისმა ულუდეს-უქაფესობამ), ბატონმა პრეზიდენტმა ფრიდრიხ ვილჰელმ შატაბუტა-ტარულაშვილმა ჯერ ქაფქაფა ლუდით საგსე კათხა გამოსცალა, შემდეგ კი ერთ წუთსა და ოცდათექვსმეტ წამში გააშანშალა დაკავებული თანამდებობიდან გადადგომის ოფიციალური ქაღალდი და მაშინვე საიდუმლო გვირაბში დურთა თავი... იქიდან გაძრომის შემდეგ მიაშურა ქალაგარეთ მდებარე პატარა აეროდრომს, სადაც მას უკვე ასაფრენად გამზადებული საპრეზიდენტო შვეულმფრენი ელოდებოდა.

სანდო წყაროების ცნობით, შვეულმფრენისკენ მიმსწრაფი ნაპრეზიდენტალის თავი დილის მზის მხიარულ სხივებზე ბილიარდის ბურთივით ბრწყინავდა და ბედის მოულოდნელი დარტყმით ქვეყნის ბორცს გადადმა ბილიარდის ბურთივით გადაგარდნილი ფრიდრიხ ვილჰელმ შატაბუტა-ტარულაშვილი ისე სწრაფად გარბოდა, რომ თავზე ხელის დაფარების თავი სად ჰქონდა! დიდებული პარიზული პარიკის ბედი როგორ წარიმართა, ვერაფერს მოგახსენებთ; ვფიქრობ, ქაფით ნახევრად გაგუდულ პრეზიდენტს მისი თავზე გაკეთება-მორგების თავი არ ჰქონდა, რასაც ყოველ დილით ასრულებდა ხოლმე, ან, თუ მაინც სურდა, პარიკით დაემშვენებინა თავი, რაც ნაკლებ სავარაუდოა, მისი უძვირფასესი პერსონის გადარჩენის იმ ორომტრიალში პარიკს ვეღარ მიაკვლია... ეჰ, რომელ სანაგვეს ამშვენებს შატაბუტას ოფლისა და ლუდის სურნელით გაჟღენთილი მეუფის დიდებული პარიკი?! იქნებ ყვავმა ან კაჭკაჭმა მაინც წააცუნცუნა – ბუდეში უკეთეს რბილ საფენს ვერც ინატრებს!

რაც შეეხება ლუდის ჯადოსნურ კათხას, მისი დღევანდელი ადგილსამყოფელი ფართო საზოგადოებრიობისთვის ასევე უცნობია; ერთთა შეხედულებით, ის პრეზიდენტის გადარჩენის ოპერაციის ჩატარებას შეეწირა – გატყდა, მეორენი ვარაუდობენ, რომ ის საზღვარგარეთ გაქცეულმა შატაბუტა-ტარულაშვილმა თან წაიყოლა. თუ ეს უკანასკნელი ვარაუდი სინამდვილეს შეეფერება, ღმერთმა მშვიდობაში მოახმაროს! ლუდის ქარხნის გახსნასაც წინ არაფერი დაუდგება, გვარიან მოგებასაც ნახავს – მისი სანაქებო მაღის დასაკმაყოფილებლად არც ჭამა-ყლაპვის პრობლემა შეექმნება... ერთი რამ კი მაინც მაღარდება, ხომ იცი: ბატონი ნაპრეზიდენტალი სულ ჭამა-სმაზე ფიქრობს, ჰოდა, მსოფლიოში საუკეთესო ბავარიულ ლუდს რა შეედრება, მაგრამ სად იშოვნის იქ – გენური ინჟინერიით შექმნილი ხორცპროდუქტების სამეფოში – მოთუხთუხე ქვაბიდან ლანარზე ახალამოყრილ ჩვენებურ ხინკალს ან კოწახურ თუ ხახემოყრილ ცვრიან მწვადს? არადა, არა მგონია, ჩვენთან ხინკლის სწრაფად ჭამაში საერთაშორისო შეჯიბრი ჩაატარონ და მისი უმადლესობა არამცთუ საპატრიო სტუმრის სტატუსით, რიგით მონაწილედ მაინც მიიწვიონ! (მართალი მოგახსენო, ამგვარი შე-

ჯიბრები ჭამა-სმაში, რომელიც მრავალ ქვეყანაში ტარდება, საკმაოდ უაზროდ და სულელურადაც კი მეჩვენება!).

ლუდის მოყვარულებს საიდუმლოდ მოგახსენებთ: ჯადოსნური ლუდის კათხის შემდგომი ბედი ჩემთვის ცნობილია! ახლა მეტს ვერაფერს ვიტყვი, რადგან ჯადოსნური კათხის დაუფლებებისთვის ინტრიგები, და ხშირად – ბრძოლაც კი, თუ რომანის არა, ავანტიურული მოთხრობის თემად მაინც გამოდგება და შესაძლოა, შემდგომ ცალკე მოგითხროთ...

კარი XV.

ყველაფერი კეთილად დასრულდა!
(Fanfari!.. ფანფარები!..)

მრავალჭირნახადი თითები ახლებურად უკრავენ...
(Alla testa, დაბრუნება სათავესთან)

ახლა დროა, დავუბრუნდეთ ჩვენი თითების მოგზაურობის ამბავს, ის როგორღა დამთავრდა? როცა ქალი თავის სახლთან კალათიანად ჩამობრძანდა, ქმარს უთხრა:

- რატომ არ გადმოდიხარ? ახლავე მოგიმზადებ სოკოს შეჭამანდს კარტოფილთან და სტაფილოსთან ერთად, შენ რომ ასე გიყვარს, ან მოვხარშავ და მეჩვე ყრბოში შეგიწვავ ხახვთან ერთად...
- არა, მეჩქარება, ამ დამეს კიდევ ერთი რეისი მელის, სულ სხვა მხარეს... მაღე მოვალ, დაღამებამდე მორეებში სამალავის მოწყობა უნდა მოვასწრო.
- წამოგყვები! მეც მინდა, უცხოეთი მოვინახულო!
- არა, დამთარსავ! ისედაც წინა რეისზე ერთი გოგო გარდაიცვალა – თურმე ასთმა ჰქონია და შეტევა მოუვიდა... ძლივს გადავრჩი.
- ყველა მიგყავს და ერთხელ მეც წამიყვანე!
- საროსკიპოში დაგტოვო? – ეხუმრება ქმარი. – ანდა მიხრწნილი დედაბრის, ან ბავშვების მომვლელად? საკუთარ შვილს ვის უტოვებ?
- დღეს რამდენი მიგყავს? – ჰკითხა ცოლმა.
- სამი! აღარ მინდოდა, ამ საქმეს თავს ვანებებ, ძალიან საშიში გახდა, მაგრამ ნაცნობები არიან და უარი ვეღარ ვუთხარი.
- ვინ არიან?
- ჰილდე, გიზელა და გრეთჰენ...
- გრეთჰენ? ვის რად უნდა ასეთი ჯოჯო?
- გადიასთვის რა უჭირს, საროსკიპოშიც არ დაიწუნებენ.
- რას ამბობ, შესახედავად ეშმაკის მოციქულს ჰგავს.
- კონტრასტისთვის დასვამენ სტუმრების მისაღებში – მასთან შედარებით შეუხედავი ქალიც მზეთუნახავად მოგეჩვენება.
- შენ საიდან იცი? – უცებ გაანჩხლდა ცოლი. – საროსკიპოებში დაეთრევი? ფეხი აღარსად გააღდა!
- აბა, მხოლოდ ჩემი ჯამაგირი გვეყოფა?
- მაშინ შინ ნუღარ მოხვალ, გზა დამილოცინა!

გაანჩხლებული ქალი შინ შევიდა და კალათი სამზარეულოში გაიტანა.

- ჩხუბი და დავიღარაბა გვაკლია კიდევ ჩვენ? – თქვა მარცხენამ. – აქედანაც დროზე ხომ არ მოვცოცხლოთ?

ხელის მტევნები უცებ შრუოლამ აიტანა: მეზობელ ოთახში ვიდაც პიანოფორტზე უკრავდა – საკმაოდ უდიდამოდ უკაკუნებდა კლავიშებს, ხშირად ეშლებოდა, ჩერდებოდა და ისევ აგრძელებდა ბორძიკ-ბორძიკით. მიუხედავად ამისა, ჩვენს გმირებს როგორ აუჩქროლდათ გული და აუფორიაქდათ სული, რა ტკბილ მოგონებებში ჩაიძირნენ!.. თურმე, იმდენად მონატრებოდათ პიანოფორტეს ბეგრების მოსმენა, რომ ქალის პატარა ბიჭის უხეირო დაკვრაც კი ფრიად სიამოვნებდათ!

ბიჭი კი ისევ და ისევ ცოდვილობდა; რომ არაფერი გამოუვიდა, გული ვეღარ დაუდო და ეხოში გავიდა სათამაშოდ.

თითები ჩუმიად ამოძვრნენ კალათიდან და დროულადაც – ცოტა ხანში ქალმა დათვისსოკოები, დუმასოკოები, არყისძირები და ყველა დანარჩენიც დიდ ტაშტზე გადმოყარა გასარჩევ-დასარეცხად. ამასობაში მარჯვენა და მარცხენა ხელის მტევნები შეიპარნენ ბიჭის სამეცადინო ოთახში და გაოგნებულნი გაშეშდნენ: ადრე რამდენჯერ არიან ნამყოფნი ამ ოთახში, აქ ყველაფერი რარეგ ნაცნობია მათთვის! ამ ძველთაძველი პიანოფორტეს გაყვითლებულ კლავიშებზეც ბევრჯერ უგლიათ და ურბე-

ნიათ, აქეთ-იქეთ რომ სპილენძის შანდლები აქვს მიმაგრებული – ეს ინსტრუმენტი ალბათ ასზე მეტი წლისაა! ბოლო გაჭირვებულ წლებში მაესტრო დიტმარ დომინორაული ამეცადინებდა ამ ბიჭს და საზღაურად ყოველი გაკვეთილის შემდეგ დიასახლისის მიერ ახალგამომცხვარი ერთი პური მიჰქონდა შინ...

– ნეტა რასა იქმს ჩვენი მაესტრო, აქედან წადებული ის ერთი პურიც ხომ არ ენატრება? – წამოიძახა მარჯვენამ. – ოჰ, როგორი სურნელი ასდიოდა შინ გამომცხვარ იმ პურებს!

– ჩვენი სახლი არ ენატრება? ჩვენი მაესტროს ცოლი, როგორ ბავშვივით უვლიდა დიტმარ დომინორაულს!

– ცოლს კი ეალერსებოდა, კარგად გვახსოვს, მაგრამ ბავშვები რომ არ იყოლიეს, ეს დიდი ცოდვაა! თუ თვითონ ვერ მიაღწია მსოფლიო საშემსრულებლო მწვერვალს, მის შვილს მაინც გამოზრდიდა!

– ვერაფერსაც ვერ მიაღწევდა, შეხედე, ამ ბიჭს მისი ხელისა არაფერი ეტყობა!

პიანოფორტეს პიუპიტრზე დადებულ ნოტებთან მიცვივდნენ – აინტერესებდათ, რა ნაწარმოებს უკრავდა ბიჭი. გაუკვირდათ, ასეთ მარტივ ეტიუდს ვერ მოერია?

ორივე მტყენის თითებმა ფრთხილად გაიარ-გამოიარეს კლავიშებზე, აახმიანეს საკრავი და ყოველ ბეერასთან ერთად მათში მატულობდა ადგზნება; შინაგანი დაძაბულობა და შიში გაუქრათ, აღმაფრენის ზვირთმა მადლა წარიტაცათ და სახელგანთქმული კომპოზიტორის პოპულარული რომანტიკული საპიანოფორტე ციკლის ინტროდუქცია დაუკრეს, რომლის დასრულებაც კონცერტზე არ დანაცალდათ; შემდეგ რაღა გააჩერებდათ და გააგრძელეს...

– კარგად გაგავარჯიშეთ თითები!

– არ დაგვიკარგავს ღონე და მოქნილობა!

– რაც ჩვენ ვიბოდიადეთ, კიდევ მოგვემატა ძალა და ენერჯია!

გაწაფული თითებისთვის ტექნიკური სიმძლე არ არსებობდა, მაგრამ, როცა დაკვრა დაიწყო, თავიდან ერთგვარი უხერხულობა იგრძნეს: არა მხოლოდ იმიტომ, რომ ჩვეულ საქმიანობას დიდი ხნის განმავლობაში მოწყვეტილი იყვნენ და არც იმის გამო, რომ თითები ოღრწოღრწოზე სიარულისგან გაუხეშდათ, კოჭრები გასწენოდან, კანც ალაგ გადაქლეთოდან, უფრო – უზომოდ წამოზრდილი ფრჩხილების გამო, რომლის კიდებებიც მიწაზე ხეტილისას დასტყდომოდან, უსწორმასწორო და ალაგ-ალაგ დამსკდარიც გამხდარიყო... არც არის გასაკვირი: როგორ უვარვის გზებზე და სულაც უგზობაზეც მოუხდათ ხეტიალი! მაგრამ, სამაგიეროდ, თითებს მოქნილობა და სიძლიერე კიდევადც მომატებოდათ; ამასთანავე, მოგზაურობისას გადატანილი შთაბეჭდილებები მკაფიოდ აისახა დაკვრის ემოციური განწყობის სიმდიდრეში: აღრინდელ თავისუფლებასა და ვირტუოზულ გაქანებასთან ერთად მათ დაკვრას ახლა მსჭვალავდა ნათელი ჰარმონიულობა, “მღერადი” პეიზაჟირობა, რომელიც მსმენელს სულიან-ხორციანად ფლავდა უშფოთველობაში, მჭკრეტელობაში, ბუნების იდუმალებასთან ზიარებაში, რბილ პასტორალურობაში; ხან აჩქარდებოდნენ თითები, ზღაპრულ-ფანტაზიურ სტიქიონს გაგრძობინებდნენ, თითქოს მადლა-მადლა მიფრინავდი ღრუბლებში და იქიდან უყურებდი ქვეყნიერებას; ხანაც პათეტიკური სახეიმო განწყობა და თავისუფლებისკენ წრაფვა აბორგდებოდა ბეერებში...

ქალი გახარებული შემოვარდა ოთახში – რა კარგად უკრავს ჩემი შვილიო, დღეს მის საყვარელ სოკოიან ღვეხელებს გამოვუცხობ უეჭველდო. ბიჭსაც ცნობისმოყვარეობამ და თან შიშმა დაატოვებინა ეზოში მეგობრებთან თამაში და შემოიყვანა პიანოფორტესთან – ეგონა, ჩემი მასწავლებელი, დიტმარ დომინორაული მოსულაო, ნეტა თავისი გაქცეული ხელები როგორ დაიბრუნაო.

და რა იხილეს დედა-შვილმა?

პიანოფორტეს კლავიშებზე დანავარდობდნენ მარჯვენა და მარცხენა ხელის მტყენები – აქეთ და იქით, იქით და აქეთ, მაგრამ მაინც სულ წინ და წინ: გარბოდნენ თითები ჯერ უცნობისკენ, იქნებ – მიუღწეველი ოცნებისკენ, იქნებ – მიუწვდომელი მშვენიერებისკენ...

უეჭველი იყო, რომ ეს ხელები დიტმარ დომინორაულის საკუთრება იყო – მთელ ქალაქში გახმაურდა პიანისტის ბოლო კონცერტზე მომხდარი ამბავი და ძებნაც იყო გამოცხადებული გაქცეულებისა, სათანადო ჯილდოც დაწესებული თავხეთა დაჭერისთვის, თუმცა – აქამდე ამოდ...

– გაიქეცი ბატონ მასწავლებელთან, უთხარი, თქვენი ხელის მტყენები აღმოვაჩინეთ-თქო! – კარისკენ უბიძგა შვილს ქალმა. – მაღე დაბრუნდი, მანამდე მე კარს დაგკეტავ და ფანჯრებს მოვხურავ!

ოთახი კი ისევ და ისევ ივსებოდა პიანოფორტედან გადმოდგრილი ბეერების ნიადვრით... ცნობილ რომანტიკულ ნაწარმოებს თითები სულ სხვანაირად ასრულებდნენ, ვიდრე მაესტრო დიტმარ დომინორაული (რა თქმა უნდა, ამას ვერ შეამჩნევდნენ ვერც ბიჭი და, მით უმეტეს, ვერც ქალი). მაესტრო დიტმარ დომინორაულის დაკვრას აკლდა ის გზნება, ღრამატიზმი, გაბედული შთაგონება – “ცეცხლი” – სწრაფ პასაჟებში, მასთან კონტრასტულად დაპირისპირებულ ნელ ადგილებში კი – დახვეწილი, ფაქიზი, მაქმიანისებრი სინაზე და სინარნარე... ამასთანავე, თითების შესრულებაში ინ-

ტენსიური მელოდიური განვითარება, მრავალფეროვნება და სიმდიდრე ერთიანი, რელიეფურად ცხადი და შთამბეჭდავი მთლიანობის შექმნას ემსახურებოდა. კარგა ხნის განმავლობაში ხეტიალისას გადატანილი ჭირ-ვარამი თუ სიხარული მკაფიოდ გამოვლინდა მათ დაკვრაში: მიწიერ ვნებებში და ამ ვნებებზე ამადლებაში და ბუნებასთან შერწყმაში, დაძაბულობასა და მოლოდინში, ემოციურ გამოძახილში და სულიერ განწმენდაში... თითები ხან ცეკვავენ, ხან ქარბორბალას და მეხთატეხას ეჯიბრებოდნენ; ხან ტყის სიჩუმეს და იდუმალებას უგდებდნენ ყურს, ხან ლურჯი ღამისა თუ მზის სხივებით ოქროსფრად განბანილი დღის ცქერით ტკბებოდნენ...

როცა მარჯვენა და მარცხენა ხელის მტევნები, უკვე მაესტრო დიტმარ დომინორაულთან შერწყმულნი, შინ დაბრუნდნენ, მათ შორის ასეთი საუბარი გაიმართა.

მარცხენა:

– რა კარგია! თვალბრიალა მზე სულ იცინის: “პატიოსან სიტყვას ვიძლევი, ამინდი კარგა ხანს იქნება დგოვიური, არც ძალიან ცხელი და არც მომაბეზრებელი წვიმები აგიფურტკნიან სულსო”... ნათელი დღეები უკვე ჩორთით მინანობენ, მხოლოდ ზოგჯერ – მრავალფეროვნებისთვის! – მონოტონური მაჟორული *Andante* უნდა უცებ მინორული წვიმიანი *Allegro*-თი შეცვალა, რომელშიც შიგადაშიგ ჭექა-ქუხილის მგვრგვინავი *Presto*-ც გამოერევა!”. რა თქმა უნდა, ასეც იქნება – მისი ბრწყინვალეობა სიტყვის კაცია!

მარჯვენა:

– აი, დაგბრუნდით – ასეთ ნაცნობ და თითქოს შეცვლილ და უცნობ ქალაქში... იგივე, მაგრამ რაღაცით თითქოს სხვა ხალხი დაღის ქუჩებში: ნათელი, უდარდელი სახეები, მხიარული საუბარი... თითქოს ისმის ძველებური, დავიწყებული და ამჟამად კი გახსენებული: უწყინარი ოხუნჯობა, წყნარი სიცილის *Arpeggio*...

და ამ საოცარი ფერისცვალების მიზეზი იყო არა მხოლოდ დროის მდინარეობა – მათი ქალაქს ხანგრძლივი დაშორება და მოგზაურობა... თურმე ქვეყანაში ძირფესვიანად შეიცვალა პოლიტიკური მდგომარეობაც! მისი უდიდებულესობა, ბატონი პრეზიდენტი ფრიდრიხ ვილჰელმ შატაბუტა-ტარუდაშიელი საზღვარგარეთ საჩქაროდ წაბრძანებულა!.. ამჯერად – საკუთარი სურვილის გარეშე! და, რამდენადაც ცნობილი გახდა, უკან დაბრუნებასაც აღარ აპირებს!..

მარცხენა:

– ახლა საზღვარგარეთ აავიშებს ხალხს თავისი ხუმტურებით!

– არაფერი შეგეშალოს! აქ გასდიოდა და იმიტომ გადადიოდა ყირას, ყველას თავში ურტყმდა და ხმის გამცემი არავინ იყო, ზოგიერთი ოპოზიციონერის გარდა, მაგრამ მათ სიტყვას რა ძალა ჰქონდა? პრეზიდენტყოფილი რომ ეპატიუებოდა ოპოზიციის ლიდერებს: დიადლოგს გთავაზობთ, მობრძანდით, შეგხვდეთ, ყველა სადავო თუ საჭირბოროტო მწვავე საკითხი ერთობლივად გადავწყვიტოთო, ჰოდა, კარგა ხანს აყურყურა ჩვენი ძვირფასი ოპოზიციონერები, მთელი ერთი საათით დაავინანა მიბრძანება, ეს მათი აბუჩად აგდება არ იყო?

– მე რომ ვყოფილიყავი, წამოვიდოდი! – ამბობს მარცხენა.

– მე კი საერთოდ არ მივიდოდი! როგორ აგდებთ ელაპარაკებოდა მიწვეულებს, ან რა მართლაც სასაცილო რამ შესთავაზა: მთავრობაში მეორეხარისხოვან პოსტებს დაგიტომბოთო, უფრო – გიბოძებოთ... დათანხმდებოდნენ – თავი მოეჭრებოდათ ხალხში, არ დათანხმდნენ და – შატაბუტა რიხით გამოაცხადებს: “აი, ჩვენ როგორი კონსტრუქციულები ვართ, სერიოზულ დათმობაზე წავედით ოპოზიციის მოთხოვნებთან, ისინი კი როგორი შეურთებელნი არიან, მათთან ნორმალური ენით საუბარი შეუძლებელია!”. სიტყვით ოპოზიციასთან თანამშრომლობისთვის მზადყოფნას გამოხატავს, შესარიგებლად ვითომ ხელს უწვდის – დავივიწყეთ აქამდე რაც იყო, ამიერიდან ჩვენი ურთიერთობა თეთრი ფურცლიდან დავიწყეთო, საქმით კი იგივე ოპოზიციის აქტივისტებს “სიკვდილის ბრიგადები” უსაფრდებდა და სასტიკად ცემს, პოლიცია – უსაფუძვლოდ იჭერს, უდებს იარაღს ან ნარკოზულ ნივთიერებას და მორჩილი მოსამართლეებიც მათთვის მკაცრ სასჯელებს არ იშურებენ... საზღვარგარეთ კი, დარწმუნებული ვარ, შატაბუტა სულ ჩირგვებში იჯდება, გასუსული! რატომ გაქცა ჩვენი სასიქადულო და საყვარელი პრეზიდენტი, ხომ იცი?

– ბავარიული ლუდი მოენატრა!

– არა, სწორედ ბავარიული ლუდი ჰქონდა თავზე საყრელად, უფრო სწორედ – თავზე დასასხმელად და აბაზანაში საცურადაც კი... იფიქრა: “ჩემი საყვარელი პარიკის მეოთხედ მოტაცებას ვეღარ გადავიტან, საზღვარგარეთ უსაფრთხოდ ვიქნებიო”.

– მაშ, შენი მტკიცებით, ჩვენც მიგვიძღვის ერთგვარი წვლილი მის გაქცევაში?

– აბა რა! მაგის ადგილსამყოფელი არ დაიმალება, იქაც ხომ არ ვესტუმროთ? იქაც გავახაროთ! მით უმეტეს, ახალი პარიკის საშოვნელად აღარ დასჭირდება შორს გამგზავრება! – ხუმრობას არ იშლიდა მარჯვენა.

– არა, ძმაო, ეყოფა, რაც ჭირი თავს გადახდა, ცოლო, შევეშვათ, თანაც იქ მრავალი სასიქადულო საქმე ელის, უპირველესად კი – ჭამა-ყლაპვა-სმის კონკურსებში წარმატებით მოღვაწეობა; სხვა

რა საქმე ექნება, ეკეთი გაუნათლებელი და ყოყლოზინა სამუშაოდ იქ არავინ მიიწვევს! ეჭვი არ მეპარება, რომ ბატონი ფრიდრიხ ვილჰელმ შატაბუტა-ტარულაშვილი არ შეირცხვენს თავს და ამ შეჯიბრებების ორ ნომინაციაში მაინც დიდი უპირატესობით გაიმარჯვებს ხოლმე; პირველი: ერთ წუთში ვინ მეტ ჰოთ დოგს გადასანსლავს და მეორე: ერთ წუთში ვინ მეტ კათხა ლულს გამოყლურწავს!

– სამწუხაროდ, იქ ხინკლის სწრაფ ჭამაში არ ეწყობა შეჯიბრებები – იქაც წარმოჩნდებოდა შატაბუტას უბადლო ნიჭი!

– სამაგიეროდ, უამრავ სხვა მსგავს შეჯიბრში შეიძლება გაიბრწყინოს მისმა ხალასმა ნიჭმა! ბატონ პრეზიდენტყოფილის ბრტყელ-ბრტყელი ლაპარაკი და დემაგოგიური დაპირებები მხოლოდ აქ ფასობდა ზოგიერთ ყვეყნთა თვალში; სხვა არაფერი შეუძლია და მემუარების წერას რომ მიჰყოს ხელი, ვის რად უნდა მისი ნაცოდვილარი – ბარონ მიუნხაუზენის თავგადასავალი უკვე დაწერილია!

– მოგონებებს თუ არ დაწერს, მისი ცხოვრებისეული გზა ავანტიურული ფილმის გადასაღებად მაინც გამოდგება. ხმები მოდის, – რაღა ხმები, თურმე მთელი ევროპული ჟურნალ-გაზეთები გადაჭრელებულია წერილებით, რომლებშიც დაწვრილებით არის მოთხრობილი, რომ აპირებენ მხატვრული კინოფილმის გადაღებას შატაბუტას სწორუპოვარი მოღვაწეობისა და არაჩვეულებრივი ფათერაკების შესახებ... პრეზიდენტყოფილი მთავარი გმირი იქნება!.. მაგარი კიდევ ის არის, რომ ამ როლის შემსრულებელი თვით იქნება, საკუთარ თავს განასახიერებს! როგორ მოგწონს?

– სწორია, მაგ თაღლითის როლს სხვა უკეთ ვერ ითამაშებს, დიდებულად გამოუვა: თამაში და მამაძაღლობა სისხლში აქვს, მისი ბუნებრივი, თანდაყოლილი თვისებაა, როგორც ყვავისთვის – ყრანტალი!

– შატაბუტა ისეთი ცომისგან არის გამომცხვარი, არსად დაიკარგება; დარწმუნებული ვარ, იმ კინოფილმშიც ვერ მოიშლის მრუდე გზით სიარულს, საკუთარი თავის ლამაზად წარმოსაჩენად იქაც ტყუილებს დაახვავებს, ხალხს თვალეში ნაცარს შეაყრის...

– ჩვენ სულ სხვაგვარი ძაფით ვართ შეკერილი, მაგრამ ჩვენც მაგრები ვართ – მრავალ ხიფათსა თუ განსაცდელს გადავურჩით და არ დავიკარგეთ!

– ჩვენს თავგადასავალზეც შეიძლება კინოფილმის გადაღება!

– რამდენიმესიც – გაგრძელებებით...

და რატომღაც მარცხენა სევდამ შეიპყრო – სურვილი გაუჩნდა თავისუფალი ცხოვრებისა...

– ხეტიალის გაგრძელება მომინდა! – შესჩივლა ძმას, თანაც ჩუჩულით, რომ ბატონ დიტმარ დომინორაულს არ გაეგონა. – კიდევ როდის გავიპართ?

– რას ამბობ?.. – გაუკვირდა მარჯვენას. – კარგი, რამდენიმე დღე მოითმინე კონცერტამდე, მაშინ საკმარისად მოგიწევს კლავიშებზე ხეტიალი, ახლა დაისვენე. ჰო, მართლა, არ გიკვირს, რომ დიტმარ დომინორაულმა მისი ბრილიანტის ბეჭედი არ მოისაკლისა? ალბათ ისე გაუხარდა ჩვენი დაბრუნება, რომ ის ბეჭედი არც გახსენებია... სულ მინდოდა მეკითხა: რა უყავი?..

როგორც იქნა, დაგასრულე მოხეტიალე თითების საოცარი თავგადასავლის თხრობა და უკანასკნელი აკორდებილა დამრჩა:

დიტმარ დომინორაულის სოლო კონცერტი მხოლოდ სამი თვის შემდეგ გაიმართა: დრო იყო საჭირო თითების გამოსაჯანმრთელებლად, კოჟრების გასაქრობად და სრულფასოვნად სავარჯიშოდ. კონცერტზე კი მარცხენასაც და მარჯვენასაც დიდი ჯაფა დაადგათ – მოუხდათ კლავიშებზე ხტომაც, ხტუნვაც, ცეკვაც, სიმღერაც, ერთმანეთთან შეჯიბრიც და გადაახილიც, განდგომა-დაპირისპირებაც და თანხმობით გზის გაგრძელებაც...

ბრილიანტის კი არა, უბრალო ბეჭედიც არ ეკეთა არც მარჯვენას და არც მარცხენას, სამაგიეროდ, ადრინდელზე ბევრად უკეთ უკრავდნენ...

დიახ, ყველაზე უცნაური კი ამ მართალ ამბავში, იცით, რა იყო? როგორ დაუკრეს მრავალჭირ-გადანახადმა თითებმა – წინანდელისგან ფრიად განსხვავებულად... და არც არის გასაკვირი – ორი-ოდე თვეში რამდენი რამ გადაიტანეს!

ამჯერად მაესტრო დიტმარ დომინორაულის შესრულებაში აშკარად გამოიკვეთა ახლებური მიდგომა, თითქოს სხვა პიანისტი უკრავდა – უფრო მგრძობიარე, უფრო დახვეწილი...

დარბაზში მსხდომნი ესტრადიდან გადმოღვრილ ბეჭეებში გრძობდნენ ტყის ნაზი იის სურნელსაც, მხიარული ნაკადულის ლიკლიკსაც, ხეთა ფოთლების ჩურჩულსაც, მიმქროლავი ფთილა ღრუბლების მზით აფერადებული გვერდების არეკვლას მდინარის მოლივლივე ზედაპირზე, ყიჟინით ამოფრენილ სიხარულსაც მგრძობიარე გულისა და კაემნის ღურჯ ჩრდილსაც...